




The image shows a close-up of a marbled paper pattern. The pattern consists of numerous overlapping, concentric circles and irregular shapes. The primary colors are a muted blue-grey, a deep red, and a golden-yellow. These colors are layered and blended together, creating a complex, organic texture. The overall effect is reminiscent of a microscopic view of a mineral or a biological tissue. The pattern is dense and covers the entire surface of the book cover.

Ex Libris  
JOHN LANDWEHR  
Voorschoten



2 vols

170



2

LES CENT  
NOUVELLES  
NOUVELLES.

SUIVENT LES CENT NOUVELLES  
CONTENANT.

Les Cent Histoires Nouveaux,  
Qui sont moult plaisans a raconter,

En toutes bonnes Compagnies;  
PAR MANIERE DE JOYEUSETE'.

*Avec d'excellentes Figures en Taille-douce,  
Graveés sur les desseins du fameux Mr.  
ROMAIN DE HOOGE.*

TOME SECOND.



A COLOGNE.

Chez PIERRE GAILLARD,

---

M. DCCI.

2

1847/1848  
LEVEL TIAPI

[Faint, illegible text, possibly bleed-through from the reverse side of the page]

T A B L E  
DES CENT  
NOUVELLES  
NOUVELLES

Du II. Tome.

*Les Piores payées.*

46. **N**ouuelle racontée par Monseigneur de Thianges d'un Jacopin et de la nonnain qui s'étoient boutés en un preau pour faire armes a plaisir dessous un poirier ou s'étoit caché un qui sçauoit leur fait tout a propos qui leur rompit leur fait pour cette heure comme plus a plain vous oyés cy après déclarer. I

*Les Deux Mules noyées.*

47. Nouvelle par Monseigneur de la Roche d'un president sçachant la deshoneste vie de sa femme la fit noyer par sa  
\* 2 mule

## T A B L E.

mule laquelle il fit tenir de boire par l'espace de 8. jours pendant ce temps luy faisoit bailler du sel a manger comme il vous sera recordé plus a plain. 8

### *La Bouche honnete.*

48. Nouvelle racontée par Monseigneur de la Roche de celle qui ne vouloit souffrir qu'on la baisast; mais bien vouloit qu'on luy remboura son bas, et habandonnoit tous ses membres fors la bouche et de la raison qu'elle y mettoit. 14

### *Le Cul d'Ecarlatte.*

49. Nouvelle racontée par Pierre Dauid, de celuy qui vit sa femme avec vn homme auquel elle donnoit tout son corps entierement excepté son derriere qu'elle laissoit a son mary lequel la fit habiller present ses amis d'une robe de bureau et fit mettre sur son derriere vne belle piece d'escarlatte, et ainsi la laissa deuant tous ses amis. 19

# T A B L E.

## *Change pour Change.*

50. Nouvelle racontée et dite par Antoine de la Salle d'un pere qui voulut tuër son fils pource que il a voulu monter sur sa mere grand et de la responce dudit fils. 27

## *Les vrais Peres.*

51. Nouvelle dite et racontée par l'acteur de la femme qui departoit ses enfans au lit de la mort en l'absence de son mary qui siens les tenoit, et comme vn des plus petits en auertit son pere. 31

## *Les Trois Monumens.*

52. Nouvelle racontée par Monseigneur de la Roche de trois enseignemens qu'un pere bailla a son fils luy étant au lit de la mort lesquels ledit fils mit en auant et en effet tout au contraire de ce qu'il luy auoit enseigné. Et comment il se délia d'une jeune fille qu'il auoit épousé pource qu'il la vit coucher avec le prêtre de la maison la premiere nuit de ses nopces.

36

\* 3

Le

## T A B L E.

### *Le qui pro quo des Epousailles.*

53. Nouvelle racontée par Monseigneur L'amant de Bruxelles de deux hommes et deux femmes qui attendoient pour épouser a la premiere messe bien matin et pource que le Cure ne veoit pas trop clair il print l'une pour l'autre, et changea a chacun homme la femme qu'il devoit auoir comme vous oyés cy après. 47

### *L'heure du Berger.*

54. Nouvelle dite et racontée par Mahiot d'une Damoiselle de maubeuge qui s'abandonna a un chareton et refusa plusieurs gens de bien et de la reponse qu'elle fit a un noble Cheualier pource qu'il luy reprochoit plusieurs choses comme vous oyés cy après. 55

### *L'Antidote de la Perte.*

55. Nouvelle racontée par Monseigneur de Villiers d'une jeune fille qui auoit l'Epitimie qui fit mourir trois hommes pour auoir la compagnie d'elle, et comment le qua-

*La Femme, le Curé, la Servante, le Loup.*

56. Nouvelle racontée par Monseigneur de Villiers d'un Gentilhomme qui attrapa en un piege qu'il fit le Curé, sa femme, et sa chamberiere et un loup avec eux et brula tout la dedans pource que le Curé maintenoit sa femme. 68

*Le Frere traitable.*

57. Nouvelle par Monseigneur de Villiers d'une Damoiselle qui épousa un Berger de la maniere du traité du mariage et des paroles qu'en disoit un Gentilhomme frere de laditte Damoiselle. 75

*Fier contre Fier.*

58. Nouvelle par Monseigneur le Duc de deux compagnons qui cuidoient trouver leurs Dames plus courtoises vers eux, et ioierent tant du bas metier que plus n'en pouuoient, et puis dirent pource qu'elles ne pouuoient tenir compte d'eux, qu'elles auoient comme eux joié du Cimier comme vous oyrés. 82

# T A B L E.

## *Le Malade amoureux.*

59. Nouvelle par Poncelet d'un seigneur qui contrefit le malade pour coucher avec sa chamberiere avec laquelle sa femme le trouua. 87

## *Les Nouveaux Freres mineurs.*

60. Nouvelle racontée par Poncelet de trois Damoiselles de malinnes qui accointées s'étoient de trois cordeliers qui leurs firent faire couronnes et vestir l'habit de religion, afin qu'elles ne fussent aperceues, et comme il fut sceu. 97

## *Le Cocu Dupé.*

61. Nouvelle racontée par Poncelet d'un marchand qui enferma en sa huche l'amoureux de sa femme, et elle y mit un asne secrettement dont le mary eut depuis bien a souffrir et se trouua confus. 104

## *L'Anneau perdu.*

62. Nouvelle racontée par Monseigneur de

## T A B L E.

de Commessuram de deux compagnons dont l'un deux laissa un diamant au lit de son hôte et l'autre le trouva dont il fourdit entre eux un moult grand debat que le mary de laditte hôte appaisa par tres bonnes façons. 114

### *Montbleru, ou le Larron.*

63. Nouvelle d'un nommé montbleru, lequel a une foire d'euers deroba à ses compagnons leurs chemises, et leur courechef qui l'auoit baillé a blanchir a la chamberiere de leur hôte, et comment depuis ils pardonnerent au Larron, et puis montbleru leur conta le cas tout au long. 129

### *Le Curé rasé.*

64. Nouvelle racontée par messire Michault de Changy d'un Curé qui se vouloit railler d'un châtreux nommé tranhec..... mais il eut ses genitoires coupés par le consentement de l'hôte. 138

## T A B L E.

### *E'Indiscretion mortifié et non punie.*

65. Nouvelle racontée par Monseigneur le Preuost de Wastenes de la femme qui ouyt conter a son mary qu'un hostelier du mont saint michel faisoit rage de ronciner si alla cuidant l'esprouuer mais son mary s'en garda trop bien, dont elle fut trop mal contente comme vous oyres cy après. 145

### *La Femme au Bain.*

66. Nouvelle racontée par Phelippes de Laon d'un tauernier de saint omer qui fit vne question a son petit fils dont il se repentit après qu'il eut ouy la reponse de laquelle sa femme en fut tres honteuse comme vous oyres plus a plain cy après. 153

### *La Dame à trois Maris.*

67. Nouvelle dite et racontée par Phelippes de Laon d'un Chaperon fouré de Paris qui vne cordoniere cuyda tromper, mais il se trompa luy mesme bien lourdement car il la maria a un barbier, et cuidant d'elle estre depeché se voulut marier ailleurs.

T A B L E.

leurs, mais elle l'en garda mieux, com-  
me vous pourrés voir cy deffous plus a  
plain. 157

*La Garce depouillée.*

68. Nouvelle racontée par Crestien Di-  
goinne d'un homme marié que sa femme  
trouua avec vn autre et puistrouua manie-  
re d'auoir d'elle son argent, ses bagues, ses  
joyaux a tout jusqu'a la chemise et puis  
l'enuoya paistre en ce point comme cy  
après vous sera recordé. 163

*L'Honneste Femme a deux Maris.*

69. Nouvelle dite et racontée par Mon-  
seigneur d'un Gentilhomme cheualier de  
la comté de flandres marié a vne moult  
belle et gente Damoiselle lequel fut pri-  
sonnier en turquie par tres longue espace  
durant laquelle sa bonne et loyalle fem-  
me par l'admonestement de ses amis se  
remaria a vn autre cheualier et tantost  
après qu'elle fut remariée elle ouit nouuel-  
les certaines que son premier mary reue-  
noit de turquie, donc par deplaisance  
se laissa mourir pource qu'elle auoit fait  
nou-

*La Corne du Diable.*

70. Nouuelle racontée par Monseigneur d'un Gentil cheualier d'Allemagne moult grand voyager en son temps, lequel après un certain voyage par luy fait, fit voeu de ne jamais faire le signe de la croix par tres ferme foy et credence qu'il auoit au saint sacrement de baptême, en laquelle credence il combattit le diable, comme vous oyés cy après.

174

*Le Cornard Débonnaire.*

71. Nouuelle racontée par Monseigneur d'un cheualier de picardie qui en la ville de saint omer se logea en vne hostellerie ou il fut amoureux de l'hostesse de leans avec laquelle il fut tres amoureuxment, mais en faisant ce que vous scaués, le mary de laditte hostesse les trouua lequel tint maniere telle que cy après pourrez ouyr.

181

# T A B L E.

## *La Nécessité est ingénieuse.*

72. Nouvelle par Monseigneur de Commessuram d'un Gentilhomme de picardie qui fut amoureux de la femme d'un cheualier son voisin lequel Gentilhomme trouua façon par bons moyens d'auoir la grace de sa Dame avec laquelle il fut assigné dont a grand peine trouua maniere d'en jouir comme vous ouirés cy après. 185

## *L'Oiseau en la Cage.*

73. Nouvelle par maistre Jehan Lambin d'un Curé qui fut amoureux d'une sienne paroissienne avec laquelle ledit curé fût trouué par l'auertissement de ses voisins, et de la maniere comment ledit curé échappa comme vous oirés cy après. 192

## *Le Curé trop respectueux.*

74. Nouvelle racontée par Phelippes de Laon d'un prêtre boulyennois qui leua deux fois le corps de nostre seigneur J. C. en chantant vne messe pource qu'il cuidoit que Monseigneur le Seneschal de Bouloungne

gne fut venu tard a la messe, et aussy comment il refusa de prendre la paix deuant Monseigneur le seneschal comme vous pourrés ouyr cy après.

202

*La Musette.*

75. Nouvelle racontée par Monseigneur de Thalemas d'un Gentil galant demi follet, non guerres sage qui en grand auanture se mit de mourir et estre pendu au gibet pour nuire et faire déplaisir au baillit et a la justice et autres plusieurs de la Ville de Troyes en champagne desquels il estoit hay mortellement comme plus a plain pourrés ouyr cy après.

205

*Le Laqs d'Amour.*

76. Nouvelle racontée par Phelippes de Laon d'un prestre chapelain a un cheualier de Bourgongne lequel fut amoureux de la gouge dudit cheualier et de l'auanture qui luy aduint a cause desdittes amours comme cy dessous vous oyres.

212

# T A B L E.

## *La Robbe sans manches.*

77. Nouvelle racontée par Allardin d'un Gentilhomme des marches de flandres lequel faisoit sa residence en france , mais durant le temps que en france residoit , sa mere fut malade esdites marches de flandres lequel la venoit tres souuent visiter cuidant qu'elle mourut et des paroles qu'il disoit et de la maniere qu'il tenoit comme vous oyres cy dessous. 218

## *Le Mari Confesseur.*

78. Nouvelle par Jean Martin d'un Gentilhomme marié lequel sa voulanté fut de faire plusieurs et lointains voyages durant lesquels sa bonne et loyalle preude femme de trois gentils compagnons s'accointa comme cy après pourrés ouyr , et comment elle confessa son cas a son mary quand desdits voyages fut retourné cuidant le confesser a son curé et de la maniere comment elle se sauua comme vous oyres cy après. 223

# T A B L E.

## *L'Ane retrouvé.*

79. Nouvelle par Messire Michault de Changy d'un bon homme de Bourgogne lequel alla au conseil a un sage homme dudit lieu pour son asne qu'il auoit perdu, et comment il croyoit que miraculeusement il retrouua sondit asne comme cy après pourrés ouïr. 230

## *La Bonne Mesure.*

80. Nouvelle par Messire Michault de Changy d'une fille d'Allemagne qui de l'age de quinze a seize ans ou environ se maria a un gentil galant laquelle se complaignit de ce que son mary auoit trop petit instrument a son gré pource qu'elle veoit un petit asne qui n'auoit que demy an, et auoit plus grand outil que son mary qui auoit XXIII. ans, ou XXVI. ans. 234

## *Le Malheureux.*

81. Nouvelle racontée par Monseigneur de Vaulurain d'un gentil cheualier qui fut amoureux d'une tres belle jeune Dame

## T A B L E.

Dame mariée lequel cuida bien paruenir a la grace d'icelle et aussy d'une autre sienne Voisine, mais il faillit a tous deux comme cy après vous oyrés. 239

### *La Marque.*

82. Nouvelle par Monseigneur de L'annoy d'un Bergier qui fit marché avec une Bergere qu'il monteroit sur elle afin qu'il vit plus loing par tel si qu'il ne l'embrocheroit non plus auant que le signe qu'elle même fit de la main sur l'instrument du susdit Berger comme cy après plus a plain pourrés ouyr. 251

### *Le Carme glouton.*

83. Nouvelle par Monseigneur de Vaulurain d'un Carme qui en un village prescha, et comment après son preschement il fut prié de disner avec une Damoiselle, et comment en disnant il mit grand peine de fournir et emplir son pourpoint comme vous oyrés s'il vous plaist. 254

### *La Part au Diable.*

84. Nouvelle par Monseigneur le Marquis de Rotelin d'un sien Marechal qui se  
Tom. II. \* \* maria

## T A B L E.

maria a la plus douce et amoureuse femme qui fut en tout le pays d'Allemagne, s'il est vray ce que je dis sans en faire grand serment afin que par mon escrit menteur ne soye reputé, vous le pourrés veoir cy dessous plus a plain. 260

### *Le Curé Cloüé.*

85. Nouvelle d'un orfeure marié a vne tres belle douce et gracieuse femme avec ce amoureuse par especial de son Curé leur prochain Voisin avec lequel son mary la trouua coucheé par l'auertissement d'un sien seruiteur, et ce par jalousie comme vous pourrés oüir. 263

### *La Terreur panique, ou l'Official Fuge.*

86. Nouvelle racontéé et parle d'un jeune homme de roüen qui print en mariage vne gente et jeune fille de l'aage de quinze ans ou enuiron lesquels la mere de laditte fille cuyda bien faire démarier par Monseigneur l'official de Roüen, et de la sentence que ledit official en donna après les parties par luy ouyes, comme vous pourrés voir cy après. 269

*Le*

# T A B L E:

## *Le Curé des Deux.*

87. Nouvelle racontée et parle d'un gentil cheualier lequel s'enamoura d'une très belle jeune, et gente fille, et aussy comment il luy print une tres grande maladie en un oeil pour laquelle cause luy conuint auoir vn medecin lequel pareillement deuint amoureux de laditte fille comme vous oyrés et des paroles qui en furent entre le cheualier et le medecin pour l'emplastre qu'il luy mit sur son oeil. 278

## *Le Cocu Sauvé.*

88. Nouvelle d'un bon simple homme paylant marié a vne plaisante et gente femme laquelle laissoit bien le boire et le manger pour aimer par amours, et de fait pour estre asseurement avec son amoureux enferma son mary au coulombier par la maniere que vous oyrés. 284

## *Les Perdrix changées en Poisson.*

89. Nouvelle d'un Curé qui oubliâ par  
\*\* 2 negli-

## T A B L E.

negligence ou faute de sens a annoncer le carésme a ses paroissiens jusqu'a la vigile de pasques fleuries comme cy après pourrés ouyr, et de la maniere comment il s'excusa enuers les paroissiens. 290

### *La Bonne Malade.*

90. Nouvelle est d'un bon marchand de brebant qui auoit sa femme tres fort malade doubtant qu'elle ne mourut après plusieurs remonstrances et exortations qui luy fit pour le salut de son ame luy cria mercy laquelle luy pardonne tout ce qu'il pouuoit luy auoir mefait excepté tant seulement ce qu'il auoit si peu besogné en son ouuroier comme en laditte nouvelle pourrés ouyr plus a plein. 295

### *La Femme Obeissante.*

91. Nouvelle parle d'un homme qui fut marié a vne jeune femme laquelle estoit tant luxurieuse et tant chaude sur potage que je cuyde qu'elle fut née en estuues ou a demy lieuë prés du soleil de midy, car il n'estoit nul tant bon ouurier fut il qui la peut refroidir, et comment il

## T A B L E.

il la cuyda chastier et de la reponse que luy  
bailla. 299

### *Le Charivari.*

92. Nouvelle racontée par Monseigneur de Launoy parle d'une bourgeoisie mariée qui estoit amoureuse d'un Chanoine laquelle pour plus couuertement aller deuers ledit Chanoine se accointa d'une sienne Voisine et de la noise et debat qui entre elles sourdit pour l'amour du mestier dont elles estoient comme vous oyres cy après. 302

### *La Postillone sur le Dos.*

93. Nouvelle racontée d'une gente femme mariée qui feignoit a son mary d'aller en pellerinage pour soy trouuer avec le cleric de la ville son amoureux avec lequel son mary la trouua, et de la maniere qu'il tint quant ensemble le vit faire le mestier que vous scaués comme vous ouyres. 310

### *Le Curé Double.*

94. Nouvelle racontée d'un Curé qui portoit courte robbe comme ces galans a marier,  
\*\* 3

## T A B L E.

marier , pour laquelle cause il fut cité de-  
 uant son juge ordinaire et de la sentence  
 qui en fut donnéé , aussy la deffense qui  
 luy fut faite et des autres tromperies qu'il  
 fit après comme vous oyrés plus a  
 plain. 315

### *Le Doigt du Moine gueri.*

95. Nouvelle racontée par Monsei-  
 gneur de Villiers d'un moine qui feignit  
 estre tres fort malade et en danger de mort  
 pour paruenir a l'amour d'une femme  
 sienne Voisine par la maniere qui s'en-  
 suit. 321

### *Le Testament Cynique.*

96. Nouvelle d'un simple et riche  
 curé de village qui par sa simpleesse auoit  
 enterré son chien au cimetiére pour la-  
 quelle chose il fut cité par deuant son  
 Euesque , et comme il bailla la somme  
 de cinquante Escus d'or audit Euesque  
 et de ce que l'Euesque luy en dit comme  
 pourrés ouyr cy deffous. 328

# T A B L E.

## *Le Hausseur.*

97. Nouvelle d'une assemblée de bons compagnons faisant bonne chère à la taverne buvants d'autant et d'autel dont l'un d'eux se combatit à sa femme quand à son hostel il fut retourné comme vous oyés cy dessous. 332

## *Les Amans Infortunés.*

98. Nouvelle racontée par Lebreton d'un Chevalier de ce Royaume lequel avoit de sa femme une belle fille et gente Damoiselle âgée de quinze à seize ans ou environs, mais pource que son père la vouloit marier à un riche chevalier ancien lequel estoit son Voisin, elle s'en alla avec un autre jeune chevalier son seruiteur en amours en tout bien, et tout honneur et comment par merveilleuse fortune ils finirent leurs jours tous deux piteusement sans jamais en nulle manière avoir habitation l'un avec l'autre, comme vous oyés cy après.

336

*La*

# T A B L E

## *La Metamorphose.*

99. Nouvelle racontée d'un Euesque d'Espagne que par defaute de poisson mangea deux perdrix a vn Vendredy, et comment il dit a ses gens qu'il les auoit conuerties par paroles de chair en poissons comme cy en après plus a plain vous sera recordé. 348

## *Le Sage Nicaise ou l'Amant vertueux.*

100. et dernière de ces presentes Nouuelles d'un riche marchand de la cité de Gennes qui se maria a vne belle et gente fille. Laquelle par longue absence de son mary, et par son mesme auertissement manda querir vn sage clerc, jeune et roide pour la bien seruir et secourir de ce dont elle auoit mestier et de la ieunesse qu'il luy fit faire comme vous oyés cy après plus a plain. 354

*Fin de la Table du II. Tom.*



NOUVELLE XLVI

# LES POIRES

PAYÉES.

**C**En est pas chose estrange ne peu accou-  
stumeé que moines hantent et fre-  
quentent

Tom. II.

A

qu'en

quentent volentiers les Nonnains. A ce propos il aduint n'agueres que vng maistre Jacopin tant hanta et frequenta vne bonne maison de Dames de Religion de ce Royaulme qu'il paruint a son intention laquelle estoit de couchier avec vne des Dames de leans, et puis qu'il eut ce bien s'il estoit diligent et songneux de soy trouuer vers celle qu'il aymoît plus que tout le demourant du monde, et tant y continua et hanta que l'Abesse de leans et plusieurs des Relligieuses s'en apperceurent de ce que estoit dont elles furent bien mal contentes: mais touteffois affin de esuiter esclandre elles n'en dirent mot voire au Relligieux, mais trop bien chanterent la leçon a la Nonnain, laquelle se sceut bien excuser, mais l'Abesse qui veoit cler et estoit bien aperceuant congneut tantost a ses responses et excufances aux manieres qu'elle tenoit et aux apparences qu'elle auoit veu qu'elle estoit coupable du fait, si voulut pourueoir de remede, car elle fist tenir bien court accause de ceste Relligieuse, toutes les autres fermer les huis des cloitres, et des autres lieux de leans, et tellement fist que le poure Jacopin ne pouuoit plus venir veoir sa Dame. Si luy en desplaisoit et a elle

elle aussi il ne le faut demander, et vous dis bien qu'ils pensoient et nuyt et jour par quelle facon et moyen ilz se pouroient rencontrer, mais ilz ny scauoient engin trouver. Tant faisoit faire sus eux le guet Madame l'Abbesse. Or aduint vng jour que vne des niepces de Madame l'Abbesse se marioit et faisoit sa feste en l'Abbaye et y auoit grosse assemblee des gens du pais, et estoit Madame l'Abbesse fort empeschee de festoyer les gens de bien que estoient venus a la feste faire honneur a sa niepce. Si s'aduisa bon Jacopin de venir veoir sa Dame, et que a l'adventure il pouroit estre si heureux, que de la trouuer en belle et il y vint comme il proposa, et de fait trouua ce qu'il queroit et accause de la grosse assemblee, et de l'empeschement que l'Abbesse et ses guettes auoient, il eut bien loisir de dire ses doleances et regretter le bon temps passe et elle que beaucoup le ayroit le vit tres volentiers, et se en elle eut este autre chiere luy eut fait, et outre aultres parolles il luy dist: *helas ma mye vous scauez qu'il y a ja long temps que point ne sceulmes deuiser ainsi que nous saoulions ie vous prie s'il est possible tandis que l'hostel de ceans est fort donne a autre chose que nous*

guetter, que vous me diéz ou ie pouray parler a vous a part ; ainsi m'est Dieu dist elle mon amy ie ne le desire pas mains que vous, mais ie ne scay penser lieu ne place ou ie le puisse faire, car tout le monde est tant par ceans qu'il ne seroit pas en moy d'entrer en ma chambre, tant y a d'estrangers que sont venus a ceste feste, mais ie vous diray que vous férez. Vous scauez bien ou est le grant jardin de ceans, ne faictes pas ? Saint Jehan ouy dist il ie scay bien ou il est : vous scauez que au coing de ce jardin dist elle y a vng tres beau preau bien enclos de belles hayes fortes et espesses, et au milieu vng grant poirier que rendent le lieu vmbreux et couuert, vous vous en yrez la et me attendrez, et tantost que ie pouray eschapper ie feray diligence d'y moy trouuer vers vous, elle fut beaucoup mercyeé et dist maistre Jacopin qu'il sy en alloit tout droit. Or deuez vous scauoir que vng ieune galand venu a la feste n'estoit gueres loing de ces deux amans sy ouyt et entendit toute leur conclusion et pource qu'il scauoit bien le lieu ou estoit ledit preau. il s'aduifa et proposa en soy de s'en aller embuscher pour veoir le desduit et les armes qu'ils auoient entrepris de  
faire.

faire. Il se mit hors de la presse , et tant que piéz le peurent porter il s'en court vers ce preau , et fist tant qu'il se trouua auant le Jacopin , et luy la venu il monte sus le beau poirier qui estoit large et ramu , et tres bien vestu de feüillies et de poires , et si embuscha si bien qu'il n'estoit pas aisé a veoir. Il ny eut gueres esté que vecy bon Jacopin qui attrotte en regardant derriere luy se ame le suyuoit, et Dieu qu'il fut bien joyeux de soy trouuer en ce beau lieu , il se garda bien de leuer les yeulx contre mont , car jamais ne se fut douté qu'il y eut eu quelqu'un , mais tousjours auoit loeil vers le chemin qu'il estoit venu , tant regarda qu'il vit sa Dame venir le grant pas , laquelle fut tost emprés luy si firent grant feste et bon Jacopin d'oster son manteau et son capulaire , et commença a baiser et accoler bien secrettement la belle , si voulurent faire ce pourquoy ils estoient venus , et se met chascun en point , et ce faisant commença a dire la Nonain. Pardieu mon amy frere Aubery , je vueille bien que vous sachez que vous auez aujourdhuy a Dame et en vostre beau commandement l'vng des beaux corps de nostre Religion , je vous en fais juge vous le voyez , regar-

dez quel tetin, quel ventre, quelles cuiffes et du surplus il ny a que dire. Par ma foy dist frere Aubery seur Jehanne ma mye, ie congnois ce que vous dites, mais aussi vous pouuez dire que vous auez pour seruiteur, vng des beaulx Religieux de nostre ordre aussi bien fourny de ce que vn homme doit auoir que nul autre, et a ces mots mit la main au baton dont il vouloit faire ses armes et le brandisoit voyant sa Dame en luy disant qu'en dites vous, que vous en semble, n'est il pas beau, ne vault il pas bien vne belle fille, certes ouy dist elle et aussi l'aurez vous dist le Jacopin. Et vous aurez dist lors celluy qui estoit dans le poirier dessus eulx des meilleures poires du poirier, lors prent a ses deux mains les branches du poirier, et fait tomber en bas sus eux des poires tres largement dont frere Aubery fut tant effroyé qu'a peu qu'il neut le sens de reprendre son manteau. Si s'en picque tant qu'il peult sans arrester et ne fut assureé tant qu'il fut hors de leans.

Et la Nonain qui fut autant effroyé que luy ne se sceut si tost mettre en chemin que le galant du poirier ne feust descendu, lequel la print par la main et luy deffendit

## NOUVELLES. 7

le partir et luy dist ma mye il vous fault payer le fruitier. Elle qui estoit prinse et surprinse voyt bien que reffus n'estoit pas de saison si fust contente que le fruitier fist ce que fraire Aubery auoit laissé en train.



NOUVELLE XLVII.

# LES DEUX MULES

NOYÉES.

**E**N Prouence auoit nagueres vn Presi-  
dent de haute et bien heureuse renom-  
mée

meé que tres grant cleric et prudent estoit vaillant aux armes, discret en conseil, et au brief dire, en luy estoient tous les biens dequoy on pouroit jamais louer homme. D'une chose tant seulement estoit noté dont il n'estoit pas cause, mais estoit celluy a que plus en desplaisoit, aussi la raison y estoit, et pour dire la note que de luy estoit, c'estoit qu'il estoit coulx par faulte d'auoir femme aultre que bonne. Le bon seigneur veoit et congnoissoit la desloyaulté de sa femme et la trouuoit encline, et estoit, de tous points a sa puterie, et quelque sans que Dieu luy eut donné, il ne scauoit remede a son cas, fors de soy taire et faire du mort, car il n'auoit pas si peu leu en son temps qu'il ne sceut vrayment que correction na point de lieu a femme de tel estat. Touttesfois vous pouuez penser que vng homme de couraige vertueux comme cestuy estoit ne viuoit pas bien a son aise, mais fault dire et conclure que son dolent cueur portoit la paste au four de ceste mauldite infortune, et par dehors auoit semblant et maniere de rien scauoir et apperceuoir le gouuernement de sa femme. Vng de ses seruiteurs le vint trouuer vng jour en sa chambre a part, et luy va dire par grant sans, Monseigneur ie suis celluy


celluy qui vous vouldroye aduertir comme ie dois de tout ce qui vous peut toucher de vostre honneur , ie me suis prins et donné garde du gouvernement de vostre femme , mais ie vous assure quelle vous garde très malloyauté quelle vous a promise , car assurement vng tel qu'il luy nomma tient vostre lieu bien souuent. Le bon President saichant bien l'estat de sa femme luy respondit tres fierement. Ha ribault ie scay bien que vous mentez de tout ce que me dictes. Je congnois trop ma femme elle n'est pas telle non , et vous ay ie noury si longuement pour me rapporter vne telle bourde , voire de celle que tant est honneste bonne et loyalle , et vrayment vous ne m'en ferez plus , dictes que ie vous dois , et vous en allez bientoist , et ne vous trouuez jamais deuant moy si chiér que vous ayez vostre vie. Le poure seruiteur qui cuidoit faire grant plaisir a son maistre de son aduertance dist ce qu'il luy debuoit , le President luy baille et il le receut et sen alla. Nostre bon President voyant encores de plus en plus resfréschir la desloyauté de sa femme estoit tant mal content et si trèsfort troublé que on ne pouroit plus. Sine scauoit que penser ne ymaginer par quelle facon ils en pouroit

hon-

honnestement déscharger , si aduisa que sa femme deuoit aller a vnes nopces. Il vint a vng varlet que la garde de ses cheuaulx auoit, et aussi d'une belle mulle qu'il auoit et luy dist garde bien que tu ne bailles a boire a ma mulle de nuyt ne de jour, tant que ie le diray , et a chascune fois que tu luy donneras son auoyne sy luy metz parmy vne bonne pongnie de sel et gardés que tu n'en sonnes mot , non feray ie dist le varlet. Quant le jour des nopces de la Cousine de Madame la Presidente approucha elle dist au bon President. Monseigneur si c'estoit vostre plaisir, et ie me trouueroye volentiers aux nopces de ma Cousine qui se feront dimanche prouchain en vng tel lieu, vrayment ma mye dist il j'en suis tres bien content. Allez Dieu vous conduie. Je vous mercie Monseigneur dist elle, mais ie ne scay bonnement comment y aller, ie ny menasse point volentiers mon chariot pour le tant peu que ie y ay a estre, vostre haquenée aussi, est tant desfroyé que par ma foy ie n'oseroye pas bien entreprendre le chemin sus elle, et bien prenez ma mulle. Le jour de partir vint et s'apprestèrent les seruiteurs de Madame la Presidente et ses femmes, que la deuoient seruir, et accompagner

paigner pareillement vont venir a cheual deux ou trois gorgias que la deuoient accompagner que demandent se Madame est preste, et elle leur fait scauoir quelle viendroit maintenant elle fut preste et vint en bas en la compagnie de ces gentilz gorgias avecques ses femmes et ses seruiteurs passa Madame la Presidente par la ville, et se vint trouuer aux champs, et tant alla qu'elle vint arriuer en vng tres mauuais destroit auprés duquel passe la grosse riuere du rosne, et comme ceste mulle qui n'auoit beu de huit jours aperceut la riuere courant sans demander pont ne passage elle de plain vol saillit dedens a tout sa charge qui estoit du precieux corps de Madame, ceux que le veirent la regardent tresbien, mais aultre secours ne luy firent, car aussi il n'estoit pas en eulx, si fut Madame noyee dont ce fut grant dommaige, et la mulle quant elle eut beu son faoul nagea tant par le Rosne qu'elle trouua lissuë et saillit dehors. La compagnie fut beaucoup troublee, si s'en retourna a la ville, et vint l'vng des seruiteurs de Monseigneur le President le trouuer en sa chambre qui n'attendoit aultre chose que les nouvelles que luy va dire tout pleurant la pitieuse aduenture de Madame sa Maistresse.

Le bon President plus ioyeux en cuëur que oncques ne fut se monstra tres desplaisant, et de fait se laissa cheoir a terre du hault de luy ménnant tres piteux duëil en regrettant sa bonné femme. Il maudioit sa mulle les belles nopces que firent sa femme partir ce jour, et Dieu dist il ce vous est grant reprouche que estes tant de gens et n'avez sceu rescoure la poure femme que tant vous aymoït: vous estes lasches et meschans, et l'avez bien montré. Le seruiteur et les autres aussi s'excuserent le mains mal qu'ils sceurent et laisserent Monseigneur le President que loüa Dieu a joinctes mains de ce qu'il est si honnestement quitte de sa femme.



NOUVELLE XLVIII.

# LA BOUCHE

HONNETE.

**V**Ng gentil Compagnon deuint amoureux d'une jeune Damoiselle que nagueres

gueres estoit marieé, et le moins mal qu'il sceut aprez qu'il eut trouué facon d'auoir vers elle accointance il luy compta son cas au raport qu'il fist il estoit fort malade, et a la verité dire aussi estoit il bien en pique, elle fut si douce et gracieuse quelle luy bail-la bonne audience et pour la premiere fois il se partit tres content de la responce qu'il eut. S'il estoit bien feru au parauant encores fut il plus touché au vif quant il eut dit son fait si ne dormit ne nuyt ne jour de force de penser a sa Dame, et de trouuer la facon et maniere de paruenir a sa grace il retourna a sa queste quant il vit son point, et Dieu scait s'il auoit bien parlé la premiere fois que onques fist il mieulx son personnage a la deusiesme, et si trouua de son heur sa Dame assez encline a passer sa requeste dont il ne fut pas moyennement joyeux, et pource qu'il n'auoit pas tousjours le temps ne le loisir de soy tenir vers elle, il dist a ceste fois la bonne volenté qu'il auoit de luy faire seruice et en quelle facon. Il fut mercié de celle qui estoit tant gracieuse qu'on ne pouroit plus. Brief il trouua en elle tant de courtoisie en maintient et parler qu'il n'en sceut plus demander si se cuida aduancer de la baiser, mais il  
en

en fut reffusé de tous points; mesmes quant vint au partir il ne peult onques finer dont il estoit tres esbahy. Et quant il fut dehors de elle, il se doubta beaucoup de non point paruenir a son intencion, veu qu'il ne pouuoit obtenir d'elle vn seul baiser. Il se conforte d'autre costé des gracieuses paroles qu'il auoit eu au dire adieu, et de l'espoir qu'elle luy auoit baillé, il reuint comme les autres fois de rechief a sa queste et pour abreger tant y alla, et tant y vint qu'il eut heure assigné de dire le surplus a sa Dame a part, de ce que ne voudroit declarer entre eux deux, et pource que temps estoit il print congé d'elle si l'embrassa bien doucement et la voulut baiser et elle s'en deffendit très bien et luy dist assez rudement, ostez ostez laissez moy, ie nay cure d'estre baissé. Il s'excusa et le plus gracieusement que onques et sur ce partit, et quest ce dist il en soy mesmes jamais ie ne veis ceste maniere en femme elle me fait la meilleure chere du monde et si ma desja accordé tout ce que ie luy ay osé requerre, mais encores n'ay peu finer d'vng poure baisier. Quant il fut heure il vint ou sa Dame luy auoit dit, et fist ce pourquoy il y vint tout a son beau loisir car il coucha entre ses

bras

bras toute la belle nuyt, et fist tout ce qu'il voulut excepté seulement le baiser pour laquelle cause il sesmerueilloit moult en soy mesme, et ie n'entens point ceste manie de faire disoit il en son pardedens, ceste femme veult bien que ie couche avecques elle et faire tout ce qu'il me plaist, mais du baiser ie n'en fineroye n'en plus que de la vraye croix. Par la mort bieu ie ne scay entendre cecy il faut qu'il y ayt aucun mystere, il est force que ie le saiche. Vng jour entre les autres qu'il estoit avec la Dame a goguettes et qu'ilz estoient beaucoup de hait tous deux, il luy dist, ma mye ie vous requiers distes moy que vous meut de me tenir si grant rigueur quant ie vous veil baiser, vous mauez bailé la joyssance de vostre gracieux et beau corps tout entierement, et d'vng petit baiser vous me faites reffus, mon amy dist elle vous dictes vray, le baiser vous ay ie voirement reffusé et ne vous y attendez point vous n'en finerez jamais et la raison y est bonne se la vous diray, il est vray quant jespousay mon mary que je luy promis de la bouche tant seulement beaucoup de moult belles choses, et pource que ma bouche luy a promis de luy estre loyalle ie suis celle que luy veuille

bonne entretenir, et ne souffreroye pour mourir qu'autre que luy y toucha, elle esfienné et a nul autre, et ne vous attende de riens y auoir, mais mon derriere ne luy a rien promis ne juré, faites de luy, du surplus, ma bouche hors, ce qu'il vous plaira ie le vous abandonne, l'autre commença ariere tresfort, et dist ma mye ie vous mercie, vous dictes tresbien, et si vous scay grant gré que vous auez la franchise de bien garder vostre promesse, a Dieu ne vueille dist elle que ie luy face faulte, en la facon qu'auuez ouy fust ceste femme obstiné. Le mary auoit la bouche seulement et son amy le surplus, et se daduventure le mary se seruoit aucune fois des autres membres ce n'estoit que par maniere d'emprunt, car ils estoient a son amy par le bon delle, mais il veoit cest auantaige que sa femme estoit contente qu'il en pren fist sur ce quelle auoit donné, mais pour riens neust souffert que l'amy eut jouy de ce qu'a son mary auoit donné.



NOUVELLE XLIX.

LE CUL

D'ECARLATTE.

**N** Agueres qu'en la ville d'Arras atoit  
vng bon marchant auquel il mescheut

B 2

d'auoig

d'auoir femme espouseé qui n'estoit pas des meilleures du monde , car elle ne tenoit ferre , quelle put veoir son coup , et quelle trouua a qui , non plus que vne vielle arbalestre. Ce bon marchand se donna garde du gouuernement de sa femme , il en fut aussi aduertý par aucuns ses plus priuéz amys et voisins si se bouta en vne grant frenesie et bien parfonde melencolie dont il ne vault pas mieulx , puis s'aduisa qu'il esprouueroit s'il scauoit par aucune bonne facon se nullément il pouroit veoir ce qu'il scait que bien peu luy plaira , c'estoit de veoir venir en son hostel et en son domicile deuers sa femme vng ou plusieurs de ceulx que on dit que sont lieutenans, nostre marchand feignit vng jour d'aller dehors et s'embuscha en vne chambre de son hostel dont luy seul auoit la clef , et veoit ladite chambre sus la cour. Et par aucuns secrets pertuis et plusieurs treilles regardoit en plusieurs autres lieux et chambres de leans. Tantost que la bonne femme pensa que son mary estoit dehors elle fist prestement scauoir a vng de ses amys qu'il venfist vers elle, et il obeyt comme il deuoit. Car il suyuit pie a pié la meschine que l'estoit allé querir. Le mary que comme dist

est estoit caché en sa chambre, vit très bien entrer celuy qui venoit tenir son lieu, mais il ne dist mot, car il veult veoir plus auant s'il peut. Quant l'amoureux fut leans la Dame le mena par la main tout deuisant en sa chambre et ferra liuys et se commencerent a baïser et accoller, et faire la plus grant chiere de jamais, et la bonne Damoiselle de despouiller sa robbe, et soy mettre en cotte simple, et bon Compaignon de la prendre a bons bras de corps, et faire ce pourquoy il estoit venu, et tout ce, veoit a l'oeil le poure mary par vne petite treille, pensés s'il estoit a son aise, mesme il estoit si prest deulx quil entendoit pleinement tout ce qu'ils disoient.

Quant les armes d'entre la bonne femme et son seruiteur furent acheveés ilz se misdrent sus vne couche que estoit en la chambre et se commencerent a deuïser de plusieurs choses, et comme le seruiteur regardoit sa Dame que tant belle estoit que merueilles il la commence a rebaisier et dist en cela faisant. Ma mye a qui est ceste belle bouche, c'est a vous mon amy. dist elle, et ie vous en mercie dist il, et ces beaulx yeulx a vous aussi dist elle, et ce beau tetin, qui est si bien trouffé


n'est il pas de mon compte dist il, ouy par ma foy mon amy dist elle, et non autre. Il met aprez la main au ventre a son deuant, ou il ny auoit que redire, si luy demanda a que est cecy ma mye. Il ne le faut ja demander dist elle on scait bien que tout est vostre. Il vint aprez getter la main sur le gros derriere d'elle, et luy demanda en soubzriant a que est cecy. Il est a mon mary dist elle c'est sa part, mais tout le demourant est vostre, et vrayment dist il ie vous en remercie beaucoup. Je ne me dois pas plaindre, vous m'auiez tres bien party, et aussi d'autre costé par ma foy pensez que ie suis tout entier vostre. Je le scay bien dist elle, et après ces beaux dons et offres qu'ilz firent l'vng a l'autre ils recommencerent leurs armes de plus belle et ce fait le gentil seruiteur partit de leans, et le poure mary que tout auoit veu et oüy tant couroucé qu'il n'en pouuoit plus enrageoit tout vif, touteffois pour mieulx faire il auala ceste premiere et a lendemain fist tres bien son personnage faisant semblant qu'il venoit de dehors, et quant vint sur le point du disner il dist a sa femme qu'il vouloit auoir dimanche prouchain son pere sa mere, telz et telz de ses parens et cousins

et quelle face garnison de viures , et qu'ils soient bien aises a ce jour , elle se chargea de ce faire et luy de les inuiter , ce dimanche vint et le disner fut prest et tous ceux qui mandez y furent comparurent et print chascun place comme leur hoste l'ordonnoit , que estoit debout , et sa femme aussi lesquels seruirent le premier metz , quant le premier mez fust assis , loste que auoit secrettement fait faire vne robe pour sa femme de gros bureau de gris , et a lendroit du derriere auoit fait mettre vne bonne piece d'escarlate en maniere d'vng taseau. Si dist a sa femme venez jusqu'en la chambre il se met deuant et elle le suit , quant ils y furent , il luy fist despouiller sa robe , et va prendre celle du bureau dessusdit et luy dist. Or vestez ceste robe , elle la regarde et veoit quelle est de gros bureau si en est toute esbahie et ne scait penser quil faut a son mary , ne pourquoy il la veut ainsi habiller , et a quel propos me voulez vous ainsi housser dist elle , ne vous chaille dist il ie vueil que la vestez , ma foy dist elle ie n'en tiens compte , ie ne la vestirez jamais faites vous du fol , vous voulez bien faire farcer les gens de vous et de moy encores

deuant tout le monde. Il ny a ne fol ne faige dist il, vous la vestirez, au mains dist elle que ie faiche pour quoy vous le faictes vous le scaurez cy aprez. Pour abregier force fut quelle endossa ceste robe qui estoit bien estrange a regarder et en ce point fut ameneé a la table où la pluspart de ses parens et amys estoient mais pensez qu'ilz furent bien esbahys de la veoir ainsi habilleé, et croiez quelle estoit bien honteuse, et se la force eut esté sienne elle ne fust pas la venuë; Droit la auoit assez que demandoient que signifioit cest habillement, et le mary respondist qu'ils pensassent tous de faire bonne chiere, et quaprés disner ils le scauroient; mais vous debuez scauoir que la poure femme housseé du bureau ne mangea chose que bien luy fist, et le jugeoit le cueur que le mistere de sa housseure luy seroit ennuy. Et encores eust elle esté trop plus troubleé s'elle eut scéu du taseau d'escarlare, mais nenny. Le disner se passa, et fut la table osteé, les graces dictes et tout chascun debout. Lors le mary se met auant et commence a dire vous telz et telz que cy estes s'il vous plaist ie vous diray en brief la cause pourquoy

quoy ie vous ay icy assemblez , et pourquoy iay vestu ma femme de cest habilement. Il est vray que ja pieca jay esté aduertiy que vostre parente que cy est me gardoit tres mal la loyaulté quelle me promist en la main du prestre , touteffois quelque chose que l'on m'ayt dit ie ne lay pas creu de legier , mais moy mesme lay voulu esprouuer et qu'il soit vray il n'y a que six jours que ie faigny d'aller dehors , et membuchay en ma chambre la hault. Je n'y eu gueres esté que vecy venir vng tel que ma femme mena tantost en sa chambre ou ils firent ce que mieulx leurs pleut et entre les autres deuises l'homme luy demanda de sa bouche , de ses yeulx de ses mains de son tetin , de son ventre de son deuant de ses cuisses a qui tout ce bagaige estoit , et elle respondit a vous mon amy. Et quant vint a son derriere il luy dist , et a qui est cecy ma mye , a mon mary dist elle. Lors pource que je lay trouuée telle ie lay ainsy habillé , elle a dit que delle il ny a mien que le derriere , si l'ay housfé comme il appartient a mon estat , le demourant ay ie housfé de vesture qui est deuë a femme desloyalle et deshonnouré car elle est telle , pource ie l'a vous rens ; La  
com-

compagnie fut bien esbahye d'ouïr ce propos, et la pource femme bien honteuse mais toutesfois quoy que fut, oncques puis avec son mary ne se trouua ainsi deshonnouré et reprouchéé entre ses amis depuis demoura.



NOUVELLE L.

CHANGE

POUR CHANGE.

Comme jeunes gens se mettent volentiers a voyager , et prennent plaisir a veoir

veoir et chercher les aduétudes du monde, il y eut n'aguères au pays de Lannois vng filz de laboureur, qui fut depuis l'aage de dix ans jusqu'à l'aage de vint et six ans tous-jours hors du païs, et depuis son partement jusqu'à son retour onques son pere ne sa mere n'en eurent onques vne seule nouvelle, si penserent plusieurs fois qu'il fut mort il reuint toutesfois et Dieu scait la joye que fut en l'hostel, et comment il fust festoyé a son retour de tant peu de biens que Dieu leurs auoit donné, mais que le vit volentiers, et en fist grant feste ce fust sa grant mere, la mere de son pere, que luy faisoit plus grant chiere et estoit la plus joyeuse de son retour que nulle des autres, elle le baïsa plus de cinquante fois, et ne cessoit de louer Dieu qui leur auoit rendu leur beau filz, et retourné en si beau point. Apres ceste grant chiere leure vint de dormir, mais il n'y auoit a l'hostel que deux lits, l'vng estoit pour le pere et la mere et l'autre pour la grant mere, si fut ordonné que leur dit filz coucheroit avec sa grant mere, dont elle fut bien joyeuse, mais il s'en fut bien passé, combien que pour obeir il fut content de prendre patience pour ceste nuyt. Comme il estoit couchié avecques

ques elle , ne scay de quoy il luy souuint car il monta dessus , et que veux tu faire dist elle ne vous chaille dist il ne dictes mot. Quant elle vit qu'il vouloit besongner a bon escient, elle commence de crier tant qu'elle peut aprez son filz que dormoit en la chambre au plus prez , si se leua de son lit et s'en alla plaindre a luy de son filz en pleurant tendrement , quant l'autre oüy la plainte de sa mere , et la inhumanité de son filz il se leua sur piedz tres couroucé et mal meü et dist qu'il l'occira le filz ouyt ceste menace, et sault sus et s'enfuit par derriere. Son pere le suit mais c'est pour neant, il n'estoit pas si legier du pied, il vit qu'il perdoit sa peine, si reuint a l'ostel, et trouua sa mere lamentant accause de l'offense que son filz luy auoit faite ne vous chaille ma mere dist il, ie vous en vengeray bien , ne scay quans jours aprez ce pere vint trouuer son filz que jouoit a la paulme et tantost qu'il le vit il tira bonne dague , et marche vers luy et l'en cuida ferir. Le filz se detourna et son pere fut tenu, aucuns qui la estoient sceurent bien que c'estoit le pere et le filz sy dist l'vng au filz, et viens ca qu'as tu meffait a ton pere que te veult tuer, ma foy dist il rien. Il a le plus

plus grant tort de jamais, il me veult tout le mal du monde pour vne poure fois que j'ay voulu ronciner sa mere, et il a bien ronciné la mienne plus de cinq cens fois, et ie n'en parlay onques vng seul mot. Tous ceux qui ouyrent ceste responce commencent a rire du grant cueur si sembloient a ceste occasion dy mettre paix, et fut tout pardonné d'vng costé et d'aultre.



NOUVELLE LI.  
 LES VRAYS  
 PERES.


**A** Paris n'agueres viuoit vne femme  
 qui fut mariéé a vng bon simple  
 homme

homme qui tout son temps fut de nos amis si tres bien qu'on ne pouoit plus. Ceste femme qui belle et gente et gracieuse estoit au temps qu'elle fut neufue pource quelle auoit l'oeil au vent, fut requise d'amours de plusieurs gens, et pour la grant courtaise que nature nauoit pas oublié en elle, elle passa legierement les requestes de ceulx que mieulx luy pleurent, et eut en son temps tant deux comme de son mary 7. ou 8. Enfans, aduint quelle fut malade et au lit de la mort acoucheé, si eut tant de grace quelle eut temps et loisir de soy confesser, penser de ses pechez, disposer de sa conscience, et elle veoit durant sa maladie ses enfans trotter deuant elle qui luy bailloient au cueur tres grant regret de les laisser, si se pensa quelle feroit mal de laisser son mary chargé de la pluspart car il n'en estoit pas le pere combien qu'il le cuydast, et la tenoit aussi bonne femme que nulle de Paris, elle fist tant par le moien d'une femme qui la gardoit que vers elle vinrent deux hommes qui au temps passé l'auoient en amours très bien seruié, et vindrent de si bonne heure que son mary estoit allé deuers les medecins apotiquaires pour auoir aucun bon remede pour elle et pour sa fanté.

santé. Quant elle vit ces deux hommes elle fit tantost venir deuant elle tous ses enfans, si commença a dire, vous estes vng tel vous scauez ce qui a esté entre vous et moy ou temps passé, dont il me desplaist a ceste heure amerement. Et se ce n'est la misericorde de nostre Seigneur a qui ie me recommande, il me sera en l'autre monde bien chèrement vendu, toutesfois se iay fait vne folie ie la congnois, mais de faire la seconde ce seroit trop mal fait, vecy telz et telz de mes enfans ils sont vostres et mon mary cuide a la verité qu'ilz soient siens, si feray ie conscience de les laisser en sa charge pourquoy ie vous prie tant que ie puis que apréz ma mort que sera brefue que vous les prénez avec vous et les entretenez nourrissez et esleuez, et en faictes comme bon pere doit faire, car ils sont vostres. Pareillement dist a l'autre, et luy monstrois ses autres enfans, telz et telz sont a vous ie vous assure, si les vous recommande en vous priant que vous en acquittez et se ainsi me le voulez promettre ie mouray plus aise, et comme elle faisoit ce partaige son mary va venir a l'hostel et fut aperceu par vng petit de ses filz que n'auoit enuiron que cinq ou six ans qui viste-

ment descendit en bas encontre luy effrayement, se hastia tant de deualer la monteé qu'il estoit prest dehors de alaine comme il vit son pere a quelque méschief que ce fut il dit helas mon pere auancez vous tost pour Dieu; quelle chose y a til de nouveau dist le pere ta mere est elle morte, nenny dist l'enfant mais auancez vous d'aller en hault ou il ne vous demourera vng seul enfant, ils sont venus vers ma mere deux hommes, mais elle leur donne tous mes freres, se vous ny allez bien tost elle donnera tout. Le bon homme ne scait que son filz veut dire, si monta en hault et trouua sa femme sa garde et deux de ses voisins et ses enfans si demanda que signifie ce que vng tel de ses filz luy a dit; vous scaurez cy aprez dist elle. Il n'en enquist plus pour leure, car il ne se doubta de rien. Ses voisins sen allerent et commanderent la malade a Dieu et luy promidrent de faire ce qu'elle leurs auoit requis dont elles les mercia. Comme aprouchast le pas de la mort cria mercy a son mary, et luy dist la faulte quelle luy a faite durant qu'elle a esté alieé avec luy et comment telz et telz de ses enfans estoient a tel et a tel et telz a vng tel c'est a scauoir ceux dont dessus est touché et que  
aprez

aprez sa mort ilz les prendront et n'en aura jamais charge. Il fut bien esbahy d'ouyr ceste nouvelle neantmoins il luy pardonna tout et puis elle mourut, et il enuoya ses enfans a ceux qu'elle auoit ordonné qui les retindrent, et par tel point il fut quitte de sa femme et de ses Enfans, et si eut beaucoup mains de regret de la perte de sa femme que de celle de ses Enfans.



NOUVELLE LII:  
**LES TROIS**  
 MONUMENS.

**A** Duint nagueres que vng grant gentil  
 homme saige prudent et beaucoup  
 ver-

vertueux comme il estoit au lit de la mort, et eut fait ses ordonnances et disposé de sa conscience au mieulx qu'il peult, il appella vng seul filz qu'il auoit auquel il laissoit son fison de biens temporelz, et apréz luy eut recommandé son ame, celle de sa mere que nagueres auoit terminé vie par mort, et generalement tout le Colliege de purgatoire, il aduisa trois choses pour la derniere doctrine que jamais luy vouloit bailler, en disant mon tres cher filz ie vous aduertis que jamais vous ne hantez tant en l'hostel de vostre voisin que l'en vous y serue de pain bis. Secondement je vous enjoins que vous gardez de jamais courir vostre cheual en la valeé. Tiercement que vous ne prenez jamais femme d'estrange nation. Or vous ouuenez de ces trois pointz, ie ne doute point que bien ne vous en vienne. Mais se vous faites le contraire, soyez seur que vous trouuez que la doctrine de vostre pere vous vaulsist mieulx auoir tenuë. Le bon filz mercia son pere de son bon aduertissement, et luy promist escrire ses enseignemens au plus parfont de son cueur, et les mettre si tres bien en son entendement et en sa memoire que jamais n'yra au contraire. Tantost apréz son pere mourust, et fu-

rent faites les funerailles comme a son estat et a homme de tel lieu qu'il estoit appartenoit. Car son filz s'en voulut bien acquitter comme celuy qui bien auoit de quoy. Vng certain temps aprez comme on prent accointance plus en vng lieu que en vng aultre ce bon gentil homme qui estoit orphelin de pere et de mere et a marier, et ne scauoit que s'estoit du mesnaige s'accointa d'vng voisin qu'il auoit et de fait la plupart de ses jours beuuoit et mengeoit leans, son voisin qui marié estoit, et auoit vne tres belle femme se bouta en la douce raige de jalousie et luy vindrent faire raport ses yeulx, que nostre gentil homme ne venoit en son hostel fors a l'occasion de sa femme, et que vrayement il estoit amoureux, et que a la longue il la pouroit emporter d'affault. Si n'estoit pas bien a son aise, et ne scauoit penser comment il se pouroit honnestement de luy desarmer, car luy dire la chose comme il la pense ne vouldroit rien, si conclud de luy tenir telz termes petit a petit qu'il se pourra assez aperceuoir s'il n'est trop beste que sa hantise continuelle ne luy plaist pas. Et pour executer sa conclusion en lieu qu'on le souloit seruir de pain blanc il fist mettre le bis. Et  
aprez

après ie ne scay quans repas nostre gentil homme s'en donna garde et luy souuint de la doctrine de son pere si congneut qu'il auoit erré, si batit sa coupe et bouta en sa manche tout secretement vng pain bis et la porta en son hostel, et en remembrance le pendit en vne corde en sa grant sale, et ne retourna plus en la maison de son voisin comme il auoit fait parauant; pareillement vng jour entre les autres luy qui estoit homme de desduit comme il estoit aux champs, et que ses leuriers eussent mis vng lieure a chasse, il pique son cheual, tant quil peut après, et vint rataindre le lieure, et leuriers en vne grant vallee, ou son cheual qui venoit de toute sa force saillit des quatre piedz et tomba; et ledit cheual se rompit le col dont il fut bien esbahy et fut bien heureux ledit gentil homme quant il se vit ainsi gardé de mort et d'affolure. Il eut toutesfois pour recompense le lieure, et comme il le tint il regarda son cheual que tant il aymoit, si luy souuenoit du second enseignement que son pere luy auoit baillé, et que s'il en eut eu bien memoire, il ne eust pas ceste perte ne passé le dangier qu'il a eu bien grant. Quant il fut en sa maison il mit auprès du pain bis a vne corde en la salle la

peau du cheual affin qu'il eut memoire et remembrance du second aduifement que son pere jadis luy bailla. Vng certain temps apréz il luy print voulenté d'aller voyager et veoir pays, si disposa ses besongnes a ce, et print de la finance dont il auoit largement et chercha maintes contrées, et se trouua en diuerses regions et places dont en la fin il fist residence en l'hostel d'vn grant seigneur, d'vne loingtaine et bien estrange marche et se gouerna si haultement et si bien leans que le Seigneur fut bien content de luy bailler sa fille en mariage, iasoit qu'il n'eut seulement congnoissance de luy fors ses loüables moeurs et vertus. Pour abregier il fianca la fille de ce seigneur et vint le jour des nopces. Et quant il cuida la nuyt couchier avecques elle, on luy dist que la coustume du pais estoit de ne point coucher la premiere nuyt avec sa femme, et qu'il eut patience jusques a lendemain. Puis que c'est la coustume dist il, ie ne quers ja qu'on la rompe pour moy, son espouteé fut meneé couchier en vne chambre, et luy en vne autre, apres les dances, et de bien venir il ny auoit que vne paroy entre ces deux chambres, qui n'estoit que de terre. Si s'aduifa pour veoir

la contenance , de faire vng perthuys de son espcé par dedans la paroy et vit très bien a son aise son espouse se boutter ou lit, et vit aussi , ne demoura gueres après , le Chapelain de leans qui se vint boutter auprès d'elle pour luy faire compaignie , affin qu'elle n'eut paour, ou comme jespoire pour faire lessay ou prendre la disme des Cordeliers comme dessus est touché , nostre bon gentil homme quant il vit venir cet appareil , pensés qu'il eut bien des estouppes en sa quenoille , luy vint tantost en memoire le troisieme aduisement que son pere luy donna avant le trespas lequel il auoit mal retenu , toutesfois il se reconforta et prist couraige , et dist bien en soy mesmes que la chose n'est pas si auant qu'il n'en faille bien. A lendemain le bon Chapelain son lieutenant de la nuyt et son predecesseur se leua de bon matin et d'aventure il oublia ses brayes sous le cheuet du lit a lespouseé et nostre bon gentil homme sans faire semblant de rien vint au lit d'elle et la salua gracieusement comme il scauoit bien faire et trouua facon de prendre les braies du prestre sans quil fut apercû d'ame. On fist grant chiere tout ce jour. Et quant vint au soir le lit de lespouseé fut paré et ordonné tant

riche-

richement qu'a merueilles et elle y fut couché. Si dist on au sire des nopces que més huy quant il luy plaira il pourra bien coucher avec sa femme. Il estoitourny de response et dist au pere et a la mere et aux parens qu'ilz le voulsissent oüyr. Vous ne scauez dist il qui ie suis , ne a que vous avez donné vostre fille et en ce m'avez fait le plus grant honneur que jamais fut fait a vng jeune homme estrangier. Dont ie ne vous scauroye assez mércier. Neantmoins toutesfois jay conclud en moy mesmes, et suis a ce resolu de jamais coucher avecques elle tant que ie luy auray monstré et a vous aussy que ie suis, quelle chose iay, et comment ie suis logié. Le pere print tantost la parole et dist , nous scauons tres bien que vous estes noble homme et de hault lieu, et na pas mis Dieu en vous tant de belles vertus sans les accompagner d'amis et de richesses. Nous sommes contens de vous, ne laissez ia a parfaire et accomplir vostre mariage, tout a temps scaurons nous plus auant de vostre estat quant il vous plaira. Pour abregier il voüa et iura de non jamais couchier avecques elle se n'estoit en son hostel, et luy ameneroit son pere et sa mere et plusieurs de ses parens et amys. Il fit mettre

tre son hostel a point pour les receuoir, et y vint vng jour deuant eulx, et tantost qu'il fut descendu il prit les braies du prestre qu'il auoit et les pendit en la salle au près du pain bis et de la peau de cheual. Tres grandement furent receus et festoyez les parens et amis de nostre bonne espousee et furent bien esbahys de veoir l'hostel du jeune gentil homme si bien fourni de vaisselle de tapisserie, et de tout autres meubles, et se reputoient bien heureux d'auoir si bien allie leur belle fille, comme ils regardoient par leans, ils vinrent en la grant sale que estoit tendue de belle tapisserie, apperceurent au milieu le pain bis, la peau de cheual et vne braye qui pendoient dont ils furent moult esbahys, et en demanderent la signification a leur hoste. Le sire des nopces leur dist que volentiers il leurs dira la cause et tout ce qui en est quant ils auront mengie. Le disner fust prest et Dieu scait qu'ils furent bien seruis. Ils neurent pas si tost disne qu'ils ne demanderent l'interpretation, et la signification et le mystere du pain bis et de la peau de cheual &c. et le bon gentil homme leur compta bien au long et dist que son pere estant au lit de la mort comme dessus est narré,

narré, luy auoit baillé trois enseignemens. Le premier fut que ie ne me trouuasse jamais tant en lieu, que on me seruit du pain bis. Je ne retins pas bien ceste doctrine ne cest enseignement car puis sa mort ie hantay tant vng mien voisin qu'il se boutta en jalousie pour sa femme, et en lieu de pain blanc dequoy ie fus serui long temps on me seruit de pain bis, et en memoire et aprobacion de la verité de cest enseignement jay la fait mettre ce pain bis. Le deuxiesme enseignement que mon pere me bailla fut, que jamais ie ne courusse mon cheual en la valleé. Je ne le retins pas bien vng jour qui passa si men print mal car en courant en vne valleé après le lieure et mes chiens mon cheual cheut et se rompit le col, et a peu que ie ne feusse tres bien blessé si eschappé de belle mort, et en memoire de ce est la penduë la peau du cheual que alors je perdis. Le troiziesme enseignement et aduisement que mon Pere dont Dieu ayt l'ame me baillast fut que jamais ie ne espoufasse femme d'estrange nation. Or ay ie failly et vous diray comment il m'en est prins. Il est bien vray que la premiere nuyt que vous me reffusastes le couchier avecques vostre

fille

filles qui cy est ie fus logié en vne chambre au plus prés de la sienne, et pource que la paroy qui estoit entre elle et moy n'estoit pas trop forte ie la perthuisay de mon espeé et veis venir couchier avecques elle le Chapelain de vostre hostel que sous le cheuet du lit oublia ses brayes, le matin quant il se leua, lesquelles ie recouray, et sont celles que veez la penduës, que tesmoignent et appreuuent la Chronique verité du troisieme enseignement que mon feu pere jadis me bailla, lequel ie n'ay pas bien retenu ne mis en ma memoire, mais affin que plus en la faulte des trois aduis precedens ne renchoye ces trois bagues que vous voyez me feront dorefnauant sage, et pource que la Dieu mercy ie ne suis pas tant obligé a vostre fille quelle ne me puisse bien quitter je vous prie que la remenez et retournez en vostre marche, car jour que je viue ne me sera de plus prés, mais pource que ie vous ay fait venir de loing et vous ay bien voulu monstrer que ie ne suis pas vng homme pour auoir le remenant d'vng prestre ie suis content de payer vos depens. Les autres ne sceurent que dire ne que penser qui se voyent confus et leur tort, voyant aussi qu'ils sont moult loing de leur marche, et de

46 LES CENT NOUVELLES  
de leurs pais, et que la force nest pas leur  
en ce lieu si furent tres bien contens de  
prendre de l'argent pour leurs depens et eulx  
en retourner. Dont ilz vindrent, et qui  
plus y a mis plus y a perdu. Par ce compte  
auez ouy et entendu que les trois aduis que  
le bon pere bailla a son fils ne sont pas de  
oublier, si les retienne chascun pour autant  
qu'il sent qu'ils luy peuuent touchier.



NOUVELLE LIII.

LE QUI PRO QUO

DES EPOUSAILLES.

**N**Agueres que En l'Eglise de saincte  
Goule a Brucelles estoient en vng ma-  
tia

tin plusieurs hommes et femmes qui deuoient espouser a la premiere messe qui se dit entre quatre et cinq heures, et entre les autres choses ils deuoient entreprendre ce doux et bon estat de mariage et promettre en la main du prestre ce que pour rien ne vouldroient trespasser. Il y auoit vng jeune homme et vne jeune fille qui n'estoient pas des plus riches, mais la bonne volenté auoient qui estoient auprès l'vng de l'autre, et n'attendoient fors que le Curé les appellast pour espouser. Auprés deulx aussi auoit vng homme ancien et vne femme vielle qui grant cheuance et foison de richesses auoient et par conuoitise et grant désir de plus auoir auoient promis foy et loyauté l'vng vers l'autre et pareillement attendoient a espouser a ceste premiere messe. Le Curé vint et chanta ceste messe tres desiré, et en la fin comme il est de coustume deuant luy se misdrent ceux que espouser deuoient dont il y auoit plusieurs autres sans les quatre dont ie vous ay compté. Or deuéz vous scauoir que ce bon Curé qui tout prest estoit deuant l'autel pour faire et accomplir le mistere des espousailles estoit borgne, et auoit ne scay par quel meschief, puis peu de temps en ca perdu vng oeil, et  
ny

ny auoit aussi gueres grant luminaire en la chapelle ne sur l'autel, c'estoit en hyuer et faisoit brun et noir, si faillit a choisir. Car quand vint a besongner et a espouser il print le viel homme riche, et la jeune fille poure et les joignit par l'anneau du monstier ensemble. D'autre costé il print aussi le jeune homme poure et l'espousa a la vielle femme, et ne s'en donnerent oncques garde en l'Eglise ne les hommes ne les femmes dont ce fut grant merueilles par especial des hommes car ils osent mieulx leuer l'oeil et la teste quant ils sont deuant le Curé a genoux que les femmes qui sont a ce coup simples et coyés, et n'ont le regard fiché qu'en terre. Il est de coustume que au faillir des espousailles, les amys de l'espousé prennent l'espousée et l'emmainent. Si fut la poure jeune fille a l'hostel du riche homme menée, et pareillement la vielle riche fut amenée en la poure maisonnette du jeune gentil Compaignon. Quant la jeune espousée se trouua en la court et en la grant salle de l'homme quelle auoit par mesprinse espousé elle fut bien esbahie et connut bien tantost qu'elle n'estoit pas partie de leans ce jour. Quant elle fut arriere en la chambre a parer que estoit bien tenduë de telle tapisserie, elle

vit le beau grant feu la table couuerte ou le beau dejeuner estoit tout prest, elle vit le beau buffet bien fourny et garny de vaisselle si fut plus esbahie que parauant et de ce se donne plus grant merueille quelle ne congnoit ame de ceulx qu'elle ouyoit parler. Si fust tantost desarmé, de ses aour-nemens ou elle estoit bien enfermée et bien embruché. Et comme son espoux la vit au decouuert et les autres qui la estoient, croyez qu'ils furent et autant surpris que se cornes leurs fussent venuës. Comment dist lespoué est ce cy ma femme nostre Dame ie suis bien eureux elle est bien changié depuis hyer, ie croy quelle a esté a la fontaine de Jouence. Nous ne scauons dirent ceux qui l'auoient amenée dont elle vient, mais nous scauons certainement que c'est celle que vous auez huy espoué, et que nous prinmes a l'autel car oncques puis ne nous partit des bras. La compaignie fut bien esbahye et longuement sans mot dire, mais qui fut simple et esbahye la poure espoué estoit toute desconforté, et pleuroit des yeulx moult tendrement, et ne scauoit sa contenance elle ayma trop mieulx se trouuer avecques son amy quelle cuydoit bien auoir espoué a ce jour. Lespoué la voyant se

se desconforter en eut grant pitié et luy dist  
ma mye ne vous desconfortéz ia, vous estes  
arriüée en bon hostel se Dieu plaist et n'a-  
yez doubté on ne vous y fera ia mal ne des-  
plaisir, mais dictes moy sil vous plaist que  
vous estes, et a vostre aduis dont vous ve-  
nez icy. Quant elle l'oüyt et entendit si  
courtoisement et si doucement parler, elle  
s'assura vng peu, et luy nomma son pere et  
sa mere, et luy dist quelle estoit de Brucel-  
les, et auoit fiancé vng tel que elle luy nom-  
ma, et le cuydoit bien auoir espousé. L'es-  
pousé et tous ceux qui la estoient commen-  
cerent bien fort a rire, et dirent que le Cu-  
ré leur a fait ce tour. Or loué soit Dieu le  
Createur dist l'espousé, de ce change ie ne  
voulfisse pas tenir bien grant chose. Dieu  
vous a enuoyé a moy, et je vous prometz  
par ma foy de vous tenir bonne et loyale  
compaignie. Nenny ce dist elle en pleurant  
moult tendrement vous ne estes pas mon  
mary. Je vueille retourner deuers celluy a  
qui mon pere m'auoit donnée, et ainsi ne  
fera pas dist il, je vous ay espousé en sainte  
Eglise vous n'y pouuez contredire ne aller  
allencontre, vous estes et demourez ma  
femme, et soyez contente vous estes bien  
sureuse, jay la Dieu mercy de biens et de

richesses assez, dont vous serez Dame et maistresse, et si vous feray bien jolie. Il la prescha tant et ceux qui la estoient qu'elle fut contente d'obeir a son commandement. Si desjeunerent legiérement et puis se coucherent, et fist le viëil homme du mieulx qu'il feut. Or retournons a ma vielle femme et au jeune Compaignon, pour abregger elle fut meneé en l'hostel du pere a la fille, qui a ceste heure est coucheé avecques le viel homme. Quant elle se trouua leans elle cuyda bien enrager de dueil, et dist tout hault, et que fais ie ceans, que ne me maine l'en a ma maison ou a l'hostel de mon mary. L'espousé que vit ceste vielle et l'ouïyt parier fut bien esbahy, ne doutez, si furent son pere et sa mere, et tous ceux de l'assembleé. Si saillit auant le pere et la fille de leans qui congnut bien la vielle et scauoit très bien parler de son mariage et dist mon filz, on vous a baillé la femme d'vng tel et croyez quil a la vostre, et ceste faulte vient par nostre Curé que voit si mal et ainsi mest Dieu iasoit ce que ie fusse loing de vous quant vous espousattes si me cuyday ie apperceuoir de ce change. Et que en dois je faire dist l'espousé. Par ma foi dist son pere ie ne my congnois pas bien  
mai

mais ie fais grant doubte que vous ne puiffiez auoir autre femme. Saint Jehan dist la vielle, ie n'ay cure d'vng tel chetif, ie seroye bien eueuse d'auoir vng tel jeune galant qui n'auroit cure de moy qui me despendroit tout le mien, et se j'en sonnoye mot encores auroye la torche ostez ostez, et mandez vostre femme et me laissez aller la ou ie doy estre. Nostre Dame dist l'espouse se ie la peux recouurer je l'ayme trop mieux que vous quelque poure quelle soit, mais vous ne vous en yrez pas, ie ne la puis trouuer; son pere et aucuns de ses parens et amis vindrent a l'hostel, ou la vielle voulust bien estre, et vindrent trouuer la compaignie qui desjeunoit au plus port, et faisoient le chaudeau pour porter a l'espouse et a l'espousee, ils compterent tous leurs cas et on leur respondit, vous venez trop tard chascun se tienne a ce qu'il a le seigneur de ceans est content de la femme que Dieu luy a donnee, il la espousee et n'en veut point auoir d'autre, et ne vous n doubtez ja, vous ne fustes jamais si heueux que d'auoir fille alliee en si haut lieu y en si hault endroit, vous en ferez vne fois tous riches. Ce bon Pere retourna a son hostel, et vient faire son raport. La viel-

le femme cuida bien enraiger de deuil et dist  
Pardieu la chose ne demoura pas ainsi,  
ou la justice me fauldra, se la vielle estoit  
bien mal contente, encores lestoit bien au-  
tant ou plus le jeune Espousé qui se veoit  
frustré de ses amours, et encores leut il le-  
gièrement passé s'il eut pu finer de la vielle  
a tout son argent, mais il conuint la laisser  
aller en sa maison. Si fust conseillé de la fai-  
re citer deuant Monseigneur de Cambray,  
et elle pareillement fist citer le viel homme  
qui la jeune femme auoit, et ont commen-  
cé vng très gros procès dont le jugement  
n'est pas encores rendu, si ne vous en scay  
que dire plus auant.



NOUVELLE LIV.

L'HEURE

DU BERGER.

**V**N gentil Cheualier de la Conté de  
Flandres ieune bruyant jousteur dan-

D 4

ceur

ceur et bien chantant, se trouua au pais de haynault en la compagnie d'vng autre Cheualier de sa sorte, demourant ou dit pais que le hantoit trop plus que la marche de flandres ou il auoit sa residence belle et bonne, mais comme souuent il aduient amours estoit cause de sa retenance car il estoit feru tres bien et au vif d'vne tres belle Damoiselle a Maubeuge, et a ceste occasion Dieu scait qu'il faisoit trop souuent ioustes mommeries et banquetz, et generallyment tout ce qu'il scauoit qu'il peut plaire a sa Dame a luy possible il le faisoit, et il fut assez en graces pour vng temps mais non pas si auant qu'il eut bien voulu son Compaignon le Cheualier de haynault que scauoit tout son cas le seruoit au mieulx qu'il pouuoit et ne tenoit pas a sa diligence que ses besongnes ne feussent bien bonnes et meilleures qu'elles ne furent. Qu'era vouldroit le long compte, le bon Cheualier de flandres ne sceut onques tant faire ne son Compaignon aussi, qu'il peust obtenir de sa Dame le gracieux don de mercy aincoys la trouua en tout temps rigoureuse puis qu'il luy tenoit langaige sus ces termes, et force luy fut toutteffois ses besongnes estantes comme vous auez de retour

ner en flandres, si print vng gracieux con-  
gié de sa Dame et luy laissa son Compai-  
gnon, luy promist aussi s'il ne retournoit  
de brief de luy souuent escripre, et man-  
der de son estat, et elle luy promist de sa  
part luy faire scauoir de ses nouuelles; au-  
dit certain jour après que nostre Cheualier  
fut retourné en flandres, que sa Dame eut  
volenté d'aller en pelerinaige, et disposa  
ses besongnes a ce, et comme le charriot  
estoit deuant son hostel et le charreton de-  
dans qui estoit vng beau Compaignon et  
fort, et que vilté la doubtoit elle luy getta  
vng couffin sur la teste, et le feist cheoir a  
pates et puis commença a rire tres fort et  
bien hault. Le charreton se sourdit et la  
regarda rire, et puis dist pardieu Madamoi-  
selle vous m'avez fait cheoir, mais croyez  
que ie me vangeray bien, car auant qu'il  
soit nuyt ie vous feray tumber. Vous n'e-  
stes pas si mal gracieux dist elle, et en di-  
sant elle prent vng autre couffin que le  
charreton ne s'en donnoit garde, et le fait  
arriere cheoir comme pardeuant, et s'elle  
rioit fort parauant elle ne s'en faignoit  
pas a ceste heure. Et quest ce cy dit le  
charreton Mademoiselle vous en voulez a  
moy, faites, et par ma foy se ie fusse  
emprés

emprés vous , ie n'attendroye pas de moy  
vanger aux champs. Et que feriez vous  
dist elle. Se ie seroye en hault ie vous le  
diroye dist il , vous feriez merueille dist  
elle a vous ouy parler , mais vous ne vous  
yoseriez trouuer. Non dist il et vous le ver-  
rez. Adonc il faillit ius du chariot et en-  
tra dedans l'hostel et monta en hault ou  
Madamoiselle estoit en cotte simple tant  
joyeuse qu'on ne pouroit plus , il la com-  
menca d'assaillir et pour abregier le comp-  
te elle fut contente qu'il luy tollist ce que  
par honneur donner ne luy pouuoit. Cela  
se passa et au terme accoutumé elle fist vng  
tres beau petit Charreton , ou pour mieux  
dire vng tres beau petit filz. La chose ne  
fut pas si secrette que le Cheualier de hay-  
nault ne le sceust tantost , dont il fust bien  
esbahy , en escripuit bien en haste par vng  
propre messaigier a son Compaignon en  
flandres , comment sa Dame auoit fait vng  
Enfant a l'aide d'vng charreton. Pensés  
que l'autre fut bien esbahy d'ouyr ces nou-  
uelles. Si ne demoura gueres qu'il vint en  
henault deuers son Compaignon , et luy  
priaist qu'ils allassent veoir sa Dame et qu'il  
la veult trop bien tencer et luy dire la las-  
cheté et neanteté de son cueur , combien  
que

que pour son meschief aduenu elle ne se montra encores gueres a ce temps, si trouuerent facon ces deux gentils Cheualiers par moyens subtiles qu'ils vindrent au lieu et en la place ou elle estoit. Elle fut bien honteuse et desplaisante de leur venuë, comme celle qui bien scait quelle n'aura d'eux chose que luy plaise, au fort elle se assoura, et les receut comme sa contenance et sa maniere luy apporta. Ils commencerent a deuiser d'vnes et d'autres matieres et nostre bon Cheualier de Flandres va commencer son seruice et luy dist tant de villennies qu'on ne pouroit plus. Or estes vous bien dist il la femme du monde la plus reprouchée et mains honnouree, et auez monstré la grand lascheté de vostre cueur que vous estes habandonné a vng grant villain charreton, tant de gens de bien vous ont offert leur seruice et vous les auez tous reboutez. Et pour ma part vous scauez que i'ay fait pour vostre grace aquerir, et ne estoye ie pas homme pour auoir ce butin aussi bien ou mieulx que vng paillart charreton qui ne fist oncques rien pour vous. Je vous requiers et prie dist elle Monseigneur ne m'en parlez plus ce qui est fait ne peut autrement estre mais ie vous dis bien que  
si vous

si vous fussiez venu a leure du charreton  
que autant eusse ie fait pour vous que ie  
feis pour luy. Est ce cela dist il sain& Jehan  
il vint a bonnè heure, le dyable y ait part  
quant ie ne fus si eureux que de scauoir  
vostre heure, vrayment dist elle il vint a  
leure quil falloit venir, au dyable dist il de  
leure et de vous aussi, et du charreton, et  
a tant se part et son Compaignon le suit, et  
oncques puis n'en tint compte et a bonne  
cause.



NOUVELLE LV.

# L'ANTIDOTE

DE LA PERTE.

EN l'année du pardon de Romme derrain  
 passé estoit ou Daulphiné la pestilence  
 si

si grande et si horrible et si espouventable que la pluspart des gens de bien habandonnerent et laisserent le pais. Durant ceste persecution vne belle gente et ieune fille le sentit feruë de la maladie et incontinent se vint rendre a vne sienne voisine femme de bien et de grant facon, et désja sur l'aage, et luy compta son piteulx cas, la voisine qui estoit femme sage et assuree ne s'effroya de rien que lautre luy compta, mesme eut tant de couraige et d'assurance et de hardiesse que elle la conforta de parolles et de tant peu de medecine quelle scauoit. Helas ce dist la ieune fille malade ma belle voisine iay grant regret que force m'est aujourdhuy dabandonner et laisser ce monde et les beaulx et bons passetemps que jay eu assez longuement, mais encores par mon serment a dire entre vous et moy mon plus grant regret est qu'il faut que ie meure sans coup frapper et sans scauoir et sentir des biens de ce monde, telz et telz mont maintesfois priéz, et si les ay refusez tout plainement de quoy trop il me desplaist, et croyez si i'en peusse finer d'vng a ceste heure il ne m'eschapperoit jamais deuant qu'il meust monstré comment ie fus gaignée, l'on me fait entendant que la fa-

con

con du faire est tant plaisante et tant bonne que ie plains et complains mon gent et jeune corps qu'il faut pourrir sans auoir eu ce désir et plaisir, et a la verité dire ma bonne voisinne, il me semble se ie le peusse quelque peu sentir auant ma mort ma fin en seroit plus aisée et plus legière a passer, et a mains de regret, ce que plus est ie croy que ce me pouroit estre medecine a cause de garison, pleust a Dieu dist la vielle qu'il ne tenist a autre chose, vous seriez tost garie se me semble, car Dieu mercy nostre ville n'est pas encores si desgarnie de gens que on ny trouua vng gentil Compaignon pour vous seruir a ce besoing. Ma bonne voisinne dist la jeune fille, et ie vous requiers et prie que vous allez deuers vng tel, qu'elle luy nomma, que estoit vng tres beau gentil homme, et qui autresfois auoit esté amoureux d'elle, et faictes tant qu'il vienne icy parler a moy. La vielle se mist au chemin et fist tant quelle trouua ce gentil homme, et l'enuoya en sa maison, tantost qu'il fut leans, la jeune fille malade, a cause de la maladie plus et mieulx courée luy saillit au col et le baïsa plus de ving fois. Le jeune fils plus joyeux que onques mais, de veoir celle que tant auoit

aymée

aymée ainsi vers luy abandonnée la fait sans demeure, et luy monstra ce que tant desiroit. Aflauoir s'elle fut honteuse de luy requerre et prier de continuer ce qu'il auoit commencé, et pour abregier tant luy fist elle recommencer qu'il ne peut plus. Quant elle vit ce comme celle que pas n'en auoit son saoul, elle luy os bien dire, mon amy, vous m'avez maintesfois prié de ce dont ie vous requier aujourdhuy vous avez fait ce qu'en vous et ie le scay bien, toutesfois ie ne scay qu'i'ay ne qu'il me fault, mais ie congnois que ie ne puis viure se quelqu'un ne me fait compaignie en la facon que m'avez fait, e pourtant ie vous prie que vüillez aller vng tel et lamenez icy, si chier que vous auez la vie. Il est bien vray ma mye ie l scay bien qu'il fera ce que vous voudrez. Ce gentil homme fust bien esbahy de ceste requeste toutteffois pource qu'il auoit tant labouré que plus ne pouoit, il fut content d'aller querir son Compaignon et l'amendeurs elle que tantost le mist en besongne et le lassa ainsi que l'autre. Quant elle l'eumaté comme son Compaignon, elle ne fut pas mains priué de luy dire son courage mais luy pria comme elle auoit fait l'autre  
d'amene

d'amener vers elle vng autre gentil homme, il le fist. Or sont ils ja trois qu'elle a lassez et desconfitz par la force d'armes, mais vous deuez scauoir que le premier gentil homme se sentit malade et feru de lepidimie, tantost qu'il eut mis son Compaignon en son lieu, et s'en alla hastiuement vers le Curé et tout le mieulx qu'il sceut se confessa, et puis mourut entre les bras du Curé. Son Compaignon le deuxiesme venu tantost que au tiers il eut baillé sa place il se sentit tres malade et demanda par tout après celuy qui estoit ja mort, et vint rencontrer le Curé pleurant et demenant grant deüil qui luy compta la mort de son bon Compaignon. Ah Monseigneur le Curé dist il ie suis feru tout comme luy confessez moy, le Curé en grant crainte se despescha de le confesser. Et quant ce fut fait ce gentil homme malade a deux heures prés de sa fin se vint a elle qui luy auoit baillé le coup de la mort, et a son Compaignon aussi, et la trouua elluy qu'il y auoit mené et luy dist. Mauuaise femme vous m'auiez baillé la mort, et aussi pareillement a mon Compaignon. Vous estes digne de estre bruslée et arse et mise en cendres. Toutefois ie le vous pardonne priant Dieu qu'il le vous vueille pardonner.

donner. Vous auez l'epidemie et l'aue  
 bailleé a mon Compaignon qui en est mor  
 entre les bras du prestre , et ie n'en ay pa  
 mains. Il se partit a tant et sen alla mourir  
 vne heure après en sa maison. Le troisiem  
 gentil homme qui se veoit en lespreue ou  
 ses deux Compaignons estoient morts n'e  
 stoit pas des plus asseurez. Toutteffois  
 print couraige en soy mesme et mist paou  
 et crainte arriere , et s'asseura comme cel  
 luy qui en beaucoup de perilz et de mortel  
 assaulz s'estoit trouué , et vint au pere et  
 la mere de celle que auoit deceu ses deux  
 Compaignons , et leur compta la maladie  
 de leur fille et qu'on y print garde. Cela fai  
 il se conduisit tellement qu'il eschappa de  
 grant peril ou ses deux Compaignons  
 estoient morts; Or deuez vous scauoir que  
 quant ceste ouriere de tuer gens fut ra  
 menée en l'hostel de son pere tandis qu'on  
 luy faisoit vng lit pour reposer et la faire suer  
 elle manda secrettement le filz d'vng cor  
 donnier son voisin et le fist venir en l'esta  
 ble des cheualx de son pere et le mist en oeu  
 ure comme les autres , mais il ne vesquist  
 pas quatre heures après. Elle fut couchée  
 en vng lit et la fist on beaucoup suer et tan  
 tost luy vindrent quatre bocés dont elle fut

tres bien guerie, et dit qui en auroit a faire qu'on la trouueroit aujourdhuy ou rang de nos cousines en auignon, a beaucaire ou autre part, et dient les maistres quelle eschappa de mort accause d'auoir sentu des biens de ce monde que est notable et veritable exemple a plusieurs ieunes filles de point reffuser vng bien quant il leurs vient.



NOUVELLE LVI.

LA FEMME, LE  
CURE', LA SERVANTE, LE LOUP.

**N** Agueres qu'en vng bourg de ce Ro-  
yaulme en la Duchié D'auvergne de-  
mou-

mouroit vng gentil homme et de son malheur auoit vne tres belle jeune femme , et de sa bonté deuifera mon compte. Ceste bonne Damoiselle saccointa du Curé qui estoit son voisin de demye lieuë et furent tant voisins et tant priuez l'vng de l'autre que le bon Curé tenoit le lieu du gentil homme toutes les fois qu'il estoit dehors, et auoit ceste Damoiselle vne chamberiere qui estoit secretaire de leur fait laquelle portoit souuent nouvelles au Curé et l'aduifoit du lieu et de leure pour comparoir seurement deuers sa maistresse. La chose ne fut pas en la parfin si bien celeé que mestier eut esté a la compaignie car vng gentil homme parent de celuy a qui ce deshonneur ce faisoit fut aduertiy du cas , et en aduertit celuy a qui plus il touchoit en la meilleure facon et maniere qu'il sceut et peult ; pensez que ce bon gentil homme quant il entendit que sa femme s'aidoit en son absence de ce Curé qu'il n'en fut pas content et ce n'eust esté son cousin il en eust prins vengeance criminelle et de main mise, si tost qu'il en fut aduertiy, touteffois il fut content de differer sa volenté jusqu'a tant qu'il eust prins au fait et l'vng et l'autre. Si conclurent luy et son cousin d'aller

en pelerinaige a quatre ou six lieuës de son hostel, et d'y mener ce Curé pour soy mieux donner garde des manieres qu'ils tiendroient l'vng vers l'autre. Au retourner qu'ils firent de ce voyage ou Monseigneur le Curé seruit d'amours de ce qu'il peut, c'est a scauoir de oeillades, et d'autres telles menuës entretenances. Le mary se fist mandé querir par vng messaigier affaictié pour aller vers vng seigneur du pays, il fist semblant d'en estre mal content et de soy partir a regret neantmoins puis que le bon seigneur le mande il n'oseroit desobeir. Si part et s'en va, et son cousin l'autre gentil homme dist qu'il luy feroit compaignie, car c'est assez son chemin pour retourner en son hostel. Monseigneur le Curé et Madamoiselle ne furent jamais plus joyeux que d'oüyr ceste nouvelle, si prindrent conseil et conclusion ensemble que le Curé se partira de leans et prendra son congié afin que nul de leans n'ayt suspicion sur luy, et enuiron la mynuyt il retournera et entrera vers sa Dame par le lieu accoustumé et ne demoura gueres puis ceste conclusion prinse que nostre Curé se partit de leans, et dist a Dieu. Or deuez vous scauoir que le mary et le gentil homme

homme son parent estoient en embusche en vng destroit par ou nostre bon Curé deuoit passer et ne pouuoit aller ne venir par autre lieu sans soy trop destourner de son droit chemin. Ils virent passer nostre Curé et leur jugeoit le cueur qu'il retourneroit la nuyt dont il estoit party et aussi c'estoit son intencion. Ils le laisserent passer sans arrester ne dire mot, et saduiserent de faire en ce destroit vng tres beau piege a l'aide d'aucuns payfans que les seruirent a ce besoing. Ce piége fut en haste bel et bien fait, et ne demoura gueres que vng loup passant pais ne s'attrapast leans. Tantoist apréz vécy maistre Curé que vient la robe courte vestuë et portant le bel espieu a son col. Et quant vint a l'endroit du piege il tomba la dedans avec le loup dont il fut bien esbahy, et le loup que auoit fait l'essay n'auoit pas mains de paour du Curé que le Curé auoit de luy. Quant nos deux gentils hommes virent que maistre Curé estoit avec le loup logié, ils en firent ioye merueilleuse, et dist bien celuy a q̄e le fait plus touchoit que jamais ne partira en vie, et que l'occira leans. L'autre le blasma de ceste vouldenté, et ne se veult accorder qu'il meüre, mais trop bien est il content

qu'on luy trenche ses genitoires. Le mary toutteffois le veult auoir mort, et en cest estrif demourerent longuement attendans le jour et qu'il fist clér. Tandis que cest estrif se faisoit, Madamoiselle que attendoit son Curé ne scauoit que penser de quoy il tarδοit tant, si se pensa d'y enuoyer sa chamberiere affin de le faire aduancer. La chamberiere tirant son chemin vers l'hostel du Curé trouua le piège et tomba dedens avec le loup et le Curé. Ha dist le Curé ie suis perdu mon fait est decouuert quelqu'vn nous a pourchassé ce passaige. Le mary et le gentil homme son cousin que tout entendoient et veoient estoient tant aises qu'on ne pouroit plus, et se penserent comme se le saint esperit leur eut reuelé que la maistresse pouroit bien suy la chamberiere a ce qu'ilz entendirent d'elle que sa maistresse l'enuoyoit deuers le Curé pour scauoir qui le tarδοit tant de venir oultre leure prinse entre eulx deulx. La maistresse vcyant que le Curé et la chamberiere ne retournoient point, et de paour que la chamberiere et le Curé ne feissent quelque chose a son prejudice, et qu'ilz se pouroient rencontrer ou petit boys qui estoit

estoit a l'endroit ou le piege estoit fait si  
conclud quelle yra veoir s'elle en au-  
ra nulles nouvelles et tira pays vers l'ho-  
stel du Curé et elle venuë a l'endroit du  
piege tumba dedans la fosse avecques les  
autres. Il ne faut ja demander quant  
ceste compagnie se vit ensemble que fust  
le plus esbahy , et se chascun faisoit sa  
puissance de foy tirer de la fosse mais c'est  
pour neans , chascun deux se repoute mort,  
et deshonnouré , et les deux ouuriers  
c'est a scauoir le Mary de la Damoiselle et  
le gentil homme son cousin , vindrent au  
dessus de la fosse saluer la compagnie en  
leurs disant qu'ilz feissent bonne chiere,  
et qu'ilz appresteroient leur desjeuner. Le  
mary qui mouroit et enrageoit de faire  
vng coup de sa main , trouua facon par  
vng subtile moyen d'enuoyer son cousin  
veoir que faisoient leurs cheuaultx que  
estoit en vng hostel assés prés , et tan-  
dis qu'il se trouua decombré de luy , il  
fit tant a quelque meschief que ce fut,  
qu'il eust de l'effrain largement qu'il aua-  
la dedens la fosse , et y bouta le feu , et  
la dedens brula la compagnie c'est a sca-  
uoir la femme , le Curé la chamberiere et  
le loup. Après ce il se partit du pais et  
**manda**

manda vers le Roy querir sa remission laquelle il obtint de legier et disoient aucuns que le Roy deut dire qui ny auoit dommage que du poure loup qui fut brulé que ne pouuoit mais du mesfait des autres.



NOUVELLE LVII.

# LE FRERE

TRAITABLE.

**T**Andis que lon me preste audience et  
 que ame ne s'aduance quant a present  
 de

de parfournir ceste glorieuse et edifiante oeuvre de cent nouvelles ie vous conteray vng cas que puis nagueres est aduenue ou Dauphiné pour estre mis au cent et ou nombre desd. cent nouvelles. Il est vray que vng gentil homme dudit Dauphiné auoit en son hostel vne sienne seur enuiron de l'aage de 18. a 20. ans et faisoit compaignie a sa femme que beaucoup l'aymoit et tenoit chiere, et comme deux seurs se doiuent contenir et maintenir ensemble elles se conduisoient; aduint que ce gentil homme fut semons d'vng sien voisin lequel demouroit a deux petites lieues de luy de le venir veoir luy et sa femme et sa soeur. Ils y allerent et Dieu scait la chiere qu'ils firent et comme la femme de luy que festoioit la compaignie menoit a l'esbat la soeur et la femme de nostre gentil homme, après souper deuisant de plusieurs choses elles se vindrent rendre a la maisonnette d'vng bergier de leans que estoit auprès d'vng large et grant parc a mettre les brebis, et trouuerent la le maistre bergier que besongnoit entour de ce parc, et comme femmes scaient enquerir de maintes et diuerses choses, luy demanderent s'il auoit point froit leans. Il dist que non et qu'il estoit plus aise que

que ceux que ont leurs belles chambres verrees et natteés, et paueés et tant vindrent d'une parolle a autre par mots couverts que leurs deuises vindrent toucher du train de derriere. Et le bon bergier que n'estoit ne fol ne esperdu leurs dit que par la mort bieu il oseroit bien entreprendre de faire la besongne huit ou neuf fois par nuyt, et la soeur de nostre gentil homme qui ouyt ce propos gettoit l'oeil souuent sur ce bergier et de fait jamais ne cessa tant quelle vit son coup de luy dire qu'il ne laissa pour rien qu'il ne la vint veoir a l'hostel de son frere et qu'elle luy feroit bonne chere, le bergier qui la vit belle fille ne fut pas moyennement joyeux de ses nouvelles et promist de la venir veoir, et brief il fist ce qu'il auoit promis et a leure prinse entre sa Dame et luy, se vint rendre a l'endroit d'une fenestre haute et dangereuse a monter, toutesfois a l'aide d'une corde qu'elle luy deuala, et d'une vigne qui la estoit il fit tant qu'il fut en la chambre et ne fault pas dire s'il y fut volentiers veu. Il monstra de fait ce dont il s'estoit vanté de bouche, car auant que le jour vint il fist tant que le cerf eut huit cornes accomplies, laquelle chose sa Dame prit bien en gré. Mais vous devéz sca-

voir

uoir et entendre que le bergier auant qu'il peut paruenir a sa Dame luy failloit cheminer deux lieuës de terre et puis passoit a nagiër la grosse riuere du Rosne qui batoit a l'hostel ou sa Dame demouroit et quant le jour venoit luy failloit arière repasser le Rosne, et ainsi s'en retourna a sa bergerie, et continua ceste maniere, et ceste facon de faire vne grande espace de temps sans qu'il feust decouuert, pendant ce temps plusieurs gentils hommes du pays demandoient ceste Damoiselle que estoit deuenüe bergiere en mariage, mais nul ne venoit a son gré dont son frere n'estoit pas trop content, et luy dist plusieurs fois, mais elle estoit tousjours garnie d'excusacions et de responses largement, dont elle aduertissoit son amy le bergier auquel un soir elle promist que s'il vouloit elle n'auroit jamais autre mary que luy, et il dist que il ne demandoit autre bien, mais la chose ne se pouroit dist il conduire pour vostre frere et autres vos amys. Ne vous chaille dist elle laissez m'en faire j'en cheuiray bien, ainsi promisdrent l'vng a l'autre neantmoins toutteffois il vint vng gentil homme qui fist arrière requerir nostre Damoiselle bergiere et la vouloit auoir seulement vestuë et habilleé comme a son estat

appar-

appartenoit, fans autre chose a laquelle le frere d'elle eut volentiers entendu et besongnié, et cuida mener sa soeur a ce quelle si consentist, luy remonstra ce que on scait faire en tel cas, mais il n'en peut venir a chief dont il fut mal content. Quant elle vit son frere indigné sur elle, le tire d'une part et luy dist. Mon frere vous mauez beaucoup parlé de moy marier a telz et a telz, et ie ne me y suis voulu consentir, dont ie vous requiers que vous ne me saichiez nul malgré, et me vueillez pardonner le mautalent que auez sur moy. Je vous diray autrement la raison qu'a ce me meut et contraint en ce cas, mais que me vueillez asseurer que ne me feréz ne voudrez pis. Son frere luy promist volentiers. Quant elle se vit asseuré elle luy dist quelle estoit mariéé autant vault jour de sa vie autre homme n'auroit a mary que celuy qu'elle luy monstrera a nuyt s'il veult. Je le vuëil bien veoir dist il, mais qui est, vous le verrez par temps dist elle, quant vint a leur accoutumé, vecy bon bergier qui se vint rendre en la chambre de sa Dame Dieu scait comment mouillé d'auoir passé la riuiere, et le frere d'elle le regarda et veoit que c'est le bergier de son voisin, si ne fut pas

pas peu esbahy et le bergier encores plus qui s'en cuida foüir quant il le vit, demeure dist il tu n'as garde est ce dist il a sa soeur celuy la dont vous m'avez parlé ouy vrayement mon frere dist elle. Or luy faites dist il, bon feu pour soy seichier, car il en a bon mestier, et pensez comme du vostre et vrayement vous n'avez pas tort se vous luy voulez du bien car il se met en grant dangier pour l'amour de vous, et puis que vos besongnes sont en tels termes, et que vostre couraige est a cela que d'en faire vostre mary, a moy ne tiendra il pas et maudit soit il qui ne s'en despechera. Amen dist elle, a demain qui voudra. Et ie le vueil dist il, et vous bergier dist il qu'en dictes vous, tout ce qu'on veult, il n'y a remede dist il, vous estes et soyez mon frere, aussi suis ie piéca de la houlette, si dois je bien auoir vng bergier a frere. Pour abregier le compte du bergier le gentil homme consentit le mariage de sa soeur et du bergier, et fut fait, et les tint tous deux en son hostel combien qu'on en parla asséz par le pays, et quant il estoit en lieu que on luy disoit que c'estoit merueilles qu'il n'auoit fait battre ou tuer le bergier, il respondist que jamais il ne pouroit vouloir mal a riens que  
sa

sa soeur aymast et que trop mieulx vouloit auoir le bergier a beau frere au gré de sa soeur que vng autre bien grant maistre au desplaisir d'elle et tout ce disoit par farce et esbattemēt car il estoit et est toujours très gracieux et nouueau et bien plaisant gentil homme et le faisoit bon oüyr deui- er de sa soeur voire entre ses amys et pri- rez Compaignons.



NOUVELLE LVIII.  
**FIER CONTRE**  
 FIER.


**J**E congneuz au temps de ma verde  
 plus vertueuse jeunesse deux petits gents  
 homms

hommes beaux Compaignons bien affou-  
uis et adrêffez de tout ce qu'on doit louer vn  
gentil homme vertueux. Ces deux estoient  
tant amys aliéz et donnez l'vng a l'au-  
tre, que d'abillemens tant pour leurs corps  
que leurs gens et cheuaults toujours  
estoient pareils, aduint qu'ils deuidrent  
amoureux de deux belles jeunes filles gen-  
tes et gracieuses, et le mains mal qu'ils  
sceurent firent tant quelles feurent aduer-  
ties de leurs nouvelles entreprinſes du  
bien du ſeruire de cent mille choses que  
pour elles faire voudroient. Ils furent  
eſcoutez mais autre chose ne s'en enſuyuit.  
J'espere, pource quelles estoient de ſerui-  
teurs pourueués ou que d'amours nulle-  
ment n'auoient cure mais a la verité dire  
ilz estoient beaux Compaignons tous deux  
et valoient bien d'estre retenus ſerviteurs  
d'aussi femmes de bien qu'elles estoient.  
Quoy qu'il fut toutteffois ils ne sceurent  
oncques tant faire qu'ilz feussent en gra-  
ce, dont ils passerent maintes nuyts Dieu  
ſcait a quelle peine, maudisant puis fortu-  
ne, maintenant amours, et très ſouuent  
leurs Dames qu'ils trouuoient tant rigou-  
reuses, eulx estans en ceste rage et deme-  
ſurée langueur, l'vng dist a son Compai-

gnon , nous voyons a loeil que nos Dames ne tiennent compte de nous toutes fois nous enraignons aprez , et tant plus nous monstrent de fierté et de rigueur tant plus les desirons complaire et seru et obeir , laquelle chose est vne haute folie , ie vous requiers et prie que nous ne tenons compte d'elles emplus qu'elles font de nous , et vous verrez s'elles peuuent congnoistre que nous soyons a cela que elles enrageront aprez nous comme nous faisons maintenant après elles. Helas dit l'autre c'est bon conseil que en pouroit venir a chief. J'ay trouué la maniere dist le premier , j'ay tousjours oüy dire et ouï le met en son liure du remede d'amour que beaucoup souuent faire la chose que scauez fait oublier et peu tenir compte de celle qu'on ayme , et dont on est fort feru. Si vous diray que nous ferons ainu venir a nostre logis deux jeunes filles de nos cousines , et couchons avecques elles , et leurs faisons tant la folie que nous ne puissions les rains trainer , et puis venons deuant nos Dames , au dyable l'homme que en tiendra compte. L'autre accorda , et comme il fut proposé et deliberé , il fut fait et accompli , car ils eurent

rent chascun vne belle fille. Apres ce ils s'en vindrent trouuer deuant leurs Dames en vne feste ou elles estoient, et faisoient bons Compaignons la roë et du fier, et se pourmenoient pardeuant elles, et deui-  
soient d'vng cousté et d'autre, et faisoient cent mille manieres pour dire nous ne tenons compte de vous, cuidans comme ils auoient proposé que leurs Dames en deussent estre mal contentes, et quelles les deussent rapeller maintenant ou autrefois, mais autrement en alla car s'ils monstroient semblant de tenir peu compte d'elles, elles monstroient tout apertement de riens y encontrer dont ils se apperceurent très bien et ne s'en scauoient assez esbahir. Sy dist l'vng a son Compaignon scéz tu comment il est, par la mort bieu nos Dames ont fait la folie comme nous, et ne vois tu comment elles sont fieres elles tiennent toutes telles manieres que nous faisons, si ne me crois jamais selles ne ont fait comme nous, elles ont prins chascun vng Compaignon et ont fait jusqua outrance la folie, au dyable les crapaudailles laissons les la. Par ma foy dist l'autre ie le croy comme vous ie n'ay pas aprins de les veoir telles. Ainsy penserent les Com-

paignons que leurs Dames eussent fait comme eulx pource qu'il leur sembla a l'eure qu'elles n'en tenissent compte ils ne tenoient compte d'elles, mais il n'en fut rien et est assez legier a croire.



NOUVELLE LIX.

## LE MALADE

AMOUREUX.

EN la ville de saint omér auoit n'agué-  
res vn gentil Compaignon sergent de  
F 4 Roy

Roy lequel estoit marié a vne bonne et loyale femme que autrefois auoit esté marié, et luy estoit demouré vng fils quelle auoit adrelié en mariage. Ce bon Compagnon jasoit ce qu'il eut bonne et prudente femme, neantmoins il semploioit tres bien de jour et de nuyt a seruir amours par tout ou il pouoit, et tant que a luy estoit possible, et pource que en temps d'hyuer sourdent plusieurs fois les inconueniens plus de legier que en autre temps a poursüir la queste il s'aduifa et delibera que il ne partiroit point de son hostel pour seruir amours, car il auoit vne très belle gente et jeune fille chamberiere de sa femme avecques laquelle il trouueroit maniere destre son seruiteur. Pour abregier tant fist par dons et par promesses qu'il eut octroy de faire tout ce que luy plairoit, iasoit que a grant peine, pource que sa femme estoit tousjours sus eulx que congnoissoit la condition de son mary. Ce nonobstant amours que veult tousjours secourir ses vrayz seruiteurs inspira tellement l'entendement du bon et loyal seruant qu'il trouua moyen d'accomplir son veu. Car il feignit estre très fort malade de refroidement et dist a sa femme. Tres douce Compaigne venez, je suis si très malade que plus  
ne

ne puis, il me faut aller coucher, et vous prie que vous faciéz tous nos gens couchier, affin que nul ne face noise ne bruit, et puis venez en nostre chambre. La bonne Damoiselle que estoit tres desplaisante du malade son mary fist ce qu'il commanda et print beaux draps et les chauffa et mist sus son mary après qu'il fut couchié, et quant il fut bien eschauffé par longue espace il dist mame il suffist ie suis assez bien Dieu mercy et la vostre que en auez prins tant de peine, si vous prie que vous en veniéz couchier emprés moy, et elle que desiroit la santé de son mary fist ce qu'il commandoit et s'endormist le plustost qu'elle peut, et assez tost après que nostre bon mary apperceut quelle dormoit se coula tout doucement jus de son lit, et s'en alla combattre ou lit de sa Dame la chamberiere tout prest pour son veu accomplir, ou il fut bien receu et rencontré et tant rompirent de lances qu'ils furent si las et si recreans qu'il conuint que en beaux dras demeurissent endormis et comme aucunnefois aduient que quant on s'endort en aucun desplaisir ou merencolie au resueiller, c'est ce que vient premier a la personne, et est aucunnefois mesme cause du reueil comme a la Damoiselle aduint

aduint, et jasoit ce que grant soing eut de son mary, toutesfois elle ne le garda pas bien car elle trouua qu'il estoit de son lit party. Et au taster qu'elle fist sus son oreiller, et en sa place, trouua qu'il y auoit long temps qu'il n'y auoit esté. Adonc comme toute desespereé faillit sus et en vestant sa chemise et sa cotte simple disoit a part elle las meschante ores es tu vne femme perduë et gasteé et que fait bien a reprochiér quant par la negligence a laissé cet homme perdre. Helas pourquoy me suis je ennuyt coucheé pour ainsi m'abandonner au dormir. Or vierge marie, veillez mon cueur rejoyr et que par ma cause il n'ayt nul mal, car ie me tienderoye copable de sa mort, et après tous ces regrets et lamentacions elle se partit hastiuement, et alla querir de la lumiere et affin que sa chamberiere luy tint compagnie a querir son mary, elle s'en alla en sa chambre pour la faire leuer, et la endroit trouua la douce paire en dormant bras a bras, et luy sembla bien qu'ils auoient ceste nuyt trauaillé, car ils dormoient si fort qu'ils ne s'eueillerent point pour personne que y entraist, ne pour lumiere que on y porta, et de fait pour la joye quelle eut de ce que son mary n'estoit point si mal ne sy

desuoyé

desuoyé qu'elle esperoit que son cuëur luy auoit iugé, elle s'en alla querir ses enfans et les varlets de l'hostel et les mena voir la belle compaignie, et leurs enjoignit expressément qu'ils n'en feissent quelque semblant, et puis leurs demanda en basset que c'estoit ou lit de sa chamberiere que la dormoit avecques elle, et ses enfans responderent que c'estoit leur pere, et les varlets dirent que c'estoit leur maistre. Adoncques elle les ramena dehors et les fist aller couchier car il estoit trop matin pour eulx leuer et aussi elle s'en alla en son lit, mais depuis ne dormit gueres, tant qu'il fut heure de leuer. Touttefois asséz tost après, la compaignie des vrays amans s'esueilla et se despartirent l'vng de l'autre amoureuxment. Si s'en retourna nostre maistre a son lit emprés sa femme sans dire mot et aussi ne fist elle et faignit de dormir, dont il fut moult joyeux et lye pensant quelle ne sceut riens de sa bonne fortune, car il la craignoit et redoutoit a merueilles, tant pour sa paix que pour l'onneur et le bien de la fille, et de fait se reprint nostre maistre a dormir bien fort. Et la bonne et gente Damoiselle qui point ne dormoit si tost qu'il fut heure de descouchier se leua pour festoier son

son mary, et luy donna aulcune chose confortatiue après la medecine laxatiue qu'auoit prinse ceste nuyté. Puis après la bonne Damoiselle fist leuer ses gens et appella sa chamberiere et luy dist quelle prin les deux plus gras chappons de la chaponnerie, et que les appointast tres bien et puis qu'elle allast a la boucherie querir la meilleure piéce de boeuf quelle pouroit trouuer, et si cuist tout a vne bonne eau pour humer ainsy quelle le scauroit bien faire, car elle estoit maistresse et ouriere de faire bon broüet, et la bonne fille que de tout son cuëur desiroit complaire a sa Damoiselle et encores plus a son maistre a l'vng par amours et a l'autre par crainte dist que tres volentiers le feroit. Cependant la Damoiselle alla oüir la messe, et au retour passa par l'ostel de son fils dont cy dessus a esté parlé et luy dist que venist dîner avecques son mary, et sy amenast avec luy trois ou quatre Compaignons quelle luy nomma, et que son mary et elle les prioient qu'ils venissent dîner avec eulx. Quant elle eut ce dit elle se retourna a l'ostel pour entendre a la cuisine de peur que le humeau ne fust espandu comme par mal le garde il auoit esté la nuyté precedente,

mais

mais nenny. Car nostre bon mary s'en estoit allé a l'eglise oyr la messe, et tandis que le disner s'aprestoit le fils a la Damoiselle, alla prier ceux qu'elle luy auoit nommez que estoient les plus grans farceurs de toute la ville de saint omer. Or reuint nostre maistre de la messe, et fist vne grande brassie a sa femme, et luy donna le bon jour, et aussy fist elle a luy, mais toutesfois elle n'en pensoit pas mains, et luy commença a dire qu'elle estoit bien joyeuse de sa santé dont il la remercia, et luy dist, vrayment ie suis assez en bon point Dieu mercy ma mie veu que iestoié hyer a la vespre, si mal disposé, et me semble que i'ay tres bon appetit si vouldroie bien aller disner se vous voulez, lors elle luy dit i'en suis bien contente, mais il faut vng peu attendre que le disner soit prest, et que telz et telz qui sont priéz de disner avecques vous soient venus, priez dist il, et a quel propos ie n'en ay cure, et aymasse mieulx qu'ils demourasse, car ils sont si grans farceurs que s'ils scauent que i'ay esté malade, ils ne me feront que farcer au mains belle Dame ie vous prie qu'on ne leurs en die riens, et encores autre chose y a, que mangeront ils, et elle dist qu'il ne s'en sou-

cia

cia point et quils auroient assez a mengier, car elle auoit fait appointer et abiller les deux meilleurs chappons de leans, et vne tres bonne piece de boeuf pour l'amour de luy, de laquelle chose il fut bien joyeux, et dist que c'estoit bien fait. Et tantost après vinrent ceux que l'en auoit priez avecques le fils de la Damoiselle et quant tout fut prest, ils s'en allerent seoir a table et firent tres bonne chiére, et par especial loste, et buuoyent souuent, et d'autant l'vng a l'autre, et lors loste commença a dire a son beau fils. Jehan mon amy ie vueille que vous beuez a vostre mere, et faites bonne chére adonc le fils respondit que tres volentiers le feroit, et ainsi qu'il eut beu a sa mere, la chamberiere que seruoit, suruint a la table pour seruir les assistans ainsy qu'il appartenoit comme bien et honnestement le scauoit faire, et quant la Damoiselle la vit elle lapella et luy dist, venez ca ma douce Compaigne beuez a moy et ie vous plegeray. Compaigne dea dist nostre amoureux, et dont vient maintenant celle grant amour que male paix y puist mettre Dieu, vecy grant nouuelleté, voire vrayement c'est ma Compaigne certaine et loyale, en auez vous si grant merueille?

ueille ? Ha dea dist l'oste. Jehane gardés que vous distes, on pouroit ja penser quelque chose entre elle et moy et pourquoy ne feroit on dist elle; ne vous ay ie point annuyt trouué couchié avec elle en son lit et dormant bras a bras ? couché dist il, voire vrayement couchié dist elle, et par ma foy beaux seigneurs dist il n'en est riens, et ne le fait que pour me faire despit, et aussi pour donner a la poure fille blasme, car ie vous promets que onques ne m'y trouuay. Non dea dist elle vous l'orrez tantost et le vous feray toute a ceste heure dire deuant vous par tous ceux de ceans; adonc appella ses Enfans, et les varletz que estoient deuant la table, et leur demanda se ils auoient point veu leur pere couchié avecques la chamberiere et ils dirent que ouy. Adonc leur pere respondit, vous mentez mauuais garçons vostre mere le vous fait dire. Sauue vostre grace pere nous vous y veismes couché, aussi firent nos varlets. Quen distes vous dist la Damoiselle vrayement il est vray dirent ils, et lors y eut grande risée de ceux que la estoient, et le mary fut terriblement hebahy car la Damoiselle leurs compta comment il s'estoit fait malade et toute la maniere de faire, ainsi qu'elle auoit

auoit esté , et comment pour les festoier elle auoit fait appareiller le disner , et prié ses amys , lesquels de plus en plus renforcoient la chose dont il estoit si honteux qu'a peine scauoit il tenir maniere , et ne se feut autrement sauuer que de dire. Or auant puis que chascun est contre moy , il faut bien que ie me taise , et que je accorde tout ce qu'on veut car ie ne puis tout seul contre vous tous , après commanda que la table fut osteé , et incontinent graces renduës appella son beau fils et luy dist. Jehan mon amy ie vous prie que se les autres me accusent de cecy que me excusez en gardant mon honneur et alléz scauoir a ceste poure fille que on luy doit , et la payés si largement qu'elle n'ayt cause de soy plaindre puis la faites partir , car ie scay bien que vostre mere ne la souffreroit plus demourer ceans. Le beau fils alla incontinent faire ce qui luy estoit commandé , et puis retourna aux Compaignons qu'il auoit amenez , lesquels il trouua parlans a sa mere , et la remercioit moult grandement de ses biens et de la bonne chère quelle leurs auoit faite puis prindrent congé et s'en allerent.



NOUVELLE LX.

# LES NOUVEAUX

FRÈRES MINEURS.

**A** Duint n'aguères que en la Ville de  
Troye auoit trois Damoiselles les-  
 Tom. II. G quelles

quelles estoient femmes a trois bourgoys de la ville, riches et puiffants, et bien aisiéz, lesquelles furent amoureuses de trois freres mineurs, et pour plus seurement leur fait courir, sous vmbre de deuocion chascun jour se leuoient vne heure ou deux deuant le jour, et quant il leurs sembloit heure d'aller vers leurs amoureux elles disoient a leurs maris quelles alloient a matines, a la premiere messe, et pour le grant plaisir qu'elles y prenoient, et les religieux aussy souuent aduenoit que le jour les surprenoit largement si quelles ne scauoient comment faillir de l'hostel que les autres Religieux ne s'en aperceussent. Pourquoy doubtant les grands perils et inconueniens que en pouuoient soudre, fut prinse conclusion par eulx toutes ensemble que chascune d'elles auroit habit de religieux et feroient faire grande couronne sur leur teste comme selles estoient du conuent de leans, jusques finalement vng autre certain jour quelles y retourneroient après. Tandis que leurs maris, gueres ny pensoient elles venuës és chambres de leurs amis vng barbier secret fut mandé, c'est a scauoir des freres de leans qui fist aux Damoisselles chascune la couronne sur la teste, et  
quant

quant vint au departir, elles vetirent leurs habits qu'on leurs auoit appareilléz et en cest estat s'en retournoient deués leur hostel et s'en allerent desuetir, et mettre jus leurs habits de deuocion chez vne certaine matrosne affaictéé et puis retournerent emprés leurs maris, et en ce point continuerent grant temps sans que personne s'en apperceut, et pource que dommaige eust esté que telle deuocion et trauail neust esté congnuë: fortune voulut que a certain jour que l'une de ces bourgeoises se estoit mise au chemin pour aller au lieu accoustumé, l'embusche fut decouuerte, et de fait fust prinse a tout l'habit dissimulé par son mary, qui l'auoit poursuiuie; si luy dist Beau frere vous soyez le tres bien trouué, je vous prie que retournez a l'hostel, car j'ay a parler a vous de conseil, et en cest estat la ramena dont elle ne fist ja feste. Or aduint que quand ils furent a l'hostel le mary commença a dire en maniere de farce. Dicteres vous par vostre foy que la vraye deuocion dont ce temps d'yuer auéz esté esprinse vous fait endosser l'habit de saint Francois, et porter couronne semblable aux bons frères, dicteres moy ie vous requiers que a esté vostre recteur, ou

par saint Francoys vous lamenderés, et fist semblant de tirer sa dague, adoncques la pourette se jetta a genoux et s'escria a haute voix ha mon mary ie vous crie mercy ayez pitié de moy car iay esté s'esduite par mauuaise compaignie, ie scay bien que je suis morte, si vous voulez, et que je ne ay pas fait comme je deusse, mais ie ne suis pas seule deceuë en telle maniere et si vous me vouléz promettre que ne me ferez rien, ie vous diray tout, adonc son mary sy accorda, lors elle luy dist comment plusieurs fois elle auoit esté oudit monastere auec deux de ses Compaignes desquels deux des Religieux sestoient enamourés et en les accompaignans aucuneffois a faire colacion en leurs chambres, le tiers fust esprins d'amours de moy en me faisant tant de humbles et doulces requestes, que nullement ne m'en suis peu excuser et mesmement par l'instigacion et enhort de mesdictes Compaignes ie l'ay fait, disans que nous aurions bon temps ensemble, et si n'en scauroit on rien. Lors demanda le mary que estoient ses Compaignes, et elle les luy nomma. Adoncques sceut il qui estoient leurs marys. Et dist le compte qu'ilz beuuoient souuent ensemble, puis

de

demanda qui estoit leur barbier, et les noms des trois Religieux. Le bon mary considerant toutes ces choses avec les douloureuses admiracions et piteux regrets de sa femmellette dist. Or gardez bien que tu ne die a personne que je saiche parler de ceste matiere, et je te prometz que ie ne te feray ia mal. La bonne Damoiselle luy promist que tout a son plaisir elle feroit, adonc incontinent part et alla prier au disner les deux maris et les deux Damoiselles, les trois cordeliers et le barbier et promisdrent de venir lesquelz venus le lendemain et eulx assis a table firent bonne chère sans penser a leur maladventure, et apréz que la table fut osteé pour conclure de l'escot, firent plusieurs manieres de faire mises auant joyeusement sus quoy l'escot seroit prins et soutenu, ce touteffois qu'ilz ne sceurent trouuer, ne estre d'accort tant que l'hoste dist, puis que nous ne scauons trouuer moyen de gaigner nostre escot par ce qui est mis en termes, je vous diray que nous ferons, il faut que nous le facions payer a ceux de la compagnie qui la plus grant couronne portent, reserué ces bons Religieux car ils ne payeront riens quant a present, a quoy ils s'accorderent tous et

furent contens que ainsy en fust et le bar-  
 bier en fut fait le juge. Et quant tous ces  
 hommes eurent monstréz leurs couronnes,  
 l'oste dist qu'il falloit veoir, se les femmes  
 en auoient nulles, si ne fault pas deman-  
 der s'il en y eut en la compagnie qui eu-  
 rent leurs cuëurs estrains, et sans plus at-  
 tendre l'oste prist sa femme par la teste e  
 la decourit. Et quant il vit cette cou-  
 ronne il fist vne grande admiracion faignan  
 que riens n'en sceut, et dist il faut veoir les  
 autres selles sont couronneés aussy. Adonc  
 leurs maris les firent d'effubler, et pareil-  
 lement furent trouuées comme la premie-  
 re, de laquelle chose ils ne firent pas trop  
 grant feste, nonobstant qu'ilz en fissent  
 grandes risées, et tous en maniere de joy-  
 yeuseté dirent que vrayement l'escot estoit  
 gagné, et que leurs femmes les deuoient  
 mais il falloit scauoir a quel propos ces cou-  
 rones auoient esté enchargeés, et l'oste  
 qui estoit asséz joyeux leur compta tout le  
 demené de la chose soubz telle protestacion  
 qu'ils le pardonneroient a leurs femmes  
 pour ceste fois parmy la penitence que les  
 bons Religieux porteroient en leur presen-  
 ce, laquelle chose les deux marys accor-  
 derent et incontinent l'oste fist saillir quatre

ou six roides bons galans hors d'une chambre tous aduertis de leur fait, et prindrent bons moynes, et leurs donnerent tant de biens de leans qu'ils en purent entasser sur leurs dos, puis les bouterent hors, et eurent leurs marys plusieurs deuises qui seroient longues a racompter.



NOUVELLE LXI.

LE COCU

DUPÉ.

**A** Duint vng jour que en vne bonne ville  
de henault auoit vn bon marchand  
marié

marié a vne vaillante femme , lequel très souuent alloit en marchandise qui estoit par aduventure occasion a sa femme d'aymer aultre que luy en laquelle chose continua et perseuera moult longuement. Neantmoins en la parfin l'embusche fut decouuerte par vng sien voisin que parent estoit audit marchand , et demouroit a l'opposite de l'ostel dudit marchand et de sa maison , il vit et apperceut souuentefois vng gentil galant heurter et entrer de nuyt , et saillir hors de l'hostel dudit marchand , laquelle chose venuë a la congnoissance de celuy a que le dommaige se faisoit par l'aduertissement du voisin fut moult desplaisant en remerciant son parent et voisin , et dist que briuement il y pourueiroit , et qu'il se bouteroit du soir en sa maison affin qu'il veist mieux qui yroit et viendroit en son hostel , et semblablement faignit d'aller dehors et dist a sa femme et a ses gens qu'il ne scauoit quant il retourneroit , et luy party au plus matin , ne demoura que jusqu'a la vesprée qu'il bouta son cheual quelque part et vint couuertement chez son cousin , et la regarda par vne petite treille attendant s'il verroit ce que gueres ne luy plairoit , et tant attendit que enuiron neuf heures en la nuyt

le

le galant a qui la Damoiselle auoit fait scouoir que son mary estoit allé dehors passant pardeuant l'hostel de la belle et regarda a lhuys pour veoir s'yl y pouroit entrer mais encores le trouua il fermé. Si pensa bien qu'il n'estoit pas heure pour les doutes, et ainsi qu'il varioit entour, ce bon marchand que pensa bien que c'estoit son homme, descendist et vint a luy et luy dist Mon amy nostre Damoiselle vous a bien aperceu, et pource qu'il est encores temps assez et qu'elle a doubte que nostre maistr ne retourne, elle ma requis et prié que vous mette dedans s'il vous plaist. Le Compaignon cuydant que ce fut le varlet, s'aduentura d'entrer leans avecques luy, et tout doucement luis fut ouuert, et le mena tout derriere en vne chambre en laquelle auoit vne moult grande huche, laquelle il defferma et fist entrer dedans afin que se le marchand reuenoit qu'il ne le trouua pas, et que sa maistresse reuiendroit assez tost mettre dehors et parler a luy, et tout ce souffrit le gentil galant pour le mieulx et aussy pource qu'il pensoit que l'autre dist verité. Et incontinent se partit le marchand le plus celeement qu'il peut, et s'en alla a son cousin, et a sa femme, et leurs dist, je vous prometz

rometz que le rat est prins, mais il nous  
aut aduifer qu'il en est de faire, et lors son  
ousin et par especial la femme qui n'ay-  
noit point l'autre furent bien j'yeux de la  
enuë, et dirent qu'il seroit bon que l'en le  
nonstra aux parents et amys de la femme  
affin qu'ils veissent son gouvernement. Et  
ceste conclusion prinse le marchant alla  
l'hostel du pere et de la mere de sa fem-  
ne et leurs dist qu'ilz s'en vinssent moult ha-  
stiuement a son logis. Tantost faillirent sus  
et tandis qu'ils s'appointoient et appareil-  
loient pour leurs en aller chez leur fille, il  
alla pareillement querir deux des freres et  
deux des seurs d'elle, et leurs dist comme  
il auoit fait au pere et a la mere, et puis  
quant il les eut tous assemblés, il les mena  
en la maison de son cousin, et il leurs com-  
pta tout au long la chose ainsi quelle estoit,  
et leurs compta pareillement la prinse du  
rat, or conuient il scauoir comment ce gen-  
til galant pendant ce temps se gouverna en  
celle huche de laquelle il fut gaillardement  
deliuré attendu l'adventure, car la gente  
Damoiselle que se donnoit garde souuent se  
son amy viendroit point, alloit deuant et  
derriere pour veoir s'elle en auroit point  
quelque nouvelle, et ne tarda my grant  
pieces

pieces que le gentil Compaignon que oyoy bien que lon passoit assez près du lieu ou estoit, et si le laissoit on la, il print a heurter du point a ceste husche tant que la Dame l'oüyt qui en fut moult espantée et neanmoins elle demanda que c'estoit, et le Compaignon respondit, hélas tres douce amyce suis je que me meurs de chaud et de doubte de ce que m'y auez fait bouter, e sy ny allez ne venez; qui fut alors bien esmerueilleé ce fust elle; ha vierge marie et pensez vous mon amy que je vous y ay fait mettre, par ma foy dist il ie ne scay au mains est venu vostre varlet a moy, et ma dit que luy auez requis qu'il me mis en l'hostel, et que je entrasse en ceste husche, afin que vostre mary ne m'y trouua, si d'adventure il retournoit pour ceste nuyt, ha dist elle sur ma vie que ca esté mon mary. A ce coup suis je vne femme perduë et est tout nostre fait decouuert. Scauez vous dist il comment il va, il conuient que me mettez dehors ou ie romperay tout car ie ne puis plus durer. Par ma foy dist la Damoiselle, ie n'en ay point la clef, et se vous le rompez ie seray defaite, et dira mon mary que ie l'auray fait pour vous sauuer, finalement la Damoiselle chercha tant qu'elle trouua

quua de vielles clefs entre lesquelles y en  
 e: vne que deliura le poure prisonnier, et  
 quant il fut hors il troussa sa Dame, et  
 luy monstra le couroux quil auoit sus elle,  
 laquelle le print paciemment, et a tant s'en  
 valut partir le gentil amoureux, mais la  
 Damoiselle le print et accola, et luy dist  
 que si s'en alloit ainsy, elle estoit aussi bien  
 honnorée que s'il eut rompu la husche.  
 Equ'est il donc de faire dist le galant; si  
 pas ne mettons dist elle quelque chose de-  
 dans et que mon mary le treuve ie ne me  
 voye excuser que ie ne vous aye mis  
 hors, et quelle chose y mettrons nous  
 le galant affin que ie me parte car il est  
 rare. Nous auons dist elle en ceste estable  
 un asne que nous y mettrons si vous me  
 voulez aider. Ouy par ma foy dist il. Adonc  
 mettront cet asne getté dedans la huche et puis  
 refermerent, lors le galant prit congié  
 d'un long doux baiser et se partit en ce point  
 par vne issuë de derriere, et la Damoiselle  
 alla prestement couchér et après ne de-  
 dura pas longuement que le mary qui tan-  
 que ces choses se faisoient assembla ses  
 freres et les amena tous chez son cousin  
 carame dist est, ou il leurs conta tout en-  
 tierement l'estat de ce que on luy auoit dit,

et

aussi comment il auoit prins le galant a ses  
 barres. Et adoncques a celle fin dist il que  
 vous ne disiez point que je vueille a vostre  
 fille imposer blasme sans cause, ie vous  
 monstreray a l'oeil, et au doigt le ribau  
 que ce deshonneur nous a fait et prié qu'  
 auant qu'il faille hors qu'il soit tué. Adon  
 chascun dist que ainsi seroit il, et aussy di  
 le marchand je vous rendray vostre fille  
 pour telle quelle est, et de la se partirent  
 les autres avecques luy qui estoient mou  
 dolens des nouvelles et auoient torches et  
 flambeaux pour mieulx chercher par tout  
 et que riens ne leurs peult eschapper, i  
 heurterent a l'huis si rudement, que la Da  
 moiselle y vint premiere que nulz de lean  
 et leurs ouurit luy. Et quant ils furent  
 entrez elle salua son mary son pere et sa me  
 re, et les autres, monstrant quelle esto  
 bien esmerueillee quelle chose les ameno  
 et a telle heure, et a ces mots son mar  
 hausse le point et luy donne vng tres gran  
 baffe, et dist, tu le scauras tantost faulse  
 telle et quelle tu es. Ha regardéz que vous  
 distes; amenez vous pour ce, mon pere  
 et ma mere icy; ouy dist la mere faulse gar  
 que tués on te monstrera ton lourdier pro  
 fitement, et lors ses seurs vont dire,

pardie

r dieu vous n'estes pas venuë de lieu pour  
 vous gouverner ainsy. Mes seurs dist elle  
 r tous les saints de Rome, ie n'ay rien  
 it que vne femme de bien ne doiuë et  
 uisse faire, ne ie ne doubtte point qu'on  
 ouie le contraire monstrier sur moy. Tu as  
 enty dist son mary ie le te monstrieray  
 continent, et fera le ribault tué en ta presen-  
 e sus tost ouurez ceste husche, moy dist elle  
 en verité je croy que vous reuez, ou que  
 vous estes hors du sens, car vous scauez  
 en que je n'en portés oncques la clef  
 mais pend auecques les vostres dès le temps  
 que vous y mettiez vos besongnes, et pour-  
 tant se vous la voulez ouurir, ouurez la.  
 Mais je prie a Dieu que aussi vrayement que  
 oncques je n'euz compaignie auecques ce-  
 luy que est la dedens enclos qu'il m'en de-  
 lire a joye et a honneur, et que la mau-  
 uise enuie que l'on a sur moy puisse icy  
 estre aueréé et demonstreeé, et aussy sera  
 de comme bien ay bon espoir. Je croy dist  
 le mary qui la veoit a genoulx pleurant et  
 gmissant quelle scait bien faire la chatte  
 bouilleé et que la voudroit croire elle scau-  
 roit bien abuser les gens, et ne doubttez,  
 me suis pieca aperceu de la trainéé. Or  
 la je voys ouurir la husche, si vous prie  
 Mes-

Messeigneurs que chascun mette la main  
 ce ribault qu'il ne nous eschappe, car il est  
 fort et roide. N'ayez paour dirent ils tou  
 ensemble, nous scaurons bien faire, adon  
 tirerent leurs espees et prindrent leurs mail  
 lets pour assommer le poure amoureux, e  
 luy dirent ores te confesses car jamais n'au  
 ras prestre de plus prez, la mere et les seur  
 qui ne vouloient point veoir ceste occision  
 se tirerent d'une part, et aussitost qu'il eul  
 ouuert la husche, et que cest asne vit la  
 lumiere si tres grande, il commença a han  
 nir si hydeusement qu'il n'y eut si hardy  
 leans qui ne perdit et sens et maniere, e  
 quant ils virent que c'estoit vng asne, e  
 que il les auoit ainsy abuséz, ils se voulu  
 rent prendre au marchant et luy dirent au  
 tant de honte comme sain& Pierre eut onc  
 ques d'honneur et mesmes les femmes si luy  
 vouloient courir sus et de fait s'il ne s'er  
 fust foüy, les freres de la Damoiselle l'euf  
 sent la tué pour le grant blasme et deshon  
 neur qu'il leurs auoit fait et vouloit faire  
 Et finablement en eut tant a faire qu'il con  
 uint que la paix et traictéz en furent refaits  
 par les notables de la ville, et en furent  
 les accuseurs tousjours en indignacion du  
 marchant et dist le compte qu'a la paix faire  
 il y

Il y eust grande difficulté et plusieurs protestacions des amis a la Damoiselle ; Et d'autre part de bien estroites promesses du Marchant qui depuis bien et gracieusement se gouverna et ne fut oncques homme meilleur a sa femme qu'il fut toute sa vie et aimèrent leur vie ensemble.



NOUVELLE LXII.  
L'ANNEAU  
P E R D U.

**E**Nviron le mois de Juillet alors que certaine conuencion et assemblee se tenoit, entre

entre la ville de Calais et Garnelinghes assez prez du Chastel doye, a laquelle assembleé estoient plusieurs princes et grans Seigneurs tant de la partie de France comme d'Angleterre pour aduiser et traicter de la reconcon de Monseigneur d'Orleans estant lors prisonnier du Roy d'Angleterre, entre lesquels de ladicte partie d'Angleterre estoit le Cardinal de Viscestre qui a ladicte conuencion estoit venu en grant et noble estat tant de Cheualiers escuyers que d'autres gens d'Eglise, et entre les autres nobles hommes, auoit vng qui se nommoit Jehan Stotton escuyer tranchant et Thomas Brampton eschanson dudit Cardinal, lesquels Jehan et Thomas Brampton se entremoyent autant ou plus que pouroient faire deux freres germains ensemble; car le vestures habillemens et harnois estoient tousjours d'une facon au plus prés que ils pouoient, et la plus part du temps ne faisoient que vng lit et vne chambre, et oncques n'auoit on veu que entre eulx deux aucunement y eut quelque couroux noise ou maltalent, et quant ledit Cardinal fut arriué audit lieu de Calais on bailla pour le logis desdits nobles hommes l'hostel de Richard fery qui est le plus grant hostel de

ladiete ville de Calais et ont de coustume les grands seigneurs quant ils ariuent audict lieu passans et reuenans d'y logier. Ledit Richard estoit marié et estoit sa femme de k nacion du pays de hollande, que estoit belle gracieuse, et bien luy aduenoit a recevoir gens, et durant ladiete conuencion; laquelle on fut bien le space de deux mois yceux Jehan Stotton, et Thomas Brampton qui estoient si comme en l'aage de 27. a 28 ans ayant leur couleur de cramoisy viue et en point de faire armes par nuyt et par jour, durant lequel temps nonobstant les priuaultez et amitiés qui estoient entre ces deux seconds et Compaignons d'armes ledit Jehan Stotton au desceu dudit Thomas trouua maniere d'auoir entree, et faire le gracieux enuers leursdite hostesse et y continuoit souuent en deuises et semblables gracieusetez que on a coustume de faire en la queste d'amours, et en la fin s'enhardit de demander a ladiete hostesse la courtoisie; c'est a scauoir, qu'il peust estre son amy, et elle sa Dame par amours, a quoy comme faignant d'estre esbahye de telle requeste luy respondit tout froidement que luy ne aultre elle ne hayoit, ne voudroit hayr et qu'elle ay moit chascun par bien et par honneur.

mais

mais il pouoit sembler a la maniere de sa dite requeste quelle ne pouroit ycelle accomplir que ce ne fut grandement a son deshonneur et scandal et mesmement de sa vie, et que pour chose du monde a se ne voudroit consentir.

Adonc ledit Jehan repliqua disant qu'elle luy pouoit tres bien accorder; car il estoit celuy qui luy vouloit garder son honneur, jusques a la mort, et aymeroit mieulx estre pery, et en l'autre siecle tourmenté que par sa coulpe elle eust deshonneur, et qu'elle ne doubta en riens que de sa part son honneur ne fut gardé, luy supliant de rechief que sa requeste luy voulsist accorder, et a tousjours-mais se reputeroit son seruiteur et loyal amy, et a ce elle respondit faisant maniere de trembler disant que de bonne foy, il luy faisoit mouuoir le sang du corps de crainte et de paour qu'elle auoit de luy accorder sa requeste. Lors il s'aproucha d'elle, et luy requist vng baiser dont les Dames et Damoiselles dudit pays d'angleterre sont assez liberales de l'accorder et en la baisant luy pria doucement qu'elle ne fust paoureuse et que de ce qui seroit entre eulx deulx jamais nouvelle n'en seroit a personne viuant, lors elle luy dist. Je vōys bien que je ne puis

de vous eschapper que ne face ce que vous voulez, et puis qu'il faut que ie face quelque chose pour vous sauf touttefois tousjours mon bon honneur, vous scauez l'ordonnance qui est faicte de par les Seigneurs estant en cestedicte ville de Calais comment il conuient que chascun chief d'hostel face vne fois la sepmaine en personne le guet par nuyt sur la muraille de ladite ville, et pource que les Seigneurs, et nobles hommes de l'hostel de Monseigneur le Cardinal vostre maistre sont ceans logiez, mon mary a tant fait par le moyen d'aucuns ses amis enuers mondit Seigneur le Cardinal qui ne fera que demy guet, et entens qu'il le doit faire Jeudy prochain depuis la cloche du guet sonnoit au soir jusques a minuyt, et pource tandis que mon mary sera au guet se vous me voulez dire aucunes choses je les orray tres volentiers, et me trouuerez en ma chambre avec ma chamberiere laquelle estoit en grant vouloir de conduire et accomplir les volentez et plaisirs de sa maistresse. Ledit Jehan stotton fust de cela moult joyeux, et en remerciant sadicte hostesse luy dist que point ny auroit de faulte que audit sour il ne venist comme elle luy auoit dit. Or ce faisoient

es deuises le lundy precedent après disner, mais il ne faut pas oublier de dire comment ledit Thomas brampton auoit au deceu de sondit Compaignon Jehan stotton fait pareille diligence et requeste a leur hostesse, laquelle ne luy auoit oncques voulu quelque chose accorder, fors luy bailler une fois espoir, et l'autre doubte, en luy disant et remonstrant qu'il pensoit trop peu pour l'honneur d'elle, car se elle faisoit ce qu'il requeroit, elle scauoit de vray que son mary Richard fery et ses parens et amys luy osteroyent la vie du corps. Et a ce respondit ledit Thomas, ma tres douce Damoiselle amyè et hostesse, pensez que ie suis noble homme ne pour chose qui me peut aduenir ne voudroye faire chose qui destourna vostre deshonneur ne blasme, car ce ne seroit point vsé de noblesse, mais croyez fermement que la vostre honneur voudroye sauuer et garder comme le mien, et sy aymeroye mieulx a mourir qu'il en fut nouvelle, et n'ay amy ne personne en ce monde tant soit mon priué a qui ie voulfisse en nulle maniere descourrir nostre fait; la bonne Dame voyant la singuliere affection et desir dudit Thomas, luy dist le mercredy ensuyuant que ledit Jehan auoit

eu la gracieuse response cy dessus de leur dite hostesse, que puis qu'elle veoit en si grande voulenté de luy faire seruice en tout bien et tout honneur, qu'elle n'estoit point si ingratte qu'elle ne se voulsist bien recongnoitre, et lors luy alla dire comment il conuenoit que son mary lendemain au soir allast au guet comme les autres chefs d'hostel de la ville en entretenant l'ordonnance qui sur ce estoit faite de par la seigneurie estant en la ville, mais la Dieu mercy son mary auoit eu de bons amys autour de Monseigneur le Cardinal, car ils auoient tant fait envers luy qu'il ne feroit que demy guet, c'est a scauoir depuis minuyt jusqu'au matin seulement, et que cependant s'il vouloit venir parler a elle elle ouroit volentiers ses douces deuises mais pour Dieu qu'il y vinsist si secrettement quelle n'en peust auoir blasme, et ledit Thomas luy sceut bien respondre, que ainsi desiroit il de faire, et a tant se partit en prenant congié. Et le lendemain qui fut ledit jour de jedy au vespres après ce que la cloche du guet fut sonné le deuantdit Jehan Stotton n'oublia pas aller a l'heure que sadiete hostesse luy auoit mise, et ainsi il vint vers la chambre d'ycelle, et y entra

ra et la trouua toute seule , laquelle le receut et luy fist tres bonne chiere, car la table y estoit mise Adonc ledit Jehan requist que auecques elle il put couchier, pour eulx ensemble mieulx deuiser ce quelle ne luy vouloit de prime face accorder, disant quelle pouroit auoir charge se on le trouuoit auecques elle, mais il requist tant et par si bonne maniere qu'elle si accorda, et le souper fait qu'il sembla estre audit Jehan moult long, se coucha auec sadicte hostesse, et après s'esbatirent ensemble nud a nud, et auant qu'il entra en ladite chambre, il auoit bouté en l'vng de ses doigts vng aneau d'or garny d'vn bon gros dyament qui bien pouuoit valoir la somme de xxx. Nobles, et comme ils se delectoient ensemble ledit aneau luy cheut de son doigt dedans le lit, sans ce qu'il s'en apperceust et quant ils eurent ainsy illec esté ensemble jusques après la xi. heure de la nuit ladite Damoiselle luy pria moult doucement que en gré voulüst prendre le plaisir que elle luy auoit peu faire, et que a tant il fut content de soy habiller, et partir de ladite chambre afin qu'il ny fust trouué de son mary qu'elle attendoit sifost que la minuyt seroit venuë, et qu'il luy voulüst garder son honneur comme

me il luy auoit promis , lors ledit Stotton  
ayant doubté que ledit mary retournaſt in-  
continent ſe leua et ſe habilla , et partit de  
celle chambre ainſy que douze heures  
eſtoient ſonnées ſans auoir ſouuenance de  
ſon dyament qu'il auoit laiſſé oudit lit , et  
en yſſant hors de ladite chambre au plus  
prés d'ycelle ledit Jehan Stotton encontra  
ſon Compaignon Thomas Brampton , cuy-  
dant que ce fut ſon hoſte richard , et pareil-  
lement ledit Thomas qui venoit a lheure que  
ſadiſte hoſteſſe luy auoit miſe , cuydant  
ſemblablement que ledit Jehan Stotton fuſt  
ledit richard , et attendit vng peu pour veoir  
quel chemin il tiendroit , et puis il ſ'en alla  
entrer en la chambre de ladite hoſteſſe qu'il  
trouua comme eutreouuerte , laquelle tint  
maniere comme toute eſperduë et effroyée  
en demandant audit Thomas en maniere  
de grant doubte et paour ſe il auoit point  
encontré ſon mary que ſe partoit d'illec pour  
aller au guet. Adonc ledit Thomas luy diſt  
que trop bien auoit il rencontré vng hom-  
me , mais il ne ſcauoit qu'il eſtoit ou ſon  
mary ou autre , et qu'il auoit vng peu at-  
tendu pour veoir quel chemin il tiendroit  
et quant il eut ce ouy , elle print hardieſſe  
de le baiſer en luy diſant qu'il fut le bien  
venu ,

venu, et assez tost après sans demander qui la perdu ne gaigné ledit Thomas troussa la Damoiselle sur le lit en faisant cela. Et puis après quant elle vit que c'estoit a certes se despoillerent et entrèrent tous deux au lit, car ils firent armes en sacrifiant au Dieu d'amours, et rompirent plusieurs lances, mais en faisant lesdites armes il aduint audit Thomas vne aduventure, car il sentit dessous sa cuisse le dyament que ledit Jehan auoit laissé, et comme non fol et non esbahy le print et le mist en l'vng de ses doigs, et quant ils eurent esté ensemble jusques a lendemain du matin que la cloche du guet estoit preste de sonner, a la requeste de la dite Damoiselle il se leua, et en parlant s'entreaccollerent ensemble d'vng baiser amoureux, ne demoura gueres après que ledit Richard retourna du guet ou il auoit esté toute la nuyt, en son hostel fort refroidy, et chargé du fardeau de sommeil qui trouua sa femme qui se leuoit, laquelle luy fist faire du feu, et quant il se fut chauffé il sen alla couchier et reposer, car il estoit traouillé de la nuyt, et sa femme luy fait croire que aussi lest elle, car pour la doubtte quelle auoit eu du traouail de son mary elle auoit bien peu dormi toute la nuyt, et en-

uiron

viron deux jours après toutes les choses faictes, comme les anglois ont de coustume après ce qu'ils ont ouy la messe de aller desjeuner en la tauerne au meilleur vin, ledit Jehan et Thomas se trouuerent en vne compaignie autres gentils hommes et marchands sy allerent desjeuner ensemble, et se affirent ledit Jehan Stotton, et Thomas Brampton l'vng deuant l'autre, et en mengeant ledit Jehan regardast sur les mains dudit Thomas qui auoit en l'vng de ses doigts ledit Dyamant et quant il l'eut longuement aduisé, et regardé ledit Dyamant, il luy sembloit vrayment que c'estoit celuy qu'il auoit perdu, ne scauoit en quel lieu ne quant, et adonc ledit Jehan Stotton pria audit Thomas qu'il luy voulsist montrer ledit dyamant lequel luy bailla volentiers, et quant il l'eut en sa main il recongneut bien que c'estoit le sien et demanda audit Thomas dont luy venoit, et que vrayement il estoit sien, a quoy ledit Thomas respondist au contraire que non estoit mais que a luy appartenoit. Et ledit Stotton maintenoit que depuis peu de temps l'auoit perdu et que s'il auoit trouué en leur chambre ou ils couchoient qu'il ne faisoit point bien de le retenir, attendu lamour et fraternité que

tous-


tousjours auoit esté entre eulx deulx, tellement que plusieurs autres parolles sen esmeurent et fort se couroucerent ensemble, l'vng contre l'autre, toutteffois ledit Thomas Brampton vouloit tousjours auoir ledit Dyamant, mais il ne peust oncques finer. Et quant les autres gentils hommes et marchands virent ladicte noise chascun s'emploia a l'appaïsement d'ycelle pour trouuer quelque maniere de les accorder, mais riens ny vault, car celuy qui perdu auoit ledit Dyamant ne le voulust laisser partir de ses mains, et celuy qui l'auoit trouué le vouloit rauoir, et le tenoit a belle aduenture de l'auoir trouué, et auoir jouy de l'amour de sa Dame, et ainsy estoit la chose difficile a appointer. Finalement l'vng desdits marchands voyant que au demené de la matiere on ny prouffitoit en riens, si dist qu'il luy sembloit qu'il auoit aduisé vng autre expedient appointement dont lesdits Jehan et Thomas deuroient estre contens, mais ils n'en diront mot, se lesdites parties ne se soubzmettoient en paine de dix nobles de tenir ce qu'il en diroit dont chascun de ceux qui estoient en ladite compaignie respondirent que tres bien auoit dit ledit marchand, et inciterent ledit Jehan et Thomas de faire ladite submission et tant en

en furent requis et par telle maniere qu'ils se y accorderent. Adonc ledit marchand ordonna que ledit Dyamant seroit mis en ses mains, puis que tous ceulx qui de ladite difference auoient parlé et requis de l'appaiser n'en auoient peu estre crus, il ordonna que aprez qu'ils seroient partis de l'hostel ou ils estoient au premier homme de quelque estat ou condition qu'il fut qu'ilz trouueroient a l'issuë dudit hostel compteroient toute la maniere de ladite difference et noise, estant entre ledit Jehan stotton et Thomas Brampton et tout ce qu'il en diroit, ou ordonneroit en seroit tenu ferme et estable par lesdites deux parties. Ne demoura gueres que dudit hostel se partit toute la belle compaignie et le premier homme qu'ils encontrerent au dehors dudit hostel se fust ledit Richard hoste desdites deux parties auquel par ledit marchand fut narré et racompté toute la maniere de ladite difference. Adonc ledit Richard aprez ce qu'il eut tout ouy, et qu'il eut demandé a ceux qui illec estoient presens se ainsi en estoit alle et que lesdites parties ne s'estoient en nulle maniere voulu laissé appointer ne appaiser par tant de notables personnes dist par la sentence

diffi-

diffinitive que ledit dyamant luy demoureroit comme sien et que l'une ne l'autre partie ne l'auroit. Et quant ledit Thomas Brampton vit qu'il auoit perdu l'adventure dudit Dyamant fust bien desplaisant, et fait acroire que autant estoit ledit Jehan stotton qui l'auoit perdu, et lors requist ledit Thomas a tous ceux qui estoient en la compagnie reserué leurdit hoste qu'ils voulsissent retourner en l'hostel ou ils auoient desjeuné, et qu'il leurs donneroit a disner affin qu'ils fussent aduertis de la maniere et comment ledit Dyamant estoit venu en ses mains, lesquelz d'un accord luy accorderoient volentiers, et en attendant le disner qui s'apareilloit, il leurs compta l'entree et la maniere des deuises qu'il auoit eu avecques son hostesse femme dudit Richard fery et comment et a quelle heure elle luy auoit mis heure pour soy trouuer avecques elle tandis que son mary seroit au guet, et le lieu ou ce dyamant auoit esté trouué. Lors ledit Jehan stotton oyant ce en fut moult esbahy soy donnant de ce, grant merueilles, et en soy faignant dist que tout le semblant luy estoit adueni en celle propre nuyt ainsi que cy deuant est desclairé, et qu'il tenoit et  
creoit

croit fermement auoir laissé cheoir son  
 dyamant ou ledit Thomas l'auoit trouué,  
 et qu'il luy deueroit faire plus de mal de  
 l'auoir perdu qu'il ne faisoit audit Thomas,  
 lequel ny perdoit aucune chose car il luy  
 auoit chier cousté. Ledit Thomas respon-  
 dit en ceste maniere, et dist que vraye-  
 ment il ne deuoit point plaindre se leudit  
 hoste l'auoit jugié estre sien, attendu que  
 leurdicte hostesse auoit eu beaucoup a  
 souffrir, et aussi pource qu'il auoit eu le  
 pucelage de la nuyté, et ledit Thomas  
 auoit esté son paige en allant après luy. Et  
 ces choses contenterent assez bien ledit Je-  
 han stotton de la perte de sondit Dyamant  
 pource que autre chose n'en pouoit auoir  
 et le porta plus patiemment et legierement  
 que s'il n'eust point sceu la verité de la ma-  
 tiere, et de ceste aduventure tous ceulx qui  
 estoient presens commencerent a rire et  
 a mener grant joye adoncques se mirent a  
 table et disnerent mais vous pouuez penser,  
 que ce ne fut pas sans boire d'autant, et  
 après qu'ils eurent disné, ils se despartirent et  
 chascun s'en alla ou bon luy sembla et ainsi  
 fut tout le maltalent pardonné et la paix  
 faicte entre les parties, c'est a scauoir entre  
 ledit Jehan stotton, et ledit Thomas Bram-  
 pton et furent bons amys ensemble. NOU-



NOUVELLE LXIII.

MONTBLERU;  
OU LE LARRON.

**M**ontbleru se trouua vng jour que passa a la foire d'euers en la compagnie  
*Tom. II,* I *gnie*

gnie de Monseigneur d'Estampes lequel le  
deffraioit et payoit ses depens qui est vne  
chose qu'il print assez bien engré; vng jour  
entre les autres d'aventure il rencontra  
maistre himbert de la plaine, maistre rou-  
lant pipe, et Jehan le tourneur qui luy fi-  
rent grant chiere, et pource qu'il est plai-  
sant et gracieux comme chascun scet, il  
desirerent sa compagnie et luy prierent de  
venir loger avec eulx, et qu'ils feroient la  
meilleure chiere de jamais. Montbleru de  
prime face s'excusa sur Monseigneur d'Estam-  
pes, qui l'auoit la admené, et dist qu'il ne  
l'oseroit abandonner, et la raison y est bon-  
ne dist il: car il me deffraye de tous points  
neantmoins touttefois fut content d'aban-  
donner Monseigneur d'Estampes, en cas  
que entre eulx le vouldissent déffrayer, et  
eulx que ne desiroient que sa compagnie  
accorderent legierement ce marché. Or  
escoutez comment il les paya, ces trois  
bons Seigneurs demourerent a enuers plus  
qu'ils ne pensoient, quant ils partirent de  
la Court et soubz esperance de brief retour-  
ner n'auoient apporté que chascun vne che-  
mise, si deuindrent les leurs salles, ensem-  
ble leurs coeuurechiefs et petits draps, et  
a grant regret leur venoit de eulx trouuer  
en

en ceste malaise, car il faisoit bien chaud  
comme en la saison de Penthecouste. Si  
es baillerent a blanchir a la chamberiere  
de leur logis vng samedi au soir, quant ils  
se coucherent, et les deuoient auoir blan-  
ches le lendemain a leur leuer, mais Mont-  
bleru les garda bien, et pour venir au point  
la chamberiere quant vint au matin qu'elle  
eut blanchy ses chemises et coeuurechiefs  
et les eut seichez, et bien et gentement  
ployés, elle fut de sa maistresse appellee  
pour aller a la boucherie querir la proui-  
sion pour le disner; elle fist ce que sa mai-  
tresse commanda, et laissa en la cuisine  
sur vne escabelle tout ce bagaige esperant  
son retour tout retrouver a quoy elle fail-  
loit bien, car Montbleru quant il peut veoir  
du jour, il se leua de son lit et print vne  
longue robe sur sa chemise, et descendit  
en bas pour faire cefler les cheuaux qui se  
combattoient ou pour aller au retrait et  
luy la venu, il vint veoir en la cuisine que  
l'on disoit, ou il ne trouua ame, fors seule-  
ment ces chemises et ces couurechiefs qui  
ne demandoient que marchands, Mont-  
bleru congneut tantost que s'estoit sa char-  
ge sy y mist la main, et fust en grand es-  
moy ou il les pouroit saluer, une fois pen-

foit de les boutter dedens les chaudieres & grands pots de cuyure qui estoient en la cuisine, autrefois de les boutter dedens la manche, briéuement il les boutta en l'estable des cheuaulx bien enfardeleés dedens du foing, en vng gros monceau de fiens et cela fait il s'en vint couchier empre Jehan le tourneur dont il estoit party. C'vicy la chamberiere retourneé de la bouche cherie, laquelle ne trouue pas ses chemises qui ne fut pas bien contente de ce, & commença a demander par tout que e scait nouvelles. Chascun a qui elle demandoit disoit qu'il n'en scauoit rien, et Dieu scait la vie quelle menoit, et vicy les seruiteurs de ces bons Seigneurs qui attendoient après leurs chemises qui n'osoient monter vers leurs maistres, et craignoient moult, aussi faisoit l'hoste et l'hostesse et la chamberiere. Quant vint environ neuf heures, ces bons seigneurs appellent leurs gens, mais nul ne vient tant craignant de dire les nouvelles de ceste perte a leurs maistres, toutteffois en la fin qu'il estoit entre 11. et 12. l'oste vint et les seruiteurs et fut dit a ses Seigneurs comment leurs chemises estoient desrobées dont les aucuns perdirent patience, comme maistr

Himbert et maistre Rolland, mais Jehan le  
 ourneur tint assés bonne maniere, et nen  
 aisoit que rire, et appella Montbleru que  
 aisoit la dormeueille que scauoit et oyoit  
 tout et luy dist. Montbleru vécy gens bien  
 en point, on nous a défrobé nos chemises.  
 Sainte marie que distes vous dist Montble-  
 ru contrefaisant l'endormy vécy bien mal  
 venu. Quant on eut grant piece tenu par-  
 ement de ces chemises que estoient perduës  
 dont Montbleru congnoissoit bien le larron  
 ces bons seigneurs commencerent a dire. Il  
 est ja bien tard et nous n'auons point en-  
 core oüy de messe et si est dimenche et tout-  
 ceffois nous ne pouuons bonnement aller  
 dehors de ceans sans chemises; quest il de  
 faire. Par ma foy dist l'oste ie ne scauroye  
 point trouuer d'autre remede finon que ie  
 vous preste a chascun vne chemise des mien-  
 nes, telles quelles sont, combien que elles  
 ne sont pas pareilles aux vostres, mais el-  
 les sont blanches, et si ne pouez mieulx  
 faire se me semble. Ils furent contens de  
 ces chemises de l'oste qui estoient courtes  
 et estroittes et de bien dure et aspre toille,  
 et Dieu scait qui les faisoit bon veoir. Ils  
 furent prests Dieu mercy: mais il estoit si  
 tard que ils ne scauoient ou ils pouroient

ouïr la messe. Alors dist Montbleru que te  
noit trop bien maniere. Quant est pou  
ouïr messe, ie scay bien vne Eglise en cest  
ville ou nous ne fauldront point à tout  
moins de veoir Dieu, encores il vaut mieul  
de le veoir que rien : dirent ces bons Sei  
gneurs, allons allons et nous aduancon  
vistement, c'est trop tardé, car perdre nos  
chemises, et ne ouïr point aujourd'hui de  
messe ce seroit mal sur mal, et pourtant  
est temps d'aller à l'Eglise si meshuy nous  
voulons ouïr la messe. Montbleru inconti  
nent les mena en la grant Eglise d'enuers  
il y a vng Dieu sur vng asne, et quant il  
eurent chascun dit leurs patenostres et leur  
deuotions. Ils dirent à Montbleru, ou est ce  
que nous verrons Dieu. Je le vous montre  
ray dist il tout maintenant. Alors il leur  
monstra ce Dieu sur l'asne et puis il leur  
dist, vela Dieu vous ne fauldrés jamais de  
veoir Dieu ceans à quelque heure que ce  
soit. Adonc ils commencerent à rire. Ja  
soit ce que la douleur de leurs chemises ne  
fut point encores appaisié, et sur ce poin  
s'en vindrent disner et furent depuis ne scay  
quans jours à enuers et après s'en partirent  
sans rauoir leurs chemises, car Montbleru  
les mist en lieu sur, et les vendist depuis  
cinc

cinq escus d'or. Or aduint comme Dieu le  
 voulut que en la bonne sepmaine du Caref-  
 me ensuiuant le mercredy, Montbleru se  
 trouua au disner avec ces trois bons sei-  
 gneurs dessus nommez, et entre autres pa-  
 rolles il leurs ramenteult les chemises qu'ils  
 auoient perduës a enuers, et dist helas le  
 poure larron que vous desroba il sera bien  
 damné se son meffait ne luy est pardonné  
 de par vous, et pardieu vous ne le voul-  
 driez pas. Ha dist maistre himbert, pardieu  
 beau sire il ne m'en souuenoit plus, ie l'ay  
 pieca oublié. Et au moins dist Montbleru  
 vous luy pardonnés, ne faictes pas? saint  
 Jehan ouy dist il, ie ne voudroye pas qu'il  
 fut damné pour moy; c'est bien dit dist  
 Montbleru, et vous maistre Rolland ne luy  
 pardonnés vous point aussi. A grant peine  
 disoit il le mot, toutesfois en la fin il dist  
 quil luy pardonnoit, mais pource qu'il  
 perdoit a regret le mot plus luy coustoit  
 a prononcer. Et vrayement dist Mont-  
 bleru vous luy pardonnez aussi Maistre Rol-  
 land que auriez vous gagné de damner  
 vng poure larron pour vne meschante che-  
 mise et vng coeuuechief, et ie luy par-  
 donne vrayement dist il lors, et l'en clame  
 quitte, puis que autre chose n'en puis auoir,

et par ma foy vous estes bon homme. Or vint le tourneur si luy dist ledit Montbleru. Or ca Jehan vous ne ferés pas pis que les autres, tout est pardonné a ce poure larron des chemises se a vous ne tient, a moy ne tiendra pas dist il, ie luy ay pieca pardonné, et luy en baille de rechief tout maintenant deuant vous l'absolution, on ne pouroit mieulx dire dist Monbleru, et par ma foy ie vous scay bon gré de la quittance que vous auez faicte au larron de vos chemises, et entant qu'il me touche ie vous en mercie tous, car je suis le larron mesmes que vous desroba a enuers, je prens ceste quittance et a mon prouffit, et dérechief vous en remercie toutteffois. Car ie le doy faire. Quant Montbleru eut confessé ce larcin, et qu'il eut trouué sa quittance par le party que auéz ouy, il ne fault pas demander se maistre Rollant, et Jehan le tourneur furent bien esbahis, car ils ne se fussent jamais douté, qu'il eut fait ceste courtoisie, et luy fut bien reprouché ce poure larrecin voire en esbatant. Mais luy que scait son entregent se desarmoist gracieusement de tout ce dont chargier le vouloyent, et leurs disoit bien que c'estoit sa coustume que de gaigner et de prendre

ce qu'il trouuoit sans garde et specialement  
quelz gens comme ils estoient. Ces trois  
seigneurs n'en firent que rire, mais  
top bien ils luy demanderent comment il  
li auoit prinſes et auffi en quelle facon et  
maniere il les defroba, car il leurs declairz  
tout au long et dist auffi qu'il auoit eu de  
tout ce butin cinq eſcus d'or dont ilz neu-  
ment ne demanderent oncques autre choſe.



NOUVELLE LXIV.

LE CURE' RASE'.

**I**L est vray que n'agueres en vng lieu de  
ce pays que ie ne puis nommer et pour  
cause au fort que le scait si s'en taise comme

e fais , et en ce lieu la auoit vng maistre Curé que faisoit raige de bien confesser ses paroissienes , et de fait il n'en eschappoit nulles qu'ilz ne passassent par la , voire des ieunes Dames , au regard des vielles il n'en tenoit compte. Quant il eut longuement maintenuë ceste sainte vie et ce vertueux exercice , et que la renommée en fust espanduë par toute la marche et és terres voisines il fut puny ainsy que vous orrez par l'industrie d'un sien prochin , a qui toutteffois il n'auoit point encores rien meffait touchant sa femme. Il estoit vng jour au disner et faisoit bonne chière a l'ostel d'un sien paroissien que ie vous ay dit , et comme ils estoient au meilleur endroit de leur disner et qu'ils faisoient plus grande chiere , vecy venir leans vng homme qui s'apelle trenche c... .. , lequel se messe de tailler gens , d'arracher dents , et d'un grant tans de broüillerie et n'auoit ne scay quoy a besongner , a l'hostel de leans. L'oste le recueillit , et le fist seoir , et sans se faire trop prier , il se foure avec nostre Curé et les autres , et s'il estoit venu tard il mettoit paine daconsuir les autres qui le mieulx auoient viandé. Ce maistre Curé que estoit vng grant farceur et vng fin homme commença a prendre la parole

parollea ce trencher c.....et le trencher c.....  
 luy respondist a propos de ce qu'il scauoit,  
 certaine piece après maistre Curé se vire  
 vers l'oste et en loreille luy dist. Voulons  
 nous bien tromper ce trencher c..... Ouy  
 ie vous en prie dist l'oste, mais en quelle  
 maniere le pourons nous faire. Par ma foy  
 dist le Curé nous le tromperons trop bien  
 se me voulez aucunement ayder, et par ma  
 foy ie ne demande autre chose dist l'oste. Je  
 vous diray que nous ferons dist le maistre  
 Curé, ie feindray auoir grant mal en vng  
 c....., et puis ie marchanderay a luy de  
 le me oster, et me metteray sur la table et  
 tout en point comme pour le trenchier, et  
 quant il viendra après il voudra voir que  
 c'est, et ouurer de son mestier, ie luy mon-  
 streray le derriere, et que c'est bien dit res-  
 pondit l'oste, lequel a coup se pensa ce qu'il  
 vouloit faire. Vous ne feistes jamais mieulx,  
 laissés nous faire entre nous autres nous  
 vous ayderons bien a parfaire la farce. Je le  
 vueil dist le Curé. Apres ces parolles Mon-  
 seigneur le Curé de plus belle raffaillit nostre  
 taille c..... d'vnes et d'autres, et en la par-  
 fin luy commença a dire pardieu qu'il auoit  
 bien mestier d'vng tel homme qu'il estoit,  
 et que veritablement il auoit vng c.....  
 pour-

oury et gasté, et vouldroit qu'il luy eust  
 ousté bonne chose, et qu'il eust trouué  
 homme qui bien luy sceut oster, et vous  
 leuez scauoir qu'il le disoit si froidement  
 que le trencher c..... cuidoit veritablement  
 qu'il dist tout vray. Adoncques il luy res-  
 pondit Monseigneur le Curé, ie vüeil bien  
 que vous saichiez sans nul despriser ne moy  
 vanter de rien qu'il ny a homme en ce pays  
 qui mieulx que moy vous sceut ayder, et  
 pour l'amour de l'oste de ceans, ie vous fe-  
 ray telle courtoisie de ma paine se vous vou-  
 lez mettre entre mes mains que par droit  
 vous en serez et deuerés estre content. Et  
 vrayment dist maistre Curé, cest tres bien  
 dit a vous. Conclusion pour abreger, ils  
 furent d'accord, et incontinent après fut la  
 table osteé, et commença nostre maistre  
 trencher c....., a faire ses preparatoires pour  
 besongner, d'autre part le bon Curé se met-  
 toit a point pour faire la farce que ne luy  
 tourna pas a jeu, et deuisoit a l'oste et aux  
 autres qui estoient presens comment il de-  
 uoit faire, et cependant que ces apprestes  
 se faisoient, d'vng costé et d'autre l'oste de  
 ceans vint au trencher c....., et luy dist,  
 gardé bien quelque chose que ce prestre te  
 die quant tu le tiendras en tes mains, pour  
 ouurer

ouurer en ses c..... que tu luy trenches tous deux rasibus, et gardes bien que tu n'y failles pour chiér que tu aymes ton corps, et par saint Martin si feray ie dist le trencher c..... puis qu'il vous plaist. Jay vng instrument qui est si prést et si bien trenchant, que ie vous feray present de ses genitoires auant qu'il ait loisir de riens me dire. Et on verra que tu feras dist l'oste, mais se tu faulx par ma foy ie ne te fauldray pas. Tout fut prést et la table appointeé, et Monseigneur le Curé en pourpoint qui bien contrefaisoit l'Idole et promettoit bon vin a ce trencher c....., l'oste aussi et pareillement les seruiteurs de leans deuoient tenir damp Curé qui n'auoient garde de le laisser eschapper, ne remuer en quelque maniere que ce fut. Et afin d'estre plus seur le lierent trop bien et estroit, et luy disoient que c'estoit pour mieulx et plus couuertement faire la farce, et quant il voudroit le laisseroient aller, il les crut comme fol. Or vint ce vaillant trencher c..... garny en sa cornette de son petit rasoir, et incontinent commença a vouloir mettre les mains aux c..... de Monseigneur le Curé. Ha dist Monseigneur le Curé, faictes adret et tout beau tastés les plus doucement que vous  
pourés

pourés , et puis après je vous diray lequel  
e veüil auoir osté. Et bien dist le trencher  
c..... , et lors tout soüef liéue la chemise  
du Curé, et prent les maistrésses c.....  
grosses et quarrées et sans plus enquerir  
subitement comme l'esclipse les luy trencha  
tous deux d'vng seul coup , et bon Curé  
de crier , et de faire la plus malle vie que  
jamais fist homme. Hola hola dist l'oste pa-  
cience ce qui est fait est fait , laissés vous  
adober si vous voulez. Alors le trencher  
c..... se mist a point du surplus que en tel  
cas appartient , et puis part et sen va , at-  
tendant de l'oste il scauoit bien quoy. Or  
ne fault il pas demander se Monseigneur le  
Curé fut bien camus de se veoir ainsi de-  
garny de ses instrumens , et mettoit sus a  
l'oste qu'il estoit cause de son meschief et  
de son mal , mais Dieu scait s'il s'en excusoit  
bien et luy disoit que si le trencher c.....ne  
se fut si tost departy et faulué qui l'eut mis  
en tel point que jamais n'eust fait bien après.  
Pensés dist il qu'il me desplaist de vostre  
ennuyt , et plus beaucoup encores de ce  
qu'il est aduenü en mon hostel. Ces nou-  
uelles furent tost voleés et semeés par toute  
la villé et ne fault pas dire que aulcunes Da-  
moiselles n'en fussent bien marries d'auoir  
perdu

144. LES CENT NOUVELLES  
perdu les instrumens de Monseigneur le  
Curé mais aussi d'autre part les dolens ma-  
rys en furent tant joyeux qu'on ne vous  
scauroit dire, ne décrire la dixiesme partie  
de leur lieue. Ainsy que vous auez ouy fut  
puny maistre Curé, qui tant en auoit d'au-  
tres trompés et deceus et oncques depuis  
ne seFAST veoir ne trouuer entre gens, mais  
comme reclus et plain de melencolie fina bien  
tost après ses dolens jours.



NOUVELLE LXV.

# L'INDISCRETION

MORTIFIÉE ET NON PUNIE.

**E**T comme souvent l'en met en termes  
 plusieurs choses dont en la fin on se re-  
 Tom. II. K pené.

pent. Aduint n'agueres que vng gentil Compaignon demourant en vng villaige assez près du mont saint michel se devisoit a vng soupper present de sa femme aucuns estrangiers et plusieurs de ses voisins d'vng hostellier dudit mont saint michel, et disoit affermoit et juroit sur son honneur qu'il portoit le plus beau membre le plus gros et le plus quarré que fut en toute la marche d'enuiron, et avec ce et que n'empiroit pas le jeu, il s'en aydoit tellement et si bien que les quatre, les cinq, les 6. fois ne luy constoient non plus que son les prenoit en la cornette de son chapron. Tous ceux de la table, ouyrent volentiers ce bon bruit que on donnoit a cest hostellier du mont saint michel, et en parlerent chacun comme ils l'entendoient mais qui y print garde ce fut la femme du racompteur de l'histoire laquelle y presta tres bien l'oreille, et luy sembla bien que la femme estoit heureuse et bien fortuné qui de tel mary estoit doüéé, et pensa déflors en son cueur que selle peult trouuer honneste voye subtile, elle se trouuera quelque jour audit lieu de saint michel, a l'hostel de l'homme a ce gros membre se logera et ne tiendra que a luy qu'elle n'epreue se le  
bruit

bruit qu'on luy donne est vray. Pour ex-  
cuter ce quelle auoit proposé mettre a fin  
ce qui en son couraige est delibéré, enui-  
ron cinq ou six ou huit jours elle print  
congié de son mary pour aller en pelerinaige  
au mont saint michel et pour mieulx cou-  
lourer l'occasion de son voiage, elle, com-  
me femmes sceurent bien faire trouua vne  
bourde toute affaiçtéé. Et son mary ne luy  
refusa pas le congié combien qu'il se doubta  
tantost de ce qui estoit. Aduant quelle par-  
tit son mary luy dist qu'elle fist son offran-  
de a saint michel, et quelle se logea a l'ho-  
stel dudit hostellier, et quelle le recom-  
manda a luy beaucoup de fois, elle pro-  
mist de tout accomplir, et de faire son  
messaige, ainsi qu'il luy auoit commandé  
et sur ce present congié s'en va, et Dieu  
scait beaucoup desirant soy trouuer au lieu  
de saint michel, tantost qu'elle fut partie  
et son mary de monter a cheual et par au-  
tre chemin que celuy que sa femme tenoit,  
picque tant qu'il peut au mont saint mi-  
chel, et vint descendre tout secrettement  
auant que sa femme, a l'hostel de l'hostel-  
lier dessusdit, lequel très liément le receut,  
et luy fist grant chiere. Quant il fut en sa  
chambre il dist a l'hostellier. Or ca mon

hoste je scay bien que vous estes mon amy de pieca, ie suis le vostre fil vous plaist, et pource ie vous vueil bien dire qui me maine maintenant en ceste ville. Il est vray que enuiron a six ou huit jours nous estions au souper en mon hostel vng grant tas de bons Compaignons et vrays gaudisseurs et freres de l'ordre, et comme vous scauez que on parle de plusieurs choses, en deuissant les vngs aux autres ie commencay a parler et a compter comment on disoit en ce pays qu'il ny auoit homme mieulx ostillé que vous et au surplus luy dist au plus ce qu'il sceut. Bref toutes parolles qui touchoient ce propos furent mueés en jeu ainsi comme dessus est touché, or est il ainsi dist il que ma femme entre les autres receut tres bien mes parolles, et na jamais arresté tant qu'elle ayt trouué maniere de impetrer son congié pour venir en ceste ville. Et par ma foy ie me doubte fort et croy veritablement que sa principale intencion est desprouuer se elle peut se mes parolles sont vrayes que i'ay dictes touchant vostre gros membre, elle sera tantost ceans ie n'en doute point, car il luy tarde de foy y trouuer, si vous prie quant elle viendra que la receuez lyement et luy faictes bonne chiére,

et

et luy demandez la courtoisie et faictes tant que elle le vous accorde, mais touttefois ne me trompez point, gardés bien que vous ny touchéz, prenez terme d'aller vers elle, quant elle sera coucheé, ie me metteray en vostre lieu, et vous orrez après bonne chose. Laissez moy faire dist l'hostellier, et je vous promets que je feray bien mon personnage. Ha dea touttefois dist l'autre ne me faictes point de desloyaulté, ie scay bien qu'il ne tiendra point a elle que vous ne le faciez. Par moy dist l'hostellier je vous assure que je ny toucheray ja, et non fist il, il ne demoura gueres que voicy venir nostre gouge et sa chambriere bien lassé Dieu le scait, et bon hoste de saillir aduant, et de recepuoir la compaignie comme il luy estoit enjoint, et qu'il luy auoit promis. Il fist mener Madamoiselle en vng tres beau lieu, et luy fist de bon feu et fist apporter du meilleur vin de leans, et alla querir de belles cerises toutes fresches, et vint banquetter avecques elles en attendant le souper. Il commença de faire ses approches quant il vit son point, mais Dieu scait comment on le getta loing de prime face, en la parfin touttefois pour abregier marché fut fait qu'il viendroit coucher avec-

ques elle enuiron la minuyt tout secretement, il s'en vint deuers le mary de la gouge et luy compta le cas, lequel a l'heure prinse entre elle et l'hostellier il s'en vint boutter en son lieu et besongna la nuyt le mieulx qu'il peut et se leua sans mot dire aduant le jour et se vint remettre en son liēt, quant le jour fut venu nostre gouge toute melencolieuse pensue et despiteuse pource que point n'auoit trouuē ce quelle cuidoit, appella sa chamberiere, et se leuerent et au plus hastiuement quelles purent s'habillerent, et voulurent payer leur escot, mais l'hoste dist que vrayement pour l'amour de son mary qu'il n'en prendroit riens d'elle. Et sur ce elle dist a Dieu et print congé de luy, et s'en va Madamoiselle toute couroucé sans oüyr mesle, ne veoir saint michel, ne desjeuner aussy, et sans vng seul mot dire se mist a chemin, et s'en vint a sa maison, mais il faut dire que son mary y estoit arriué qui luy demanda qu'on disoit de bon a saint michel. Elle tant marrie qu'on ne pouroit plus a peu s'elle daignoit respondre. Et quelle chiēre dist le mary vous a fait vostre hoste, par Dieu il est bon Compaignon, bon Compaignon dist elle, Il n'y a rien d'oul-

d'oultraige, ie ne m'en scauroye loüer que tout a point. Non dame dist il et par saint Jehan ie pensoye que pour l'amour de moy il vous deust festoyer et faire bonne chiére. Il ne me chaud dist elle de sa chiére, ie ne voys pas en pelerinaige pour l'amour de luy ne d'aultre, je ne pense que a ma deuotion. Dea dist il par nostre Dame vous y auez failly, ie scay trop bien pourquoy vous estes tant refraigniéé, et pourquoy vous auez le cueur tant enflé, vous n'aez pas trouué ce que vous cuydiez, il y a bien a dire vne once. Dea dea Madame jay bien sceu la cause de vostre pelerinaige, vous cuydiez taster et esprouer le grant brichonard de nostre hoste de saint michel, mais par saint Jehan je vous en ay tres bien gardé, et garderay si ie puis, et affin que vous ne pensiez pas que ie vous mentisse, quant ie vous disoye qu'il'auoit si grand, pardieu ie n'ay dit chose qui ne soit vraye il n'est ja mestier que vous en sachez plus auant que par ouy dire, combien que s'il vous eust voulu croire, et je ny eusse contredit vous auiez bonne deuocion d'essayer sa puissance, regardez comment ie scay les choses, et pour vous oster hors de suspecion saichéz de vray que je vins a minuyt a l'eure

que a luy auiez assigné, et ay tenu son lieu, si prenez en gré ce que jay peu faire, et vous passez doresnauant a ce que vous auez. Pour cette fois il vous est pardonné, mais de recheoir gardéz vous en, pour tant qu'il vous touche: La **D**amoiselle fut toute confuse et esbahye voyant son tort euident, quant elle peut parler cria mercy, et promist de plus n'en faire, et ie tiens que non fist elle.



NOUVELLE LXVI.  
 LA FEMME  
 AU BAIN.

**N** Agueres que j'estoye a saint omer avec  
 vng grant tas de gentils Compaignons  
 tant

tant de ceans comme de Boulongne et d'a  
leurs. Et après le jeu de paulme nous a  
lasmes souper en l'hostel d'vng tauernier q  
est homme de bien et beaucoup joyeux,  
a vne tres belle femme, et en bon poi  
dont il a eu vng tres beau filz de l'aage d'ea  
uiron six ans. Comme nous estions tou  
assis au souper, le tauernier sa femme et le  
filz d'emprés elle avecques nous les aucun  
commencerent a deuifer les autres a chante  
et faisoient la plus grant chiere de jama  
et nostre hoste pour l'amour de nous ne s'  
faignoit pas. Or auoit esté sa femme ce jour  
aux estuues, et son petit filz avecques elle  
Si s'aduifa nostre hoste pour faire rire l  
compagnie de demander a son filz de l'esta  
et gouuernement de celles qui estoient aux  
estuues avec sa mere. Si va dire vien ca no  
stre filz dy moy par ta foy laquelle de toute  
celles qui estoient aux estuues auoient le  
plus beau c.. et le plus gros, l'Enfant que  
se ouïyoit questionner deuant sa mere qu'i  
craignoit comme enfans ont de coustume  
regardoit vers elle et ne disoit mot, et le  
pere que ne l'auoit pas aprins de veoir si  
muet luy dist de reschief. Or me dy mon  
filz, qui auoit le plus gros c.. dy hardi-  
ment. Je ne scay mon pere dist l'enfant,  
tousjours

isjours virant le regard vers sa mere, et  
 rdieu tu as menty se dist son pere, or le  
 e dy ie le vueille scauoir, ie n'oseroye dist  
 l'infant pour ma mere car elle me batteroit,  
 n fera non dist le pere, tu nasgarde ie  
 sseure, et nostre hostelle sa mere non pen-  
 tit que son fils deut tout dire ce qu'il fist,  
 ty dist, dy hardiment ce que ton pere te  
 mande, vous me batteriez dist il, non  
 ray dist elle, et le pere que vist son fils  
 voir congié de souldre sa question luy de-  
 anda de reschief, or ca mon filz par ta  
 y as tu regardé les c... des femmes que  
 toient aux estuues. Saint Jehan ouy mon  
 ere, et y en auoit il largement dy ne  
 ens point. Je n'en veis oncques tant, ce  
 mbloit vne droite garenne de c.... Or  
 dy nous maintenant qui auoit le plus  
 os. Vrayement ce dit l'Enfant, ma mere  
 uoit le plus beau et le plus gros, mais il  
 uoit si grant nez, si grant nez dist le  
 ere, va va tu és bon enfant et nous com-  
 encames tous a rire et a boire d'autant, et  
 parler de cet Enfant qui quaquetoit si  
 ien, mais la mere ne scauoit pas sa con-  
 enance tant estoit honteuse, pource que  
 on filz auoit parlé du nez, et croy bien  
 u'il en fut depuis trop bien torché, car il  
 auoit

156 LES CENT NOUVELLES  
auoit encusé le secret de l'escole. Nost  
hoste fist du bon Compaignon, mais il  
repentit assez depuis d'auoir fait la questio  
dont l'absolucion le feist rougir, et pu  
c'est tout.



NOUVELLE LXVII.

A D A M E

A TROIS MARIIS.

**M**Aintenant a trois ans ou environ que  
 vne assez bonne aduventure aduint a  
 vng

vng chaperon fourré du parlement de Paris  
 et affin qu'il en soit memoire, ien fournir  
 ceste dicte nouvelle, non pas toutteffo  
 que je vueille dire que tous les chaprons fo  
 réz ne soient bons et veritables, mais pou  
 ce qu'il y eut non pas vng peu de desloyaul  
 au fait de cestuy cy mais largement, qu  
 est chose bien estrange et non accoutume  
 comme chascun scait. Or pour venir au fa  
 ce chapron fourré en lieu de dire ce seigneur  
 de Parlement deuint amoureux a Paris d  
 la femme d'vng Cordonnier que estoit bel  
 et bien enlangagé a laduenant et selon  
 terroüer, ce maistre chapron fourré fi  
 tant par moyens d'argent et aultrement qu  
 parla a la belle Cordonniere dessoubz  
 sa robbe a part, et s'il en auoit esté bie  
 amoureux auant la joüissance, encores l'e  
 fut il trop plus depuis, dont elle se perc  
 uoit et donnoit trop bien garde, dont el  
 s'en tenoit plus fiere, et si se faisoit achepte  
 Luy estant en ceste raige pour mandemen  
 priere, promesse, don ne requeste qu'  
 sceut faire, elle se pensa de plus comparo  
 afin de luy encores rengreger et plus accro  
 stre sa maladie, et vecy nostre chapron four  
 ré, qui enuoyt ses embassades deuers  
 Dame la Cordoüenniere, mais cest pou  
 near

eant elle n'y viendroit pour mourir. Fiablement pour abregier afin qu'elle vouloit venir vers luy comme autrefois luy promist en la presence de trois ou de quatre qui estoient de son conseil quant a telles besognes, qu'il la prendroit a femme se son mary le Cordonnier terminoit vie par mort. Quant elle eut ouy ceste promesse, elle se mit a ferrer, et vint comme elle saouloit au touchier au leuer et aux autres heures quelle pouoit eschapper deuers le chaperon fourré que n'estoit pas mains ferru que l'autre adis d'amours, et elle sentant son mary lesja viel et ancien et ayant la promesse dessusdicte se reputoit desja comme sa femme, peu de temps après la mort de ce Cordouennier tres desiré fut sceuë et publiée et bonne Cordouënniere se vint bouter de plain sault en la maison du chaperon fourré que joyeusement la receut, promist aussi de rechief qu'il la prendroit a femme. Or sont maintenant ensemble sans contredit ces deux bonnes gens, le chaperon fourré et Madame la Cordouënniere, mais comme souuent aduient chose qui a danger est plus chere tenuë que celle dont on a le bandon ainsy aduint il icy. Car nostre chaperon fourré commença a soy ennuyer, et

laisser

laisser la Cordouenniere, et de l'amour d'elle refroidir, et elle le pressoit tousjours de paraccomplir le mariage dont il auoit fait la promesse, mais il luy dist ma mye, par ma foy ie ne me puis jamais marier, car ie suis homme d'Eglise et tiens benefices comme vous scauez, la promesse que je vous fis jadis est nulle, et ce que i'en fis lors estoit pour le grant amour que je vous portois esperant aussi par ce moyen plus legierement vous retraire, elle cuydant qu'il fut lyé a l'Eglise, et soy voyant aussi bien maistresse de leans, que selle fut sa femme espousee ne parla plus de ce mariage et alla son chemin accoutumé, mais nostre chapperon fourré fist tant par belles parolles, et plusieurs remonstrances, quelle fut contenté de soy partir de luy, et espouser vng barbier auquel il donna trois cens escus dor comptant. Et Dieu scait s'elle partit bien bagueé, or deuez vous scauoir que nostre chapperon fourré ne fist pas legierement ceste departie ne ce mariage et n'en fut point venu a bout, si neut esté qu'il disoit a sa Dame qu'il vouloit doresnauant seruir Dieu et viure de ces benefices et soy du tout rendre a l'Eglise. Or fist il tout le contraire, quant il se vist desarmé d'elle et elle allié

un barbier, il fist secrettement traicter environ vng an aprez pour la auoir en mariage, la fille d'vng notable bourgeois de Paris, et fut la chose faicte et passeé et pour assigné pour les nopces, disposa aussi de ces benefices qui n'estoient que a simple tonsure. Ces choses sceuës parmy Paris, et venuës a la congnoissance de la Cordouenniere, creés quelle fut bien esbahye, voire dist elle le vray traistre, ma til ainsy deceuë, il ma laisseé soubz vmbre de aller servir Dieu et ma baillé a vng autre, et par nostre Dame la chose ne demourera pas ainsy; non fist elle, car elle fist comparoir nostre chapperon fourré deuant l'Euesque, et illec son procureur remontra bien gentement sa cause disant comment le chapperon fourré auoit promis a la Cordouenniere en la presence de plusieurs que se son mary mouroit qui la prendroit a femme. Son mary mort il la tousjours tenuë jusques environ a vng an que la baillé a vng barbier, et pour abregier les tesmoings et la chose bien debattuë l'Eueque anichila le mariage de la Cordouenniere au barbier; et enjoingnit au chapperon fourré que la tint comme sa femme, car elle estoit siens-accusee de la compaignie charnelle qu'il

auoit eu a elle. Et s'il estoit mal conten  
de rauoir sa Cordouenniere le barbier estoit  
bien autant joyeux d'en estre despeché, e  
la facon que auez ouy, c'est puis naguere  
gouuerné l'vng des chapperons fourrés d  
parlement de Paris.



NOUVELLE LXVIII.

LA GARCE

DEPOUILLE'E.

C'EST n'est pas chose peu accoutumée ne  
de nouveau mise sus que femmes ont

L 2

fait

fait leurs marys jaloux, voire pardieu ceux  
Si aduint nagueres a ce propos en la ville  
d'enuers que vne femme mariee qui n'estoit  
pas des plus seures du monde fut requise  
d'vng gentil Compaignon de faire la chose  
que scauez, et elle courtoise, et telle qu'elle  
le estoit ne refusa pas le seruice qu'on luy  
presentoit, mais debonnairement se laissa  
ferrer, et maintint ceste vie assez longue-  
ment, et en la parfin comme fortune qui  
ennemie et desplaisante estoit de leur bon-  
ne cheuance, fist tant que le mary trouua  
la brigade en present meffait, dont en y eut  
de bien esbahys, ne scay toutteffois leque-  
l estoit le plus de l'amant, de l'amyie ou du  
mary, neantmoins, l'amant a l'aide d'vne  
bonne espee se saulua sans nul mal auoir.  
Or demourerent le mary et la femme, de  
quoy leurs propos furent, il se peut assez  
penser; aprez toutteffois aucunes parolles  
dictes d'vng costé et d'autre, le mary pen-  
sant en soy mesme puis qu'elle auoit com-  
mencé a faire la folie que fort seroit de  
l'en retirer, et quant plus elle n'en feroit si  
estoit tel cas il estoit ia venu a con-  
gnoissance du monde, de quoy il en estoit  
notté, et quasi deshonoré, considera  
aussi de la battre ou injurier de parolles que  
c'estoit

'estoit paine perduë , si s'aduifa apréz a hief qu'il la chasseroit paistre hors d'auccues luy , et ne sera jamais d'elle ordoyéë maison , sy dist a sa femme or ca ie voy rien que vous ne me estes pas telle que vous eussiez estre , par raison touttefois espeant que jamais ne vous aduiendra , de ce qui est fait n'en soit plus parlé , mais deuiens d'vng autre , j'ay vne affaire qui me touche beaucoup , a vous aussi , si nous vult engaiger tous nos joyaulx , et se vous aés quelque minot d'argent a part il le faut mettre auant , car le cas le requert , par moy dist la gouge ie le feray de bon cueur mais que me pardonnez vostre maltalent , 'en parlé dist il non plus que moy , elle uydant estre absolue , et auoir remission de ses pechez , pour complaire a son mary prés la noise dessusdicte , bailla ce qu'elle uoit d'argent , ses verges , ses tissus , certaines bourses estoffeés bien richement , vng grant tas de couurechiefs bien fins plusieurs pennes entieres et de bonne valeur. Brief tout ce qu'elle auoit , et que son mary voulut demander eile le bailla pour en faire son bon plaisir: En dea dist il encores n'en ay ie pas assez. Quant il eut tout jusqu'a la robbe , et la cotte simple quelle

auoit sur elle. Il me faut auoir ceste Robbe dist il voire dist elle et ie n'ay autre chose a vestir voulez vous que ie voisse tout nuë, force dist il que la me baillez, et la cotte simple ausly, et vous aduancez, ca soit par amour ou par force il la me fau auoir, elle voyant que la force n'estoit pas sienne despoüilla sa robbe et sa cotte, et n'auoit que sa chemise, tenez dist elle, fais je bien ce qu'il vous plaist, vous ne l'auiez pas tousjours fait dist il, se a ceste heure vous me obeissez Dieu scait se c'est de bon cueur, mais laissons cela et parlons d'vn autre. Quant je vous prins a mariage a la male heure vous n'aportastes gueres auecques vous, et encôres le tant peu que ce fut si l'auiez vous forfait et confisqué, il n'est ja mestier que l'on vous die vostre gouuernement, vous scauez mieulx quelle vous estes que nulle autre, et pour telle que vous estes a ceste heure je vous baille le grant congïé, et vous dy le grant a Dieu; vellez lui, prenez ce chemin se vous faictes que faige, et ne vous trouuez jamais deuant moy. La poure gouge plus esbahie que jamais n'osa plus demourer après ceste horrible leçon, ainsi se partit et s'en vint rendre ce croy ie a l'ostel de son amy par  
 amours

saours pour cette premiere nuyt et fist  
 mettre sus beaucoup d'ambassadeurs pour  
 voir ces bagues et ces habillements de  
 corps, mais ce fut pour neant, car son  
 mary obstiné et endurcy en son propos,  
 en voulut oncques oüy parler, et enco-  
 s moins de la reprendre si en fut beau-  
 up pressé tant des amis de son costé com-  
 e de ceux de la femme, touttefois elle  
 t contrainte de gagner des autres habil-  
 ments, et en lieu de mary vser de amis  
 tendant le rapaisement de sondit mary  
 ue a leure de ce compte estoit encores  
 al content, et ne la vouloit voir pour  
 ens que fut.



NOUVELLE LXIX.

# L'HONNESTE

FEMME A DEUX MARIS.

**I**L n'est pas seulement congneu de ceux  
de la ville de Gand, ou ce cas que ie vous  
ay

ly a descrire , est na pas long temps adue-  
 nu, mais de la plus part de ceux du pays de  
 Flandres , et de plusieurs autres , que a la  
 bataille qui fut entre le Roy d'hongrie et le  
 Duc Jehan , lesquels Dieu absolue d'une  
 part, et le grant Turc en son pays de Tur-  
 quie d'autre, ou plusieurs notables Che-  
 ualiers et escuyers françois flamans, alle-  
 mans, et Picards furent prisonniers es mains  
 du Turc, les aucuns furent morts et per-  
 secutés present ledit Turc , les autres fu-  
 rent enchartéz a perpetuité. Les autres con-  
 damnés a faire office de clerc desclaves,  
 du nombre desquelz fut vng gentil Cheua-  
 lier dudit pays de Flandres nommé messire  
 Clays Etenchone ; et par plusieurs fois  
 exerca ledit office d'esclave qui ne luy estoit  
 pas petit labeur , mais martire intolerable  
 attendu les delices ou il auoit esté noury et  
 le lieu dont il estoit party. Or deuez vous sca-  
 uoir qu'il estoit marié par deca a Gand et  
 auoit espousé vne tres belle et bonne Dame  
 qui de tout son cueur l'aymoit , et le te-  
 noit chér , laquelle prioit Dieu journalle-  
 ment que brief le peust reueoir par deca se  
 encores il estoit vif, que s'il estoit mort que  
 par sa grace luy voulsist ses pechéz pardon-  
 ner et le mettre au nombre des glorieux  
 marty-

martyres qui pour le rebouttement des Infidels, et l'exaltation de la sainte foy Catholique se font volontairement offerts et abandonnez a mort corporelle. Ceste bonne Dame qui riche belle et bien jeune estoit et bonne, estoit de grands amys continuellement pressée et assaillie de ses amis qu'elle se voulsist remarier, lesquelz disoient et affermoient que son mary estoit mort, et que s'il fut vif qu'il fut retourné comme les autres, s'il fust aussi prisonnier, on eut eu nouvelle de faire sa finance et rancon. Quelque chose qu'on die a ceste bonne Dame, ne raison qu'on luy sceut amener ne dire d'apparence en celuy fait, elle ne vouloit condescendre en cestuy mariage, et au mieulx quelle scauoit s'en excusoit, mais que luy valut ceste excusance, certes pou ou rien, car elle fut tant menecé de ses parents et amys que elle fut contente d'obeir, mais Dieu scait, que ce ne fut pas a peu de regret, et estoient environ neuf ans passez quelle estoit priuee de la presence de son bon et leal seigneur, lequel elle reputoit pieca mort, et aussi faisoient la plus part, et presque tous ceux qui le congnoissoient. Mais Dieu qui ses seruiteurs et champions preserve et garde, lauait autrement dis-

posé,

posé, car encores viuoit et faisoit son ennuyeux office d'esclau. Pour rentrer en matiere ceste bonne Dame fut mariée a vng aultre Cheualier, et fut enuiron demy an en sa compaignie, sans oüyr autres nouuelles de son bon mary que les precedentes c'est a scauoir qu'il estoit mort. Dauanture comme Dieu le voulut, ce bon et leal Cheualier messire Clays estant encores en Turquie, a leure que Madame sa femme c'est ailleurs alieé, en faisant le beau mestier d'esclau, fist tant par le moyen d'aulcuns chretiens gentils hommes, et autres qui ariuerent au pays qu'il fust deliuré, et se mist en leur galeé, et retourna par deca, et comme il estoit sur son retour il rencontra et trouua en passant pays plusieurs de sa congnoissance qui très joyeux furent de sa deliurance, car a la verité il estoit tres vaillant homme bien renommé et tres vertueux; et tant se espendit ce très joyeux bruit de sa desireé deliurance qu'il paruint en france au pays d'artois en picardie, ou ses vertus n'estoient pas moins congneuës que en flandres, dou il estoit natif, et après ce, ne tarda gueres que ces nouuelles vindrent en flandres jusques aux oreilles de sa tresbelle et bonne Dame, qui fust bien esbahye

hye, et de tous ses sens tant alteré et surprinse qu'elle ne scauoit sa contenance. Ha dist elle après certaine piece quant elle peut parler, mon cuëur ne fut onques d'accord de faire ce que mes parents et amis mont a force contrainte de faire, helas que dira mon très loyal seigneur et mary, auquel ie n'ay pas gardé loyaulté comme je deusse, mais comme femme legiere, fresse et muable de couraige, ay baillé part et porcion a autruy de ce dont il estoit et debuoit estre seigneur et maistre. Ie ne suis pas celle que doye ne ose attendre sa presence, ie ne suis pas aussy digne qu'il me vueil ou doie regarder, ne jamais veoir en sa compaignie, et ces parolles dictes, accompaignées de grosses larmes son très honeste très vertueux cuëur s'esvanoüit, et cheut a terre pasméé, elle fut prinse et portée sur vn lit, et luy reuint le cuëur, mais depuis ne fut en puissance de homme ne de femme de la faire menger ne dormir, aincoys fut trois jours continuelz tousjours plorant en la plus grant tristesse de cuëur de jamais. Pendant lequel temps elle se confessa et ordonna comme bonne Chretienne, criant mercy a tout le monde especialement a Monseigneur son mary. Et après elle

elle mourut dont se fut grant dommaige,  
 et n'est point a dire le grant desplaisir qu'en  
 print mondit seigneur son mary quant il  
 sceut la nouvelle et a cause de son deuil fut  
 en grant dangier de suy par semblable acci-  
 dent sa tres loyale espouse, mais Dieu qui  
 l'auoit saulue d'autres grans perils le pre-  
 serua de ce dangier.



NOUVELLE LXX.  
 LA CORNE  
 DU DIABLE.

**V**N gentil cheualier d'Allemagne grant  
 voagier et aux armes preux et courtois,  
 et de

et de toutes bonnes vertus largement doué, au retourné d'vng loingtain voyage estant en vng sien chateau fut requis d'vn bourgeois son subget demourant en sa ville mesmes d'estre parrain et tenir sus fonds son enfant dequoy la mere estoit deliureé droit a la venuë du retour dudit Cheualier, laquelle requeste fut audit bourgoys liberalement accordée, et jasoit ce que ledit Cheualier eust en sa vie tenus plusieurs enfans sur fons, si n'auoit il jamais donné son entente aux saintes parolles que le prestre profere au mystere de ce saint et digne sacrement comme il feist a ceste heure, et luy sembloit comme elles sont a la verité plaines de haulx et diuins mysteres. Ce baptesme acheué comme il estoit liberal et courtois affin d'estre veu de ces hommes il demoura au disner a la ville sans monter au chasteau, et luy tindrent compagnie le Curé son Compere et aulcuns autres des plus gens de bien, deuises monterent en jeu d'vnes et d'autres matieres, tant que Monseigneur commença a louer beaucoup le digne sacrement de baptesme, et dist hault et cler oyant tous se ie scauoye veritablement que a mon baptesme eussent esté prononcées les dignes et saintes parolles que i'ay ouyes a ceste heure au baptesme

ptesme de mon nouveau filleul, ie ne craindroie en rien le dyable qu'il eust sur moy puissance ne auctorité, sinon seulement de moy tanter, et me passeroie de faire le signe de la croix, non pas affin que bien vous m'entendez que ie ne saiche tres bien que ce signe est suffisant a rebouter le dyable, mais ma foy est telle que les parolles dictes au baptesme d'vng chascun chrestien, se elles sont telles comme aujourdhuy jay ouyës, sont vaillables a rebouter tous les dyables d'Enfer s'il y auoit encores autant. Et en uerité respondit lors le Curé, Monseigneur ie vous assure *in verbo sacerdotis* que les mesmes parolles que ont esté aujourdhuy dittes et celebrees au baptesme de vostre feilleül furent dictes et celebrees a vostre baptesment, ie le scay bien, car moy mesme vous baptesé et en ay aussi fresche memoire comme si eut esté hyer, Dieu face mercy a Monseigneur vostre pere, il me demanda le landemain de vostre baptesme qu'il me sembloyt de son nouveau filz, telz et telz furent vos parains, et tels et telz y estoient, il raconta toute la maniere du baptesme et le fist bien certain que mot auant ne mot arriere ny eust plus en son baptesment que a celuy de son filleul, et puis que ainsi est dist alors le Cheualier

Chalier, ie promets a Dieu mon Createur tant honorer de ferme foy le sacrement de baptesme que jamais pour quelque peril, ou ennuy que le dyable me face ie ne feray le signe de la croix mais par la seule memoire du mystere du sacrement de baptesme ie l'en chasseray arriere de moy, tant ay ferme esperance en ce diuin mistere, et ne me semblera jamais que le dyable puisse nuire a homme armé de tel escu, car il est tel et si ferme que seul y vault sans autre ayde voire accompaignié de vraye foy. Ce disner passa et ne scay quans ans après ce bon Cheualier se trouua en vne ville en allemaigne pour aulcuns affaires qui l'y tirerent, et fut logié en l'ostellerie. Comme il estoit vng soir avec ses gens après souper, deuisant et esbattant avec eux, fin le prist d'aller au retrait, et pource que ses gens s'esbattoient, il n'en voulut nulz oster de l'esbat. Si print vne chandelle et tout seul s'en va au retrait. Comme il entra dedans il vit deuant luy vng grant monstre horrible et terrible ayant grandes et longues cornes, les yeux plus allumés que flambes de fournaise, les bras gros et longs, les grifs aguz et tranchans, brief c'estoit vng tres espouventable monstre et vng dyable comme

je croy, et pour tel le tenoit le bon Cheualier, lequel de prime face fut assez esbahy d'auoir ce rencontre, neantmoins toutteffois print cueur hardyement, et vouloit de foy deffendre s'il estoit assailly, et luy souuint du veu qu'il auoit fait, et du saint et diuin mistere du sacrement de baptesme. Et en ceste foy marche vers ce monstre que je appelle le dyable, et luy demanda qu'il estoit, et qu'il demandoit. Ce dyable commença a accoupler, et le bon Cheualier de foy deffendre, qui n'auoit toutesfois pour toutes armeures que ses mains car il estoit en pourpoint comme pour aller coucher, et son escu de ferme foy ou mistere de baptesme. La lute dura longuement et fut ce bon Cheualier tant las que meueilles, de soutenir ce dur assault, mais estoit tant fort armé de son escu de foy que peu luy nuysoient les faits de son ennemy. En la parfin après que ceste bataille eut bien duré vne heure le bon Cheualier se print aux cornes de ce dyable, et luy en arracha vne dont il le baccula trop bien et maulgré luy comme victorieux se departit du lieu, et laissa comme recreu, et vint trouuer ses gens qui se esbattoient comme ils faisoient auant son partement qui furent bien effrayés.

le voir leur maistre en ce point eschauffé qui  
uoit tout le visage esgratiné, le pourpoint  
hemise et chausses tout derompus et de-  
hirés et comme tout hors d'alaine. Ha  
Monseigneur dirent ils dont venez vous, et  
qui vous a ainsi habillé. Qui dist il ca esté  
le dyable a que ie me suis tant combattu  
que j'en suis tout hors d'alaine et en tel  
point que me veés, et vous assure par ma  
foy que ie tiens veritablement quil meut  
estranglé et deuoré, se a ceste heure, ne  
ne fust souuenu du baptesme, et du grant  
mistere de ce vertueux sacrement, et de  
non veu que je fis adonques, et créés que  
ie ne l'ay pas faulcé, car quelque dangier  
que jaye oncques ny fis le signe de la  
croix, mais comme souuent du saint sacre-  
ment dessusdist me suis hardyment deffen-  
du, et franchement eschappé, dont ie loué  
et mercie nostre seigneur Iesus Christ que  
par ce bon escu de sainte foy ma si haulte-  
ment preserué, viennent tous les autres  
qui en enfer sont, tant que ceste enseigne  
lemeure ie ne les crains, viue viue nostre  
benoist Dieu qui ses Cheualiers de telz ar-  
mes fait adouber. Les gens de ce bon sei-  
gneur oyant leur maistre ce cas racompter  
furent bien joyeux de le voir en bon point.

Mais esbahis de la corne qu'il leurs monstroit qu'il auoit esrachée de la teste du dyable et ne scauoient juger non fist oncque personne que depuis la vit dequoy elle estoit se c'estoit os ou corne, comme autres cornes sont ou que c'estoit. Alors vng des gens de ce Cheualier dist qu'il vouloit aller voir si ce dyable estoit encore ou son maistre l'auoit laissé, et si le trouuoit il se combattroit a luy et luy arracheroit de la teste l'autre corne. Son maistre luy dist qu'il ny alloit point, il dist que si feroit. N'en fais rien dist son maistre car le peril est trop grant. Ne m'en chaud dist l'autre, ie y vueil aller se tu me crois dist son maistre tu nyras pas quoy qu'il fut il y voulu aller, et desobeyt a son seigneur. Il print en sa main vne torche et vne grande hache, et vint au lieu ou son maistre s'estoit combattu, quelle chose il y fit, on nen scet rien, mais son maistre qui de luy se doubtoit, ne le seut si tost fuir, qu'il ne le trouua pas, ne pareillement le dyable aussy, et n'oüyt oncques plus nouvelles de son homme. En la facon que auez ouy se combatit ce bon Cheualier au dyable, et le surmonta par la vertu du saint sacrement de baptesme.



NOUVELLE LXXI.

# LE CORNARD

DE BONNAIRE.

**A** Saint Omer na pas long temps ad-  
uint vne assez bonne hystoire qui n'est

M 3

pas

pas moins vraye que l'Euangile comme il a esté et est congnü de plusieurs notables gens dignes de foy et de croire, et fut le cas tel pour le brief faire, vng gentil Cheualier des marches de Picardie pour lors bruyant et frisqué de grant auctorité et de grant lieu se vint logier en vne hostellerie qui par le fourrier de Monseigneur le Duc Philippe de Bourgogne son maistre luy auoit esté deliuré, tantost qu'il eut mis le pié a terre et qu'il fust descendu de son cheual ainsi comme il est de coustume auxdictes marches. Son hostesse luy vint au deuant et tres gracieusement comme elle estoit accoutumée et bien aprinse de ce faire aussy le receut moult honorablement, et luy qui estoit des courtois le plus honorable et le plus gracieux, l'accola et la baïsa doucement car elle estoit belle et gente et en bon point, et mise sur le bon bout appellant sans mot dire trop bien son marchant a se baisier et accolement, et de prinsault ny eut celuy des deux qui ne pleut bien a son Compaignon, si pensa le Cheualier par quel train et moyen il paruiendroit a la jouissance de son hostesse, et s'en descourit a vng sien seruiteur, lequel en peu d'eure batist tellement les besongnes, qu'ils se trouuerent

ent ensemble. Quant ce gentil Cheualier vit son hostesse preste d'ouyr et d'entendre ce qu'il vouldroit dire pensez qu'il fut joyeux outre mesure, et de grant haste et ardent desir qu'il eut d'entamer la matiere qu'il pouoit ouurir, il oublia de ferrer l'huis de la chambre, et son seruiteur au partir qu'il fut de leur assemblement, laissa l'huis enreouuert. Alors ledit Cheualier commença sa harangue bonne alleure sans regarder autre chose et l'hostesse qui ne l'escoutoit pas a regret si luy respondit au propos, tant qu'ils estoient si bien d'accord que oncques musique ne fust pour eulx plus douce que les instrumens ne pouroient mieulx estre accordés que eulx deulx la mercy Dieu estoient. Or aduint ne scay par quelle aduenture, ou se l'oste de leans mary de l'hostesse queroit sa femme pour aucune chose luy dire en passant d'auenture pardeuant la chambre ou sa femme avec le Cheualier joiüent ensemble des cymbales. Il en ouyt le son si se tira vers le lieu, ou ce beau deduit se faisoit et au heurter a l'huis qu'il fist trouua l'ateleé du Cheualier et de sa femme dont il fut de eulx trois le plus esbahy de trop, et en reculant subitement doubtant l'empescher et destouber de ladicte oeuvre

faisoient; leurs dist pour toutes menaces et tancons et par la mort bieu vous estes bieu meschans gens, et a vostre fait mal regardans, qui n'auetz eu en vous tant de sens quant vous voulez faire telz choses que de ferrer et tirer l'huys après vous. Or pensé que ce eust esté se vng autre que moy vous y eust trouué, et pardieu vous estiez gaste et perdus, et eut esté vostre fait descelé, et tantost sceu par toute la ville, faites autrement vne autrefois de par le dyable, et sans plus dire tire lhuys et s'en va, et bonnes gens de raccorder leurs musettes, et par faire la note encommencée, et quant ce fut fait chascun s'en alla en sa chascune sans faire semblant de riens, et n'eust esté comme i'espere leurs cas jamais decouuert, ou aumoins si publicq de venir a vos oreilles ne tant d'autres gens ce n'eut esté le mary qui ne se douloit pas tant, de ce que l'on l'auoit fait coux que de luy qu'il trouua deferré.



NOUVELLE LXXII.

# LA NECESSITE'

EST INGENIEUSE.

**A** Propos de la nouvelle precedente,  
és marches de Picardie auoit nague-  
 res

res vng gentil homme , lequel estoit tant amoureux de la femme d'vng Cheualier son prochain voisin , qu'il n'auoit ne jour ne heure de repos , se il n'estoit auprès d'elle , et elle pareillement l'aymoit tant qu'on ne pouroit dire ne penser qui n'estoit pas peu de chose , mais la douleur estoit qu'ils ne scauoient trouuer facon ne maniere d'estre a part et en lieu secret pour a loisir dire et desclairer ce qu'ils auoient sur le cueur , au fort après tant de males nuyts et jours douloureux , amours que a ses loyaux seruiteurs ayde et secoure quant bien luy plaist leur apresta vng jour tres desiré auquel le douloureux mary plus jaloux que nul homme viuant , fut contraint d'abandonner le mesnage , et aller aux affaires que tant luy touchoient , que sans y estre en personne il perdoit vne grosse somme de deniers , et par sa presence il la pouoit conquerir ce qu'il fist , en laquelle gagnant il conquist bien meilleur butin comme d'estre nommé coux , avec le nom de jaloux qu'il auoit auparauant , car il ne fut pas si tost failly de l'ostel que le gentil homme qui ne glatissoit après autre beste , et sans faire long sejour incontinent exécuta ce pourquoy il venoit et print de sa  
Dame

Dame tout ce que vng seruiteur en ose ou  
 eut demander si plaisamment et a si bon  
 plaisir que on ne pouroit mieulx souhaitter,  
 et ne se donnerent de garde que la nuyt les  
 surprint dont ne se donnerent du mal  
 temps, esperans la nuyt paracheuer ce que  
 ce jour tres joyeux et pour eux trop court  
 auoient encommencé pensant a la verité  
 que ce dyable de mary ne deust point re-  
 tourner en sa maison jusques a lendemain  
 au disner voire au plus tard, mais aultre-  
 ment en alla car les dyables le rapporterent  
 a l'ostel ne scay en quelle maniere, et aussi  
 ne chault de scauoir comment il sceut tant  
 abregér de ses besongnes, assés souffit de  
 dire qu'il reuint le soir dont la belle com-  
 paignie, c'est a scauoir de nos deux amou-  
 reux fut bien esbahie, pource quils furent  
 si hastiuement surprins, car en nulle ma-  
 niere ne se doubtoient de ce dolent retour-  
 ner. Aussi jamais neussent cuydé que si sou-  
 dainnement et si legiérement il eut fait et  
 accompli son voyage. Touttefois nostre po-  
 ure gentil homme ne sceut autre chose que  
 faire ne ou se mucer sinon que de soy bou-  
 ter dans le retrait de la chambre esperant  
 de saillir par quelque voye que sa Dame  
 trouueroit auant que le Cheualier y eut mis  
 le

le pié dont il vint tout autrement. Car nostre Cheualier qui ce jour auoit cheuauché 16. ou 18. grosses lieuës estoit tant las quine pouoit ses rains tourner et voulut souper en sa chambre ou il se estoit deshouffé, et si voulut tenir sans aller en la salle. Pensés que le poure gentil homme rendoit bien gaige du bon temps qu'il auoit eu ce jour, car il mouroit de fain de froit et de paour, encores pour plus engreiger son mal, vne toux le va prendre si grande et si horrible que merueille, et ne se failloit gueres que chascun coup qu'il touffoit qu'il ne fut oüy de la chambre ou estoit l'assembleé du Cheualier de la Dame et des autres Cheualiers de leans. La Dame que auoit l'oeil et l'oreille tousjours a son amy l'entrouyt d'auenture dont elle eut grant freeur au cueur doubtant que son mary ne l'ouyft aussy. Si trouue maniere tantost après souper de soy bouter seulette en ce retrait, et dist a son amy pour Dieu qu'il se garda ainsy de touffer. Helas dist il Madame, ie ne puis pas, mais Dieu scait comment ie suis pugny, et pour Dieu pensés moy tirer dicy. Si feray ie dist elle et a tant se part et bon escuyer de recommencer sa chanson voire si très hault que lon peut bien oüy de la chambre

se neut esté les deuises que la Dame faisoit mettre en termes. Quant ce bon escuyer se vit en ce point assailly de la toux il ne sceut autre remede, afin de non estre oüy que de bouter sa teste au trou du retrait ou il fut bien ensencé Dieu le scait, de la confiture de leans, mais encores aymoit il ce mieux que estre ouy. Pour abregér il fut long temps la teste a ce retrait, crachant, touffant et mouchant, tant il sembloit que jamais ne deust faire autre chose, neantmoins après ce bon coup sa toux le laissa et se cuydoit tirer hors, mais n'estoit pas en sa puissance de ce retirer, tant estoit auant et fort boutté leans, pensés qu'il estoit bien a son aise, brief il ne scauoit trouuer facon de faillir quelque peine qu'il y mist, auoit tout le col escorché et les oreilles arracheés, en la parfain comme Dieu le voulut il se forca tant qu'il arracha l'ais percé du retrait, et le raporta a son col, mais en sa puissance ne eut esté de l'en oster, et quoy qu'il luy fut ennuyeux si aymoit il mieux estre ainsi que comme il estoit pardeuant. Sa Dame le vint trouuer en ce point dont elle fut bien esbahye, et ne luy sceut secourir : mais luy dist pour tous potages qu'elle ne scauroit trouuer facon

con du monde le traire de leans, est ce ce-  
 la dist il par la mort bieu je suis assez armé  
 pour combattre vng autre, mais que j'aye  
 vne espee en ma main dont il fut tantost  
 saisy d'une bonne, sa Dame le voyant en  
 tel point, quoy quelle eut grant doubte ne  
 se scauoit tenir de rire ne l'escuyer aussy. Or  
 ca a Dieu me commend dist il lors, je men  
 voys essayer, comment je passeray par  
 ceans, mais premier brouillés moy le vi-  
 saige bien noir si fist elle, et le commanda  
 a Dieu, et bon Compaignon a tout l'ays  
 du retrait a son col, l'eepee nuë en sa main  
 sa face plus noire que charbon, commen-  
 ca a saillir de la chambre et de bonne en-  
 contre le premier qu'il trouua ce fut le do-  
 lent mary que eut de le veoir si grant paour  
 cuydant que ce fut le dyable qu'il se laissa  
 tomber du haut de luy a terre que a peu  
 qu'il ne se rompit le col, et fut longue-  
 ment pasmé sa femme le voyant en ce point  
 faillit auant, monstrant plus de semblant  
 deffray qu'elle ne sentoit beaucoup, et le  
 print au bras en luy demandant qu'il auoit,  
 puis après qu'il fut reuenu dist a voix cassée  
 et bien piteuse, et n'avez vous point veu  
 ce dyable que j'ay rencontré, certes sy ay  
 dist elle a peu que ie n'en suis morte de la  
 frayeur

ayeur que j'ay eu de le veoir, et dont  
 eut il venir ceans, dist il, ne que le nous  
 enuoyé, je ne feray de cest an, ne de  
 autre rassuré tant ay esté espouuenté. Ne  
 moy pardieu dist la deuote Dame, créés  
 ue c'est signifiante de aucune chose, Dieu  
 nous vueil garder et defendre de toute  
 maladventure le cueur ne me gyst pas bien  
 de ceste vision, alors tous ceux de l'hostel  
 dirent chascun sa rateleé de ce dyable a  
 espéé cuydant que la chose fust vraye,  
 mais la bonne Dame scauoit bien la trai-  
 tée qui fut bien joyeuse de les veoir tous  
 en cette opinion, et depuis continua le  
 dyable desludist le mestier que chacun fait  
 si volentiers au deceu du mary et de tous  
 autres, fors vne chamberiere secrette.



NOUVELLE LXXIII.

L' O Y S E A U

EN LA CAGE.

**C**omme il aduint en la Comté de sain  
Polen vng villaige assez prochain de la  
dict

dicte ville de saint Pol auoit vn homme laboureur marié avec vne femme belle et en bon point de laquelle le Curé dudit village estoit amoureux, et pource qu'il se sentit si ésprins du feu d'amours et que difficile luy estoit seruir sa Dame sans estre suspicionné; se pensa qu'il ne pouoit bonnement venir a la jouissance d'elle sans premier auoir telle du mary. Cest aduis decourrit a sa Dame pour en auoir son opinion laquelle luy dist que tres bonne et propre estoit pour nettre a fin leurs amoureuses intencions. Nostre Curé donc par gracieux et subtiles moyens s'accointa de celuy dont il vouloit estre le Compaignon, et tant bien se conduisit avec le bon homme qu'il ne mengeoit sans luy, et quelque besongne qu'il fist tousiours parloit de son Curé, mesmement chascun jour le vouloit auoir au disner, et au souper bref riens n'estoit bien fait a l'ostel du bon homme se le Curé n'estoit present. Quant les voisins de ce poure simple laboureur veirent ce qu'il ne pouoit veoir luy dirent qu'il ne luy estoit honneste auoir ainsi continuellement le repaire du Curé, et qu'il ne se pouoit ainsi continuer sans grant leshonneur de sa femme, mesmement que les autres voisins amis len aduisoient, et

parloient en son absence. Quant le bon homme se sentit ainsi aigrement reprins de ses voisins, et qu'ilz luy blasmoient le repaire du Curé en sa maison, force luy fut de dire au Curé que se deportast de hanter en sa maison, et de fait luy deffendit par motz exprés et menaces que jamais ne s'y trouuaist s'il ne luy mandoit, affermant par grant ferment que s'il luy trouuoit, il compteroit auecques luy et le feroit retourner outre son plaisir, et sans fauoir gré. La deffence desplut au Curé plus que je ne vous scauroie dire, mais nonobstant qu'elle fut aigre, pourtant ne furent les amourettes rompuës car elles estoient si profond enracinées és cueurs des deux parties que impossible estoit les rompre ne desjoindre. Or oyez comme nostre Curé se gouerna aprez que la deffence luy fut faite; par l'ordonnance de sa Dame, il print regle et coustume de la venir visiter toutes les fois qu'il sentoit le mary absent. Mais lourdement sy conduisit, car il n'eust sceu faire sa visitacion sans le sceu des voisins qui auoient esté cause de la deffence ausquelz le fait desplaisoit autant que s'il leurs eut touché. Le bonhomme fut de rechief aduertty que le Curé alloit estaindre le feu a son hostel comme auparauant de

de la deffence. Nostre simple mary oyant ce, fut bien esbahy et encores plus couroucé la moitié, lequel pour y remedier pensa tel moyen que je vous diray. Il dist a sa femme qu'il vouloit aller vng jour tel qu'il nomma mener a saint omer vne charette de blé, et que pour mieux besongner, il y vouloit luy meisme aller, quant le jour nommé qu'il deuoit partir fut venu, il fist ainsy qu'on a de coustume en Picardie spécialement és marchés d'autour saint omer, chargea son chariot de blé a minuit, et a celle mesme heure voulut partir et print congé de sa femme, et vuida avec son chariot, et si tost qu'il fut hors sa femme ferma tous les huys de sa maison. Or vous debuez entendre que nostre marchand fist son saint omer chez l'vng de ses amys qui demouroit au bout de la ville ou il allast arriuer et mist son chariot en la cour dudit amy que scauoit toute la trainee, lequel il enuoya pour faire le guet et escouter tout entour de sa maison pour veoir se quelque larron y viendroit. Quant il fut la arriué, il se tapit au coin d'vne forte haye, duquel lieu il veoit toutes les entreés de la maison dudit marchand dont il estoit seruiteur et grant amy; en ceste partie guerres neut escouté que vecy maistre Curé que

vint pour allumer sa chandelle, ou pour mieulx dire lestaindre et tout coyement et doucement heurter a lhuys de la court, lequel fut tantost ouy de celle quen'auoit talent de dormir a celle heure, laquelle sortit habillement en chemise, et vint mettre dedans son confesseur et puis ferme l'huys le menant au lieu ou son mary deust auoir esté. Or reuenons a nostre guet, lequel quant il apperceut tout ce qui fut fait se leua de son guet, et sen alla sonner sa trompette et declaira tout au bon mary, surquoy incontinent conseil fut prins et ordonné en ceste maniere. Le marchand de blé faignit retourner de son voyage avec son chariot de blé pour certaine aduventure qu'il doubtoit luy aduenir. Si vint heurter a sa porte et hucher sa femme que se trouua bien esbahye quant elle ouyt sa voix, mais tant ne le fut quelle ne print bien le loisir de mussier son amoureux le Curé en vng casier que estoit en la chambre, et pour vous donner entendre quelle chose est vng casier, c'est vng garde mengier en la facon d'une huche long et estroit pour raison et assés profond et après que le Curé se fut mussé ou l'en mussé les oeufs et le beure, le fourmaige et autres telles vitailles, la vaillante mesnagere comme moi-

tié

tié dormant, moitié veillant se presenta deuant son mary a lhuys et luy dist. Helas mon bon mary quelle aduventure pouéz vous auoir que si hastiuement retournés, certainement il y a aucun que ne vous laisse faire vostre voyage. Helas pour Dieu dictes le moy, le bon homme voulut aller en sa chambre et illec dire les causes de son hastif retour. Quant il fut ou il cuydoit trouuer son Curé c'est a scauoir en sa chambre, commença a comter les raisons du retour de son voyage. Premier dist pour la suspecion qu'il auoit de la desloyauté d'elle, craignoit très fort estre du rang de bleus vestus qu'on appelle communement nos amys, et que au moyen de ceste suspicion estoit il ainsy tost retourné. Item que quant il s'estoit trouué hors de sa maison autre chose ne luy estoit venu au deuant, sinon que le Curé estoit son lieutenant, tandis qu'il alloit marchander. Item pour experimenter son imaginacion dist qu'il estoit ainsi retourné et a celle heure voulut auoir la chandelle et regarder se sa femme osoit bien coucher sans compaignie en son absence. Quant il eut acheué les causes de son retour la bonne Dame s'escria disant, ha mon bon mary dont vous vient maintenant ceste vaine ja-

lousie, auez vous aperceu en moy autre chose qu'on ne doit ne juger d'une bonne loyale et prudente femme, hélas que maudite soit l'heure que oncques ie vous congneu pour estre suspeconné de ce que mon cuëur ne sceut penser, vous me congnoiffiez mal, et ne scauez vous combien net et entier mon cuëur veult estre et demourer. Le bon marchand eut peu estre contraint de ses bourdes, sil n'eut rompu la parolle, sy dist qu'il vouloit guerir son ymaginacion et incontinent vint chercher et visitter les cornets de sa chambre au mieux qu'il fut possible, mais il ne trouua point ce qu'il queroit. Adonc se donna garde du casier, et jugea que son Compaignon y estoit, et sans en monstres semblant hucha sa femme et luy dist ma mye a grant tort je vous ay suspecionné de me estre desloyalle, et que telle ne soyez que ma faulse ymaginacion me aporte, toutes-fois, ie suis si aheurté et enclin a croire et m'arrester a mon opinion que impossible me est de jamais estre plaisamment avec vous, et pource je vous prie que soyez contente que la separation soit faite de nous deux, et que amoureusement partissions nos biens communs par esgalle porcion. La gouge qui desiroit assés le marché affin que  
plus

plus aysement se trouua avec son Curé accorda sans gueres faire difficulté a la requeste de son mary, par telle condicion toutesfois quelle faisant la particion des meubles elle commenceroit et feroit le premier choix, et pour quelle raison dist le mary voulez vous choisir la premiere c'est tout contre tout droit et justice. Ils furent long tems en difference pour choisir, mais a la fin le mary vainquist, car il print le casier, ou il n'y auoit que fiars, tartes et fromaiges, et autres menuës vitailles, entre lesquels nostre Curé estoit enseuely, lequel oyoit les bons deuis qui a ceste cause se faisoient. Quant le mary eut choisy le casier, la Dame choisit la chaudiere, puis le mary vng autre meuble; puis elle consequenment jusqua ce que tout fut party et porcionné, après laquelle porcion faicte le bon mary dist. Je suis content que vous demourés en ma maison jusqua ce que vous aurés trouué logis pour vous, mais de ceste heure je vueil emporter ma part, et la mettre a l'ostel d'vng de mes voisins, faictes en dist elle a vostre bon plaisir, il print vne bonne corde et en lia et adouba son casier, et fist venir son charretton a qui il fist atteller son casier d'vng che-

ual, et luy chargea qu'il mena à la maison d'vng tel fondit sien voisin. La bonne Dame tout oyant ceste deliberacion laissoit tout faire, car de donner conseil au contraire ne se osoit aduancier doubtant que le casier ne fut ouuert, si habandonna tout à teile aduventure que souruenir pouoit. Le casier fut ainsy que dist est attelé au cheual, et mené par la ruë pour aller a l'ostel ou le bon homme l'auoit ordonné, mais guères n'allast que le maistre Curé a que les oeufs et le beure creuoient les yeux, cria pour Dieu mercy, le charton oyant ceste piteuse voix raisonnante du casier descendit tout esbahy, et hucha les gens et son maistre qui ouurirent le casier, ou ilz trouuerent ce poure prisonnier, doré et empapiné d'oeufs de fromaige et de lait et autres choses plus de cent. Ce poure amoureux estoit tant piteusement appointé qu'on ne scauoit duquel il auoit le plus. Et quant le bon mary le vit en ce point il ne se peut contenir de rire, combien que couroucé deust estre, si le laissa courir, et vint a sa femme monstrier comment il auoit eu tort d'estre suspeconneux de sa faulse desloyauté, elle qui se vit par exemple vaincuë cria mercy et il luy fut pardonné par telle condition

dition que se jamais le cas luy aduenoit que  
elle fust mieulx aduiseé, de mettre son hom-  
me autre part que ou casier. Car le Curé en  
auoit esté en peril de estre a tousjours gasté,  
et après ce ils demourerent ensemble long  
temps, et rapporta l'homme son casier, et  
ne scay point que le Curé si trouua depuis  
lequel par le moyen de ceste aduventure fut  
comme encores est appellé sire vadin ca-  
sier.



NOUVELLE LXXIV.

# LE CURE

TROP RESPECTUEUX.

**A** Insy que nagueres Monseigneur le  
Seneschal de Boulennois cheuauchoit  
parmy

army le pays d'une ville a l'autre en passant par vn hamelet ou l'en sonnoit au acrément, et pource qu'il auoit doubté le non pouoir venir a la ville ou il con-endoit en temps pour ouyr messe, car heure estoit prest de midy, il s'aduifa qu'il descendroit audit hamelet pour veoir Dieu en passant. Il descendit a lhuys de l'esglise, et puis s'en alla rendre assés prés de l'autel, ou l'en chantoit la grande messe et si prochain se mist du prestre qu'il le pouoit en celebrant de costiere aperceuoir. Quant il eut leué Dieu et calice, et fait ainsi qu'il appartenoit pensant a part luy après qu'il eut perceu Monseigneur le Seneschal estre derriere luy et non sachant se a bonne heure estoit venu pour veoir Dieu leuer ayant toutteffois opinion qu'il estoit venu tard, appella son clerc et luy fist allumer arriere la torche, puis en gardant les cerimonies qu'il fault garder, leua encores vne fois Dieu, disant que c'estoit pour Monseigneur le Seneschal, et puis ce fait proceda oultre jusqu'a ce qu'il fut parueniu a son agnus Dei, lequel quant il eut dit trois fois, et que son clerc luy bailla la paix pour baiser, il la refusa, et en rabroüant très bien son clerc, il dit qu'il ne scauoit ne bien ny hon-

honneur, et la fit bailler a Monseigneur le Senechal, qui la refusa de tout point deux ou trois fois, et quant le prestre vit que Monseigneur le Senechal ne vouloit prendre la paix devant luy, il laissa Dieu qu'il tenoit en ses mains, et print la paix qu'il apportoit a mondit Seigneur le Senechal, et il luy dist que s'il ne la prenoit deuant luy il ne la prendroit ja luy mesme et ce n'est pas dist le prestre raison que j'aye la paix deuant vous. Adonc Monseigneur le Senechal voyant que sagesse n'auoit illec lieu se accorda au Curé et print la paix premier, puis le Curé après, et ce fait s'en retourna parfaire sa messe de ce qui restoit, et puis c'est tout ce que on m'en a racompté.



NOUVELLE LXXV.

## LA MUSETTE.

**P**Ar aucun temps de la guerre des deux parties les vngs nommés Bourgongnons, les autres armignacz. Il aduint en la ville de  
Troye

Troye vne assez gracieuse aduventure qui tres bien vault le reciter, et mettre en compte qui fut telle. Ceulx de Troye pour lors que onques parauant ils eussent esté Bourgoignons c'estoient tournés armignacz en entre eulx auoit conuersé vng Compaignon a demy fol non pas qu'il eut perdu l'entiere congnoissance de raison, mais a la verité il tenoit plus du costé de Dame folie qu'il ne tenoit de raison, combien que aucunneffois il executast, et de la main et de la bouche plusieurs besongnes que plus faige de luy n'eust sceu acheuer. Pour venir donc au propos encommencé, le galant dessusdit estoit en garnison avec les bourguignons a saincte meneho, mist vne journeé en terme a ses Compaignons, et leurs commença a dire, que s'ils le vouloient croire qu'il leur bailleroit bonne doctrine pour attrapper vng hoste des lourdiers de Troye lesquelz a la verité ilz hayoient mortellement, et ilz ne l'aymoient gueres mais le menassoient tousjours dependre s'ils le pouoient tenir. Vecy qu'il dist, je m'enyray deuers Troye, et m'aproucheray des faulx bours, et feray semblant d'espier la ville, et de taster de ma lance les fossés et si prés de la ville me tireray que ie seray prins.

Je

Je suis seur si tost que le bon bailly me tiendra qu'il me condamnera a pendre et nul de la ville ne sy opposera pour moy car ilz me hayent trestous , ainsy feray ie bien matin au gibet , et vous soiez embusqués au boquet qui est au plus prés dudit gibet , et tantost que vous orrés venir moy et ma compaignie vous fauldrés sur l'assemblée , et en prendrés et tiendrés a vostre volenté , et me deliurés de leurs mains. Tous les Compaignons de la garnison s'y accorderent très volentiers , et luy commencerent a dire que puis qu'il osoit bien entreprendre cette aduventure que ilz ayderoient a la fournir au mieulx quilz scauroient , et pour abreger le gentil folastre s'ap procha de Troye , comme il auoit deuant dit , et aussi comme desiroit fut prins dont le bruit s'espendit tost parmy la ville et ny eut celuy qui ne le condamnaist a pendre , mesmement le bailly si tost qu'il le vit dist et jura par ses bons Dieux qu'il sera pendu par la gorge. Helas Monseigneur disoit il , ie vous requiers mercy ie ne vous ay rien meffait. Vous mentés ribault dist le bailly , vous auez guidé les Bourgonnons en ceste marche , et auez accusé les bourgeois et bons marchands de ceste ville :


ville : vous en aurés vostre payement, car vous en ferés au gibet pendu. Ha pour Dieu Monseigneur dist nostre bon Compaignon puis qu'il faut que ie meures au moins qu'il vous plaise que ce soit bien matin, et qu'en la ville ou jay tant eu de congnoissance et d'acointance ie ne recoiue trop publique punicion. Bien dist le Bailly on y pensera. Le lendemain dés le point du jour le boureau avec la charette fut deuant la prison, ou il n'eust gueres esté que vecy venir le bailly a cheual et ses sergens et grant nombre de gens pour l'accompaigner, et fut nostre homme, mis, trouffé et lié sur la charette, et tenant sa musette dont il joüoit coustumierement on le maine deuers la Justice, ou il fut plus accompaigné que beaucoup d'autres n'eussent esté tant estoit hay en la ville. Or deuez vous scauoir que les Compaignons de la garnison de saincte meneho noublièrent point eulx embuscher au boys auprès de la Justice, dés la minuyt, tant pour sauuer l'homme quoy qu'il ne fust pas des plus sages, comme pour gaigner prisonniers et autre chose s'ilz pouoient. Eux la doncques arriuez disposerent de leurs besongnes comme de guerre et ordonnerent vng guet sur

vng

ung arbre qui leurs deuoit dire quant ceux  
de Troye seroient a la Justice. Ceste guet-  
te ainsi mise et logée dist qu'elle seroit bon  
leuoir. Or sont descendus ceulx de la Ju-  
stice deuant le gibet, et le plus abregeé-  
ment que faire se peult, le Baillif commen-  
ça qu'on déspechast nostre poure coquart  
que estoit bien esbahy ou ses Compai-  
gnons estoient qui ne venoient ferir dedans  
les Ribaulx armignaz, il n'estoit pas bien  
a son aise, mais regardoit deuant et der-  
riere, et le plus vers le bois, mais il no-  
voit riens, il se confessa le plus longue-  
ment qu'il peut, toutteffois il fut osté du  
préstre, et pour abréger monta sur l'eschel-  
le, et luy la venu bien esbahy, Dieu le  
faisoit regarder tousjours vers ce boys, mais  
c'estoit pour neant, car la guette ordon-  
née pour faire saillir ceux que recourre le  
deuoient estoit endormie sur cest arbre si  
ne scauoit que dire ne que faire ce poure  
homme sinon qu'il pensoit estre a son der-  
nier jour. Le boureau a certaine piece après  
fist ses preparatoires pour luy bouter la  
hart au col pour le despecher. Et quant  
il vit ce il se aduisa d'vng tour qui luy fut  
bien proufitable et dist. Monseigneur le  
baillif ie vous prie pour Dieu que auant

qu'on mette plus la main a moy que i puisse jouier vne chanson de ma musette et ie ne vous demande plus autre chose, ie suis après content de mourir, et vous pardonne ma mort et a tout le monde. Cest requeste luy fut passéé, et sa musette luy fut en haut portéé, et quant il la tint, il plus a loisir qu'il peut, il la commença sonner et jouier vne chanson que ceulx de la garnison dessusdicte congnoissoient tres bien et y auoit, tu demeures trop Robin tu demeures trop, et au son de la musette la guette s'esueilla, et de paour quelle elle se laissa cheoir du haut en bas de l'arbre ou elle estoit, et dist on pend nostre homme auant auant, hastez vous tost, et les Compaignons estoient tous prêts; et au son d'une trompette saillirent tous hors du boys, se vindrent fourer sur le baillif, et sur tous ceux qui deuant le gibet estoient. Et a dest effroy le boureau fut tant perdu qu'il ne scauoit ne eust oncques d'aduis de luy boutter la hart au col ne le boutter jus, mais luy pria qu'il luy sauua la vie, ce qu'il eut fait tres volentiers, mais il ne fut en sa puissance, trop bien y fist autre chose et meilleure, car luy que estoit sur l'eschelle, crioit a ses Compaignons prenez

ez cestuy ca , prenez cestuy la vng tel est  
che, vng tel est mauuais, brief les Bour-  
ongnons en tuèrent vng grant tas en la  
enuë de ceux de Troye et prindrent des  
isonniers vng grant nombre , et sauue-  
nt leur homme en la facon que vous oyez  
e leurs dist que jour de sa vie n'eult si  
elles affres qu'il auoit a ceste heure euë.



NOUVELLE LXXVI.

LE LAQS

D'AMOUR.

**L'**On m'a plusieurs fois dist et racompté  
par gens dignes de foy vng bien gra-  
cieux

ieux cas dont ie fourniray vne petite nou-  
 uelle , sans y descroitre ne adjouster chose  
 que ce que sert au propos; entre les autres  
 Cheualiers de Bourgongne en y auoit vng  
 magueres lequel contre la coustume et vsa-  
 ge du pays tenoit a pain et a pot vne Da-  
 moiselle belle et gente en son chasteau que  
 point ne vueil nommer , son chappellain  
 qui estoit jeune et frais voyant ceste belle  
 fille n'estoit pas si contant que souuent ne  
 fut par elle tempté et en deuint amou-  
 eux , et quand il vit mieulx son point  
 compta sa ratelleé a la Damoiselle qui estoit  
 plus fine que moustarde, car la mercy Dieu  
 elle auoit rodé et couru le pays tant que du  
 monde ne scauoit que trop, elle pensa bien  
 en soy mesme que s'elle accorderoit au pre-  
 stre sa requeste que son maistre qui veoit  
 leur quelque moyen que elle scauroit trou-  
 uer, il s'en donneroit bien garde , et ainsi  
 perderoit le plus , pour le moins , si deli-  
 uera de descouurir l'embusche a son mai-  
 tre , lequel quant il le sceut n'en fist que  
 rire , car assez s'en doubtoit attendu le re-  
 gard, déuis et ésbatement qu'il auoit veu  
 entre eulx deux, ordonna neantmoins a sa  
 pouge qu'elle entretenist le prestre sans  
 faire la courtoisie , et si fist elle si bien que

nostre sire en auoit tout au long du bras et nostre bon Cheualier souuent luy disoit Pardieu nostre sire vous estes trop priué de ma chamberiere , ie ne scay qu'il y a entre vous deux , mais se ie scauoye que vous y pourchassiez a mon desauantaige par nostre Dame ie vous pugniroye bien et en verité Monseigneur respondit maistre Dominé ie ny chalange ne demande riens ie me deuise a elle , et passe temps comme font les autres de ceans , mais oncque jour de ma vie ne la requis d'amours ni d'autres choses. Pourtant le vous dy ie, c dist le seigneur , se autrement en estoit i n'en seroye pas content. Se nostre Dominé en auoit bien poursuy auparauant se parolles , plus aigre et a toute force continua la poursuite , car ou qu'il rencontra la gouge de tant près la tenoit que contraincte estoit vouldist ou non donner l'oreille en sa douce requeste , et elle duit et faicte a l'esperon et a la lance , endormoit nostre prestre et en son amour tant fort le bouttoit qu'il eut pour elle vng ogie combatu , si tost que de luy s'estoit sauluee tout le plaidoyé d'entre eulx deux estoit au maistre par elle racompté pour plus grand plaisir en auoir , et pour faire la farce au

vif, et bien tromper son chapelain, il com-  
 manda a sa gouge quelle luy assignast jour-  
 née d'estre en la ruelle du lit ou ilz cou-  
 choient et luy dist, si tost que Monseigneur  
 sera couché, ie feray ce que vous voul-  
 drez, rendez vous donc en la ruelle du lit  
 tout doucement. Et fault dist il que tu  
 luy laisses faire, et moy aussi, ie suis seur  
 que quant il cuidera que ie dorme que il  
 ne demourera gueres que il ne t'enferres,  
 et jauray apresté a l'environ de ton deuant  
 le las joly ou il sera attrappé. La gouge en  
 fut joyeuse, et bien contente, et fist son  
 rapport a nostre Dominé qui jour de sa vie  
 ne fut plus joyeux, et sans penser ne yma-  
 giner peril ne dangier ou il se boutoit  
 comme en la chambre de son maistre au lit  
 et a gouge de son maistre toute la raison  
 estoit de luy a ce arriere mise, seulement  
 luy chailloit d'accomplir sa folle volenté,  
 combien que naturelle est de plusieurs ac-  
 coustumeé. Pour faire fin a long procès,  
 maistre Prestre vint a leure assigné bien  
 doucement en la ruelle Dieu le scait, et sa  
 maistresse luy dist tout bas. Ne sonnez  
 mot quant Monseigneur dormira bien fort  
 ie vous toucheray de la main, et viendrés  
 emprés moy, en la bonne heure ce dist il,

le bon Cheualier que a ceste heure ne dor-  
 moit mie se tenoit a grant paine de rire.  
 Toutteffois pour parfaire la farce il s'en gar-  
 da et comme il auoit proposé et dit, il ten-  
 dit son fil ou son las lequel quon veut  
 tout a l'endroit de la partie ou maistre pre-  
 stre auoit plus grant desir de se heurter.  
 Or est tout prest et nostre Dominé apellé,  
 et au plus doucement qu'il peult entra de-  
 dans le lit, et sans plus barguigner il monte  
 sur le tas pour veoir plus loing. Si tost qu'il  
 fut logié le bon Cheualier tire son las bien  
 fort, et dist bien hault, ha ribault prestre  
 estes vous tel, et bon prestre a foy retirer,  
 mais il ne alla gueres loing, car l'instrument  
 qu'il vouloit accorder au bedon de la gou-  
 ge estoit si bien enueloppé du las, qu'il n'a-  
 uoit garde d'eslongner, dont si tres esba-  
 hy se trouua qu'il ne scauoit sa contenance  
 ne que luy estoit a aduenir, de plus fort  
 tiroit son maistre le las que grant douleur  
 luy eust esté se paour et esbahissement ne  
 luy eussent tollu tout sentiment. A petit de  
 piece il reuint a luy, et sentit tres bien ses  
 douleurs, et bien piteusement cria mercy  
 a son maistre que tant grant fain auoit de  
 rire que a peine scauoit il parler, si luy dist  
 il neantmoins après qu'il l'eut auant en la  
 cham-

chambre, parbondy allez vous en nostre  
re et ne vous aduiengne plus, ceste fois  
vous sera pardonné. Mais la seconde se-  
roit irremissible. Helas Monseigneur se res-  
pond il, jamais ne m'adiendra, elle est  
cause de ce que j'ay fait. A ce coup, il s'en  
alla et Monseigneur se recoucha qui acheua  
ce que l'autre auoit commencé. Mais sai-  
chez que oncques puis ne si trouua le bon  
prestre au sceu du maistre. Il peult bien  
estre que en recompense de ces maulx la  
gouge en eut depuis pitié, et pour sa con-  
science acquitter, luy presta son bedon, et  
tellement s'accorderent que le maistre en  
valut pis tant en biens comme en honneurs.  
Au surplus ie me tais et a tant ie fais fin.



NOUVELLE LXXVII.

LA ROBBE

SANS MANCHES.

**V**N gentil homme des Marches de flandres auoit sa mere bien ancienne, et  
tres

tes fort debilitée de maladie, plus languissant et viuant a malaise que nulle autre femme de son aage esperant d'elle mieulx valloir et amender, et combien que és marches de flandres il fist sa residence si la visitoit il souuent, et a chascune fois que vers elle venoit tousjourns estoit de mal oppresseé, tant quelle en cuidast que lame en deust partir, et vne fois entre les autres comme il estoit venu veoir elle au partir luy dist a Dieu mon filz je suis seur que jamais ne me verrés, car ie m'en vois mourir. A Dea Madamoiselle ma mere vous m'auetz tant de fois ceste lecon recordeé que i'en suis saoul, et a trois ans passez que tousjourns ainsy m'auetz dit, mais vous n'en auetz rien fait, prenez bon jour je vous en prie, si ne faillez point. La bonne Damoiselle oyant de son filz la responce quoyque malade et vielle fust, en soubzriant luy dist adieu. Or se passèrent puis vng an, puis deux ans tousjourns en languissant. Ceste femme fut arriere de sondit filz visittée et vng soir comme en son lit en l'ostel d'elle estoit coucheé, tant oppresseé de mal qu'on cuidast bien quelle allast a mortaigne, si fust ce bon filz apellé de ceulx que sa mere gardoient et luy dirent que en haste a sa mere venist,

venist, car seurement elle s'en alloit. Dictes vous donc dist il qu'elle s'en va, par ma foy ie ne l'ose croire, tousjours dit elle ainsi, mais riens n'en fait. Nenny nenny dirent les gardes, c'est a bon escient, venez vous en car on veoit bien qu'elle s'en va. Je vous diray dist il alléz vous en deuant et ie vous suyuray, et dictes bien a ma mere puis quelle s'en veult aller, que par Douay point ne s'en aille, que le chemin est trop mauuais, a peu que deuant hyer moy et mes cheuaux n'y demourasmes. Il se leua neantmoins, et houffé de sa robe longue se mist en train pour aller veoir se sa mere feroit la dereniere, et finable grimace. Luy la venu la trouua fort malade et mal disposé, pasé auoit subite faulte que la cuidoit bien emporter, mais Dieu mercy elle estoit vng petit mieulx. Nest ce pas ce que ie vous dy, commence a dire ce bon filz l'en dit tousjours ceans et si fait elle mesme qu'elle se meurt et riens n'en fait. Prenné bon terme de pardieu comme tant fois luy ay dit, et si ne faille point, ie m'en retourne dont ie viens, et si vous aduise que plus ne m'appellez s'elle deuoit s'en aller toute seule si ne luy feray ie pas a ceste heure compaignie. Or conuient il que ie vous compte  
la

i fin de mon entreprise. Ceste Damoiselle  
 insi malade que dist est reuint de ceste  
 extremme maladie, et comme auparauant  
 depuis vesquit en languissant l'espace de  
 trois ans pendant lesquelz le bon filz la vint  
 veoir d'auanture vne fois, et au point  
 qu'elle rendit lesperit. Mais le bon fut quant  
 on le vint querir pour estre au trépas d'el-  
 le il vestoit vne robe neufue, et ny vou-  
 ut aller, messages sur aultres venoient vers  
 luy, car sa bonne mere qui tiroit a sa fin  
 e vouloit veoir et recommander aussi son  
 ame. Mais tousjours aux messages respon-  
 doit, je scay bien qu'elle n'a point de ha-  
 ste qu'elle n'attende bien que ma robe soit  
 mise a point. En la parfin tant luy fut re-  
 monstré qu'il s'en allast tantost deuers sa  
 mere sa robe vestuë sans les manches, le-  
 quel quant en ce point fut d'elle regardé,  
 luy demanda ou estoient les manches de sa  
 robe, et il dit elles sont la dedans que n'at-  
 tendent a estre parfaictes sinon que vous  
 descombréz la place, elles seront donc tan-  
 tost acheueés ce dist la Damoiselle. Je  
 men vois a Dieu auquel humblement mon  
 ame recommande et a toy aussi mon filz.  
 Lors rendit l'ame a Dieu sans plus mot  
 dire la croix entre ses bras, laquelle chose  
 voyant

voyant son bon filz commença tant fort  
a plourer que jamais ne fut veu la pareille,  
et ne le pouoit nul reconforter, et tant  
en fist que au bout des quinze jours il mou-  
rut de dueil.



NOUVELLE LXVIII  
LE MARI  
CONFESSEUR.

**O**U bon pays de Brebant qui est bonne  
marche et plaisante, fournie, a droit

et

et bien garnie de belles filles, et bien saiges  
coustumierement, et le plus et des hommes  
on veult dire et se trouue assez veritable que  
tant plus viuent que tant plus sont sotz. N'a-  
gueres aduint que vng gentil homme en ce  
point né et destiné il luy print volenté d'al-  
ler oultre mer voyager en diuers lieux, com-  
me en cypre en Rodes et és marches d'enui-  
ron, et au dernier fust en Jherusalem ou il re-  
ceut l'ordre de Cheualerie. Pendant lequel  
temps de son voyage sa bonne femme ne fut  
pas si oyseuse quelle ne presta son quoniam a  
troys Compaignons, lesquels comme a tout  
seruent par temps et termes eurent audience  
et tout premier vng gentil escuyer fréz et  
frisque et en bon point qui tant remboura  
son bras a son chier coust et substance tant  
de son corps comme en depence de pecu-  
ne, car a la verité elle tant bien le pluma  
qu'il n'y faillioit point renuoyer, qu'il s'en-  
nuya et retira, et de tous points l'aban-  
donna. L'autre après vint qui Cheualier  
estoit et homme de grant bruyt que bien  
joyeux fut d'auoir gagné la place et beson-  
gné au mieulx qu'il peut comme dessus  
moyennant de quibus que la gouge tant  
bien scauoit auoir, que nul autre ne la  
passoit, et brief se l'escuyer qui auparauant  
auoit


auant auoit la place auoit esté rongé damp  
 Cheualier n'en eut pas moins. Si tourna bride  
 et print congié et aux autres habandonna la  
 ueste. Pour faire bonne bouche la bonne  
 Damoiselle d'vng maistre Prestre s'accointa,  
 et quoy qu'il fut subtil de son argent bien gar-  
 der si fut il ranconné de robbes, de vaiselle  
 et des autres bagues largement. Or aduint  
 Dieu mercy que le vaillant mary de ceste  
 ouge fist scauoir sa venuë et comme en  
 herusalem auoit esté fait Cheualier si fist  
 la bonne femme l'ostel apprestre, tendre  
 arer et nettoyer au mieulx qu'il fut possi-  
 ble. Briéf tout estoit bien net et plaisant fors  
 elle seulement car le plus de butin qu'elle  
 auoit a force de rains gaigné auoit acquis  
 aiselle, tapifferie et d'autres meubles assez.  
 L'arriuéé qu'il fit le doux mary Dieu scait  
 la ioye et la feste qu'on luy fist, celle en  
 special qui le moins en tenoit compte c'est  
 de scauoir sa vaillante femme, je passe tous  
 ces biens veillans et viens a ce que Monsei-  
 neur son mary quoy coquart qu'il fut si  
 donna garde de foison de meubles, que  
 quant son partement n'estoient pas leans.  
 Vint aux coffres aux buffets, et en assez  
 d'autres lieux et treuve tout multiplié dont  
 le hutin luy monta en la teste, et de prin-

fault son cueur en voulut descharger si s'e  
 vint eschauffé et malmeu deués sa bonn  
 femme, et luy demanda tantost d'ou sou  
 doivent tant de biens comme ceulx que j'a  
 dessus nommez. Saint Jehan Monseigneur  
 ce dist ma Dame ce nest pas mal, deman  
 dé vous auez bien causé den tenir telle ma  
 niere, et de vous eschauffer ainsi, il sem  
 ble que vous soyez couroucé a vous veoir. J  
 ne suis pas bien a mon aise dist il car ie ne vou  
 laissé pas tant d'argent a mon partir, et si n  
 pouez pas tant auoir espargné que pour auoir  
 tant de vaiselle, de tapisserie, et le surplus d  
 bagues que iay trouué par ceans, il fault et i  
 n'en doute point, car jay cause, que quel  
 qu'un se soit de vous accointé que nostr  
 mesnage a ainsi remforcé, et pardieu Mon  
 seigneur respond la simple femme, vou  
 auez tort que pour bien faire me mettez  
 sur telle vilennie, ie vuëil bien que vou  
 saichez que ie ne suis pas telle, mais meil  
 leure en tous endroits que a vous n'appar  
 tient, et ne esse pas raison avec tout le  
 mal que i'ay eu d'amasser et espargner  
 pour accroistre et embellir vostre hoste  
 et le mien i'en soye reprouchée et tentée.  
 C'est bien loing de congnoistre ma peine  
 comme bon mary doit faire a sa bonne  
 preude

preude femme, telle l'auiez vous meschant malheureux dont c'est grant dommaige, par mon ame se nestoit pour mon honneur et pour mon ame. Ce procès quoy qu'il fut plus long pour vng temps cessa, et s'aduifa maistre mary pour estre acertené de l'estat de sa femme qu'il ferøit tant avec son Curé, que son tres grant amy estoit, que d'elle orroit la deuote confession ce qu'il fist au moyen du Curé que tout conduit, car vng bien matin en la bonne sepmaine que de son Curé pour confesser aproucha en vne chapelle, deuant, il enuoya et a son mary vint, lequel il adouba de son habit et l'enuoya deuers sa femme. Se nostre mary fut joyeux il ne le faut ja demander quant en ce point il se trouua il vint en la chapelle et au siege du prestre sans mot dire entra et sa femme d'aprocher que a genoux se mist deuant ses piez cuidant pour vray estre son Curé et sans tarder commença a dire benedicite, et nostre sire son mary respondit Dominus, au mieux qu'il sceut comme le Curé l'auoit appris acheua de dire ce qui affiert. Après que la bonne femme eut dit la generale confession, elle descendit au particulier, et vint par-

ler comment durant le temps que son  
 mary auoit esté dehors, vng escuyer auoit  
 esté son Lieutenant dont elle auoit tant  
 en or en argent que en bagues beaucoup  
 amendé et Dieu scait qu'en oyant ceste con-  
 fession si le mary estoit bien a son aise s'il  
 eut osé, volentiers l'eust tueé, et a ceste  
 heure toutteffois affin de ouyr le surplus  
 il eust patience. Quant elle eut dit tout au  
 long de ce bon escuyer, du Cheualier c'est  
 accuseé qui comme l'autre l'auoit bien ba-  
 gueé, et bon mary qui de duëil se créue ne  
 scait que faire de foy descourir, et bailler  
 l'absolution sans plus attendre, si n'en fist  
 il riens neantmoins, print loisir descouter  
 ce qu'il orra. Après le tour du Cheualier le  
 prestre vint en jeu, mais a ce coup bon  
 mary perdit patience et ne peut plus ouyr  
 si getta jus chapron et surplis en foy mon-  
 strant luy dist faulse et desloyale or voyge et  
 congnois vostre grant trahison, et ne vous  
 suffisoit il de l'escuyer et puis du Cheualier,  
 sans a vng prestre vous donner qui plus me  
 desplait que tout ce que fait auez. Vous deb-  
 uez scauoir que de prin fault ceste vaillant  
 femme fut esbahye, mais le loisir quelle eut  
 de respondre tres bien, l'asseura et sa con-  
 tenance si bien ordonna de maniere qu'a  
 loüyr

loüyr a sa responce, plus asseuré estoit que la plus juste de ce monde disant a Dieu son oraison si respondit tantost après comme le saint esperit l'inspira, et dist bien froide-ment, pource coquart qui ainsi vous tourmentés scauez vous bien pourquoy, or oyez moy s'il vous plaist et pensés vous que ie ne sceusse bien que cestiés vous a qui me confessoie, si vous ay serui comme le cas le requeroit, et sans mentir de mot vous ay tout confessé mon cas, vecy comment de l'escuyer me suis accusée, et cestes vous quant vous meustes en mariage vous estiez escuyer, et lors feistes de moy ce qu'il vous pleut, le Cheualier aussy dont jay touché c'estes vous, car a vostre retour vous m'avez fait dame, et vous estes le prestre aussy car nul se prestre n'est ne peut ouyr confession. Par ma foy ma mie or m'avez vous vaincu et bien monstré que sage vous estes et a tort vous ay chargeé dont je me repens et vous en cry mercy promettant de l'amender a vostre dit legiérement, il vous est pardonné ce dist sa femme puis que le cas vous congnoissez. Ainsy qu'avez ouy fut le bon Cheualier deceu par le subtil engin de sa femme.



NOUVELLE LXXIX.

L' A N E

RETROUVE'.

**A**U bon Pays de Bourbonnois ou de  
coustume les bonnes besongnes se font,  
auoit

auoit l'autre hyer vng medecin Dieu scait quel, oncques ypocrate ne Galien ne pratiquerent ainsy la science comme il faisoit. Car en lieu de ciros, et de breuuages, et de Electuaires et de cent mille autres besongnes que medecins scaiuent ordonner tant a conseruer la santé de l'homme que pour la recouurer se elle est perduë, ce bon medecin de quoy je vous parle ne vfoit seulement que d'vne maniere de faire c'est a scauoir de bailler clisteres quelque maniere quon luy apportast il faisoit tousjours bail-  
 ler clisteres, et touttefois si bien luy venoit en ses besongnes et affaires que chascun estoit très bien content de luy et guari-  
 soit chascun, dont son bruit crut et augmenta tant et en telle maniere que on l'appelloit maistre Jehan par tout, tant es maisons des princes et Seigneurs comme es grosses abahyes et bonnes villes, et ne fut oncques Aristote ne galien ainsi auctorisé par especial du commun peuple que ce bon maistre dessusdit, et tant monta sa bonne renommée que pour toutes choses on luy demandoit conseil et estoit tant embe-  
 songné incessamment qu'il ne scauoit auquel entendre, se vne femme auoit mauuais ma-  
 ry rude et diuers, elle venoit au remede vers

ce bon maistre. Bréf de tout ce dont on peult demander bon conseil de homme nostre bon medecin en auoit la hueé, et venoit on a luy de toutes parts pour enseigner les choses perduës. Aduint vng jour que vng bon simple homme champestre auoit perdu son Asne, et après la longue queste d'y-celuy sy s'aduifa vng jour de tirer vers celuy maistre qui très saige estoit, et a leure de sa venuë estoit tant enuironné de peuple qu'il ne scauoit auquel entendre. Ce bon homme neantmoins rompit la presse et en la presence de plusieurs luy conta son cas, c'est a scauoir de son asne qu'il auoit perdu, priant pour dieu qu'il luy voulfist radrecier. Ce maistre qui plus aux autres entendoit oyant le bruyt et son de son langaige se vira deuers luy cuydant qu'il eut aucune enfermeté, et affin d'en estre despeché dist a ses gens baillez luy vng clistere et le bon simple homme que l'asne auoit perdu non saichant que le maistre auoit dit, fut prins des gens du maistre que tantost comme il leurs estoit chargé luy baillerent vng clistere dont il fut bien esbahy car il ne scauoit que c'estoit. Quant il eut ce clistere tel qu'il fut dedans son ventre, il pique et s'en va sans plus demander son asne cuidant certainement par ce le trouuer

ier, il n'eut gueres allé auant que le ventre luy broüilla tellement qu'il fut contraint de l'oy boutter en vne vielle mesure inhabitee pour faire ouuerture au clistere que demandoit la clef des champs, et au partir qu'il fist il mena si grant bruit que l'asne du porteur homme, que passoit assés prés comme esgaré commença a reclamer et crier, et bon homme de s'auancer de leuer sus et chanter *Te Deum laudamus*, et venir a son asne qu'il cuidoit auoir retrouué par le clistere que luy auoit fait bailler le maistre qui eut encores plus de renommée sans comparaison qu'au parauant, car des choses perduës on le tenoit vray enseigneur et de toute science aussy le parfait docteur combien que d'vng seul clistere toute ceste renommée vint.



NOUVELLE LXXX.

LA BONNE

MESURE.

**N** Agueres que és marches d'Allemaigne comme pour vray oüy nagueres racompter

acompter a deux gentils et nobles Seigneurs dignes de croire que vne jeune fille, de l'aage d'environ 15. a 16. ans fut donnée en mariage a vng loyal gentil Compaignon bien gracieux qui tout deuoir faisoit de payer le deuoir que voutiers demandent les femmes sans mot dire quant en cest aage et estat sont, mais quoy que le poure homme fist bien la besongne et se efforcast j'espere plus souuent qu'il ne deust, touttefois n'estoit l'oeuure qu'il faisoit en aulcune maniere agreable a sa femme, car incessamment ne faisoit que rechiner, et souuent plouroit tant tendrement comme ce tous ses amis fussent tous morts. Son bon mary la voyant ainsi lamenter, ne se scauoit allés esbahyr quelle chose luy pouoit faillir, et luy demandoit doucement helas ma mye et qu'aués vous, et n'estes vous pas bien vestuë et bien logé et bien serui de tout ce que gens de nostre estat peuuent par raison desirer bien conuenablement partie. Ce n'est pas la qui me tient dist elle, et queisse donc distes le moy dist il, et se ie y puis mettre remede pensés que ie le feray pour y mettre corps et biens. Le plus des fois elle ne respondit mot, mais  
tous-

tousjours rechinoit et de plus en plus triste chere matte et morne elle faisoit, la quelle chose le mary ne portoit pas bien patiemment, quant scauoir il ne pouoit la cause de ceste doleance, il enquist tant qu'il en sceut vne partie, car elle luy dist qu'elle estoit desplaisante de ce qu'il estoit si petitementourny de cela que vous scauez, c'est a scauoir du baston de quoy on plante les hommes comme dist bocace, voire dist il est ce cela dont tant vous doulez, et par saint martin vous auez bien cause, toutteffois il ne peut estre aultre, et faut que vous en passés tel qu'il est, voire ce vous ne voulez aller au change. Ceste vie se continua vng grant temps tant que le mary voyant ceste obstinacion d'elle assembla vng jour a vng disner vng grant tas des amys d'elle, et leurs remonstra le cas comme il est cy dessus touchié, et disoit qu'il luy sembloit qu'elle n'auoit cause de soy douloir de luy en ce cas, car il cuydoit aussy estre bien party d'instrument naturel que voisin qu'il eut, et afin dist il que i'en soye mieulx creu, et que vous voyez son tort euident je vous monstreray tout. Adonc il mist sa danrée auant sur la table deuant

tous

ous et toutes , et dist vecy de quoy. Et  
 femme de plourer de plus belle. Et par  
 int Jehan dirent sa mere , sa seur sa tan-  
 sa cousine , sa voisine , ma mie vous  
 eez tort , et que demandez vous , vou-  
 z vous plus demander , qui effce qui ne  
 ebueroit estre contente d'vn mary ainsi  
 utillé , ainsi maist Dieu je me tien-  
 roye bien heureuse d'en auoir autant ,  
 pire beaucoup moins , appaisés vous et  
 iictes bonne chiere dorefnauant par-  
 ieu vous estes la mieulx partie de nous  
 outes se croy ie , et la jeune espoufée  
 yant le coliége des femmes ainsi par-  
 er leurs dist bien fort en pleurant , ve-  
 y le petit asnon de ceans qui na gue-  
 es avecques demy an d'aage , et si a  
 instrument grand et gros de la longueur  
 l'vng bras , et en ce disant tenoit son  
 bras par le coude , et le branloit trop  
 bien , et mon mary que a bien 33. ans  
 n'en a que ce tant petit qu'il a mon-  
 tré , et vous semble til que i'en doye  
 estre contente. Chascun commença a ri-  
 re , et elle de plus plourer tant que l'as-  
 sembleé fut longuement sans mot dire.  
 Alors la mere print la parolle et a part  
 dist a sa fille tant d'vnes et d'autres que  
 aulcu-

aucunement se contenta mais ce fut a  
grant paine , et vecy la guise des filles  
d'Allemaigne , se Dieu plaist seront tost  
ainsi en france.



NOUVELLE LXXXI.

## LE MALHEUREUX.

Puis que les comptes et histoires des  
Asnes sont acheués. Je vous feray en  
bref et a la verité vng gracieux compte  
d'vng

d'vng cheualier que la plus part de vous mes bons seigneurs congnoissez de piéca Il fut bien vray que ledit cheualier s'enamoura treffort comme il est asséz bien de coustume aux jeunes gens, d'vne tres belle gente et jeune Dame, et du cartier du pays ou elle se tenoit plus bruyante la plus mignonne et plus renommée, mais touttefois quelque semblant, quelque deuoir qu'il sceut faire pour obtenir la grace de celle Dame jamais ne peust paruenir d'estre seruiteur retenu, dont il estoit tres desplaisant et bien marry. Attendu que tant ardamment, tant loyallement et tant entierement l'aymoit que jamais femme ne le fust mieulx, et n'est point a oublier que ce bon cheualier faisoit autant pour elle que oncques fist seruiteur pour sa Dame comme de ioustes d'abillemens et plusieurs esbattemens, et neantmoins comme dist est tousjours trouuoit sa Dame rude et mal traictable et luy monstroit moins de semblant d'amours que par raison ne deust, car elle scauoit bien et de vray que loyallement et chierement estoit de luy aymée, et a dire la verité elle luy estoit trop dure, et est assez a penser qu'il procedoit de fierté, dont elle estoit plus chargée que bon ne luy feust comme  
on

n pouroit dire remplie. Les choses estant  
 omme dit est, vne autre Dame voisine  
 t amye de la dessusdicte voyant la queste  
 udit Cheualier, fut tant esprinse de son  
 mour que plus on ne pouoit. Et par trop  
 onne facon et moyen que trop long se-  
 oit a descrire fist tant par subtilz moyens  
 ue en petit de temps le bon Cheualier  
 en aperceut dont il ne se meut que bien  
 point tant cestoit fort donné auparauant  
 sa rebelle et rigoureuse maistresse, trop  
 ien comme gracieux que il estoit et bien  
 ichant, tant sagement entretenoit celle  
 e luy esprinse que se a la congnoissance de  
 autre fut paruenue cause neüst eu de blas-  
 er son seruiteur: or escoutez quelle chose  
 uint de ses amours et quelle en fut la  
 onclusion. Ce Cheualier amoureux pour  
 distance du lieu n'estoit si souuent au-  
 és de sa Dame que son loyal cueur et trop  
 noueux desiroit, si s'aduifa vng jour de  
 er aucuns cheualiers et escuyers ses  
 ons amys qui toutteffois de son cas rien  
 scauoient d'aller esbattre voler et querir  
 s lieures en la marche du pays ou sa Da-  
 e se tenoit, sachant de vray par ses espies  
 e le mary d'elle n'y estoit point, mais  
 toit venu a la Court ou souuent se tenoit.

Adonc ce gentil Cheualier amoureux et ces Compaignons partirent le lendemain bier matin de la bonne ville ou la Court se tenoit et tout querant les lieures passerent le temps joyeusement jusques a basse nonne sans boire et sans menger. Et en grant haste vinrent repaitre en vng petit village et après le disner lequel fut court et se monterent a cheual et de plus bel s'en vont querant les lieures, et le bon Cheualier qui ne tiroit qu'a vne menoit tousjours sa brigade le plus qu'il pouoit arriere de la bonne ville, ou ses Compaignons auoient grant envie de retirer, et souuent luy disoient Monseigneur le vespres aproche, il est heure de retirer a la ville, se nous ny aduifons nous serons enfermés dehors, et nous fauldra gesir en vng meschant villaige, et tous mourir de faim. Vous n'avez garde se disoit nostre amoureux, il est encores assez hault heure et au fort ie scay bien vng lieu en cø quartier, ou l'en nous fera tres bonne chere, et pour vous dire, se a vous ne tient les Dames nous festoieront le plus honnestement du monde. Et comme gens de Court se treuent volentiers entre les Dames ils furent contens d'eux gouverner a l'appétit de celluy qui les auoit mis en train

train et passerent le temps querant les lieures, et volant les perdrix tant que le jour si leurs dura. Or vint l'heure de tirer au logis, si dist le Cheualier a ses Compaignons Tirons tirons pais, je vous menneray bien, enuiron vne heure ou deux de nuyt ce bon Cheualier et sa brigade arriuerent a la place, ou se tenoit la Dame desusdicte de qui tant estoit feru la guide de la compaignie qui mainte nuyt en auoit laissé le dormir. On heurta a la porte du Chasteau, et les varlets assez tost vindrent auant, lesquelz leurs demanderent qu'ils vouloient, et celuy a que le fait touchoit le plus print la parolle et leurs commença a dire. Messseigneurs, Monseigneur et Madame sont ils ceans. En verité respondit l'vng pour tous Monseigneur ny est pas, mais Madame y est. Or vous luy diréz s'il vous plaist que telz et telz cheualiers et escuyers de la Court, et moy vng tel, venons d'esbattre et querir les lieures en ceste marche et nous sommes esgaires jusques a ceste heure que est trop tard de retourner a la ville. Si luy prions qu'il luy plaise nous receuoir pour ses hostes pour meshuy. Voulentiers dist l'autre ie luy diray. Il vint faire ce messaige a sa maistresse laquelle fist

faire la responce sans venir deuers eulx qui fut telle. Monseigneur dist le varlet Madame vous fait scauoir que Monseigneur son mary n'est pas icy dont il luy desplaist, car s'il y fut il vous fist bonne chiere, et en son absence elle noseroit receuoir personne si vous prie que luy pardonnez; Le Cheualier meneur de l'assemblee pensez qu'il fut bien esbahy et tres honteux d'oüyr ceste responce. Car il cuidoit bien veoir et a loisir sa maistresse, et deuiser tout a son cueur saoul dont il se treuue arriere et bien loing, et encores beaucoup luy greuoit d'auoir amené ses Compaignons en lieu ou il s'estoit vanté de les faire festoyer. Comme sachant et gentil Cheualier, il ne monstra pas ce que son poure cueur portoit, si dist de plain visaige a ses Compaignons. Messeigneurs pardonnéz moy que je vous ay fait payer labaye, ie ne cuidoie pas que les Dames de ce pays fussent si peu courtoises que de reffuser vng giste aux gentilz et nobles Cheualiers errans, prenez en patience. Je vous prometz par ma foy de vous menér ailleurs, vng peu au dessus de ceans, ou l'en nous fera toute autre chere, or auant donc dirent ilz les autres, picqués auant, bonne aduantage nous doint

doit Dieu. Et ils se mettent au chemin, et estoit l'intencion de leur guide de les menera l'ostel de la Dame dont il estoit le chier tenu, et dont moins de conte il tenoit que par raison il ne deust et conclud a ceste heure de soy oster de tous points de l'amour de celle que si lourdement auoit refusé la compagnie, et dont si peu de bien luy en estoit aduenu en estant en son seruice et se delibera d'aymer, seruir et obeir tant que possible luy seroit a celle que tant de bien luy vouloit, et ou se Dieu plaist se trouuera tantost. Pour abreger après la grosse pluye que la compagnie eut plus d'une grosse heure et demye sur le dos, on arriua a l'ostel de la Dame dont n'agueres parloye, et heurta l'en de bon hait a la porte. Car il estoit bien tard, et entre neuf et dix heures de nuyt et doubtoient fort qu'on ne fust couché. Varletz et meschines faillirent auant que s'en vouloient aller coucher et demanderent quest cela et on leurs dist. Ils vindrent a leur maistresse qui estoit ja en cotte simple et auoit mis son couurechief de nuyt et luy dirent, Madame Monseigneur de tel lieu est a la porte qui veult entrer et avecques luy aucuns autres Cheualiers de la Court jusqu'au

nombre de troys. Ils soient lestres bien venus dist elle auant, auant, vous telz et telz acoup alléz tuër chappons et poullailles et ce que nous auons de bon en haste. Brief elle disposa comme femme de grant facon comme elle estoit et encores est tout subit ses besongnes comme vous orrés tantost. Elle print bien en haste sa robe de nuyt et ainsy atourneé quelle estoit le plus gentement quelle peut vint au deuant des Seigneurs dessusdits deux torches deuant elle et vne seule femme avec sa tres belle fille et les autres mettoient les chambres a point. Elle vint rencontrer ses hostes sur le pont du chasteau, et le gentil Cheualier que tant estoit en sa grace, comme des autres la guide et meneur, se mist en front deuant et en faisant les recongnouissances il la baisa, et puis après tous les autres pareillement la baisèrent. Alors comme femme bien enseigneé dist aux Seigneurs dessusdits, Messeigneurs vous soyez les tres biens venus, Monseigneur tel c'est leur guide, ie le congnois de pieca il est de sa grace tout de ceans s'il luy plaist, il fera mes accointances vers vous. Pour abregér accointances furent faites, le soupper assez tost après bien appresté et chascun d'eux logié  
en

en belle et bonne chambre bien appointée et bien fournie de tapisseries et de toutes choses necessaires. Si vous fault dire que tandis que le souper s'aprestoit la Dame et le bon Cheualier se deuiferent tant et si longuement, et se porta conclusion entre eulx que pour la nuyt ils ne feroient que vng lit car de bonne aduventure le mary n'estoit point leans, mais a plus de 40. lieuës loing de la. Or est heure tandis que le soupper est prest et que ces deuises se font que l'en soupe le plus joyeusement qu'on pourra. Après les aduentures du jour que je vous die de la Dame qui son hostel refusa a la brigade dessusdite, mesme a celuy qui moult bien scauoit que plus l'aymoit que tout le monde, et fut si mal courtoise que oncques vers eulx ne se monstra. Elle demanda a ses gens quant ils furent vers elle retournés de faire son mesnaige, quelle chose auoit respondu le Cheualier l'vng luy dist Madame il le fist bien court, trop bien dist il qu'il menoit ses gens en vng lieu plus en sus dicy ou l'en leurs feroit bon recüeil et meilleure chere, elle pensa tantost ce que estoit et dist ha il s'en est allé a l'ostel d'vne telle qui comme bien scay ne le voit pas enuis.

Leans se traictera ie ne doubte point quelque chose a mon prejudice , et elle estant en ceste ymaginacion et pensé tantost tout subitement le couraige que tant auoit rigoureux enuers son seruiteur porté tout changé et alteré et en tres cordial et bon vouloir transmüé dont enuie fut pour ceste heure trop plus ne soit douce et desireuse d'accorder a son seruiteur tout ce qu'il voudroit requerir et demander , et doubtant que la Dame ou la brigade estoit ne jouyst de celluy que tant auoit traicté durement, escriuit vne lettre de sa main a son seruiteur, dont la plus part des lignes estoient de son precieux sang que contenoient en effect que tantost ces lettres veuës toute autre chose mise arriere , il venist vers elle tout seul avec le porteur , et il seroit si agreablement receu que oncques seruiteur ne fut plus content de sa Dame qu'il seroit et en signe de plus grande verité mist dedans la lettre vng dyamant que bien congnoissoit. Le porteur que seur estoit print ladicte lettre et vint au lieu dessusdict et trouua le Cheualier auprès de son hostesse au soupper et toute l'assemblée. Tantost après graces letira d'vng costé , et en luy baillant la lettre dist qu'il ne fist semblant de riens, mais qu'il accom-

it le contenu de ce. Ces lettres veuës le  
 on Cheualier fut bien esbahy et encores  
 us joyeux, car combien que eust conclud  
 deliberé de soy retirer de l'amour de cel-  
 que ainsy luy escripuoit, si n'estoit il pas  
 conuertý que la chose que plus desiroit  
 e luy fut par ceste lettre promise. Il tira  
 on hostesse a part et luy dist comment son  
 maistre le mandoit hastiuement et que for-  
 e luy estoit de partir tout a ceste heure,  
 monstroit bien semblant que fort luy en  
 esplaisoit. Elle qui auparauant estoit la  
 plus joyeuse attendant ce que tant auoit  
 esiré deuint triste et ennuyeuse, et sans  
 aire monstre ledit Cheualier monte a che-  
 al et laisse ses Compaignons leans, et auec  
 porteur de ces lettres vient tantost arri-  
 er après minuyt a l'ostel de sa Dame de la-  
 uelle le mary estoit nagueres retourné de  
 court, et s'apprestoit pour aller coucher  
 ont Dieu scait en quel point en estoit celle  
 ue son seruiteur auoit mandé querir par  
 es lettres. Ce bon Cheualier que tout le  
 our auoit culleté sa selle, tant en la queste  
 es lieures comme pour querir logis sceut a  
 porte que le mary de sa Dame estoit venu  
 ont fut aussi joyeux que vous pouez pen-  
 er. Si demanda a sa guide qu'il estoit de  
 faire.

faire. Ils aduiferent ensemble qu'il feroi  
semblant d'estre esgaré de ses Compaignons  
et que de bonne aduventure il auoit trouue  
ceste guide que leans l'auoit adrecé. Com  
me il fut dit il fut fait en la male heure, et  
vint trouuer Monseigneur et Madame et  
fist son personnaige ainsi qu'il sceut. Après  
boyre vne fois que peu de bien luy fist on  
le mena en sa chambre ou gueres ne dor  
mit la nuyt, et lendemain avec son hoste a  
la Court retourna sans rien accomplir du  
contenu de la lettre dessusdite. Et vous dy  
bien que la ne aultre depuis il ne retourna  
car tost après la Court se despartit du Pays  
et il suyuit le train, et tout fut mis a non  
chaloir et oubly, et ne se donna plus de  
mauuais temps.



NOUVELLE LXXXII.

## LA MARQUE.

OR escoutés s'il vous plaist qu'il aduint  
en la chastellenie de l'Isle d'vng bergier  
les champs, et d'vne jeune pastourelle qui  
ensem-

ensemble gardoient leurs brebis. Marché porta entre eulx deulx vne foys entre les autres a la femonce de nature que les auoit ; esleués en aage de congnoistre que c'est de ce monde que le bergier monteroit sur la bergiere pour veoir de plus loing pourueu touttefois qu'il ne l'embroscheroit non plus auant qu'elle mesme fist le signe de la main sur l'instrument naturel du bergier qui fut environ deux doists la teste franche et estoit le signe fait d'une meure noire qui croist sur les hayes. Cela fait ils se mettent a l'ouurage de pardieu , et bon bergier fourre dedans comme s'il ne coustast riens sans regarder marché ne promesse qu'il eut faicte a la bergiere car tout ce qu'il auoit enseuely jusques au manche et se plus en eut eu il trouua lieu assez pour le loger. Et la belle bergiere qui jamais n'auoit esté a telz nopces tant aise se trouuoit que jamais ne voulsist faire autre chose. Les armes furent acheuées, et se tira chascun tantost vers ses brebis qui desja estoient deulx eslongneés accause de leur absence. Tout fut rassemblé et mis en bon train, et bon bergier que on appelloit haquin pour passer temps comme il auoit de coustume se mist en contrepois entre deux hayes sur vne baldichere, et la s'esbat-

et et estoit plus aise que vng Roy. La bergiere se mist a faire vng chappellet de flettes sur la riue d'vng fossé et regardoit tousjours disant la chansonnette jolye se le bergier reuiendrait point a la meure, mais estoit la moindre de ses penseés, et quant elle vit qu'il ne venoit point elle le comence a huchier. Et hacquin hacquin, Et il respond que veux tu, vien ca vien ca dist elle si feras cela. Et hacquin que en estoit faul et luy respondit ha mon Dieu j'ay aussi cher de n'en faire rien, ie m'esbas bien ainsy et la bergiere luy dist, vien ca hacquin icte laisseray boutter plus auant sans faire marché. Sainct Jehan dist hacquin jay passé le gigne de la meure, aussi n'en aurez vous pis maintenant. Il laissa la bergiere a qui bon desplaisoit de demourer ainsy oyseuse.



NOUVELLE LXXXIII.  
 LE CARMÉ  
 GLOUTON.

ET comme il est de coustume que par  
 tous pays és villages souuent s'espendent  
 le

es bons Religieux mendians tant de lordre  
 les Jacopins, Cordeliers, Carmes et Au-  
 gustins pour prescher au Peuple la foy ca-  
 tholique, blasmer et reprocher les vices,  
 les biens et vertus exaulcer, et louer. Ad-  
 vint que en vne bonne petite ville en la  
 Conte d'Artoys arriua vng Carme du Con-  
 uent d'Arras par vng Dimanche matin ayant  
 intention dy prescher comme il fist bien de-  
 uotement et haultement car il estoit bon  
 Clerc et bon langaigier. Tandis que le Curé  
 faisoit la grande messe ce maistre Carme se  
 pourmenoit attendant que quelqu'un le fist  
 chanter pour gagner deux patars, mais  
 nul ne s'en aduancoit. Et ce voyant vne  
 belle Damoiselle veufue a que il print pitié  
 du poure Religieux, le fist dire messe, par  
 son varlet, bailler deux patars, et encores  
 le fist prier de disner. Et maistre moyne  
 appa cest argent promettant de venir au  
 disner comme il fist après le preschement,  
 et que la grant messe de la paroisse fut fi-  
 née. La bonne Damoiselle, qui l'auoit fait  
 chanter et semondre au disner, se partit de  
 l'Eglise elle et sa chamberiere, et vindrent  
 l'ostel faire tout prest pour receuoir le  
 prescheur que en la conduite d'vng seruiteur  
 de ladicte Damoiselle vint arriuer a l'ostel  
 où

ou il fut receu. Après les mains laueés, la Damoiselle luy assignast sa place, et elle se mist auprès de luy, et le varlet et la chamberiere se mirent a seruir, et de prin fault apor-  
terent la belle porée avec le beau lart et bel-  
les trippes de port et vne langue de boeuf  
rotie, Dieu scait comment, tantost que  
damp moyne vit la viande il tire vng beau  
long et large cousteau bien tranchant quil  
auoit a sa sainture tout en disant *benedicité*,  
et puis se met en besongne a la porée tout  
premier qu'il eut despechéé, et le lart aussi  
cy prins, cy mis de la il se tire a ses trippes  
belles et grasses, et fiert dedans comme le  
loup fait dans les brebis. Et auant que  
la bonne Damoiselle son hostesse eust a moy-  
tié mengé sa porée il ny auoit tripes ny tri-  
pettes dedens le plat. Si se prent a ceste  
langue de boeuf et de son cousteau bien  
trenchant en fist tant de pieces qu'il n'en  
demoura oncques lopin. La Damoiselle qui  
tout ce sans mot dire regardoit gettoit sou-  
uent loeil sur son varlet et sa chamberiere,  
et eulx tout doucement soubzriant pareil-  
lement le regardoient. Elle fist apporter vne  
piece de bon boeuf sallé, et vne belle piece  
de mouton, et de bon endroit, et mettre  
sur la table, et ce bon moyne que n'auoit  
d'appetit

appetit non plus qu'vng chien venant  
 de la chasse, se print a la piece de boeuf,  
 s'il auoit eu peu de pitié des tripes, et  
 de la langue de boeuf, encores en eut il  
 moins de ce beau boeuf entrelardé. Son  
 hostesse que grant plaisir prenoit a le veoir  
 manger trop plus que le varlet et la meschi-  
 ere qui entre leurs dents le maudissoient  
 y faisoit tousjours emplir la tasse si tost  
 quelle estoit vuide, et pensés qu'il descou-  
 uroit bien viande, et n'espargnoit point  
 a boire. Il auoit si tres grant haste de  
 en fournir son pourpoint qu'il ne disoit  
 mot, au moins si peu que rien. Quant  
 la piece de boeuf fut comme toute despes-  
 sée, et la plus part de celle du mouton,  
 de laquelle l'hostesse auoit vng tantinet  
 mangé, et elle voyant que son hoste n'e-  
 uoit point encores saoul fist signe a sa cham-  
 beriere que elle apportast vng gros jam-  
 bon cuit du jour de deuant. La chambe-  
 riere tout maudisant le prestre qui tant  
 courmandoit, fist le commandement de  
 la maistresse, et mist le jambon a la  
 table, et bon moyne sans demander qui  
 luy, frapa sus, et le naura, car de  
 rinfault il luy trancha le jaret, et de  
 tous points le demembra, et ny laissa

que les os. Qui adonc eu veu le varlet et la meschine il n'eust eu jamais les fiebures, car il auoit degarny tout l'ostel et auoient grant paour qu'il ne les mengeast aussy. Pour abregier la Dame fist mettre a table vng tres bon fourmaige, et vng plat bien fourny de tartes et pomes et de fourmaige avec la belle piece de beure frais, dont on nen raporta si petit que rien. Le disner fut fait ainsy qu'auz ouy et vint a dire graces que maistre moyne abregea plus rond que vng tiquet, se leua sus et dist a son hostesse Damoiselle je vous remercie de vos biens, vous m'auz tenu bien aise a la vostre mercy. Je pense a ce luy que repeut cinq mille hommes de trois pains et de deux poissons dont demoura de relief douze corbeilles qui le vous vüeil rendre. Saint Jehan dist la chamberiere qui s'auanca de parler. Sire vous en pouuez bien tant dire, je croy se vous eussiez esté l'vng de ceulx qui furent repeus, qu'on n'en eut point tant raporté de reliefs, car vous eussiez bien tout mangié et moy aussy se ie y eusse esté. Vrayement ma mye dist le moyne, ie ne vous eusse pas mengé, mais ie vous eusse bien embroché et mise en rost ainsy que vous pouuez

uez penser qu'on fait, la Dame commen-  
 ca a rire, aussi firent le varlet et la cham-  
 beriere maulgré qu'ils en eussent et nostre  
 moyne s'en alla.



NOUVELLE LXXXIV.

L A P A R T  
A U D I A B L E .

**T**Andis que quelqu'un s'advancera de  
dire quelque bon compte, j'en feray  
vng

vng petit qui ne vous tiendra gueres, mais  
 l est veritable et de nouuel aduenu. Ja-  
 uoye vng mareschal qui bien et longuement  
 n'auoit serui de son mestier, il luy print  
 uolenté de soy marier, aussi le fut il a la  
 plus merueilleuse femme qui fut en tout le  
 pays et quant il vit que par beau ne par laid  
 il ne la pouoit oster de sa mauuaistié, il l'a-  
 pandonna et ne se tint plus avec elle,  
 mais la fuyoit comme la tempeste. Quant  
 elle vit quil la fuyoit ainsi, et qu'elle n'a-  
 uoit a qui toucher ne monstret sa derniere  
 maniere, elle se mist en la queste de luy,  
 par tout le suyuoit Dieu scay, disant quelz  
 mots, et l'autre se taisoit, et picquoit son  
 chemin, et elle le suyuoit tousjours et di-  
 soit plus de mots que vng dyable ne scau-  
 oit faire a vne ame dampné. Vng jour en-  
 re les autres voyant que son mary ne respon-  
 doit mot a chose quelle luy proposast en le  
 uyuant par la ruè crioit tant qu'elle po-  
 uoit. Vien ca traistre parle a moy ie suis a  
 moy. Et mon mareschal que estoit deuant  
 lisoit a chascun mot quelle disoit i'en don-  
 ne ma part au Dyable, et ainsi la mena tout  
 le long de la ville tousjours criant ie suis a  
 moy, et l'autre disoit j'en donne ma part au  
 Dyable. Tantoist après comme Dieu le per-

mist ceste bonne femme mourut et chascun demandoit a mon mareschal fil estoit courroucié de la mort de sa femme , et il leurs disoit que jamais si grant heur ne luy aduint et que se Dieu luy eut donné vng souhait a son desir , il eust demandé la mort de sa femme laquelle il disoit estre si tres mauuaise que se ie la scauoye en Paradis ie ny voudroye jamais aller tant qu'elle y fut , car impossible seroit que paix fust en nulle assembleé ou elle fut , mais ie suis seur quelle est en Enfer , car oncques chose créé naproucha plus a faire la maniere des Dyables qu'elle faisoit , et puis on luy disoit vrayement il vous faut remarier et enquerre vne bonne et paisible ; me marier disoit il , jaymeroye mieulx me aller pendre au gibet que jamais me reboutter au dangier de trouuer l'Enfer que j'ay la Dieu mercy a ceste heure passé. Ainsi demoura et est encores, ne scay qu'il fera le temps aduenir.



NOUVELLE LXXXV.

LE CURE

CLOÛÉ.

**D**epuis cent ans en c'a ou enuiron en  
 ce pays de france est adueny en vne  
 R 4 bonne

bonne et grosse cité vne joyeuse aduventure que ie mettray icy pour accroistre mon nombre. Et aussi pource quelle est digne d'estre ou reng des autres. En ladicte bonne ville auoit vng orfeure marié de que la femme estoit belle et gracieuse et avec tout ce très amoureuse d'vng seigneur d'Eglise son propre Curé que ne laymoit rien moins que elie luy, mais de trouuer la maniere comment ils se pouroient joindre amoureusement ensemble, fut tres difficile combien que en la fin fut trouueé, et par l'engin de la Dame en la facon que je vous diray. Le bon mary orfeure estoit tant allumé, et ardent en conuoitise d'argent qu'il ne dormoit vne seule heure de bon somme. Pour labourer chascun jour se leuoit, vne heure ou deux deuant le jour, et laissoit sa femme prendre sa longue craftine jusqu'a huit ou neuf heures, ou si longuement qu'il luy plaisoit. Ceste bonne amoureuse voyant son mary continuer chascun jour la diligence et entente de soy leuer pour ouurer et marteller s'aduisa quelle emploiroit son temps avec son Curé ou elle estoit habandonné de son mary, et que a telle heure foudit amoureux la pouroit visiter sans le sceu de son mary,

car

car la maison du Curé tenoit a la sienne sans moyen, la bonne maniere fut descouuerte et mise en termes a nostre Curé que la prise tres bien, et luy sembla bien que aysement la feroit. Ainsi doncques que la facon fut trouuée et mise en termes ainsi fut elle executée, et le plustost que les amans peurent, et la continuerent aucun temps qui dura assez longuement; mais comme fortune enuyeuse peult estre de leur bien et de leur doux passetemps leurs voulut leur cas descouurer en la maniere que vous orrés. Ce bon orfeure auoit vng seruiteur que estoit amoureux et jaloux tres amerement de sa Dame et pource que tres souuent auoit apperceu nostre maistre Curé parler a sa Dame, il se doubtoit treffort de ce qu'il estoit. Mais la maniere comment se pouoit faire il ne le scauoit ymaginer, si n'estoit que nostre Curé venist a leure qu'il forgeoit au plus fort avec son maistre. Ceste ymaginacion luy heurta tant la teste qu'il fist le guet et se mist aux escouttes pour scauoir la verité de ce qu'il querroit. Il feist si bon guet qu'il apperceut et eut vraye experience du fait. Car vne matinee il vit le Curé venir tantost après que l'orfeure fut vuydé de sa chambre et y entrer,

trer, puis fermer l'uy. Quant il fut bien aſſeuré que ſa ſuſpicion eſtoit vraye, il ſe deſcouurit a ſon maĩſtre et luy diſt en ceſte maniere. Mon maĩſtre je vous ſers de voſtre grace, non pas ſeulement pour gagner voſtre argent, manger voſtre pain, et faire bien et loyallement voſtre beſogne, mais auſſi pour garder voſtre honneur, et ſe autrement faiſoye digne ne ſeroye d'eſtre voſtre ſeruiteur, jay eu dés piéca ſuſpicion que noſtre Curéne vous fiſt deſplaiſir et ſi le vousay celé juſques a ceſte heure, et affin que ne cuydiez que ie vous vüeil troubler en vain je vous prie que nous allions en voſtre chambre, et ie ſcay de vray que nous l'y trouuerons. Quant le bon homme oüyt ces nouvelles il ſe tint très bien de rire, et fut bien content de viſitter ſa chambre en la compagnie de ſon varlet qui luy fit promettre qu'il ne tüeroit point le Curé. Car autrement il n'y vouloit aller. Ils monterent en ſa chambre que fut tantost ouuerte et le mary entre le premier, et vit que Monſeigneur le Curé tenoit ſa femme entre ſes bras, et vit qu'il forgeoit ainſy qu'il pouoit, ſi ſ'eſcria diſant, a mort ribault que vous a icy bouté. Le poure Curé fut bien eſbahy et deman-

la mercy. Ne sonnez mot ribault prestre  
ou je vous tûray a ceste heure dist l'orfeure.  
Faiçtes de moy ce qu'il vous plaira dist le  
poure Curé, par l'ame de mon Pere auant  
que meschappés je vous metteray en tel  
estat que jamais n'auréz voulenté de mar-  
teler sur Enclume feminine. Le poure mal  
heureux fut lié par ses deux Ennemis si bien  
qu'il ne pouoit rien mouuoir que la teste,  
puis il fut porté en vne petite maisonnette  
derriere la maison de l'orfeure et estoit la  
place ou il fondoit son argent. Quant il  
fut au lieu l'orfeure enuoya querir deux  
grands cloux a large teste desquels il at-  
tacha au long du banc les deux marteaux  
qui auoient forgé en son absence sur l'en-  
clume de sa femme, et puis le délia de  
tous points, cy prist après vne poignée  
l'estrain, et bouta le feu en sa maisonnet-  
te, puis il s'enfuyt en la ruë crier au feu.  
Quant le Prestre se vit enuironné de feu,  
et que remede ny auoit qu'il ne luy faillit  
perdre ses genitoires ou estre brulé, si s'en  
courut et laissa sa boure clouée leffroy du  
feu fut tantost esleué par toute la ruë, si  
venoient les voisins pour l'estaindre, mais  
le Curé les faisoit retourner disant qu'il en  
uenoit, et que tout le dommage qui en  
pouoit

268 LES CENT NOUVELLES  
pouoit aduenir estoit ja aduenu, mais il ne  
disoit pas que le dommage luy competoit.  
Ainsy fut le poure amoureux Curé fallarié  
du seruice qu'il fist a amours par le moyen  
de la faulse et traistre jalousie comme vous  
auez ouy.



NOUVELLE LXXXVI.

## LA TERREUR

PANIQUE, OU L'OFFICIAL JUGE.

**N** Agueres en la ville de Roïen puis peu  
de temps en ca vng jeune homme print

en mariage vne tendre jeune fille aagée de 15. ans ou enuiron. Le jour de leur grant feste , c'est a scauoir des nopces la mere de ceste fille pour garder et entretenir les ceremonies accoustumeés en tel jour , éscola et introduit la Dame des nopces , et luy aprint comment elle se deuoit gouuerner pour la premiere nuyt avec son mary. La belle fille a que tardoit l'attente de la nuyt dont elle receuoit la doctrine, mist grosse paine et grande diligence de retenir la Lecon de sa bonne mere, et luy sembloit bien que quant leure seroit venuë ou elle deuroit mettre a execution celle lecon quelle en feroit si bon deuoir que son mary se loueroit d'elle, et en feroit tres content. Les nopces furent honorablement faictes en grande solemnité, et vint la desiréé nuyt et tantost après la feste faillie , que les jeunes gens furent retraits , et qu'ils eurent prins le congié du sire des nopces , et de la Dame, la bonne mere les cousines, voisins, et autres priueés femmes prinrent nostre Dame des nopces, et la menerent en la chambre ou elle deuoit coucher pour la nuyt avec son espousé , ou elles la desarmerent de ses atours joyeux , et la firent coucher ainsi qu'il est de raison puis luy donnerent bonne

ne nuyt, l'vne disant ma mie Dieu vous  
 doint joye et plaisir de vostre mary, et tel-  
 lement vous gouverner avec luy que ce soit  
 au salut de vos deux ames, l'autre disant  
 ma mie Dieu vous doint telle paix et con-  
 corde avec vostre mary que puissiez faire  
 oeuvre dont les saints cieulx soient rem-  
 plis, et ainsi chascune faisant sa priere se  
 partit. La mere que demoura la derreniere  
 reduit a memoire son escoliere sur la doctri-  
 ne et lecon que aprins luy avoit luy priant  
 que penser y voulsist, et la bonne fille que  
 n'avoit pas son cueur ainsi que l'en dit  
 communement, en sa chause, respondit  
 que tres bonne souvenance avoit de tout,  
 et que bien retenu l'avoit Dieu mercy. C'est  
 bien fait dist la mere or ie vous laisse et re-  
 commande a la garde de Dieu belle fille.  
 A Dieu ma bonne et saige mere. Si tost que  
 la maistresse d'escole fut voidée, nostre ma-  
 ry qui n'attendoit a l'huy aultre chose en-  
 tra dedens et la mere l'enferma et tira, et  
 luy dist qu'il se gouverna doucement avec  
 sa fille, il promist que aussi feroit il, et si tost  
 que l'huy fut fermé luy que n'avoit plus  
 que son pourpoint en son dos le ruë jus et  
 monte sur le lit et se joint au plus prés de  
 sa Dame des nopces, la lance au point et  
 luy

luy presente la bataille , a l'aprocher de la barriere ou l'escarmouche se deuoit faire la Dame print et empoigna ceste lance droit et roide comme vn cornet de vachier , et tantost quelle la sentit ainsy dure et de grosseur tres bonne , elle fut bien esbahye , et commença a s'escrier tresfort en disant que son ecu n'estoit pas assez puissant pour receuoir et soutenir les horions de si gros fust. Quelque deuoir que nostre mary peust faire , ne peut trouuer la maniere de estre receu a ceste iouste , et en cest estrif la nuyt se passa sans riens besongner , que despleut moult a nostre sire des nopces. Mais au fort il print en patience esperant tout recouurer la nuyt prochaine ou il fut autant ouy que a la premiere et ainsi a la troisieme , et jusques a la quinzieme ou les armes furent accomplies comme je vous diray. Quant les quinze jours furent passez que nos deux jeunes gens furent mariez combien qu'ils neussent tenus encore ensemble mesnage , la mere vint visitter son escoliere , et après entre mille deuises qu'elles eurent ensemble parlé elle parla de son mary et luy demanda quel homme il estoit , et sil faisoit bien son deuoir , et la fille disoit qu'il estoit tres bon

homme

omme doux et paisible. Voire mais dit  
 bit la mere, fait il bien ce que l'en doit  
 aire ouy disoit la fille, mais, quelz, mais,  
 y a a dire en son fait dist la mere ie l'en-  
 ens bien, dictes le moy et ne me le celés  
 oint car je veulx tout scauoir a ceste heu-  
 e. Est il homme pour accomplir le deu,  
 ou il est obligé par mariage et dont je vous  
 y baillé la leçon. La bonne fille fut tant  
 presseé qu'il luy conuint dire que l'en  
 auoit encores riens besongné, mais el-  
 e taisoit qu'elle fut cause de la dilacion,  
 t que tousjours eut reffusé la iousterie.  
 Quant la mere entendit ces douloureuses  
 ouuelles Dieu scait quelle vie elle mena  
 lisant que par ses bons Dieux elle y met-  
 roit remede et briéf aussi que tant auoit  
 elle bonne accointance a Monseigneur  
 l'official de Roüen qui luy seroit amy,  
 et fauorisant a son bon droit. Or ca ma  
 ille dist elle il vous conuient desmarier,  
 e n'en fais nulle doubte que ie n'en treu-  
 ue bien la façon, et soyez seure que  
 auant qu'il soit deux jours vous le laissez-  
 rez, et de ceste heure vous feray auoir  
 vng autre homme qui si paisible ne vous  
 laissera pas, laissez moy faire, ceste bon-  
 ne femme a demy hors du sens vint comp-

ter ce grant meschief a son mary pere de la fille dont ie fais mon compte, et luy dist bien comment ils auoient bien perdu leur belle et bonne fille amenant les raisons pourquoy et comment et conclüant aux fins de la desmarier. Tant bier compta sa cause que son mary se tira de son costé, et fut content que l'en fist citer nostre nouveau marié que ne scauoit rien de ce que ainsi l'en se plaignoit de luy sans cause toutteffois il fut cité personnellement a comparoir allencontre de Monseigneur le Promoteur, a la Requête de sa femme et par deuant Monseigneur l'official pour quitter sa femme, et luy donner licence d'autre part se marier ou alleguer les causes pourquoy en tant de jours qu'il auoit esté avec elle n'auoit monstré qu'il estoit homme comme les autres, et fait ce qu'il appartient aux mariés. Quant le jour fut venu les parties se presenterent en temps et en lieu ils furent huchiez a dire leurs causes. La mere a la nouvelle mariée, commença a compter la cause de sa fille, et Dieu scait comment elle allegue les loix que l'en doit maintenir en mariage, lesquelles son gendre n'auoit accomplies ne d'elles vsé.

par

parquoy requerroit qu'il fut desjoint de la fille, et dès ceste heure mesme sans faire long procès. Le bon jeune homme fut bien esbahy quant ainsy ouyt blasonner ses armes mais gueres n'attendist a respondre aux aleguacions de son aduersaire, et froidement de maniere rasi-se compter son cas et comment la femme luy auoit fait refus quant il auoit voulu faire le deuoir de mariage. La mere oyant ses responce plus marrie que deuant combien que a peine le vouloit croyre, demanda a sa fille se il estoit vray ce que son mary auoit respondu, et elle dist vrayement mere oüy. Ha malheureuse dist la mere comment l'avez vous refusé ne vous auois je pas dit par plusieurs fois vostre lecon. La poure fille ne scauoit que dire tant estoit honteuse. Toutteffois dist la mere je vuëil scauoir la cause pourquoy vous auez fait reffus ou se ne le me dictes, vous me ferez courouciér mortellement. La fille dist tout couuertement et en jugement que pource quelle auoit trouué la lance de son champion si grosse ne luy auoit osé bailler l'escu doutant qu'il ne la tuast comme encores elle en

doubtoit, et ne se vouloit demouuoir de ceste doute combien que sa mere luy disoit que doubter n'en deuoit. Et apres ce adresse sa parole au Juge en disant Monseigneur l'official vous auez ouy la confession de ma fille et les deffences de mon Gendre, je vous requiers rendre en vostre sentence diffinitiuë. Monseigneur l'official pour appointment fist faire vng liçt en sa maison, et ordonna par arres que les deux mariés yroient coucher ensemble, enjoingnant a la marieé quelle empoigna chaudement le bourdon ou oustil, et qu'elle le mist au lieu ou il estoit ordonné. Et quand celle sentence fut renduë, la mere dist grant mercy Monseigneur l'official vous auez tres bien jugé. Or auant dist la mere ma fille faites ce que vous deuez faire, et gardés de venir allencontre de l'apoinctement de Monseigneur l'official, mettez la lance au lieu ou elle doit estre. Et ie suis au fort contente dist la fille de la mettre ou il fault, mais s'elle y deuoit pourir ie ne l'en retireray ne faqueray ja. Ainsy se partirent de jugement, et allerent mettre a execution la sentence sans sergent car eux mesmes firent

irent l'exécution, par ce moyen nostre  
gendre vint a chief de ceste jousterie dont  
il fut plustost saoul que celle qui n'y vou-  
oit entendre.



NOUVELLE LXXXVII.

# LE CURE

DES DEUX.

**E**N vne bonne ville du Pays de hollan-  
de auoit n'a pas cent ans vng Cheualier  
logié

logié en vne belle et bonne hostellerie ou il  
 auoit vne tres belle jeune fille chambe-  
 iere seruante de laquelle il estoit tres amou-  
 eux , et pour l'amour d'elle il auoit tant  
 fait au fourier du Duc de Bourgongne, que  
 cest hostel luy auoit desliuré affin de mieux  
 pourchasser sa queste, et venir aux fins ou  
 il contendoit et ou amours le faisoient en-  
 cliner , quant il eut esté enuiron cinq ou  
 six jours en ceste hostellerie luy suruint par  
 accident vne malheureuse aduenture. Car  
 vne maladie le print en l'oeil si grieue, qu'il  
 ne le pouoit tenir ouuert, ne en vser tant  
 estoit aspre la douleur, et pource que tres  
 fort doubtoit le perdre, mesmement que  
 c'estoit le membre ou il deuoit plus de guet,  
 manda le Cirurgien de Monseigneur le Duc  
 de Bourgongne que pour ce temps estoit a  
 la ville, et deuez scauoir que ledit Cirur-  
 gien estoit vng gentil Compaignon escuyer  
 tout fait et bien duit de son mestier car si-  
 tost que le maistre Cirurgien vit cest oeil il  
 le jugea comme perdu, ainsy que par ad-  
 uenture ils sont coustumiers de juger des  
 maladies affin que quant ils les ont saneés  
 et gueries ils en raportent plus de prouffit  
 tout premier, et secondement plus de  
 loüenge. Le bon Cheualier a que desplaisoit

d'ouyr telles nouvelles demanda s'il ny auoit point de remede a le guerir, et l'autre respondist que tres difficile seroit, neantmoins il oseroit bien entreprendre a le guerir avec l'aide de Dieu, mais qu'on le voulsist croire. Se vous me voulés deliurer de ce mal sans perte de mon oeil je vous donneray bon vin dist le Cheualier. Le marchié fut fait, et entreprint le Cirurgien a guerir c'est oeil Dieu deuant et ordonna les heures qu'il viendroit chascun jour pour le mettre a point. A chascunefois que nostre Cirurgien visitoit nostre malade, la belle chamberiere le complaignoit, et aydoit a remuer le poure pacient. Se ce bon Cheualier estoit feru auant de ceste chamberiere si fut le Cirurgien que toutes les fois qu'il venoit faire la visitacion fichoit ses doux regards sur le beau et poly visaige de celle chamberiere et tant fort si ahurta qui luy declara son cas, et en eut tres bonne audience et de prinsault on luy accorda sa requeste, mais la maniere comment l'en pouoit mettre a execution ses ardans desirs on ne le scauroit trouuer. Or toutteffois a quelque paine que ce fut facon fut trouuée par la prudence du Cirurgien que fut telle. Je donneray dist il a entendre a

Mon-

Monseigneur le patient que son oeil ne se peut guerir ce n'est que son autre oeil soit caché, car l'usage qu'il a de regarder empesche la guarison de l'autre malade. S'il est content dist il qu'il soit caché comme l'autre, ce nous fera la plus conuenable voye du monde pour prendre nos delitz et plaisances, et mesmement en sa chambre, affin que l'on y prenne moins de suspicion. La fille que auoit aussi grant desir que le Chirurgien prisa tres bien ce conseil ou cas que ainsi ce pouroit faire, nous l'essayerons dist le Chirurgien. Il vint a l'heure accoustumée veoir cest oeil malade, et quant il eut descouvert il fist bien de l'esbahy. Comment dist il ie ne vis oncques tel mal, cest oeil cy est plus lait qu'il n'estoit il y a quinze jours, certainement Monseigneur il sera bon mestier que vous ayez patience. Comment dist le Cheualier. Il faut que vostre bon oeil soit couuert et caché tellement qu'il n'ayt point de lumiere vne heure ou enuiron incontinent que j'auray assis l'emplastre, et ordonné l'autre, car enuerité il l'empesche a guerir sans doubte. Demandés a ceste belle fille que la veu chascun jour que ie l'ay remué comment il amende et la fille disoit qu'il estoit plus lait que parauant. Or ca  
dist

dist le Cheualier je vous habandonne tout faiçtes de moy ce qu'il vous plaist, ie suis content de cligner l'oeil, et de faire tant que l'en voudra, mais que guarison s'en suyue. Les deux amants furent adonc bien joyeux quant ils virent que le Cheualier estoit content d'auoir l'oeil caché. Quant il fut apointé et qu'il eut les yeux bandés maistre Cirurgien faint se partir, et dist a Dieu comme il auoit de coustume promettant tantost de revenir pour descouurer cest oeil. Il n'alla gueres loing, car assez prez de son patient sur vne couche gecta sa Dame, et d'autre planette qu'il n'auoit regné sur l'oeil du Cheualier visitta les cloistres secrets de la chamberiere trois ou quatre fois maintint ceste maniere de faire enuers ceste belle fille sans que le Cheualier s'en donna garde, combien qu'il en ouyt la tempeste. Mais il ne scait que ce pouoit estre jusqu'a la sixiesme fois qu'il se doubta pour la continuacion a laquelle fois quant il ouyt le tabouement et noise des combattans il arracha bande et emplastre et vit les deux amoureux qui se demenoient tellement l'vng contre l'autre que il sembloit proprement quils déussent menger l'vng l'autre tant joignoient leurs jambes ensemble. Et quelle  
la

Le maistre Chirurgien dist le Cheualier, m'a-  
vez vous fait jouer a cligne musette pour  
ne faire ce desplaisir, mon oeil doit il estre  
guery par ce moyen, que dictes vous, et  
le maistre Chirurgien part et s'en va et onc-  
ques puis le Cheualier ne le manda aussi il  
ne retourna point querir son payement de  
ce qu'il auoit fait a l'oeil de nostre patient,  
car bien sallarié se tenoit par sa Dame qui  
est fort gracieuse et abandonnée estoit, et a  
tant fais fin de ce present compte.



NOUVELLE LXXXVIII  
 LE COCU  
 SAUVÉ.

**E**N vne petite ville cy entour que je ne  
 vueil pas nommer est nagueres aduenu  
 l'aduen-

l'adventure dont ie vous fourniray ceste nouvelle. Il y auoit vng simple et rude Pay-  
 fant marié, a vne plaisante et gente femme,  
 laquelle laissoit le boire et le manger pour  
 aymer par amour, le bon mary auoit d'v-  
 sage de demourer tres souuent es champs en  
 vne maison qu'il y auoit, aucunesfois trois  
 jours aucunesfois quatre aucunesfois plus,  
 ainsy que luy venoit a plaisir, et laissoit sa  
 femme prendre du bon temps a la bonne  
 ville. Car affin qu'elle ne se espouuentast,  
 elle auoit tousjours vng homme que gar-  
 doit la place du bon homme, et entrete-  
 noit son deuant de paour que le roüil ny  
 vint. La reigle de ceste bonne bourgoyse  
 estoit d'attendre son mary jusques a ce que  
 l'en ne voyoit gueres, et jusques a ce quel-  
 le se tenoit seure de son mary qu'il ne re-  
 tournoit point, ne laissoit venir le lieute-  
 nant de paour que trompée ne fust, elle  
 ne sceut mettre si bonne ordonnance en  
 sa regle accoustumée que trompée ne fust;  
 car vne fois ainsy que son mary auoit de-  
 mouré deux jours ou trois jours et pour le  
 quatriesme auoit attendu aussi tard qu'il  
 estoit possible auant la porte close, cuydant  
 que pour ce jour il ne deust point retour-  
 ner, si ferma l'huy et les fenestres comme  
 les

les autres jours , et mist son amoureux au logis et commencent a boire d'autant , et faire chiére tout oultre. Gueres assis n'auoient esté a la table que nostre mary vint huchier a l'huyt tout esbahy qu'il le trouuoit fermé , quant la bonne Dame l'ouïst fist sauuer son amoureux sons le lict pour le plus abregier , puis vint demander a l'huis que auoit heurté. Ouurés dist le mary. Ha mon mary dist elle estes vous la je vous deuoyes demain enuoyer vng messaiger comment ne retournissiez point , quelle chose y a til dist il , quelle chose dist elle. Helas les sergens ont esté ceans plus de deux heures et demye vous attendant pour vous mener en prison en prison dist il , et comment en prison , quelle chose ay ie meffait , a qui dois je ? qui se plaint de moy , certes ie n'en scay rien dist la ruseé mais ils auoient grant vouloir et desir de mal faire , il sembloit qu'ils voulsissent tuër vng Carefme si fiérs estoient ils. Voire se disoit il , nos amys ne vous ont ils point dit quelque chose qu'ils me vouloient. Nenny dist elle , fors que s'ils vous tenoient vous n'eschapperiez de la prison deuant long temps. Ils ne me tiennent encores pas Dieu mercy. A Dieu ie men retourne

tourne. Ouyrés vous dist elle que ne demandoit autre chose, dont ie viens dist il, ie yray doncques avec vous dist elle. Non feréz gardez bien et gracieusement la maison, et ne dictes point que j'aye icy esté; puis que vous vouldrez retourner aux champs dist elle hastéz vous auant que l'on ferme la porte, il est ja bien tard, quant elle seroit ferméé si fera tant le portier dist il pour moy qu'il la me ouurira très voutentiers. A ces mots il se partit, et quant il vint a la porte il la trouua ferméé, et pour prière qu'il sceut faire le portier ne la vout ouurir, si fut bien mal content de ce qu'il conuenoit qu'il retournaist a sa maison doubtant les sergens, toutesfois failloit il qu'il y retournaist s'il ne vouloit coucher sur les ruës. Il vint arriere heurter a son huis, et la Dame que faisoit la rateleé avec son amoureux fut plus esbahye que deuant, elle sault sus et vint al'huis tout esperduë disant mon mary n'est point reuenu, vous perdez temps, ouurez ouurez dist il mamie cé suis je, hélas hélas vous n'avez point trouué la porte ouuerte, ie m'en doubtoy e bien dist elle, veritablement, ie ne vois remede en vostre fait que ne soyez prins, car les sergens me dirent, il m'en souuient

main-

maintenant qu'ils retourneroient sur la nuyt. Or ca dist il il n'est mestier de long sermon aduisons ce qu'il est raison de faire. Il vous faut mussér quelque part ceans dist elle, et si ne scay lieu ne retraite ou vous puissiez estre bien assureé. Serois je point bien dist l'autre en nostre coulombier, que me chercheroit la; et elle que fut moult joyeuse de ceste inuencion et expedient feignant touttefois, dist le lieu n'est grain honneste il y fait trop puant. Il ne me chault dist il i'ayme mieux me bouter la pour vne heure ou deux et estre sauué que en autre honneste lieu ou ie seroye par adventure trouué. Or ca dist elle puis que vous auez ce ferme courage ie suis de vostre opinion. Ce vaillant homme monta en ce coulombier qui se fermoit par dehors à clef et se fist illec enfermer; et pria sa femme que se les sergens ne venoient tantost, elle le mist dehors. Nostre bonne bourgoyse habandonna son mary, et le lascia toute la nuyt racouler avec les coulons qui ne plaisoit gueres et tousjours doubtoit ces sergens. Au point du jour qu'il estoit heure que l'amoureux se despartit ceste bonne preude femme vint huchiér son mary et luy ouurit l'huys qui demanda comment on l'auoit

auoit laissé si longuement tenir compaignie  
aux coulons, et elle qui estoit faicte et pour-  
ueü de bourdes, luy dist que les sergens  
uoient toute la nuit veillé autour de leur  
maison, et que plusieurs fois auoit a eux  
euisé, et qu'ilz ne faisoient que partir,  
mais ils auoient dit qu'ilz viendroient a  
elle heure qu'ilz le trouueroient. Le bon  
homme bien esbahy quelle chose sergens  
luy pouoient vouloir si partit incontinent et  
retourna aux champs promettant que de  
long temps ne reuiendrait. Et Dieu scait  
que la gouge le print bien en gré, com-  
bien que s'en monstrois douloureuse, et  
par tel moyen elle se donna meilleur temps  
que deuant car elle n'auoit quelque soing  
de le retour de son mary.



NOUVELLE LXXXIX.

# LES PERDRIX

CHANGÉES EN POISSON.

**E**N vng certain petit hamelet ou village  
de ce monde assez loing de la bonne  
ville

ville est aduenü vne petite histoire qui est digne de venir en l'audience de vous mes bons seigneurs. Ce village ou hamelet estoit habit  d'vng moncelet de rudes et simples paysans que ne scauoient comment ils deuoient viure , et se bien rudes et non sachans estoient , leur Cur  , ne l'estoit pas vne once moins. Car luy mesme failloit a congnoistre ce qui estoit de necessaire a tous generallement comme ie vous en donneray l'experience par vng cas qu'il luy aduint. Vous debuez scauoir que ce prestre Cur  comme i'ay dit auoit sa teste affubl  de simplesse si parfaicte , qu'il ne scauoit point annoncer les festes des saints que viennent chascun an , en vng jour determin  comme chascun fait. Et quant ses paroissiens demandoient quant la feste seroit ; il failloit bien coup a coup a ce dire vrayment , et entre aultres telles fautes que souuent aduenoient en fit vne qui ne fut pas petite. Car il laissa passer cinq sepmaines du Carefme ; sans l'annuncer a ses paroissiens. Mais entendez comment il se apperceut qu'il auoit failly. Le samedi que estoit la nuit de la blanche Pasque que l'en dit Pasques fleuries , luy vint volent  d'aller a la bonne ville pour aucune chose qui luy besoignoit

songnoit. Quant il entre en la ville en che-  
uauchant parmy les ruës il apperceut que les  
prestres faisoient prouision de palmes et au-  
tres verdure, et veoit que au marché on  
les vendoit pour seruir a la procession pour  
lendemain. Qui fut bien esbahy ce fut le Cu-  
ré combien que semblant nen fist. Il vint  
aux femmes que vendoient ces palmes ou  
bois, en achepta faisant semblant que pour  
aultre chose ne fut il venu a la bonne ville,  
et puis monta hatiuement a cheual chargé  
de sa marchandise, et picque a son village  
et le plustost que possible luy fut, il s'y trou-  
ua, auant que il fut descendu de dessus son  
cheual il rencontra aucuns de ses paroissiens  
ausquelz il commenda que l'en allast sonner  
les cloches, et que chascun vint a l'Eglise  
de ceste heure: car il leurs vouloit dire auc-  
cunes choses necessaires pour le salut de  
leurs ames. L'assembleé fut tantost faicte, et  
se trouua chascun en l'Eglise, Monseigneur  
le Curé tout housé et esperonné vint bien  
embesoigné Dieu le fait, il monta en son  
prosne, et dist les motz qui s'ensuiuent.  
Mes bons seigneurs ie vous signifie et vous  
fais a scauoir que aujourdhuy a esté la veil-  
le et solennité de la feste de Pasques fleuries,  
et de ce jour en huyt prochain vous aurés

la veille de la grant Pasques que len dit la Resurrection nostre seigneur. Quant ces bonnes gens oüyrent ces nouvelles commencerent a murmurer, et eux esbahyr tresfort comment ce pouoit faire. Mot dist le Curé je vous appaiseray bien tantost, et vous diray vrayes raisons pourquoy vous n'avez que huit jours de Carefme a faire vos penitences pour ceste année, et ne vous esmayez ja de ce que je vous diray, et que le Carefme est ainsi venu tard. Je tien quil n'y a celuy de vous qui ne sache bien et soit records comment les froidures ont esté longues et aspres, ceste année merueilleusement plus que oncques mais, et long temps a qu'il ne fist aussi perilleux et d'angereux cheuaucher comme il a fait tout l'hyuer pour les verglats et neiges que ont longuement durés. Chascun de vous fait cecy estre vray comme l'Euangile, pourquoy ne vous donnés merueilles de la longue demouree de Carefme, mais ésmerveillez vous aincoys comment il a peu venir mesmement que le chemin est tres long jusqu'a sa maison. Si vous prie que le vueillés tenir pour excusé, et mesme il vous emprie, car aujourd'hui j'ay disné avec luy, et leurs nomma le lieu, cest a scauoir la ville ou il

294      LES CENT NOUVELLES  
auoit esté et pourtant dist il disposez vous  
ceste sepmaine de venir a confesse , et de  
comparoir demain a la procession comme il  
elt de coustume, et ayez patience ceste fois,  
lannée que viendra ie Dieu plaist fera plus  
doulce parquoy il viendra plustost ainsi quil  
a d'vsage chascun an. Ainsi Monseigneur le  
Curé trouua le moyen d'excuser sa simplesse  
et ignorance , et leurs donna la benedic-  
tion disant priés Dieu pour moy et ie prie-  
ray Dieu pour vous. Ainsi descendit de  
son prosne, et sen alla a sa maison appoin-  
ter son bois et ses palmes pour les faire len-  
demain seruir a la procession et puis ce  
fut tout.



NOUVELLE XC.

LA BONNE

MALADE.

**P**Our accroistre et employer mon nombre des nouvelles que jay promises.

T 4

compter

compter et descrire i'en mecteray icy vng dont la venuë est fresche. Au pays de Brebant qui est celuy du monde ou les bonnes aduëntures aduiennent le plus souuent, auoit vng bon et loyal marchand de que la femme estoit tres fort malade et gisante pour la griesueté de son mal continuellement sans abandonner le lit. Ce bon homme voyant sa bonne femme ainsi atteinte et languissante menoit la plus douloureuse vie du monde tant marry et desplaisant estoit qu'il ne pouoit plus, et auoit grant doubte que la mort ne l'en fist quitte, en ceste doleance, perseuerant et doubtant la perdre, se vint rendre prés d'elle et luy donnoit esperance de garison, et la reconfortoit au mieülx qu'il scauoit, l'amonnestant de penser au sauuement de son ame. Et après qu'il eut aucun petit de temps deuisé avec elle et finé ses admonestemens et exortacions luy cria mercy en luy requerant que s'aucune chose luy auoit meffait qu'il luy fut par elle pardonné entre les cas ou il sentoit l'auoir couroucé luy declaira comment il estoit bien records qu'il l'auoit troubleé plusieurs foys, et tres souuent, de ce qu'il n'auoit besongné sur son harnois que l'en peut bien appeller cuir a chair  
toutes

toutes les fois qu'elle eut bien voulu, et mesmes que bien le scauoit, dont tres humblement requeroit pardon et mercy. Et la poure malade ainsi quelle pouoit parler, luy pardonnoit les petits cas et legiers, mais ce derrain ne pardonnoit elle point volentiers sans scauoir les raisons qui auoient meu et induit son mary a non luy fourbir son harnois quant mesmes il scauoit bien que c'estoit le plaisir d'elle, et que elle ne apetoit autre chose ne demandoit. Comment dist il voulez vous mourir sans pardonner a ceux que vous ont meffait. Je suis bien contente de le pardonner, mais ie vueil scauoir qui vous a meu, autrement ie ne le pardonneray point. Le bon mary pour trouuer moyen d'auoir pardon cuydant bien faire la besongne luy commença a dire ma mye, vous scauez bien que par plusieurs fois auez esté malade, et deshaité, combien que non pas tant que maintenant je vous voy, et durant la maladie ie n'ay jamais tant osé presumer que de vous requerre de bataille, ie doubtoye qu'il ne vous en fut du pire, et soyés toute seure que ce que i'en ay fait amour le ma fait faire. Taisés vous menteur dist ceste poure patiente, oncques ne fus si malade ne  
si

si deshaiteé pourquoy i'eusse fait reffus de combattre a vous , querés autre moyen si vous voulés auoir pardon , car cestuy cy ne vous aydera ja , et puis qu'il vous con- nient tout dire meschant et lasche homme que vous estes et aultres ne fustes oncques. Pensés vous que en ce monde soit medeci- ne qui puisse plus ayder ne susciter la ma- ladie d'entre nous femmes que la douce et amoureuse compaignie des hommes , me voyés vous bien deffaite et seiche par grief- ueté de mal autre chose ne me est necessai- re sinon compaignie de vous. Ho dist l'au- tre ie vous gueriray prestement. Il fault sur ce lyt et besongna le mieulx qu'il peut , et tantost qu'il eut rompu deux lances , elle se lieue , et se mist sur ses piedz. Puis de- mye heure après allast par les ruës et ses voisines que la cuydoient comme morte furent tres esmerueilleés jusqua ce quelle leurs dist par quelle voye et comment elle estoit reuiueé , qu'ilz dirent tantost qu'il ny auoit que ce seul remede. Ainsi nostre bon marchand aprint a guarir sa femme qui luy tourna a grant prejudice , car sou- uent faignoit estre malade pour receuoir la medecine.



NOUVELLE XCI.

A FEMME

OBEISSANTE.

**A** Insi que j'estoye nagueres en la Conté  
de Flandres en l'vne des plus grosses  
villes

viles du Pays vng gentil Compaignon me fist vng joyeux compte d'vng homme marié de qui sa femme estoit tant luxurieuse et chaude sur le potage et tant publique qu'a paine estoit elle contente qu'on la coingnast en plaines rues auant qu'elle ne le fut, son mary scauoit bien que de celle condicion estoit, mais de subtilité pour querir remede a luy donner empechement il ne scauoit trouuer tant estoit a ce joly mestier ruseé. Il la menassoit de la battre et de laisser seule, ou de la tuer. Mais querés que le face, autant eust il profité a menasser vng chien enraigé ou quelque autre beste. Elle se pourchassoit a tous lés et ne demandoit que hutin, il y auoit bien pou d'hommes en toute la contreé ou elle repairoit pour estaindre vne seule estincelle de son grant feu, et quiconque la barginnoyt il auoit aussi bien a creance que a argent sec, fust homme bossu ou vieulx, contrefait ou autre quelque defigurance brief nul ne s'en alloit sans denreés reporter. Le poure mary voyant ceste vie continuer, et que toutes ces menasses ny prouffitoient riens il s'aduifa qu'il l'espouuenteroit par vne maniere qu'il trouua. Quant il la peut auoir seule en sa maison,

il

luy dist or ca Jehanne ou biatrix ainsi  
 u'il l'appelloit, ie voy bien que vous estes  
 bstineé en vostre meschance, et que quel-  
 ue menasse que ie vous face ou punicion  
 vous n'en tenez non plus de compte que  
 je m'en taisoye. Helas mon mary dist  
 le en bonne foy j'en suis la plus marrie, et  
 top me desplaist, mais je ny puis mettre re-  
 mede car je suis neé en telle planette pour  
 estre preste et seruante aux hommes. Voire  
 ea dist le mary y estes vous ainsi desti-  
 eé, sur ma foy ie ay bon remede et hastif,  
 vous me tuerés donc dist elle autre remede  
 y a, laissez moy faire dist il, ie scay bien  
 mieulx, et quoy dist elle que ie le saiche  
 ar la mort bieu dist il, ie vous hocheray  
 ng jour tant, que ie vous bouetteray vng  
 quarteron d'Enfans dedans le ventre, et  
 uis je vous abandonneray, et les vous laif-  
 ray toute seule nourrir, vous dist elle voi-  
 e, mais ou prins, vous n'avez pas pour  
 commencer, telles menasses m'espouente  
 rien pou ie ne vous crains de cela pas vng  
 iquet se j'en desmarche ie veux que l'en  
 e tonde en croix, et s'il vous semble que  
 vez puissance de ce faire, auancés vous,  
 commencés de ceste heure ie suis preste  
 our liurer le moule. Au Dyable de telle  
 femme

302 LES CENT NOUVELLES  
femme dist le mary, qu'on ne peult par  
quelque voye corriger. Il fut contraint de  
la laisser passer sa destinée, et il se fut plus-  
tost esceruelé et fendu la teste pour la re-  
prendre que luy faire tenir coy le derriere,  
parquoy la laissa courre comme vne lisse en-  
tre deux douzaines de chiens et accomploit  
tous ses vouldoirs et desordonnés desirs.



NOUVELLE XCII.

## LE CHARIVARI.

**E**N la Cité de Méts en Lorraine auoit  
 puis certain temps en ca vne bonne  
 bourgeoise mariés qui estoit tout oultre de  
 la

la confrerie de la houlette, riens ne faisoit plus volentiers que ce ioly esbattement que chascun scait, et ou elle pouoit deployer ses armes, elle se monstroit vaillante et pouredoubtant les horions. Or entendez quelle chose luy aduint en exerçant son mestier, elle estoit amoureuse d'vng gros Chanoine que auoit plus d'argent que vng chien n'a de puces. Mais pource qu'il demouroit en lieu ou les gens estoient a toute heure comme on diroit a vne gueulle Bée ou place publique, elle ne scauoit comment se trouuer avec son Chanoine. Tant pensa et subtilla a sa besongne, quelle s'aduisa que se descouvroiroit a vne sienne voisine que estoit sa soeur d'armes touchant le mestier et vsance de sa houlette, et luy sembla que elle pouroit aller veoir son Chanoine accompaignié de sa voisine sans que l'en y pensast nul mal, ou suspicion. Ainsi que elle aduisa fut fait, et comme se pour vne grosse matiere fust alleé vers Monseigneur le Chanoine, ainsi honorablement y alla elle accompaignie comme dit est. Pour le faire brief incontinent, que nos bourgeois furent arriueés aprez toutes les salutacions ce fut la principale memoire que l'enclore avec son amoureux Chanoine,

noine et fist tant que le Chanoine luy bail-  
 a vne monture ainsi comme il scauoit. La  
 voisine voyant l'autre auoir l'audience , et  
 le gouuernement du Maistre de leans ,  
 n'en eut pas peu d'enuie , et luy desplai-  
 oit moult que non ne luy faisoit ainsi  
 comme a l'autre. Au vuider de la chambre  
 celle qui auoit sa pitance dit a sa voisine nous  
 en yrons nous. Voire dist l'autre s'en va  
 n'en ainsi se l'on ne me fait la courtoisie  
 comme a vous pardieu je accuseray le mes-  
 sage ie ne suis pas icy venue pour eschauf-  
 fer la cire. Quant l'en aperceut sa bonne  
 volenté on luy offrit le clerc de ce Cha-  
 noyne que estoit vng fort et roide galant,  
 et homme pour la tres bien fourbir de  
 quoy elle ne tint compte , mais le reffusa  
 de tous points , disant que aussi bien vou-  
 oit auoir le maistre que l'autre autrement  
 ne seroit elle point contente. Le Chanoine  
 fut contraint pour sauuer son honneur de  
 s'accorder , et quant ce fut fait elle voulut  
 bien adoncques dire a dieu et se partir.  
 Mais l'autre ne le vouloit pas , ains dist  
 toute couroucée que elle que l'auoit ame-  
 né et estoit celle pour que l'assemblée estoit  
 faicte , deuoit estre mieulx partie que l'au-  
 tre , et qu'elle ne se departiroit point selle

nauoit encore vng picotin dauoyne. Le Chanoine fut bien ésbahy quant il entendit ces nouvelles, et combien quil priaist celle qui vouloit auoir le surcroist, toutesfois ne se vouloit elle rendre contente. Or ca dist il de pardieu ie suis content puis qu'il faut que ainsy soit, mais n'y reuez plus pour tel prix ie seroie hors de la ville. Quant les armes furent accomplies, ceste Damoiselle au surcroist au dire a dieu dist a son Chanoine quil failloit donner aucune gracieuse chose pour souuenance. Sans se faire trop importuner ne trauailler de requestes, et aussi pour estre desliuré ce bon Chanoine auoit vne piece d'vng demourant de couurechief que leur donna, et la principale recut le don ainsy dirent a dieu. C'est dist il ce que ie vous puis maintenant donner, prennés chascune en gré. Elles ne furent gueres loing allés que en plaine ruë la voisine qui n'auoit eu sans plus que vng picotin, dist a sa Compaigne qu'elle vouloit auoir sa porcion de leur don, et bien dist l'autre ie suis contente combien en voulez vous auoir. Fault il demander cela dist elle i'en doy auoir la moitié et vous autant. Comment osez vous demander dist l'autre plus que  
VOUS

vous n'avez defferui, auez vous point de honte, vous scauez bien que vous n'avez esté que vne fois au Chanoine et moy deux fois, et pardieu ce n'est pas raison que vous foyez partie aussi auant que moy. Pardieu j'en auray autant que vous dist l'autre, ay ie pas fait mon deuoir aussi auant que vous, comment l'entendez vous. Nest ce pas autant d'une fois comme de dix, et afin que vous congnoissez ma volenté sans tenir icy halle de neant ie vous conseille que me baillez ma part justement la moitié, ou vous aurez incontinent huttin, me voulez vous ainsi gouverner. Voire dea dist sa compaignie y voulez vous proceder d'armure, de fait et par la puissance Dieu vous n'en aurez fors ce qu'il sera de raison, c'est a scauoir des trois pars l'une, et j'auray tout le demourant, nay ie pas eu deux fois plus de paine que vous. Adonc l'autre haulce et de bon poinct charge sur le visage de sa Compaignie pour que l'assemblée auoit esté faicte qui ne le tint pas longuement sans rendre brief elles se battirent tant et de si bonne maniere que a bien petit qu'elles ne s'entretuerent, et

l'une appelloit l'autre ribaulde. Quant les gens de la ruë virent la bataille des deux Compaignes qui peu de temps deuant auoient passé par la ruë ensemble amoureuxment furent tous esbahis, et les vindrent tenir et deffaire l'une de l'autre. Puis après les gens que la estoient huchèrent leurs maris que vindrent tantoist et chascun deux demandoit a sa iemme la matiere de leur difference. Chascune comptoit a son plus beau, et tant par leur faux donner a entendre, sans toucher de ce pourquoy la question estoit meüe, les esmeurent tellement l'vng contre l'autre, qu'ils se vouloient entretüer, mais les sergens les menerent refroidir en prison. La Justice voulut scauoir dont estoit procedé le fondement de la question entre les deux femmes, elles furent mandeés, et contrainctes de confesser que ce auoit esté pour vne piece de couurechief et cetera. Les gens de Conseil voyant que la congnissance de ceste cause n'appartenoit a eulx la renuoierent deuant le Roy de Bordelois tant pour les merites de la cause, comme pource que les femmes estoient de ses subgectes, et pendant le procès les bons maris demourerent en la prison  
 atten-

attendants la sentence diffinitive qui pour le nombre infini deulx , en est taillée de demourer penduë au clou.



NOUVELLE XCIII.

# LA POSTILLONE

SUR LE DOS.

**T**Andis que j'ay bonne audience je vueil  
compter vng gracieux compte adueniz

au

au pays de haynault en vng village du pays que i'ay nommé , avec vne gente femme mariée qui aymoit plus chier le Clerc de la paroisse dont elle estoit paroissienne que son mary , et pour trouuer quelque moyen d'estre avec son Clerc , faignit a son mary quelle deuoit vng pelerinage a vng sainct qui n'estoit gueres loing de la , et que promis luy auoit quant elle estoit en trauail , luy priant qu'il fut content qu'elle y allast vng jour quelle nomma. Le bon simple mary qui ne se doubtoit de rien accorda ce pelerinage et pource que le mary demouroit seul il luy dist quelle apprêsta son disner et soupper tout ensemble auant qu'elle se partist , autrement il yroit menger a la tauerne ; elle fit son commendement et apprêsta vng bon pouffin , et vne piece de mouton , et quant toutes ces preparatiues furent faictes elle dist a son mary que tout estoit prest , et quelle alloit quérir de l'eau benoiste pour soy partir après. Elle entra en l'Eglise et le premier homme qu'elle trouua ce fut celluy quelle querroit c'est a scauoir son Clerc a qui elle compra les nouvelles comment elle auoit congié d'aller en pelerinage et cetera , pour toute la journée , mais il y a vng cas dist elle , je suis seur que

fitost qu'il me sentira hors de l'ostel qu'il s'en yra a la tauerne , et n'en retournera jusqu'au vespre bien tard , ie le congnois tel et pourtant j'ayme mieulx demourer a l'ostel tandis qu'il n'y fera point que aller hors, adoncques vous vous rendrez dedans vne demye heure autour de nostre ostel afin que ie vous mette dedans par derriere s'il aduient que mon mary ny soit point , et s'il y est nous yrons faire nostre pelerinage. Elle vint a l'ostel ou elle trouua encores son mary dont elle ne fut point contente qui luy dist, comment estes vous encores icy, ie m'en vois dist elle chauffer mes souliers, et puis ie ne songeray plus gueres que ie ne parte. Elle alla au cordouennier , et tandis qu'elle faisoit chauffer ses souliers , son mary passa par deuant l'ostel du cordouennier avec vng autre son voisin qui alloit de coustume volentiers a la tauerne. Et combien qu'elle supposast que pource qu'il estoit accompaignié dudit voisin qu'il s'en allast a la tauerne , toutteffois n'en auoit nulle volenté , mais il s'en alloit sur le marché pour trouuer encores vng bon Compaignon ou deux, et les amene disner avec luy au commencement qu'il auoit dauantage c'est assauoir le pouffin et

la piece de mouton. Or nous laisserons icy nostre mary chercher compaignie, et retournerons a celle qui chaussoit ses souliers, que fitost que ils furent chauffez, reuint a l'ostel le plus hastiuement qu'elle peut ou elle trouua le gentil escolier qui faisoit la proceffion tout autour de la maison a qui elle dist. Mon amy nous sommes les plus heureux du monde car j'ay veu mon mary aller a la tauerne j'en suis seure, car il y a vng sien fortes qui le maine par les bras, lequel ne le laissera pas retourner quant il voudra, et pourtant donnons nous joye. Le jour est nostre jusques a la nuyt. Jay appointé vng pouffin et vne belle piece de mouton dont nous ferons gouguectes. Et sans plus riens dire le mist dedans, et laissa lhuys entreouuert affin que les voisins ne s'en doubtaffent. Or retournons maintenant a nostre mary que a trouué deux bons Compaignons avec le premier dont j'ay parlé, lesquelz ils amainent tous pour deconfire et deuorer ce pouffin en la compaignie de beau vin de beaune ou de meilleur s'il est possible de finer. A l'ariuer a sa maison il entre le premier dedans, et incontinent qu'il fut entré il aperceut nos deux amants, que s'estoient mis a faire vng tron-

son

son de bon ouurage, et quant il vit sa femme qui auoit les jambes leueés il luy dist qu'elle n'auoit garde de vser ses souliers, et que sans raison auoit trauaillé le cordouennier, puis qu'elle vouloit faire son pelerinage par telle maniere. Il hucha ses Compaignons et dist, Messeigneurs regardez que ma femme aime mon prouffit, de paour que elle ne vse ses beaux souliers neufs, elle chemine sur son dos, il ne la pas telle qui veult. Il prent vng petit demourant de ce pouffin et luy dist quelle parfist son pelerinage puis ferma l'huys et la laissa avec son Clerc, sans luy autre chose dire, et s'en alla a la tauerne de quoy il ne fut pas tencé au retourner, ne les autres fois aussi quant il y alloit pource qu'il n'auoit rien ou pou parlé de ce pelerinage que sa femme auoit fait a l'ostel avec son amoureux le Clerc de sa paroisse.



NOUVELLE XCIV.

LE CURE

DOUBLE.

LES marches de Picardie ou Diocèse de  
Theroïenne auoit puis an et demy en  
ca

316 LES CENT NOUVES LES  
ca ou environ vng gentil Curé demourant  
en la bonne ville qui faisoit du Gorgias tout  
oultre, il portoit robe courte, chaufes ti-  
rées a la facon de Court, tant gaillard  
estoit que l'en ne pourroit plus, qui n'estoit  
pas paou desclandre aux gens d'Eglise. Le  
Promoteur de Theroüenne que telles ma-  
nieres de gens appelloit le grant dyable,  
foy informe du gouvernement de nostre  
gentil Curé, et le fist citer pour le corri-  
ger et luy faire müer ses meurs. Il compa-  
rut és habits courts comme s'il ne tenist  
compte du Promoteur, cuydant par ad-  
uantage que pour ses beaulx yeulx on le  
desliurast, mais ainsy n'aduint pas car  
quant il fut deuant Monseigneur l'official  
et sa partie le Promoteur luy compta sa le-  
gende ou long et demanda par sa conclu-  
sion, que ses habillemens et autres menuës  
manieres de faire luy fussent deffenduës, et  
auec ce qu'il fut condamné a payer certai-  
nes amendes. Monseigneur l'official vo-  
yant a ses yeulx que tel estoit nostre Curé  
que on luy baptisoit, luy fist les deffencés  
sur les paines du Canon que plus ne se des-  
guisast en telle maniere qu'il auoit fait et  
qu'il portast longues robes et cheueulx  
longs, et auec ce le condamna a payer vne  
bonne

bonne somme d'argent. Il promist que ainsi en feroit il, et que plus ne feroit cité pour telle chose. Il print congé au Promoteur, et retourna a sa Cure et fitost qu'il y fut venu il fist huchier le Drapier, et le Cousturier, si fist tailler vne robe que luy traينوit plus de trois quartiers disant au Cousturier les nouvelles de Therouëne comment c'est assauoir qu'il auoit esté reprimés de porter courte robe, et qu'on luy auoit chargié de la porter longue. Il vedit ceste robe longue et laissa croistre ses cheveux de la teste et de la barbe et en cest estat seruoit la paroisse, chantoit messe et faisoit les autres choses appartenantes a Curé. Le Promoteur fut arriére aduertiy comment son Curé se gouernoit outre la rigle et bonne et honneste conuersacion des prestres, lequel le fist citer comme deuant, et il se comparut és longs habits. Quesse cecy dist Monseigneur official quant il fut deuant luy il semble que vous trompés des estatuts et ordonnances de l'Eglise, voyez vous point comme les autres prestres s'habillent, se se neust pour l'amour de vos bons Amis, je vous féroye affubler la prison de ceans. Comment Monseigneur dist nostre Curé,

ne

ne mauez vous pas chargie de porter longue robe et longs cheueux fais je point ainsi que vous mauez commandé n'est pas ceste robe assez longue, mes cheueux sont ils pas longs que vouléz vous que ie face. Je vuëil dist Monseigneur l'official et si vous commande que vous portés robe et cheueux a demy longs, ne trop ne pou, et pour ceste grande faulte ie vous condamne a payer dix liures d'amande au Promoteur, vingt liures a la fabrique de ceans et autant a Monseigneur de Theroüenne a conuertir a son aumosne. Nostre Curé fust bien esbahy. Mais toutteffois il faillit quil passast par la, il prent congié et s'en reuint en sa maison bien pensant comment il pouroit subtiler pour garder la sentence de Monseigneur l'official. Il manda le Cousturier a que il fist tailler vne robe longue d'vng costé comme celle dont nous auons parlé, et courte comme la premiere de l'autre costé, puis il se fist barber du costé ou la robe estoit courte, en ce point alloit par les ruës, et faisoit son diuin office et combien qu'on luy dist que c'estoit mal fait, toutteffois si n'en tenoit il compte. Le Promoteur en fut encores aduertiy, et le fist citer comme

de-

deuant. Quant il comparu Dieu scait comment Monseigneur l'official fut mal content a paine qu'il ne failloit de son siege hors du sens quant il regardoit son Curé estre habillé en guise de mommeur, si les autres deux fois il auoit esté bien rachassé il fut encores mieulx celle cy, et condemné a belles grosses amendes. Lors nostre Curé se voyant ainsy deplumé de amendes et de condemnations dist a Monseigneur l'official. Il me semble sauue vostre reuerence que j'ay fait vostre commandement. Et entendez moy je vous en diray la raison. Adonc il courrit sa barbe longue de sa main qu'il estendit sus, et puis dist si vous voulez ie n'ay point de barbe, puis mist sa main de l'autre les courant la partie tondue ou rasoer, en disant se vous voulez j'ay longue barbe, esse ce pas ce que m'avez commandé. Monseigneur l'official voyant que c'estoit vng vray trompeur, et qu'il se trompoit de luy, fist venir le barbier et le paramantier, et deuant tous les assistans luy fist faire sa barbe, et puis couper sa robe de longueur qu'il estoit de mestier et de raison puis le renuoya a sa Cure ou il se conduit

hau-

320      LES CENT NOUVELLES  
hautement en maintenant ceste derniere  
maniere qu'il auoit aprinse a la suëur de  
sa bourse.

NOU.



NOUVELLE XCV.

LE DOIGT

DU MOINE GUERI.

Comme il est assez de coustume Dieu  
mercy qu'en plusieurs communautez

Tom. II.

X

ya

y a de bons Compaignons au moins quant au jeu des bas instrumens au propos nagues auoit en vn Couuent de Paris vng tres bon frere prescheur que auoit de coustume de visitter ses voisines. Ung jour entre les autres il choisit vne tres belle femme que estoit sa prochaine voisine jeune et en bon point, et s'entreaymoient de bon couraige, et la jeune femme estoit marieé nouvellement a vng bon Compaignon et deuint maistre moyne tres bien amoureux d'elle, et ne cessoit désplusér et subtiler voyes et moyens pour paruenir a ses attaintes qui a dire en gros et en brief estoient pour faire cela que vous scauez. Or disoit ie feray ainsi: or conclut autrement, tant de propos luy venoient en la teste qu'il ne scauoit surquoy s'arrester trop bien disoit il que le langage n'estoit point de abatre, car elle est trop bonne et trop seure, force mest que se ie vueil paruenir a mes fins que par cautelle et deception ie la gaigne. Or escoutés de quoy le larron s'aduisa, et comment frauduleusement la poure beste il attrappa, et son desir tres honneste comme il proposa accomplit. Il faignit vng jour auoir mal en vng doy d'emprés le pouce que est le premier des quatre en la main destre, et de

de fait l'enueloppa de draps linges, et le dora d'aucuns oingnemens tresfort sentans. Et en ce point se tint vng jour ou deux se monstrant aual son Eglise deuant la dessusdit, et Dieu scait s'il faisoit bien la douleur. La simplette le regardoit en pitié, et voyant a sa contenance que il auoit grant douleur et pour la grant pitié que elle en eut luy demanda son cas et le subtil regnard luy compta si tres piteusement qu'il sembloit mieux hors du sens que aultrement. Ce jour se passa, et a lendemain enuiron l'heure de vespres que la bonne femme estoit a l'ostel seulette ce pacient la vient trouuer ouurant de foye, et auprès d'elle se met, faisant si tresbien le malade que nul ne l'eut jugié en tres grant dangier. Or se viroit vers la fenestre, maintenant vers la femme, tant d'estranges manieres il faisoit que vous fussiez esbahy et abusé a le veoir et la simplette qui toute pitié en auoit a paine que larmes ne luy failloient des yeux le confortoit au mieulx que elle pouoit. Helas frere henry auez vous parlé aux medecinstelz et telz. Ouy certes ma mye disoit il, il ny a ny medecin ne chirurgien en Paris qui n'ayt veu mon cas, et qu'en disent ils, souffri-

rez vous longuement ceste douleur , helas ouy voire encores plus la mort se Dieu ne m'ayde , car en mon fait n'a que vng seul remede , et j'aymeroye autant a paine mourir que le desceler. Car il est moins que bien honneste et tout estrange de ma profession. Comment dea dist la pourette , puis qu'il y a remede et nesse pas mal fait et peché a vous de vous laisser ainsy passionner si est enuerité ce me semble vous vous mettez en dangier de perdre sens et entendement a ce que je voy vostre douleur si aspre et si terrible. Pardieu bien aspre et terrible est elle dist frere henry , mais quoy Dieu la ma enuoyé loüé soit ie prens bien la maladie en gré et auray en patience et suis tout assure d'attendre la mort. Car cest le vray remede de ce, veoire, excepté vng dont ie vous ay parlé qui me gueriroit tantost , mais quoy comme ie vous ay dit ie n'oseroye dire quel il est quant ainsi seroit qu'il me seroit force a desceler ce que c'est, je n'auroye point le vouloir de l'accomplir. Et par saint Martin , dist la bonne femme frere henry il me semble que vous auez tort de tenir telz termes , et pour Dieu dictez moy qu'il faut pour vostre garison , et ie vous assure que ie metteray paine et diligence

gence a trouuer ce qui y seruira. Pour Dieu ne soyez cause de vostre perdicion, laissez vous ayder et secourir. Or dictes moy que c'est et vous verrés se ie ne vous ayderay, si feray par Dieu me deust il couster plus que vous ne pensés. Damp moyne voyant la bonne volenté de sa voisine après vng grant tas d'excusances et de reffus, que pour estre brief ie trespasse, dist a basse voix, puis qu'il vous plaist que ie le die, ie vous obeyray les medecins mont tous dit d'vng accord que en mon fait na que vng seul remede c'est de boutter mon doy malade dedans le lieu secret d'vne femme nette et honneste, et la le tenir assez bonne piece après le oindre d'vng oignement dont ils m'ont baillé la recepte, vous oyez que c'est et pourtant que ie suis de ma nature et de propre coustume honteux, j'ay mieulx aimé endurer et souffrir jusques icy les maulx que j'ay portés qu'en riens dire a personne viuant, vous seule scauez mon cas, et malgré moy, hélas hélas dist la bonne femme, je ne vous ay dit chose que ie ne face ie vous vueil ayder et guerir ie suis contente et me plaist bien pour vostre garison, et vous oster de la terrible angoise qui vous tourmente, que vous preste lieu pour boutter vostre

doy malade. Et Dieu le vous rende Dame  
moiselle dist Damp moine. Je ne vous eusse  
osé requerer ne autre, mais puis qu'il vous  
plaist de me secourir ie ne seray ja cause de  
ma mort. Or nous mettons doncques s'il  
vous plaist en quelque lieu secret que nul  
ne nous voye, il me plaist bien dist elle, si  
le mena en vne belle garderobe, et ferra  
l'huys, et sur le liçt la mist, et maistre moy-  
ne luy liéue ses Drapeaux, et en lieu du  
doy de la main bouta son perchant dur et  
roide dedans, et a l'entrée qu'il fist, elle  
que le sentit si tres gros dist. Et comment  
vostre doy est il si gros, ie n'oüy jamais par-  
ler du pareil. Et enuerité dist il ce fait la ma-  
ladie que en ce point le ma mis, vous me  
contés merueille dist elle. Et durant ces lan-  
gaiges maistre moyne accomplit ce pour-  
quoy si bien auoit fait le malade. Et elle  
qui sentit et cetera. demanda que c'estoit et  
il respondit que cest le clou de mon doy  
qui est effondré, je suis demy guery  
se me semble Dieu mercy et la vostre,  
et par ma foy ce me plaist moult ce dist  
la Dame qui lors se leua se vous nestes  
bien gary se retournés toutteffois qu'il  
vous plaira, car pour vous oster de  
douleur, il n'est rien que je ne face,  
et ne

et ne foyez plus si honteux que vous  
 auez esté pour vostre garison et santé re-  
 couurer.



NOUVELLE XCVI.

LE TESTAMENT  
CYNIQUE.

**R**acompter ie vous vueil ce que aduint  
l'autre hyer a vng simple Curé de vil-  
lage.

age. Ce bon Curé auoit vng chien qu'il auoit noury et gardé que tous les autres chiens du pays passoit sur le fait d'aller en eauë querir le vireton et a l'occasion de ce son maistre l'aymoit tant, qu'il ne seroit pas legier a compter combien il en estoit affoté. Aduint toutteffois ie ne scay par quel cas ou s'il eut trop grant chaut, ou trop grant froit, toutteffois il fut malade et mourut. Que fist se bon Curé luy qui son presbitere auoit tout contre le cymetiere quant il vit son chien tréspassé il pensa que grant dommaige seroit que vne si sage et bonne beste demourast sans sepulture. Et pourtant il fist vne fosse assés prés de l'huy de sa maison et la l'enfoüit. Je ne scay pas s'il en fist vne de marbre et par dessus grauer vne Epitaphe si men tais. Ne demou-  
 ra gueres que la mort du bon chien du Curé fut par le villaige anoncéé et tant espondue que aux oreilles de l'Euesque du lieu paruint, et de sa sepulture faicte que son maistre luy bailla. Si le manda vers luy venir par vne belle citation par vng chicaneur. Helas dist le Curé, et quay ie fait qui suis cité d'office. Quant a moy dist le chicaneur ie ne scay qu'il y a se ce nest pourtant que vous auez enfoüy vostre  
 chien

chien en terre sainte ou l'en met les corps des chrestiens. Ha se pense le Curé c'est cela. Or luy vint en teste qu'il auoit mal fait , et que s'il se laisse emprisonner qu'il sera escorché car Monseigneur l'Euesque est le plus conuoiteux de ce Royaulme , et si a gens autour de luy qui scauent faire venir leauë au moulin Dieu scayt comment. Il vint a sa journée, et de plain bond s'en alla vers Monseigneur l'Euesque qui luy fit vng grant prologue pour la sepulture du bon chien. Et sembloit a loüyr que le Curé eut pis fait que d'auoir regnié Dieu. Et après tout son dire il commanda qu'il fut mené en sa prison. Quant Monseigneur le Curé vit qu'on le vouloit bouter en la boïste aux cailloux, il fut plus esbahy que vng canet , et requist a Monseigneur l'Euesque qu'il fut oüy lequel luy accorda ; Et deuez scauoir que a ceste calenge estoient grant foison de gens de bien et de grant façon, comme l'official, les Promoteurs, le scribe, notaires, aduocatz, procureurs, et plusieurs autres , lesquels tous ensemble grant joye ménoient du cas du bon Curé ; que a son chien auoit donné la terre sainte. Le Curé en sa deffence et excuse parla en brief et dist en verité Monseigneur se

vous euffiez autant congneu mon bon  
chien a qui Dieu pardoint comme j'ay fait,  
vous ne feriez pas tant esbahy de la sepul-  
cre que ie luy ay ordonneé comme vous  
dites, car son pareil comme j'espere ne fut  
mais trouué, ne fera, et lors commença  
dire baufme de son chien aussi pareille-  
ment s'il fut bien sage en son viuant enco-  
res le fut plus a sa mort car il fist vng tres  
beau testament, et pource qu'il scauoit  
vostre necessité et indigence il vous ordon-  
na cinquante escus d'or que ie vous ap-  
porte. Si les tira de son sein, et les bailla  
à l'Euesque lequel les receut volentiers,  
et lors loüa et approuua les sens du vaillant  
chien, ensemble son testament, et la sepul-  
cre qu'il luy bailla.



NOUVELLE XCVII.  
LE HAUSEURS.

**A**Duint nagueres que estoit vne assem-  
blée de bons Compaignons faisans  
bonne chiere en la tauerne et beuans d'au-  
tant

ant, et quant ils eurent beu et mangé, et  
 ait si bonne chere jusques a loïer Dieu et  
 aussi *vsque ad hebreos* la plus part, et qu'ilz  
 eurent compté et payé leur escot, les au-  
 uns commencerent a dire comment nous  
 ferons festoyez de nos femmes quant nous  
 retournerons a l'ostel, Dieu scait que nous  
 ne serons pas excommuniez on parlera bien  
 de nos barbes. Nostre Dame dist l'vng ie  
 rains bien a m'y trouuer, ainsi maist Dieu  
 dist l'autre, aussy fais je moy, ie suis tout  
 seur d'oüir la passion plust a Dieu que ma  
 femme fut muette, ie beueroye trop plus  
 tardyment que ie ne fais, ainsi disoient  
 retous, fors l'vng deulx que estoit bon  
 Compaignon qui leurs alla dire et com-  
 ment beaulx seigneurs vous estes tous bien  
 malheureux qui auez tous chascun femme  
 qui si fort vous repret d'aller a la tauerne,  
 et est tant mal contente que vous beuez.  
 Car ma foy Dieu mercy la mienne n'est pas  
 elle. Car si je beuoye dix, voire cent  
 fois le jour, si n'este pas assés a son gré,  
 car ie ne vis oncques que elle ne eut vou-  
 loir que ie eusse plus beu la moytié. Car  
 quant je reuiens de la tauerne, elle me sou-  
 haite tousjours le demourant du tonneau  
 dedens le ventre, et le tonneau auecques,  
 si

si n'est pas signe que ie boiue assés a son gré. Quant les Compaignons ouirent ceste conclusion ils se prirent a rire et loüerent beaucoup son compte , et sur ce s'en allerent tous , chascun en sa chascune. Nostre bon Compaignon , qui le compte auoit fait s'en vint a l'hostel , ou il trouua pou paisible sa femme toute preste a tencer que de si loing quelle vit venir , commença la souffrance accoustumée , et de fait comme elle souloit , luy souhaita le demourant du vin du tonneau dedens le ventre. La vostre mercy ma mye dist il , encores auez meilleure coustume que les autres femmes de ceste ville , elles enraigent de ce que leurs maris boiuent ne tant ne quant , et vous Dieu le vous rende voudriez bien que ie busse tousjours ou vne bonne fois qui tousjours durast. Je ne scay dist elle que ie voudroye sinon que ie prie a Dieu que tant beueez vng jour que creuer en puissiez. Comme ils se deuisoient ainsi doucement que vous oyez le pot a la pourée qui sur le feu estoit commence a s'enfoüir pardessus pource que trop aspre feu auoit , et le bon homme qui voyoit que sa femme n'y mettoit point la main luy dist , et ne voyez vous Dame ce pot qui s'enfoüit.

foiit. Et elle que encores rapaisé n'estoit  
respondit, si fais sire ie le vois bien. Or le  
haussés Dieu vous mette en mal an. Si feray  
ie dist elle ie le hauseray, ie le mez a vij de-  
niers voire dist il Dame esse la responce,  
haussés ce pot de par Dieu, et bien dist el-  
le ie le mez a vij soulds, esse assés hault,  
hen hen dist il et par saint Jehan ce ne se-  
ra pas sans trois coups de baston, et il choi-  
sit vng gros baston et en descharge de tou-  
te sa force sur le dos de Madamoiselle en  
disant ce marchié vous demeure, et elle  
commença a crier alarme tant que les voisi-  
nes sy assemblerent, qui demanderent que  
c'estoit, et le bon homme racompta l'istoi-  
re comme elle alloit, dont ils rirent tres-  
tous, fors elle a qui le marchié demoura.



NOUVELLE XCVIII.

LES AMANS

INFORTUNÉS.

**A**Duint naguères és marches et mettes  
de france entre les autres nobles, auoit  
vng

vng Cheualier riche et noble tant par l'ancienne noblesse de ses predecesseurs ; comme par ses propres nobles et vertueux faits, lequel Cheualier de sa femme espou-  
 sée auoit eu seulement vne fille , qui estoit tres belle et tres adressée pucelle comme a son estat apartenoit , aagée de xv. a xvj. ans ou enuiron. Ce bon et noble Cheualier voyant sa fille estre assés aagée , habille et ydoine pour estre alliéé et accointéé par le sacrement de mariage il eut tres grant voulenté de la joindre et donner a vng Cheualier son voisin , non touttesfois tant noble de parentage comme de grosses puissances et richesses temporelles , avec ce aussi aagé de 60. a 80. ans ou enuiron. Ce vouloir rongea tant enuiron la teste du pere dont j'ay parlé que jamais ne cessera jusques a ce que les alliances et promesses furent faictes entre luy et sa femme mere de la fille et le-  
 dit ancien Cheualier touchant le mariage de luy avec ladicte fille qui des assembleés promesses et traictez ne scauoit rien ne ny pensoit aucunement. Assés prochain de l'ostel de celuy Cheualier pere de la pucelle auoit vng autre Cheualier vaillant et preux, riche , moyennement , non pas tant de beaucoup que l'autre ancien dont j'ay par-

lé que estoit très ardamment et fort embrasé de l'amour de ycelle pucelle, et pareillement elle par la vertueuse et noble renommée de luy en estoit tresfort entacheé, combien que en dangier parlassent l'vng a l'autre car le pere s'en doubtoit, et leurs rompoit les moyens et voyes qu'il pouoit touttefois il ne les pouoit forclorre de l'entiere et très lealle amour dont leurs deux cüeurs estoient entreliéz et enlacéz. Et quant la fortune leurs fauorisoit tant que ensemble les faisoit deuifer, d'autres choses ne tenoient leurs deuises, comme de pourpenser le moyen par lequel leur seul et souuerain desir pouroit estre accompli par legitime mariage. Or s'aproucha le temps que icelle pucelle deust estre donnéé a ce seigneur ancien, et le marchié luy fut par son pere descouuert, et assigné le jour quelle le deuoit espouser dont ne fut pas peu couroucée, mais elle pensa quelle y donneroit remede, elle enuoya vers son tres chier amy le jeune Cheualier, et luy manda que il venist celément le plustost que il pouroit, et quant il fut venu, elle luy compta les aliances faiçtes d'elle et de l'autre ancien Cheualier demandant sur ce conseil affin de tout rompre, car d'autre que de luy ne vouloit point estre espousee. Le Cheualier luy

luy respondit, ma mye tres chiere, puis-  
 que vostre bonté se veut tant humilier que  
 de moy offrir, ce que ie n'oseroye requere  
 sans tres grande vergongne ie vous re-  
 mercye, et se vous voulez perseuerer en ce-  
 ste bonne volenté je scay que nous deuons  
 faire. Nous prendrons et assignerons vng  
 jour auquel ie viendray en ceste ville bien  
 accompaignié de mes amys, et a certaine  
 heure vous rendrés en quelque lieu que  
 vous me dirés maintenant ou ie vous  
 trouueray seule, vous monteray sur mon  
 cheual et vous menneray en mon Cha-  
 steau et puis se nous pouuons appaiser  
 Monseigneur vostre pere et Madame vostre  
 mere nous procederons a la consommation  
 de nos promesses laquelle dist que c'estoit  
 bien aduisé, et quelle scauoit comment on  
 y pouroit conuenablement conduire. S'y  
 luy dist que tel jour et telle heure venist en  
 tel lieu ou il la trouueroit, et puis feroit  
 tout bien ainsi qu'il auoit aduisé. Le jour de  
 l'assignation vint, et se comparut le jeune  
 Cheualier au lieu ou l'en luy auoit dit, et  
 ou il trouua sa Dame qui monta sur son che-  
 ual et picqua fort tant qu'ilz eurent eslon-  
 gné la place. Le bon Cheualier craignant  
 qu'il ne trauaillast sa tres chiere et parfaite

amye rompit son legier pas et fist éspan-  
dre tous ses gens par diuers chemins pour  
veoir se quelqu'un ne les suyuroit point, et  
cheuauchoit a trauers champs sans tenir  
voies ne sentiers le plus doucement qu'il  
pouoit, et chargea ses gens qu'ils se trou-  
uassent ensemble tous a vng tres gros villai-  
ge qu'il leurs nomma ou il auoit bonne in-  
tencion de repaistre. Ce villaige estoit assés  
éstranger et hors de la commune voye des  
chemins, et tant cheuaucherent qu'ils vin-  
drent arriuer au villaige, ou la dedicasse et  
la generale feste du lieu se faisoit, a laquel-  
le feste y auoit gens de toutes sortes, et  
de moult grande facon. Ils entrerent a la  
meilleure tauerne de tout le lieu et incon-  
tinent demanderent a boire et a menger,  
car il estoit tard après disner, et la pucel-  
le si estoit fort trauaillée. Ils firent faire bon  
feu, et tres bien appointer a menger pour  
les gens dudit Cheualier qui n'estoient pas  
encores venus, gueres n'eurent esté en leur  
hostellerie que voicy venir tout present qua-  
tre gros lourdiers, charretiers, ou bou-  
uiers par aduenture encores plus vail-  
lans, et entrerent en ceste dicte hostel-  
lerie baudement demendans moult rigou-  
reusement ou estoit la ribaulde que vng ruf-  
fien

sien nagueres auoit amenée derrieres luy  
 sur son cheual et quil failloit que ils beussent  
 auec elle et a leur tour la gouerner. L'oste  
 qui estoit homme bien congnoissant le  
 Cheualier, saichant que ainsi n'estoit pas  
 que les ribaulx disoient il leurs dist moult  
 gracieusement que telle n'estoit elle pas qu'ils  
 cuydoient. Par la mort bieu dirent ils se  
 vous ne nous la liurés incontinent nous  
 abatrons les huys, et lemmenérons par force  
 maulgré vos Dents. Quant le bon hoste  
 entendit leur rigueur, et que sa douce res-  
 ponce ne prouffitoit point leur nomma le  
 nom du Cheualier, lequel estoit très re-  
 nommé és marches, mais peu congneu de  
 gens, a l'occasion, que tousjours auoit esté  
 hors du pays acquerant honneur et renom-  
 mé glorieuse és gueres et voyages loing-  
 tains. Leurs dist aussi que la femme estoit  
 vne jeune pucelle parente audit Cheualier,  
 laquelle estoit néé et yssuë de grant maison,  
 de très noble parantaige. Helas messei-  
 gneurs vous pouez dist il sans dangier de  
 vous ne d'aultruy estaindre et passer vos  
 chaleurs desordonnés auecques plusieurs  
 autres qui a l'occasion de la feste de ce vil-  
 laige sont venües, et non pour autre cho-  
 se que pour vous, et vos semblables, pour

dieu laissez en paix ceste noble fille, et met-  
tés deuant vos yeulx les grands dangiers ou  
vous vous bouttez. Pensés a vos vouloirs,  
et le grant mal que vous voulez commettre  
a petite occasion. Cessés vostre sermon di-  
rent les lourdiers tous allumés du feu de  
concupiscence charnelle, et donnés nous  
voye que la puissions sans violence auoir  
autrement vous ferons honte, caren public  
icy nous l'amennerons, et chascun de nous  
quatre en fera son plaisir. Ces parolles fi-  
nées le bon hoste monta en la chambre ou  
le Cheualier, et la bonne pucelle estoient  
puis hucha le Cheualier appart a que les  
nouuelles compta, lequel quant il eut tout  
bien et constamment entendu sans estre  
guerres troublé, il descendit garny de son  
espeé parle aux quatre ribaulx leurs deman-  
dant tres doucement quelle chose il leurs  
plaisoit, et ainsi rudes et maulsades qu'ils  
estoient respondirent qu'ils vouloient auoir  
ceste ribaulde qu'il tenoit fermeé en sa  
chambre et que se doucement ne leurs bail-  
loit ils luy tolliroient et rauiroient a son  
dommaige. Beaux seigneurs dist le Cheua-  
lier se vous me congnoissiez bien vous ne  
me tienderiés pour tel qui maine par les  
champs les femmes telles que vous appel-  
lés,

lés ceste , oncques ie ne fis telle folie la mercy Dieu , et quant la volenté me seroit telle que Dieu ne vüeil jamais ne le feroye és marches dont ie suis , et tous les miens , ma noblesse et netteté de mon couraige ne le pouroient souffrir , que ainsi me gouernasse. Ceste femme est vne jeune pucelle ma cousine prochaine yssüe de noble maison et ie vais pour ésbattre et passer temps doucement la menant avec moy accompagnié de mes gens lesquels jasoit qu'ils ne soyent cy presents toutteffois viendront ils tantost et ie les attens , et ne soyez pas ja si abusez en vos couraiges que ie me repute si lasche que ie la laisse villenner ne souffrir luy faire injure tant ne quant , mais la garderay et deffendray aussi auant et longuement que la vigueur de mon corps pourra durer , et jusques a la mort. Auant que le Cheualier eut finé sa parolle les villains platriers luy entrerompirent en nyant tout premier qu'il fut celuy qu'il auoit nommé pource qu'il estoit seul , et ledit Cheualier jamais ne cheuauchoit que en grande compagnie de gens pourquoy luy conseilloyent qu'il baillast ladicte femme s'il estoit sage ou autrement luy roberoyent par force , quelque chose qu'il en peut ensuiuir.

Helas quant le vaillant et courageux Cheualier apperceut que douceur n'auoit lieu, en ses responces, et que rigueur et hauteur occuppoient la place il se ferma en son courage, resolu que les villains n'auroient point la jouïssance de la pucelle ou il mourut en la deffendant. Pour faire fin l'vng de ces quatre s'auanca de ferir son baston a l'huis de la chambre et les autres l'ensuyuent que furent rebouttés vaillamment de celluy Cheualier, et ainsy se commença la bataille qui dura assez longuement, combien que les deux parties fussent despareillés, ce bon Cheualier vainquit et reboutta ces quatre ribaulx et ainsi qu'il les poursuiuoit et chassoit pour en estre tout au dessus, l'vng de ceux qui auoit vng glaiue se vira subit, et le darda en l'estomac du Cheualier et le perca de part en part, et du coup incontinent cheut mort dont ils furent très. joyeux. Cela fait l'oste fut contraint par eux de l'enfoüir au jardin de l'ostel sans esclandre ne noise. Quant le bon Cheualier fut mort ils vindrent heurter a la chambre ou estoit la pucelle a que desplaisoit que son amoureux tant demouroit, et bouterent l'huis outre, et sifost qu'elle vit les brigands entrer elle jugea que le Cheualier

ualier estoit mort, disant *helas* ou est ma garde ou est mon seul refuge, que est il deuenu, dont vient qu'ainsi me blesse le cueur, et qu'il me laisse ainsi seulette. Les ribaulx voyant quelle estoit moult troubleé la cuyderent faulcement decepuoir par douces parolles, en disant que le Cheualier si estoit en vne autre maison, et qu'il luy mandoit qu'elle y allast avec eulx et que plus seurement pour cela si pouroit garder, mais riens n'en voulut croire car le cueur tousjours luy jugeoit qu'ils l'auoient tué si commença a soy dementer, et de crier plus amerement que deuant que se cy dirent ils que tu nous fais estrange maniere, cuides tu que nous ne te congnoissons, se tu as sousspection sur ton ruffien qu'il ne soit mort tu n'es pas abuseé, nous en auons deliuré le pays, pourquoy soyes toute asseuré que nous quatre aurons tous chascun l'vng après l'autre ta compagnie, et a ces mots l'vng deux s'auance qui la prend le plus rudement du monde disant qu'il aura sa compagnie auant qu'elle luy eschappe. Quant la poure pucelle se vit ainsi efforcée et que la douceur de son langaige ne luy portoit point de prouffit, si leurs dist *helas* Messseigneurs, puis que vostre

estre mauuaise voulenté est ainsi tournée, et que humble priere ne la peult adoucir, au moins ayez en vous ceste honnesteté de couraige que puis qu'il faut que a vous je foye habandonné se soit priuément c'est a scauoir a l'vng sans la presence de l'autre. Ils luy accorderent jasoit que très ennuis et puis luy firent choisir et pour eslire celuy deux quatre lequel cuidoit estre le plus bening et doux, elle éleut, mais de tous estoit il le pire. La chambre fut ferméé, et tantost après la bonne pucelle se getta aux pieds du ribault, auquel elle fit plusieurs piteuses remonstrances, en luy priant que il eut pitié d'elle, mais tousjours perseuerant en malignité dist qu'il feroit sa voulenté. Quant elle le vit si dur, que sa priere tres humble ne vouloit exhaulcer luy dist. Or ca puis qu'il conuient quil soit, je suis contente, mais ie vous supplie que cloiez les fenestres affin que nous soyons plus secretement. Il accorda bien enuis; et tandis qu'il les cloyoit la pucelle print vng petit cousteau qu'elle auoit pendu a sa saincture, et en faisant vng tres piteux cry se trencha la gorge et rendit l'ame. Et quant le ribault la vit coucheé a terre il s'enfuyt avec ses Compaignons, et est a supposer que depuis

puis ils ont esté punis selon l'exigence du  
 piteux cas. Ainsi finirent leurs jours les  
 deux beaulx amoureux, tantost l'vng après  
 l'autre sans apercevoir riens des joyeux  
 plaisirs ou ils cuidoient ensemble viure et  
 durer tout leur temps.



## NOUVELLE XCIX.

LA  
METAMORPHOSE.

S'il vous plaist auant qu'il soit plus tard  
d'écouter tout a ceste heure ma petite  
rateleé et compte abregé d'vng vaillant  
Eues-

Euesque de Castille ou d'Espagne qui pour aulcune affaire du Roy de Castille son maistre ou temps de ceste histoire s'en alloit en Court de Rome. Ce vaillant Prelat dont j'entens fournir ceste nouvelle, vint vng soir en vne petite villette de Lombardie, et luy estant arriué par vng vendredy assés de bonne heure vers le soir ordonna a son maistre d'ostel le faire soupper assés de bonne heure, et le tenir le plus aise que faire le pouroit, de ce dont on pouroit recouurer en la ville, car la Dieu mercy quoy qu'il fut gros gras et en bon point, et ne se donnast de mauuais temps que bien appoint et sobrement si n'en jeusnoit journée. Son maistre d'ostel pour luy obeir s'en alla au marché et par toutes les poissonneries de la ville chercha pour trouuer du poisson. Mais pour faire le compte brief, il n'en put oncques trouuer vng seul loppin quelque diligence que luy et son hoste en sceussent faire. Dauanture eux retournans a l'ostel sans poisson trouuerent a vng bon homme des champs qui auoit deux bonnes perdrix, et ne demandoit que marchant; si se pensa le maistre d'ostel que s'il en pouoit auoir bon compte que elles ne luy eschaperoient pas, et que ce seroit bon  
pour


pour le Dimanche, et que son maistre en feroit grant feste. Il les achepta et en eut bon pris. Il vint vers son maistre les perdrix en la main, toutes viues grasses et bien reffaittes, et luy compta l'Eclipse de poisson qui estoit en la ville dont il n'estoit pas trop joyeux, et luy dist, et que pourrons nous souper, Monseigneur respondit il ie vous feray faire des oeufs en plus de cent mille manieres, vous aurés ausly des pommes et des poires, nostre hoste a aussi de bon fourmaige et bien gras nous vous tiendrons bien aise ayez patience pour meshuy vng souper est tantost passé, vous ferez demain plus aise se Dieu plaist, nous yrons en la ville qui est trop mieulx empoisonnée que ceste cy, et Dimenche vous ne pouez faillir de estre bien disné, car vecy deux perdrix que i'ay pourueuës qui sont a bon escient bonnes et bien nouries. Ce maistre Euesque se fist bailler ces perdrix, et les trouua telles quelles estoient bonnes a bon escient, si se pensa que elles tiendroient a souper la place du poisson qu'il cuydoit auoir dont il n'auoit point car il nen peut oncques trouuer, si les fist tuer et bien en haste plumer, larder et mettre en broche. Lors le maistre d'ostel voyant  
qu'il

qu'il les vouloit rostir fust esbahy et dist a son maistre. Monseigneur elles sont bonnes tueés , mais les rostir maintenant pour le Dimanche il ne me semble pas bon , ledit maistre d'ostel perdoit son temps, car quelque chose qu'il sceut remonstrer , si ne le voulut il croire car elles furent mises en broche et rosties. Le bon prestre estoit la plus part du temps qu'elles mirent a cuire tousjours present dont son maistre d'ostel ne se scauoit assés esbahir, et ne scauoit pas bien l'appetit desordonné de son maistre qu'il eut a ceste heure de deuorer ces perdrix , aincoys cuidoit qu'il le fist pour Dimanche les auoir plus prestes au disner. Lors les fist ainsi habiller , et quant elles furent prestes et rosties , la table couuerte et le vin apporté, oeufs en diuerses facons habillés, et mis a point, si fassit le Prelat, et le benedicite dit demanda lesdites perdrix avec la moutarde. Son maistre d'ostel desirant scauoir que son maistre vouloit faire de ces perdrix si les luy mit deuant luy toutes venantes de la broche ardantes, vne fumeé aromatique assez pour faire venir leauë a la bouche d'vng friant, et bon Euesque d'aissaillir ces perdrix , et desmembrer d'entree la meilleure qui y fut  
et

et commença a trencher et menger car tant auoit haste que oncques ne donna loisir a son escuyer qui deuant luy tranchoit qu'il eut mis son pain ne ses cousteaux a point. Quant ce maistre d'ostel vid son maistre satraper a ces perdrix il fut bien esbahy, et ne se peut taire ne tenir de luy dire ha Monseigneur que faiçtes vous estes vous Juif ou Sarrazin. Que ne gardez vous aultrement le vendredy par ma foy ie me donne grant merueille de vostre faiçt. Tais toy tay toy dist le bon Prelat qui auoit toutes les mains grasses et la barbe aussi de ces perdrix tu es beste, et ne scais que tu dis, ie ne fais point de mal tu scais et congnois bien que par parolles moy et tous autres prestres, faisons d'vne hostie qui n'est que de bled et d'eauë le precieux corps de Iesus Christ, et ne puis je donc pas par plus forte raison, moy qui tant ay veu de choses en Court de Romme, et en tant de diuers lieux, scauoir par parolles faire conuertir ces perdrix qui est chair de poisson deuenir, jasoit ce quelles retiennent la forme de perdrix. Si fais Dea, maintes journees sont passees que i'en scay bien la pratique, elles ne furent pas sitost mises a la broche que par les paroles que ie scay, ie les char-

mé

mé tellement que en substance de poisson se conuertirent, et en pouriés trestous qui estes icy menger, comme moy sans peché, mais pour l'imaginacion que vous en pouriés prendre elles ne vous feroient ja bien, si en feray tout seul le meschief. Le maistre d'ostel et tous les autres de ses seruiteurs commencerent a rire, et firent semblant de adjouster foy a la bourde de leur maistre, trop subtilement fardeé, et couloureé et en tindrent depuis maniere du bien de luy, et aussi mainteffois en diuers lieux joyeusement racomptèrent.



NOUYELLE C,  
**LE SAGE NICAISE**  
 OU L'AMANT VERTUEUX.

**E**N la puissante cité de Gennes puis certain temps en ca y demouroit vng marchand

chant tout comblé de biens et de richesses duquel l'industrie et maniere de viure estoit de mener et conduire grosses marchandises par les mers et estranges pays et speciallement en Alexandrie. Tant vacqua et entendit au gouvernement des nauires , et a entasser et amasser tresors, et amonceler grandes richesses que durant tout le temps qu'il s'y adonna qu'il fut depuis sa tendre jeunesse jusqu'a l'aage de cinquante ans , ne luy vint volenté ne souuenance de aultre chose faire. Et comme il fut paruenue en laage dessusdit, ainsi comme vne fois pensoit sur son estat voyant qu'il auoit despensé et employé tous ses jours et ans a rien autre chose faire que cuider accroistre ses richesses , sans jamais auoir vng seul moment ou minute de temps auquel sa nature luy eut donné inclination pour le faire penser ou induire de soy marier, afin d'auoir tres belle et bonne generation qui aux grants biens qu'il auoit a diligence, veille et grant labour amassé et acquis luy succedast , et après luy les possedast , conceut en son couraige vne aigre et tres poignante douleur et desplaisant estoit a merueilles que ainsi auoit ex-

posé et despendu ses jeunes jours, en ceste aigre doleance et a regret demoura aucuns jours, lesquels jours pendant aduint que en la cité dessus nommée les jeunes et petits enfans, après qu'ils auoient solennisé aucune feste accoustumée entre eulx pour chascun an habillés et deguisés diuersement, & assés estrangement les vns d'une maniere, et les autres d'autres se vindrent rendre en grant nombre en vng lieu, ou les publiques et accoustumez esbattemens de la cité se faisoient communement pour joüer en la presence de leur pere et mere, et aussi affin de remporter gloire et renommée et louenge. A ceste assemblee se comparut et se trouua, ce bon marchant rempli de fantaisies, et de soulcy, et voyant les peres et les meres prendre grant plaisir a voir leurs enfans joüer et faire soupleses et appertises agraua sa douleur qui parauant auoit de soy mesme conceüe, en ce point sans le pouoir plus aduiser ne regarder triste et marry retourna en sa maison et seulet se rendit en sa chambre ou il fut aucune espace de temps faisant complainctes en ceste maniere. Ha poure malheureux viellard tel que ie suis et tous-  
jours

jours ay esté , de qui la fortune et destinée sont dures , amères et mal goustableés ô chetif homme plus que tous recreant. Hellas par les veilles peines et labeurs et ententes que tu as prinſes et portées tant par mer que par terre , ta grande riçheſſe et tes comblés treſors ſont bien vains , leſquels ſous perilleuſe aduventure en peines dures et ſüeurs tu as amasſé , et amoncelé et pour leſquels tout ton temps as deſpendu ſans auoir oncques vne petite eſpace ne ſouuenance de penſer a qui toy mort , et party de ce ſiecle les poſſedera , et a qui par loy humaine les deuras laiſſer en memoire de toy et de ton nom. Ha meſchant couraige , comment as tu mis en non chaloir cela , a quoy tu deuois donner entente ſinguliere , jamais ne ne ta pleu mariage et tousjours las craint et refusé meſmement hay et meſprisé les bons et juſtes conſeils de ceulx qui ty ont voulu induire affin que tu euſſe ligneé qui perpetua ton nom , ta louënge auſſi ta renommé et bien heureux ſont les peres et les meres , qui laiſſent a leurs ſucceſſeurs bons et ſages Enſans. Combien ay ie aujourdhuy regardé et apperceu des peres eſtans aux jeux de leurs enſans que

se disoient tres heureux , et jugeoient tresbien auoir employé leurs ans se après leurs deceds leur pouoient laisser vne petite partie des grands biens que ie possede maintenant. Mais quel plaisir et soulas puis je iamais auoir , quel nom et quelle renommée auray ie après la mort , ou est maintenant le fils qu'il maintiendra , et fera memoire de moy après mon trepas. Benoist soit ce saint mariage par lequel la memoire et souuenance des peres et des meres , est entretenüe et dont tenons possessions , et heritaiges ont pour leurs doulx enfans a eternelle permanence et durée. Et quant ce bon marchant eut a soy mesmes longue espace de temps argué , subit donne remede et solution a ses argumens disant ces paroles. Or ca il ne m'est desormais mestier nonobstant le nombre de mes ans tourmenter ne troubler de douleurs , d'angoise ne de pensément. Au fort ce que i'ay par cy deuant fait prend ressemblance aux oyseaulx qui font leurs nids et les preparent auant qu'ils pondent leurs oeufs. Jay la mercy Dieu richesses suffisantes pour moy et pour vne femme et pour plusieurs en-

fans

fans fil aduient que i'en aye, et ne suis si ancien ne tant defourni de puissance naturelle que ie me doye soulcier de perdre esperance de n'en pouoir jamais auoir generacion. Si me conuient arrester et donner toute entente veiller et trauailler aduisant ou ie trouueray femme propice et conuenable a moy. Ainsy finant son procés vuida de sa chambre, et fist venir vers luy deux de ses Compaignons mariniers comme luy ausquels il decouurit son cas tout au plain les priant tres affectueusement que ils luy voulussent ayder a trouuer et querir pour luy qui estoit la chose de ce monde que plus il desiroit. Les deux marchands ayant entendu le bon propos de leur Compaignon, le priferent et louierent beaucoup, et prindrent la charge de faire toute la diligence et inquisition possible pour luy trouuer femme. Et ce temps pendant que la diligence et enqueste se faisoit, nostre marchand tant eschauffé de marier que plus il ne pouoit faisoit de lamoureux cherchant par toute la Cité, entre les plus belles la plus jeune et dautres ne tenoit compte. Tant chercha que a la parfin il en trouua vne a son plaisir,

fir , et ceste telle qui la demandoit car de honnestes parents néé , belle a merueille jeune de quinze ans ou environ , gente douce et tres bien adressede estoit. Après qu'il eut congneu les vertus et condicions douces d'elle , il eut tel affection et desir quelle fut dame de ses biens par juste mariage qu'il la demanda a ses parents et amys lesquels après aucunes petites difficultés et legieres qui gueres ne durerent luy donnerent volontiers en la mesme heure et luy firent fiancer et donner caution et seureté du doüaire dont il la vouloit doüer. Le bon marchand auoit prins grant plaisir en sa marchandise pendant le temps qui la menoit encores leut il plus grant quant il se vit assureé de estre marié , et mesmement avec femme telle que il en pouoit auoir de beaux enfans. La feste et solemnité des nopces fut honorablement et en grant sumptuosité faicte et celebrée , laquelle feste faillie il mist en oubly et non chaloir sa premiere maniere de viure , c'est a scauoir sur la mer il faisoit tres bonne chere , et prenoit grande plaissance avec sa belle et douce femme , mais le temps ne luy dura gueres que

que saoul et ennuyé en fut car la premiere année auant qu'elle fut expirée print desplaisance de demourer a l'ostel en oyfance et de y tenir mesnage en la maniere que conuient a ceulx qui y sont liez, se hoda et ennuya ayant tres grant regret a son autre mestier de marinier qui luy sembloit plus aisié et legier a maintenir qui n'estoit celuy qu'il auoit si volentiers entrepris a gouverner par nuyt et par jour, autre chose ne faisoit que subtiler et penser comment ils se pouroit trouuer en Alexandrie en la maniere qu'il auoit accoustumé, et luy sembloit qui n'estoit pas seulement difficile de soy abstenir de mariner et non hanter la mer et l'abandonner de tous points, mais aussi chose la plus impossible de ce monde et combien que sa volenté fut plainement delibéré et resolué de soy retraire et remettre a son premier mestier, toutteffois le celoit il a sa femme doubtant que ne le print a desplaisance, et aussi auoit vne crainte et doubte qui le destournoit et donnoit vng moult grant empeschement a executer son desir, car il congnoissoit la jeunesse du couraige de sa femme, et luy estoit bien aduis que s'il s'absentoit elle ne  
se

se pouroit contenir confideroit aussi la müable et variableté de couraige femennin, et mesmement que les jeunes galans luy present estoient coustumiers de passer souuent deuant son huys pour la veoir dont il supposoit que en son absence ils la pouroient de plus prés visiter, et aussi par aduanture tenir son lieu. Et comme il eut esté par longue espace poinct et esguillonné de ces difficultés et diuerses ymaginacions sans en dire mot, et qu'il congneut qu'il auoit ja acheué et passé la plus part de ses ans, il mit a non challoir femme et tout le demourant qui affiert au mesnaige et aux argumens et disputacions qui luy auoient troublé la teste, donna briefue solution disant en ceste maniere. Il mest trop plus conuenable viure que mourir, et se ie ne laisse et abandonne mon mesnaige en briefs jours il est certain que ie ne puis longuement viure ne durer, laisseray ie donc ceste belle et douce femme ouy ie la lairray, elle ayt doresnauant la cure et le soing de elle mesme s'il luy plaist, ie n'en vueil plus auoir la charge, hélas que feray ie, quel deshonneur, quel desplaisir sera ce pour moy s'elle ne se contient et garde chasteté.

chasteté. Ho il vaut mieux viure que mourir pour prendre soin pour la garder, ja Dieu ne vüeil que pour le ventre d'une femme ie prengne si estroite cure ne soing sans auoir loyer ne salaire, et ne en recepvoir que torment de corps et d'ame. Ostés moy ces rigueurs et angoisës que plusieurs souffrent pour demourer avec leurs femmes, n'est chose en ce monde plus cruelle ne plus greuant les personnes. Ja Dieu ne me laisse tant viure, que pour quelque aduenture que en mariage puissent soudre ie m'en courouce ne monstre triste. Je vueil auoir maintenant liberté et franchise de faire tout ce qu'il me vient a plaisir. Quant ce bon marchand eut donné fin a ses tres bonnes deuises, il se trouua avec ses Compaignons mariniers, et leurs dist qu'il vouloit encores vne fois visiter Alexandrie, et charger marchandises comme autresfois et souuent auoit fait en leurs compaignie, mais il ne leurs declara pas les troubles qu'il prenoit a l'occasion de son mariage. Ils furent tantost d'accord et luy dirent qu'il se fist prest pour partir au premier bon vent qui suruiendroit. Les mariniers et batteaux furent chargés et preparés pour partir, et  
mis

mis és lieux ou il falloit attendre vent propice et opportun pour nager. Ce bon marchand donc ferme et tout arresté en son propos comme le jour precedent, ce-luy donc qui se deuoit partir se trouua seul après soupper avec sa femme en sa chambre, et luy descouurit son intencion, et maniere de son prochain voyage, et afin que très joyeuse fust luy dit ces paroles. Ma tres chière espouse que j'aime mieux que ma vie faites ie vous requiers bonne chiere, et vous monstrés joyeuse, et ne prenés de desplaisance ne tristesse en ce que ie vous declaireray. Jay proposé de visiter se c'est le plaisir de Dieu vne fois encores Alexandrie en la facon que j'ay de long temps accoustumée, et me semble que n'en deués estre marie attendu que vous congnoissés que cest maniere de viure mon art et mon mestier ausquelz moyens jay acquis richesses, maisons, nom, renommée, et trouué grant nombre d'amis et de familiarité, les beaux et riches aornemens, anneaux vestemens, et tous les autres precieuses bagues dont vous estes pareé et aorneé, plus que nulle aultre de ceste cité comme bien scauez ie les ay acheteés du gain et aduantaige que  
ie

ie ay fait en mes marchandises. Ce voyage donc ne vous doit gueres ennuyer car le retour sera brief. Et ie vous promets que a ceste fois comme i'espere se la fortune ne me donne heur que jamais plus ny veux retourner ie, y vüeil prendre congïé a ceste fois. Il conuient donc que preniez maintenant couraige bon et ferme, car ie vous laisse la disposition administration et gouvernement de tous les biens que je possede, mais auant que ie me parte, ie vous veuil faire aulcunes requestes. Pour la premiere je vous prie que vous soyez joyeuse tandis que ie feray mon voyage, et viués plaisamment et se j'ay quelque peu d'ymaginacion que ainsi le facés, ie en chemineray plus lyément. Pour la deuxiesme vous scauez qu'entre nous deux rien ne doit estre tenu couuert ne celé, car honneur proffit et renommée doyuent estre comme ie tiens qu'ils sont communs a tous deulx et la louenge et l'honneur de l'vng ne peut estre sans la gloire de l'autre, non plus que le deshonneur de l'vng ne peut estre sans la honte de tous deux. Or je vueil bien que vous entendez que ie ne suis pas si tres despourueu de sens que ie ne pense bien

comment ie vous laisse jeune belle fille  
doulce , fresche et tendre , sans soulas  
d'homme , et que de plusieurs en mon  
absence vous serés desirée. Combien que  
ie cuyde fermement que vous auez main-  
tenant nette pensée , couraige ferme ,  
touttesfois quand ie congnois quel est  
vostre aage , et l'inclination de la secrette  
chaleur en quoy vous abondez il ne me  
semble pas possible qu'il ne vous faille  
par pure necessité et contrainte au temps  
de mon absence auoir compaignie d'hom-  
me dont c'est bien mon plaisir que vous  
vous accordés ou vostre nature vous for-  
cera et contraindra. Vecy doncques le  
point ou je vous vueil prier c'est que  
gardés nostre mariage le plus longuement  
que vous pourés en son entiere inten-  
tion , ne ay volenté aucune de vous  
mettre en garde de autruy pour vous  
contenir ; mais vuëil que de vous mes-  
me ayez la cure et le soing , et en soyez  
gardienne. Veritablement il n'est si estroite  
garde au monde qui puisse destourber la  
femme oultre sa volenté a faire son plai-  
sir. Quant doncques vostre chaleur vous  
esguillonnera et poindra ie vous prie ie  
vous prie chere espouse que en l'execu-  
tion

tion de vostre desir vous vous aduifiez prudemment, et tellement qui nen puisse estre publique renommée, que se autrement le faictes vous et moy et tous nos amys sommes diffammés, et deshonorés en faict doncques et par effect se vous ne pouués garder chasteté au moins mettés peine de la garder tant qu'il touche fame et commune renommée. Mais ie vous vueil apprendre et enseigner la maniere que vous deuez tenir en ceste maniere si elle suruient. Vous scauez qu'en ceste bonne Cité a tres grant nombre et foyson de beaux jeunes hommes d'entre eux tous vous en choisirés vng seul, et vous en tenez contente pour faire ce ou vostre nature vous inelinera. Toutteffois ie vueil que vous ayez en faisant l'eslection singulier regard que il ne soit homme vague deshonneste et pou vertueux, car de tel ne vous deuez accointer pour le grant peril qui vous en pouroit sourdre. Car sans doubte il descouuriroit et publieroit a la vollée vostre secret. Doncques vous elirés celuy que vous congnoitrés fermement estre saige et prudent affin que se le meschief vous aduient il mette aussi grant paine a le celer comme vous, de ceste article

ticle vous requiers je , et que me promet-  
 tez en bonne et ferme loyaulté que vous  
 garderés ceste leçon. Si vous aduise que  
 ne me respondés sur ceste matiere en la  
 forme et facon que ont de coustume les  
 autres femmes quant on leurs parle de  
 tels propos comme ie vous dis maintenant  
 ie scais bien leurs responcez , et de quelz  
 motz scaiuent vsfer qui sont telz. He! mon  
 doulx et parfait mary qui vous a meü a  
 dire ce , ou auez vous chargeé ceste opi-  
 nion cruelle plaine de tempeste , par  
 quelle maniere ne quant me pouroit ad-  
 uenir vn si abominable delit , nenny nen-  
 ny , ja Dieu ne vuëil que ie vous fasse tel-  
 les promesses , a qui ie prie que il permet-  
 te la terre ouürir qui m'englotiue et de-  
 uore toute visue au jour et heure que ne  
 dy pas commettray , mais auray vne seule  
 pensée a le commettre. Ma chiére espou-  
 se ie vous ay ouuert les manieres de res-  
 pondre afin que vers moy en vsiez aulcun-  
 nement en bonne foy je croy et tiens fer-  
 mement que vous auez pour ceste heure  
 moult bon et entier propos , auquel ie vous  
 prie que demourez autant que vostre na-  
 ture en pourra souffrir. Et ne entendez  
 point que ie vucil que me promettez faire

ce entretenir ce que ie vous ay mon-  
stray , fors seulement au cas que ne pou-  
rés donner resistance ne batailler contre  
l'appetit de vostre fresle et douce jeunes-  
se. Quant cedit bon marchand eut finé  
sa parolle la belle et douce et debonnaire  
sa femme la face toute roseé se print a  
trembler quant deut donner responce aux  
requestes que son mary luy auoit faictes.  
Ne demoura guieres toutteffois que la Ro-  
geur s'esuanouit et print assurance en fer-  
mant son couraige de constance , et en ce-  
ste maniere causa sa gracieuse responce.  
Mon doux et tres aymé mary ie vous assen-  
re que oncques ie ne feus si espouuenté  
ne troubleé de mon entendement que i'ay  
esté presentement par vos parolles , quant  
elles me ont donné la congnoissance de ce  
que oncques ie oüy ne aprins ne pensé ,  
vous congnoissés ma simpleesse jeunesse et  
innocence certainement il n'est point pos-  
sible a mon aage de faire ou pourpenser  
vng tel meschief ou deffaulte comme vous  
mauez dit que vous estes seure et scauez  
vrayement que vous absent ie ne pouroye  
contenir ne garder l'entiereté de nostre  
mariage , ceste parole me tourmente fort  
le couraige et me fait trembler toute et

ne scay quelle chose ie doy maintenant dire respondre ne proposer a vos raisons. Ainsi m'auéz priué et tollu l'vsage de parler, je vous diray toutteffois vng mot qui viendera de la profondesse de mon cueur et en telle maniere qu'il y gyft en telle vuidera til de ma bouche ie requiers tres humblement a Dieu et a jointes mains luy prie qu'il face et commande vng abisme ouurir ou ie soye gettée les membres tous arrachés et tourmenteé de mort cruelle se jamais le jour vient ou je doye non seulement commettre de leaulté en nostre mariage, mais sans plus en auoir vne briefue pensé de le commettre et comment ne par quelle maniere vng tel delit ne pouroit aduenir ie ne scauroye entendre, et pource que m'auéz fortcios et reclus de telles manieres de respondre disant que les femmes sont coustumieres d'en vser pour trouuer les eschappatoires et alibis forains affin de vous faire plaisir et donner repos a vostre ymaginacion et que voyez que a vos commandements ie suis preste d'obeir garder et maintenir je vous prometz de ceste heure de courage ferme arresté et estable oppinion d'attendre le jour de

de vostre reuenuë en vraye pure et entiere chasteté de mon corps , et que Dieu ne vueil pas qu'il aduiengne le contraire , tenez vous en tout asieuré , et ie le vous prometz , ie tiendray la regle et doctrine que m'auetz donnéé en tout ce que ie feray sans la tréspasser aucunement s'il y a autre chose dont vostre courage soit chargé , je vous prie descouurez tout et me commandez faire et accomplir vostre bon desir , autre rien ne desire non pas le mien. Nostre marchand ouye la responce de sa femme fut tant joyeux qu'il ne se peut contenir de plourer disant ma tres chière espouse puis que vostre douce bonté , ma voulu faire la promesse que i'ay requise , je vous prie que l'entretenez. Le lendemain matin le bon marchand fut mandé de ses Compaignons pour entrer en la mer. Si print congié de sa femme et elle le commanda a la garde de Dieu puis monta en la mer , et se mirent a cheminer et nager vers Alexandrie ou ils paruindrent en briefs jours tant leurs fut le vent agreable et propice , ou quel lieu s'arrestèrent longue espace de temps tant pour deliurer leurs marchandises comme pour en charger des

nouvelles pendant et durant lequel temps la tres gente et gracieuse Damoiselle dont j'ay parlé demoura garde de l'hostel et pour toute compaignie n'auoit que vne jeune petite fillette qui la seruoit et comme i'ay dit ceste belle Damoiselle n'auoit que quinze ans pourquoy se aucune faulte fist on ne le doit pas tant imputer a malice comme a la fragilité de son jeune aage. Comme donc le marchand eut esté plusieurs fois absent des yeux d'elle pou a pou il fut mis en oubly fitost que les jeunes gens sceurent ce partement ils la vindrent visitter, laquelle au premier ne vouloit vider de sa maison ne soy monstrier, mais toutesfois par force de continuation et frequentacion quotidienne pour le tres grant plaisir quelle print aux doux et melodieux chants et armonie de tous instrumens dont on jouoit a son huys, elle s'aduanca de venir beyer et regarder par les creuances des fenestres et secrets trillis d'ycelle par lesquels tres bien pouoit veoir ceux qui l'eussent plus volentiers veü. En escoutant les chansons et dances prenoit a la fois si grant plaisir que amour esmouuoit son courage tellement que cha-  
leur

leur naturelle souuent l'induisoit a briser sa continence. Tant souuent fut visitté en la maniere dessusdicte quen la parfin sa concupiscence et desirs charnels la vainquirent et fut touchée du dard amoureux bien auant et comme elle pensa souuent comment elle auoit si a elle ne tenoit tres bonne habitude et opportunité de temps et de lieu, car nul ne la gardoit, nul ne luy donnoit empeschement pour mettre a execution son desir. Conclud et dist que son mary estoit tres sage quant si bien luy auoit acertené que garder ne pouroit sa continence et chasteté, de qui touttefois elle vouloit garder la doctrine et avec ce la promesse que faicte luy auoit.

Or me conuient il dist elle vser du conseil de mon mary en quoy faisant ie ne puis encourir deshonneur puis qu'il m'en a baillé la licence, mais que ie ne ysse les termes de la promesse que i'ay faicte, il m'est aduis et il est vray quil m'en chargea que quant le cas aduiendroit que rompre me conuiendroit ma chasteté que ie esleusse homme qui fust sage bien renommé et de grande vertu, et non autre, en bonne foy, aussi feray ie, mais que ie puisse

en non trespasſant le bon conſeil de mon mary il me ſouffiſt largement, et ie tien qu'il n'entendoit point que l'homme deuſt eſtre ancien, ains comme il me ſemble qu'il fuſt jeune ayant autant de renommée en clergie et ſcience comme vng autre viel, telle fut la leçon comme il me eſt aduis. Es meſmes jours que ces argumens ſe faiſoient pour la partie de noſtre Damoiſelle et que elle queroit vng ſaige jeune homme pour luy refroidir les entrailles, vng tres ſaige Clerc arriua de ſon heur qui venoit preſchement de l'vniuerſité de Boulongne la graſſe, la ou il auoit eſté pluſieurs ans ſans retourner tant auoit vacqué et donné ſon attente a l'eſtude quen tout le pays n'y auoit Clerc de plus grant renommée par les magiſtraux de la Cité, et avec eux aſſiſtoit continuellement. Il auoit couſtume d'aller par chaſcun jour ſur le marchié a l'oſtel de la ville, et jamais ne pouoit paſſer que pardeuant la maiſon de la dicte Damoiſelle, a laquelle pleut tres bien ſa douce maniere, et combien qu'elle ne l'eut jamais veu exercer l'office de clergie toutteſſois elle jugea tantost qu'il eſtoit tres grant Clerc, auſquelz  
moiens

moiens elle ficha toute son amour en luy, disant qu'il garderoit la leçon de son mary, mais par quelle maniere elle luy pouroit monstrier son grant et ardant amour, et ouvrir le secret desir de son couraige elle ne scauoit, dont elle estoit tres desplaisante. Elle s'aduifa neantmoins pource que chascun jour ne failloit point de passer deuant son huys allant au marchié elle se mettoit nu perron pareé le plus gentement que pouroit, affin que au passer quant il getteroit son regard sur sa beaulté il la conuoitast et requist de ce dont on ne luy feroit refus. Plusieurs fois la Damoiselle se monstra, combien que ce ne fut au parauant sa coutume, et iasoit ce que très plaisante fut et telle pour que vng jeune couraige deuoit tantost estre esprins et allumé d'amours, toutteffois le saige Clerc jamais ne l'aperceust car il marchoit si gracieusement que en marchant ne geçtoit sa veuë ne ca ne la; et par ce moyen la bonne Damoiselle ne prouffitast rien en la facon quelle auoit pourpenséé et aduiséé, s'elle fut dolente il n'en est ja mestier de faire enqueste, et plus pensoit a son Clerc, et plus allumoit et espre-

noit son feu. A fin de piece après vng tas d'ymaginations que pour abregier ie passe le reciter conclud et se determina d'enuoyer sa petite meschinette deuers luy. Si la hucha et commanda qu'elle s'en alla demander vng tel, c'est a scauoir de ce grant Clerc, et quant elle l'auroit trouué ou qu'il fust luy dist que le plus en haste qu'il pouroit venist a l'ostel d'une telle Damoiselle femme et espouse d'vng tel, et que sil demandoit quelle chose il plaisoit a la Damoiselle, elle luy respondit que rien nen scauoit, mais tant seulement luy auoit dit qu'il estoit grande necessité qu'il venist. La fillette mist en sa memoire les mots de sa charge et se partit pour querir celuy qu'elle trouua et ne demoura gueres, car len luy enseigna la maison ou il mangeoit au disner, en vne grande compaignie de ses amys et autres gens de grant facon. Ceste fillette entra dedans et en salüant toute la compaignie se vint adresser au Clerc lequel elle demandoit, et oyant tous ceux de la table luy fist son message bien saigement ainsi que sa charge le portoit. Ce bon seigneur qui congnoissoit de sa jeunesse le marchant dont la fille  
luy

luy parloit et sa maison auffi bien comme la sienne , mais ignorant qui fut marié ne que fust sa femme pensa tantost que pour l'absence dudit marchand sa dicte femme le demandoit pour estre conseillée en aucune grosse cause comme elle vouloit , car ledit Clerc scauoit bien que le bon mary estoit dehors , et n'entendoit point la cautelle , ainsi comme elle , toutesfois il dist a la fillette ma mye allez dire a vostre maistresse que incontinent que nostre disner sera passé ie yray vers elle. La messagiere fist la responce telle qu'il failloit et que on luy auoit enchargé , et Dieu scait comme elle fut receuë de sa maistresse quant elle entendit les nouvelles que le Clerc son amy par amours deuoit venir , elle estoit la plus joyeuse que oncques fut femme , et pour la grande joye que elle auoit de tenir son Clerc en sa maison , trembloit et ne scauoit tenir maniere. Elle fist balaiz courre , par tout espan- dre la belle verdure en sa chambre cou- urir le lit et la couchette desployer riches couuertes tapis et courtines et se para et atourna des meilleurs atours et plus précieux qu'elle eust. En ce point  
l'atten-

l'attendit aucun petit de temps, qui luy sembla long a merueilles pour le grant desir qu'elle auoit. Tant fut desiré et attendu qu'il vint, et ainsi qu'elle laperceut venir de loing elle montoit et descendoit de sa chambre alloit et venoit maintenant cy, maintenant la tant esmuë qu'il sembloit quelle fut rauie de son sens, et en la fin monta en sa chambre et illec prepara et ordonna les bagues et joyaux quelle auoit attains et mis dehors pour festoyer et receuoir son amoureux. Si fist demourer en bas la fillette chambriere pour l'introduire et mener ou estoit sa dicte maistresse. Et quant il fut arriué la fillette le receut tres gracieusement et le mit dedans et ferma lhuys laissant tous ses seruiteurs dehors ausquels il fut dit qu'ils attendissent illec leur maistre. La Damoiselle oyant son amoureux estre arriué, ne se peut tenir de venir en bas a lencontre de luy quelle le salüa doucement, quant elle le vit le print par la main et le mena en la chambre que luy estoit appareilleé, et ou il fut bien esbahy quant il se trouua tant pour la diuersité des parements belles et precieuses ordonnances qui y estoient, comme  
aussi

aussi pour la tres grande beaulté de celle qui le menoit. Sitost qu'il fut en la chambre entré, elle se assit sur vne esca-  
 belle auprès de la couchette puis le fist  
 seoir sur vne autre joingnant d'elle, ou  
 ils furent aucune espace tous deux sans  
 mot dire, car chascun attendoit tous-  
 jours la parole de son Compaignon, l'vng  
 en vne maniere, l'autre en l'autre, car  
 le Clerc cuydant que la Damoiselle, luy  
 deust ouvrir aucune grosse et difficile  
 matière la vouloit laisser commencer. Et  
 elle d'autre costé pensant qu'il fut si saige  
 et si prudent que sans rien luy dire ne  
 remonstrer plus avant il deut entendre  
 pourquoy elle l'auoit mandé. Quant el-  
 le vit que semblant ne faisoit pour par-  
 ler elle commença et dist. Mon tres cher  
 parfait amy et tres saige homme je vous  
 vueil dire presentement la raison pour-  
 quoy et la cause qui ma meu a vous  
 mander. Je cuide que vous auez bonne  
 congnoissance et familiarité avec mon ma-  
 ry, en l'estat que vous me voyez icy  
 ma il laissé et abandonné pour aller sur la  
 mer, et mener ses marchandises en Ale-  
 xandrie comme il a de long temps ac-  
 coustumé. Auant son partement me dist  
 que

que quant il seroit absent il se tenoit tout  
seur que ma nature et fragilité me con-  
traindroient a rompre et briser ma conti-  
nance, et que par necessité me conuien-  
droit conuerfer avec homme affin d'estain-  
dre la chaleur qui en moy deuoit venir  
après son partement. En bonne foy ie le  
repute vng tres saige homme, car de ce  
qu'il me sembloit adoncqes impossible  
aduenir ie vois l'experience veritable, car  
mon jeune aage ma beaulté et mes ten-  
dres ans ne peuuent souffrir ne endurer  
que le temps despense et consume ainsi  
mes jours en vain, ma nature aussi ne  
se pouroit contenter, et affin que vous  
m'entendez bien a plain, mon sage et  
bien aduisé mary qui auoit regard a mon  
cas quant il se partit en plus grande di-  
ligence que moy mesmes voyant comme  
les jeunes et tendres fleurettes se sei-  
chent et amatissent quant aucun acci-  
dent leur aduient, et contre l'ordonnan-  
ce et inclination de leur nature par telle  
maniere consideroit il ce que m'estoit  
a aduenir. Et voyant clérement que se  
ma complexion et condicion n'estoient  
gouuernés selon l'exigence de leurs natu-  
rels principes gueres ne luy pouroye du-  
rer

fer. Si me fist jurer et promettre que quant il aduiendroit ainsi que ma nature me forceroit a rompre et briser mon entiereté je esleusse vng homme saige et de haulte auctorité qui couuert et subtil fust a garder nostre secret. Si est il que en toute la cité ie n'ay sceu penser, pour homme qui soit, plus ydoine que vous, car vous estes jeune et tres saige homme. Or m'est il aduis que ne me refusés pas ne rebouterés, vous voyez quelle ie suis, et si pouez l'absence de mon mary supplier et son lieu tenir, voire maintenant se c'est vostre bon plaisir car nul homme n'en scaura parlet. Le lieu le temps, toute opportunité nous fauorissant. Le bon seigneur preuenu et anticipé fut tout esbahy en son couraige de ce que la bonne Dame dist combien que nul semblant n'en fist. Il print la main destre a la Damoiselle et de joyeux viaire et plaisante chère luy commença a dire ces parolles. Je doy bien rendre et donner graces infinies a Madame fortune qui aujourdhuy me donne tant d'eur et me fait perceuoir le fruit du plus grant desir que ie pouuoie au monde auoir jamais, ne me reputeray  
ne

ne clameray infortuné, quant en elle treuve si large bonté. Je puis seurement dire que ie suis aujourdhuy le plus eureux de tous les autres, car quant ie concoy en moy ma tres belle et douce amyne comment ensemble passerons joyeusement nos jeunes jours sans ce que personne sen puisse appercevoir ne donner garde ie senglatis de joye. Ou est maintenant l'homme qui est plus aimé de fortune que moy, si ne fut vne seule chose qui me donne vng petit et legier empeschement a mettre a execution de ce dont la dilacion aygre me poise et desplaist, ie seroye le plus et mieulx fortuné de tout le monde, et me desplait souuerainement que ie ne le puis amander.

Quant la bonne Damoiselle qui a nul mal ny pensoit, oüyt qu'il y auoit aucun empeschement qui ne luy laissoit deployer ses armes, elle tres dolente et bien marie luy priaist quil le declarast pour y remedier s'elle pouoit. L'empeschement dist il n'est point si grant quen petit de temps nen soye deliuré, et puis qu'il plaist a vostre douceur le scauoir ie le vous diray. Du temps que i'estoye a l'estude a l'vniuersité de Boulongne la grasse, le peuple

ple de la Cité fut seduit et meu tellement que par Muthemathe s'esleua contre le seigneur, si fus accusé avec les autres mes Compaignons d'auoir esté cause et moyen de la seduction de Muthemathe pourquoy ie fus mis en prison estroite ou quel lieu quant ie m'y trouuay craignant perdre la vie pource que ie me sentoye innocent du cas, ie me donnay et voüay a Dieu luy promettant que s'il me deliuroit des prisons, et rendoit icy entre mes parens et amys ie jeune-roye pour l'amour de luy vng an entier chascun jour au pain et a l'eauë, et durant ceste abstinence, ne feroye peché de mon corps. Or ay ie par son aide fait la plus part de l'anneé et ne men reste gueres, je vous prie et requiers toutes-fois puis que vostre plaisir a esté moy eslire pour vostre que vous ne me changiez pour nul autre qui viue, et ne vous vueil ennuyer le petit delay que ie vous donneray pour accomplir mon abstinence qui sera brief faicte et qui pieca eut esté parfaite se ie me eusse osé confier en autruy qui me eut peu ayder et donner secours car ie suis quicte de chascune jeune que vng aultre feroit pour moy com-

me

me se ie la faisoie, et pource que i'ap-  
percoy vostre grande amour et confiance  
que vous auez fiché en moy ie mettray  
s'il vous plaist la fiance en vous que jamais  
n'ay osé mettre sur freres, amis ne pa-  
rens que j'aye doubtant que faulte ne me  
feissent touchant la jeune, et vous prieray  
que m'aydiez a jeuner vne partie des jours  
qui restent a l'accomplissement de mon an  
affin que plus bref ie vous puisse secourir  
en la gracieuse requeste que vous m'avez  
faicte. Ma douce et entiere amye ie n'ay  
mais que soixante jours, lesquels se cest  
vostre plaisir et vöulenté ie partiray en  
deux parties de quoy vous en aurez l'vne  
et moy l'autre, par telle condicion que  
sans fraude me prometterés m'en acquit-  
ter justement, et quant ils seront accom-  
plis nous passerons plaisamment nos jours,  
doncques se vous auez la vöulenté de  
moy ayder en la maniere que j'ay cy-des-  
sus dicte, dictes le moy maintenant. Il  
est a supposer que la grande et longue  
espace de temps ne luy pleut gueres,  
mais pource quelle estoit si doucement  
requisse de son amy, et aussi qu'elle de-  
siroit moult la jeune estre parfaicte et ac-  
complie affin quelle peust accomplir ses  
vöuloirs

vouloirs et desirs avec son amoureux pensant aussi que 30. jours n'arresteroient guerres, elle promist de les faire et accomplir sans frauder ne sans deception ou mal engin. Le bon et notable seigneur dessusdit voyant qu'il auoit gagné sa cause, et que ses besongnes se portoient tres bien, si print congé a la bonne Damoiselle que n'y pensoit nul mal, en luy disant que puis que sa voye et son chemin si estoit en venant de sa maison au marchié de passer deuant son huys que sans faulte il la viendroit bien souuent visiter, et a tant se departit. Et la belle Dame commença le lendemain a faire son abstinence en prenant ordonnance que durant le temps de sa jeûne elle ne mangeroit son pain et son eauë jusques après soleil reconuë. Quant elle eut jeuné trois jours, le sage Clerc ainsy qu'il sen alloit au marchié a l'heure qu'il auoit accoustumé d'aller veoir la Dame a qui il se deuisa longuement, puis au dire adieu il luy demanda si la jeune estoit ainsi commencée, et elle respondit que ouy. Entretenés vous ainsy dist il et gardés vostre promesse ainsy que l'avez faicte.

Tout entierement dist elle ne vous en doubtez. Il print congié et se partit, et elle perseuerant de jour en jour en la jeune, et gardoit l'obseruance en la facon qu'elle auoit promis tant estoit de bonne nature, elle n'auoit pas jeuné huit jours, que sa chaleur naturelle commença fort a refroider tellement que force luy fut de changer habillemens, car les mieux fourrez et enpennez qui ne seruoient qu'en l'yuer vindrent seruir au lieu des sengles et tendres quelle portoit auant l'abstinence entreprinse. Au quinziésme jour fut arriere visitté de son amoureux le Clerc qui la trouua foible que a grant paine pouoit elle aller par la maison et la bonne simplette ne se scauoit donner garde de la tromperie tant s'estoit abandonné a amours, et parfaitement mis son entente a perseuerer a celle jeusne, et pour les joyeux et plaisans delits qu'elle attendoit seurement a auoir avecques son grant Clerc lequel quant a l'entrer en la maison la veoit ainsi foible luy dist quelle viaire esse la et comment marchez vous maintenant j'appercoy que faictes l'abstinence a regret, et comment ma tres  
doulce

doulce amye, ayéz ferme et constant couraige, nous auons aujourdhuy acheué la moitié de nostre jeune se vostre nature est foible vainquez la par roideur et constance de cüeur, et ne rompez vostre lealle promesse. Il lamonestá si doulcement qu'il luy fist prendre couraige par telle facon qu'il luy sembloit bien que les autres quinze jours qui restoient ne luy dureroient gueres. Le vingtiesme vint auquel la simplette auoit perduë toute couleur, et sembloit a demy morte, et ne luy estoit plus le desir si grant comme il auoit cesté. Il luy conuint prendre le lit et y continuellement demourer, ou elle se donna aucunement garde que son Clerc luy faisoit faire abstinence pour chastier son desir charnel, si jugea que la facon et maniere estoient saigement aduiseés, et ne pouoient venir que d'homme bien saige, toutteffois ce ne la desmeüt point ne descourist qu'elle ne fust deslibérée et arrestée de entretenir sa promesse. Au penultiesme jour elle enuoya querir son Clerc que quant il la vit coucheé au lit, demanda se pour vng eul jour qui restoit auoit perdu cou-


raige, et elle entrerompant sa parole luy respondit, ha mon bon amy vous m'avez parfaictement et de loyalle amour aymeé, non pas deshonneſtement comme j'auois preſumé vous aymer, pourquoy ie vous tiens et tien dray tant que Dieu me donnera vie et a vous auſſi pareillement mon très chier et ſingulier amy qui auez gardeé et moy aprins mon entiere chaſteté, et l'honneur et la bonne renommeé de moy mon mary mes parens et amys. Benoist ſoit mon cher éſpoux de qui jay gardeé et entretenu la leçon qui donne grant apuiſement a mon cuëur. Or ca mon amy ie vous rends telles graces et remercie comme ie puis du grant honneur et biens que m'avez fait, pour leſquels ie ne vous ſcauroye ne pouroye jamais rendre ne donner ſuffiſantes graces non feroient tous mes amys. Le bon et ſaige Seigneur voyant ſon entreprinſe eſtre bien acheueé print congé de la bonne Damoiſelle, et doucement l'amonéſta qu'il luy ſouuint de chaſtier deſormais ſa nature par abſtinance, et toutes les fois qu'elle s'en ſentiroit eſguilloné par lequel moyen elle demoura

entiere


entiere jusques au retour de son mary  
qui ne sceut rien de l'adventure, car  
elle luy cela si fist le Clerc pareille-  
ment.


*Cy finissent les cent nouveaux comptes des cent  
nouvelles, composées et recitées par nouvel-  
les gens depuis nasquières.*


Nargue des Amours  
Sans les beaux Tours.




1870  
No. 100  
of the  
of the  
of the











SPECIAL 93-B  
10945  
v. 2

